

საქართველოს სსრ განათლების სამინისტროს პედაგოგიკურ
მეცნიერებათა სამეცნიერო საკვლევო ინსტიტუტი

13739
2

საერთო იაზვინი

გასაღები თბილისის ქართული გიმნაზიის ისტორიისათვის (1879—1923 წ.წ.)



ინსტიტუტის გამომცემლობა
19 თბილისი 56

373(47.922)(09)

საპარტვილოს სსრ ბანათლების სამინისტროს ვეღაგოგიკურ
მეცნიერებათა სამეცნიერო-საგვლეშვი ინსტიტუტი

საით იაშვილი

გასაღები თბილისის ქართული
გიმნაზიის ისტორიისათვის
(1879—1923 წწ.)

K13789
2

(გეორგი უმეწორობული გამომცემი)



ინსტიტუტის გამომცემლობა

თბილისი

1956

ს ა რ ა მ ბ ი

1. ავტორისაგან	3
2. I—თბილისის სათავადაზნაურო სკოლის დაარსება	5
3. II—თბილისის ქართული პროგიმნაზიის ორგანიზაცია	18
4. III—თბილისის ქართული გიმნაზია 1899—1904 წ. წ	36
5. IV—თბილისის ქართული გიმნაზიის რეორგანიზაციის საკითხი	47
6. V—გიმნაზიის აკლება და შიო ჩიტაძის ვერაგულად მოკვლა	84
7. VI—თბილისის ქართული გიმნაზიის მართვა-გამგებლობა	101
8. დ ა მ ა ტ ე ბ ა—ზოგიერთი ცნობა თბილისის ქართული გიმნაზიის პედაგო- გიური შემადგენლობისა და მოსწავლეების შესახებ	140





კერძო ინიციატივით დაარსებულმა თბილისის ქართულმა გიმნაზიამ თვალსაჩინო როლი შეასრულა ქართველი ახალგაზრდობის აღზრდის საქმეში ცარიზმის ბატონობის პერიოდში და ქვეყანას მისცა მრავალი გამოჩენილი მოღვაწე.

მოწინავე, პროგრესულად მოაზროვნე მასწავლებლები, რომლებიც გიმნაზიაში მუშაობდნენ, ქართველ მოსწავლე ახალგაზრდობაში ნერგავდნენ პროგრესულ იდეებს, აღვივებდნენ პატრიოტულ გრძნობებს, ნერგავდნენ მოსწავლეებში სწავლისადმი და შრომისადმი სიყვარულს.

ამ მასწავლებლის ისტორია, სამწუხაროდ, დღემდე შესწავლილი არაა. ეს მდგომარეობა ერთგვარ ხარვეზს ქმნის საქართველოში სწავლა-აღზრდის ისტორიის მეცნიერულ დამუშავებაში.

წინამდებარე „მასალებს თბილისის ქართული გიმნაზიის ისტორიისათვის“ არა აქვს სრულყოფილად დამუშავებული „ნარკვევების“ პრეტენზია.

ამ „მასალების“ დანიშნულებაა ერთგვარად შეავსოს აღნიშნული ხარვეზი და, რამდენადაც შესაძლებელია, აღადგინოს და თავი მოუყაროს თბილისის ქართული გიმნაზიის შესახებ არსებულ მასალებს.

ავტორი საჭიროდ თვლის აღნიშნოს, რომ საარქივო მასალების დიდი ნაწილი ამ მასწავლებლის შესახებ დაღუპულია 1906 წელს, როცა შავრაზმელების მიერ მოკლული იქნა გიმნაზიის დირექტორი შ. ჩიტაძე და განადგურებული იქნა გიმნაზიის არქივი და კანცელარია.

ამ მდგომარეობამ დიდად შეგვიშალა ხელი უფრო სრულად წარმოგვედგინა გიმნაზიის ისტორიის „მასალები“. ნაწილობრივ ამ ხარვეზს ავსებს იმდროინდელი ქართული პერიოდული პრესა და კერძო პირთა მოგონებანი, რომელიც ჩვენ შევავსოვეთ და დავამუშავეთ, აგრეთვე, თვით ჩვენი ხანგრძლივი პედაგოგიური მუშაობა (1902—1923 წ. წ.) ამ მასწავლებელში. მიუხედავად იმისა, რომ ეს „მასალები“ არ არის სრული, ჩვენ მაინც ვფიქრობთ, რომ იგი ერთგვარ წვლილს შეიტანს თბილისის ქართული გიმნაზიის ისტორიის დამუშავების საქმეში.

1. თბილისის სათავადაზნაურო სკოლის დაარსება

1

თვითმპყრობელობის რუსიფიკატორულმა პოლიტიკამ საქართველოში განსაკუთრებით მწვავე ხასიათი მიიღო 80-ანი წლების დასაწყისიდან. ქართველი მშრომელი ხალხის ჩაგვრისათვის ცარიზმში ფართოდ იყენებდა სკოლასაც. ცარიზმში ავიწროებდა, ზოგჯერ კი პირდაპირ აუქმებდა ადგილობრივ სკოლას. თეატრს, საგანმანათლებლო დაწესებულებებს იმისათვის, რომ ნასები სიბნელეში ჰყოლოდა. 1881 წელს კავკასიის სასწავლო ოლქის მზრუნველმა კ. პ. ი ა ნ ო ვ ს კ ი მ დაწყებით სკოლებში გაატარა თავისი ცნობილი სასწავლო გეგმა, რითაც დაიწყო ქართული ენის ჯერ შევიწროება, ხოლო შემდეგ მისი სრულიად განდევნა სკოლებიდან.

თუმცა მაშინდელ თბილისის გუბერნიაში მოსახლეობის უმრავლესობას ქართველები შეადგენდნენ, მაგრამ ქართველი მოსწავლენი სახელმწიფო სასწავლებლებში გაცილებით ნაკლები იყვნენ, ვიდრე სხვა ერების მოსწავლენი. ამის მიზეზი კი ის გარემოება იყო, რომ ქართველობა, გლეხებიცა და გალატაკებული და დაკნინებული თავადაზნაურობაც, მეტწილად სოფლად ცხოვრობდა, სადაც მას არავითარი შესაძლებლობა რა მოეპოვებოდა იმისათვის, რომ თავისი შვილები მოემზადებინა და სახელმწიფო სასწავლებლებში მიეღებინებინა. აქ საჭირო იყო საზოგადოებრივი დახმარება, და სწორედ ასეთი დამხმარე საზოგადოების დაარსება იქისრა გიორგი რომანის-ძე ერისთავმა.

გიორგი რომანის-ძე ერისთავი იყო გენერალი, ატენის ხეობის მფლობელი, ხალხი მას „დიდ კნიაზს“ ეძახდა. გიორგის დიდი სახელი ჰქონდა მოხვეჭილი როგორც რუსეთში, ისე საქართველოში.

გ. რ. ერისთავს შეუდგენია „საზოგადოება“, რომელმაც ხელი უწყო შეუწყოს ჩვენი ქვეყნის ღარიბ ხალხს, რომ შვილებმა რიგი-

ანი სწავლა და განათლება მიიღო სახაზინო სასწავლებლებში. გ. ერისთავს კრებისთვის განუმარტავს: „ვინ არ იცის, რომ ამ საგანზე ჩვენი გულგრილობა ჩვენი თავის სიკვდილია. ნუთუ ეგ არ მოულებს ბოლოს თვით ხალხსაც. ნუ თუ ეგ არ მოიწვევს ჩვენს თავზედა რისხვასა და წყევას ჩვენი შთამომავლობისას“.

ამ გიორგი ერისთავის შესახებ ილია ქავჭავაძე შემდეგს წერდა: „ჩვენს გაჭირვებას წამალი მოუპოვია... უჩუმრად, ხმაამოუღებელივ, უშფოთვარად შესდგა ამ ბოლო ხანს ერთი ფრიად სასარგებლო საზოგადოება — იგია „ლარიბ მოწაფეთა შემწე ტფილისის გუბერნიის თავად-აზნაურთა საზოგადოება“, შედგენილი გიორგი რომანიძე ერისთავის მეცადინეობით. — რასაც თვითონ არ ვიმოქმედებთო, სხვისაგან ბევრს ნურას ველოდებითო; რასაც თვითელი ცალკე ვერ შევძლებთო, ამას საზოგადოებრივად, ერთად ადვილად შევძლებთო — აი თარი ნაყოფიერი აზრი ამ მეცადინეობის დედა-ბოძად მიღებული“ („ივერია“, 1878 წ.).

„ლარიბ მოწაფეთა შემწე ტფილისის გუბერნიის თავად-აზნაურთა საზოგადოებას“ ატარჩევია გამგე კომიტეტი (თავმჯდომარე გ. რ. ერისთავი; ამხანაგი კ. ქ. მამაცაშვილი, წევრები: ვ. გ. თულაშვილი, ნ. ზ. ცხვედაძე, ი. ს. გოგებაშვილი, ლ. ი. მალალაშვილი, დ. გ. ერისთავი და ნ. პ. ქანანოვი), რომელსაც შეუდგენია სათანადო წესდება. კავკასიის მეფისნაცვალს წესდება 1880 წ. მარტში დაუმტკიცებია. აქვე მოგვყავს „საზოგადოების“ წესდება.

წესდება

„ლარიბ მოწაფეთა შემწე ტფილისის გუბერნიის თავად-აზნაურთა საზოგადოებისა“

§ 1.

„საზოგადოება“ მიზნად ისახავს ზელი შეუწყოს სწავლაგანათლების მიღებაში ლარიბ მოწაფეებს, უმთავრესად ამ „საზოგადოების“ წევრების შვილებს.

ამ მიზნის მისაღწევად „საზოგადოება“ აარსებს თავის სასწავლებლებს კავკასიის სასწავლო ოლქის მიერ კერძო სასწავლებლებისათვის დადგენილ წესების საფუძველზე და უწევს დახმარებას მატერიალური სახსრებით სხვა სასწავლებლების ნიჭიერ მოწაფეთ.

§ 2.

„საზოგადოების“ ქონება შესდგება: ა) საზოგადოების წევრების საველდებულო გადასახადებისაგან; ბ) შემოწირულებათაგან; გ) იმ თანხებიდან, რომელთაც ყოველწლიურად გადაურიცხავს საზოგადოებას თბილისის სათავად-აზნაურო საადგილმამულო ბანკი და დ) იმ შემოსავლიდან, რომელიც გროვდება „საზოგადოების“ მიერ გამართულ საჯარო ლექციებიდან, კონცერტებიდან, წარმოდგენებიდან და სხვ.

§ 3.

„საზოგადოება“ შესდგება ორივე სქესის ნამდვილი და საპატიო წევრებიდან. წევრების რიცხვი განსაზღვრული არ არის.

§ 4.

ნამდვილი წევრის სახელწოდება მიენიჭება ყველა იმ პირს, რომელიც „საზოგადოების“ კასაში ყოველწლიურად შეიტანს არა ნაკლებს სამი მანეთისა და ყოველ იმ პირს, რომელიც ითვლება თბილისის სათავად-აზნაურო საადგილმამულო ბანკის დამფუძნებელად, სანამ ეს ბანკი სწირავს ფულს საზოგადოების სასარგებლოდ. ის პირი, რომელიც წლის განმავლობაში საწევრო ფულს არ შემოიტანს, ჰკარგავს წევრობის სახელწოდებას.

§ 5.

საპატიო წევრის სახელწოდება საზოგადო კრების დადგენილებით ენიჭება იმ პირთ, ვინც ხელს შეუწყობს „საზოგადოების“ მიზნების განხორციელებას ან საკმაოდ დიდი შემოწირულებით არა ნაკლებ 500 მანეთისა, ან განსაკუთრებული თავისი მოღვაწეობით.

§ 6.

„საზოგადოების“ საქმეებს განაგებს როგორც ნამდვილ, ისე საპატიო წევრთაგან შემდგარი საზოგადო კრება და გამგე კომიტეტი.

§ 7.

საზოგადო კრებები შეიძლება იყოს ჩვეულებრივი და საგანგებო. ჩვეულებრივი მოიწვევა ყოველწლიურად, არა უგვიანეს 1 მაისისა „საზოგადოების“ გასული წლის მოქმედების განსახილველად და საშუალებათა გასარკვევად, რომელნიც საუკეთესოდ შეუწყო-

ბენ ხელს „საზოგადოების“ მიზნების მისაღწევად მომავალში, ამ წესდების შეცვლის ან წესდებაში დამატებების შეტანის მიზნით, აგრეთვე წესდებაში ნაჩვენებ სხვა საქმეთა გამო. საგანგებო კრებები ინიშნება საჭიროების მიხედვით ან გამგე კომიტეტის განკარგულებით ან საზოგადოების 25 წევრის კომიტეტში წერილობითი განცხადების შეტანით ასეთი კრების მოწვევის საჭიროების შესახებ. ჩვეულებრივი, ისე როგორც საგანგებო კრების მოწვევის შესახებ ცხადდება ადგილობრივ გაზეთებში ერთი თვით ადრე კრების დაწყებამდე იმ კითხვების აღნიშვნით, რომლებიც კრების მსჯელობის საგანს შეადგენენ.

შ ე ნ ი შ ვ ნ ა: 1. საზოგადო კრება ჩაითვლება კანონიერად, თუ კრებას დაესწრო „საზოგადოების“ არა ნაკლებ 25 წევრისა, ხოლო თუ დანიშნულ დღეს 25 წევრზე ნაკლები გამოცხადდა, მაშინ კრება მეორედ ინიშნება, რომელიც მოწვეული იქნება პირველი არ შემდგარი კრების ორი კვირის შემდეგ და ჩაითვლება კანონიერად, მიუხედავად იმისა, თუ რამდენი წევრი დაესწრო კრებას; მხოლოდ ამ კრებაზე განიხილება ის საქმეები, რომლებიც დანიშნული იყვნენ პირველ კრებაზე.

2. საზოგადო კრებაზე წარდგენილ საკითხებს წინდაწინ იხილავს გამგე კომიტეტი. საზოგადოების წევრებს უფლება ეძლევათ გამგე კომიტეტის მეშვეობით ჩვეულებრივი კრების მოწვევამდე ერთი თვით ადრე შეიტანონ წერილობითი განცხადებები. საკითხების განხილვის წესი და სხვა ამ საკითხების შესახებ კითხვები განისაზღვრება კრების თავმჯდომარის მიერ.

3. წლიური ანგარიში საზოგადო კრების მიერ დამტკიცების შემდეგ იბეჭდება ერთერთს ადგილობრივ გაზეთში. საზოგადო კრების მიერ დამტკიცებული ანგარიშის ასლი ეგზავნება თბილისის გუბერნატორს, ყოველი დადგენილება საზოგადო კრებისა შეტანილი უნდა იქნეს ოქმში და ამ ოქმს ხელს უნდა აწერდნენ თავმჯდომარე და გამგე კომიტეტის წევრები.

§ 8.

საზოგადო კრებაზე საქმეები წყდება დამსწრე წევრების ხმის უბრალო უმეტესობით, ხმების თანასწორად გაყოფისას თავმჯდომარის აზრს ენიჭება უპირატესობა.

§ 9.

გამგე კომიტეტი 7 წევრისაგან შესდგება: თავმჯდომარისა, მისი ამხანაგისა, მდივნისა, ხაზინადარისა და სამი წევრისაგან. თავმჯდომარესა და მის ამხანაგს ირჩევს საზოგადო კრება, ხოლო მდივნისა და ხაზინადარს თვით კომიტეტი თავისი წევრებიდან.

შ ე ნ ი შ ვ ნ ა: 1. გამგე კომიტეტის თავმჯდომარე თავმჯდომარეობს საზოგადო კრებაზე.

2. როცა თავმჯდომარე არ ესწრება კომიტეტის კრებას, მაშინ მის მფიცრობას ეწევა მისი ამხანაგი, ხოლო როცა ეს უკანასკნელიც არ ესწრება კრებას, მაშინ თავმჯდომარეობს კომიტეტის უფროსი წევრი.

§ 10.

გამგე კომიტეტის წევრებს საზოგადო კრება ოთხი წლის ვადით ირჩევს.

§ 11.

კომიტეტის ყველა წევრები „საზოგადოების“ საქმეს უსასყიდლოდ ემსახურებიან.

§ 12.

კომიტეტში, ისევე როგორც საზოგადო კრებაზედაც, საქმეები ხმის უბრალო უმრავლესობით წყდება. კომიტეტის გადაწყვეტილების სრულყოფისათვის საჭიროა მისი შვიდი წევრიდან არა ნაკლებ ოთხი წევრის დასწრება. საკითხების განხილვის წესის განსაზღვრა ევალება თავმჯდომარეს, როგორც კომიტეტში, ისე საზოგადო კრებაზე.

§ 13.

კომიტეტის სხდომებს საჭიროების მიხედვით კომიტეტის თავმჯდომარე იწვევს.

§ 14.

გამგე კომიტეტის, როგორც „საზოგადოების“ აღმასრულებელი ორგანოს მოვალეობას შეადგენს: 1) ზრუნვა „საზოგადოების“ მატერიალური სახსრების გადიდებისათვის და საზოგადოდ გამოძებნა ისეთი საშუალებებისა, რომლებიც საუკეთესოდ შეუწყობენ ხელს თავის მიზნის მიღწევისათვის; 2) თვალყურის დევნება საწევრო გადასახადების წესიერად შემოსვლისათვის; 3) განხილვა როგორც იმ ბავშვების საჭიროებათა, რომელნიც შემოდიან იმ სა-

სწავლებლებში, რომელნიც ეკუთვნიან საზოგადოებას, ისე იმ ბავშვებისათვისაც, რომელნიც სხვა სასწავლებელში სწავლობენ და თხოულობენ მატერიალურ დახმარებას; 4) ურთიერთობის დამყარება კომიტეტის თავმჯდომარის მეშვეობით დაწესებულებებთან და პირებთან „საზოგადოების“ საქმეების გამო; 5) შედგენა წლიური ანგარიშებისა, როგორც „საზოგადოების“ სალაროს შესახებ, ისე იმ სკოლების სალაროების შესახებ, რომელნიც „საზოგადოებას“ ექვემდებარებიან, აგრეთვე ფულის შემოსავალისა და გასავალის შესახებ საანგარიშო წლის განმავლობაში; 6) წარდგენა საზოგადო კრებისათვის თავის მოსაზრებათა „საზოგადოების“ საქმეთა გამო; 7) მოწვევა საგანგებო საზოგადო კრებებისა; 8) წარმართვა სასწავლო და სამეურნეო საქმეებისა იმ სკოლებში, რომელთაც საზოგადოება ინახავს; შედგენა მათთვის ინსტრუქციებისა; ახლო მეტაღეურობა სკოლებზე იმ ფარგლებში, რომელნიც ნაჩვენები არიან კავკასიის სასწავლო ოლქის მიერ კერძო სასწავლებლების შესახებ; არჩევა სასწავლო პერსონალისა სასწავლო მმართველობის თანხმობით.

§ 15.

„საზოგადოების“ თავისუფალი თანხები უნდა ინახებოდეს ქ. თბილისის ერთერთს საკრედიტო დაწესებულებაში მიმდინარე ანგარიშზე. საანგარიშო წიგნაკი უნდა ინახებოდეს ხაზინადართან, ხოლო ჩეკები — თავმჯდომარესთან.

§ 16.

„საზოგადოებას“ თავისი ბეჭედი აქვს.

§ 17.

„საზოგადოებას“ უფლება ეძლევა შეიძინოს სრულ საკუთრებად უძრავი ქონება „საზოგადოების“ საჭიროებისათვის.

§ 18.

იმ შემთხვევაში, როცა „საზოგადოება“ საზოგადო კრების დადგენილების თანახმად თავის მოქმედებას შეწყვეტს, ყველა განკარგულებაში არსებული ნაღდი თანხები და აგრეთვე ის ფული, რაც მისი ქონების გაყიდვის შემდეგ დარჩება, უნდა გადაეცეს თბილ. გუბერნიის თავდაზნაურობას თბილისის გუბერნიის მი-

წამომჰმედთა და მიწისმფლობელთა საჭიროებათა დასაკმაყოფი-
ლებლად.

ნამდვილს ხელს აწერენ:

კომიტეტის თავმჯდომარე გენერალ-ლეიტენანტი კ. მამაცა-
შვილი¹

იაკობ გოგებაშვილი²

წევრები: ნიკ. ცხედაძე³

თედ. ჟორდანია⁴

ვახტანგ თულაშვილი⁵.

¹ კონსტანტინე ჭრისტოფოროს-ძე მამაცაშვილი—გენერალი, საზოგადო მო-
ღვაწე; დაიბადა 1814 წელს.

² იაკობ სვიმონის-ძე გოგებაშვილი—გამოჩენილი პედაგოგი, საზოგადო მო-
ღვაწე (1840—1912 წწ.).

³ ნ. ცხედაძე—პედაგოგი და ცნობილი საზოგადო მოღვაწე (1845—1911 წწ.).

⁴ თედო ჟორდანია—სიბუღელეთა მკვლევარი (1854—1916 წწ.).

⁵ ვ. თულაშვილი—საზოგადო მოღვაწე (1842—1909 წწ.).

ზემოთ მოყვანილი წესდების საფუძველზე „საზოგადოების“ გამგე (კომიტეტს გაუხსნია სკოლა პანსიონით, რომელსაც ოფიციალურად მოქმედება 1879 წლის 6 თებერვალს დაუწყია) ამ ამბავს ქურნალი „ივერია“ (1879, № 1) ასეთ სიტყვებს უძღვნის:

„ახლად დაარსებულმა „ლარიზ მოწაფეთა შემწე ტფილისის გუბერნიის თავად-აზნაურთა საზოგადოებამ“ განიზრახა გამართვა თბილისში ისეთი სასწავლებლისა, სადაც მოზარდ ქართველებს მიეცემათ საშუალება პირველდაწყებითი განათლება თავის დედაენის შემწეობით მიიღონ. ეს განზრახვა ახლა სისრულეში მოყავს „საზოგადოების“ გამგებელ კომიტეტს, რომელმაც უკვე დაიჭირა კუკიაში მშვენიერი სასკოლო სახლი, მოიპოვა სკოლისათვის ყველა საჭირო ნივთეულობა და ხსნის სკოლას თებერვლის პირველ რიცხვებში.

ჩვენ საფუძველი გვაქვს ვსთქვათ, რომ ეს სკოლა ხეაღ, თუ ზეგ, ამ მოკლე ხანში შეიქნება სათავედ, საიდანაც აღმოცენდება ერთი კარგი კერძო გიმნაზია ქართველებისა“

დიდი ილია „ივერიის“ 1879 წლის მიმოხილვაში თანაგრძნობითა და ქებით იხსენიებს „ლარიზ მოწაფეთა შემწე საზოგადოებას“ და მის სკოლას. იგი წერს: „არსებობს ჩვენში სკოლა, ჭერჭერობით მოსამზადებელი, რომელიც უნდა გახდეს საშუალო სასწავლებლად და მით შეავსოს საქმე, რომლისათვისაც ხელის მოკიდებას აპირობს ახლად დაარსებული „საზოგადოება“. ეს საშუალო სასწავლებელი, ჩვენი საკუთარი, — ქართული სასწავლებელი, — შეიქნება ჩვენი ხალხისთვის სახსარი უფრო მომეტებული სწავლისა და განათლების შესაძენად; ეს სასწავლებელი გამოგვიზრდის ჩვენ საკუთარს, ქართველ ინტელიგენციას, ე. ი. იმგვარ პირთ, რომელნიც არიან დედაბოძნი ყოველის ხალხის განვითარებისა და წარმატებისა“¹.

გაზეთი „დროება“ (1879 წ. თებერვალი) კიდევ ასე შეგებები ახალ სკოლას: „გუშინ აკურთხეს ჩვენს ქალაქში „ლარიზ მოწაფეთა შემწე ტფილისის გუბერნიის თავად-აზნაურთა საზოგადოების“ სკოლა.

დიდძალი საზოგადოება დაესწრო ამ კურთხევაზე; ყველას დიდი

¹ ი. ჭავჭავაძე, ნაწერების სრული კრებული, ტ. XI, 1927, გვ. 27.

კმაყოფილება და სიამოვნება ეტყობათ ამ ქართული სკოლის გახსნის გამო.

სულთა და გულთ ვინატრით ამ ახლად დაბადებულ პირველი ქართული სკოლის წარმატებასა და დღეგრძელობას. ვინატრით რომ ის გადაქცეულიყოს გიმნაზიად და იმაში კურსშესრულებულ ყმაწვილ-კაცობას ნამდვილი ქართველის გული შერჩენოდეს და მამულიშვილობა არ დავიწყებოდეს“.

თვით რედაქტორი გაზეთ „დროებისა“ სერგეი მესხი ამ სიტყვებით შეეგება სკოლის გახსნას: „ადრე ჩვენი შვილების სწავლა უთაურად მიდიოდა. ახლა იმედი გვაქვს რამდენიმე ათი ყმაწვილი მაინც ამ სკოლის წყალობით სწორეთ ისეთს პირველ-დაწყებითს სწავლას მიიღებენ, როგორსაც ნამდვილი პედაგოგია მოითხოვს. ყველაზე პირველად ის მაინც იქნება, რომ ქართველი ყმაწვილები თავის გასაგებ ენაზე დაიწყებენ სწავლას, სხვა არა იყოს რა, ეცოდინებათ მაინც, თუ რას ეუბნება იმას მასწავლებელი, რაზე ელაპარაკება და რა საგანს უხსნის — ესეც დიდი ბედნიერებაა.“

მაგრამ ყველაზე უფრო ჩვენ იმიტომ გვიხარიათ ამ სკოლის გახსნა, რომ იმედი გვაქვს იმაში ისაღებურებს ნამდვილი ქართული სული, ქართული ხასიათი; იქ არ დაავიწყდებათ ყმაწვილებს, რომ ისინი საქართველოს შვილნი არიან, რომ ისინი შემდეგში თავის ქვეყანას უნდა ემსახურონ, რომ საქართველოს ხალხისათვის იზრდებიან ისინი. რა კეთილს ნაყოფს მოიტანს ამგვარი ხასიათის სკოლა — ეს ცხადია... ამბობენ, სკოლის დამაარსებელთ იმედი აქვთ, რომ ეს სკოლა თანდათან გაზარდონ, გაადიდონ, თანდათან უმატონ იმას კლასები ისე, რომ რამდენიმე წლის შემდეგ გიმნაზიად გადააკეთონ. თუ ეს იმედი შესრულდა, რაღა თქმა უნდა, ქართველი საზოგადოება ძლიერ და ძლიერ მოხარული უნდა იქნეს“ („დროება“, 1879 წ. № 31).

ამ ახალ გახსნილი სათავადაზნაურო სკოლის პირველი გამგე, რომელსაც ინსპექტორი ეწოდებოდა, შიო შიუქაშვილი იყო, ხოლო პირველი განყოფილების მასწავლებელი ოლა გურამიშვილი, შემდეგში ნიკო ნიკოლაძის მეუღლე.

„ლარიზ მოწაფეთა შემწე თბილისის გუბერნიის თავად-აზნაურთა საზოგადოება“ თბილისის სათავად-აზნაურო სკოლას ინახავდა „საზოგადოების“ წევრების სავალდებულო გადასახადით (წელიწადში 3 მანეთი), შემოწირულებებით, იმ თანხებით, რომელთაც ყოველწლიურად გადაურიცხავდა „საზოგადოებას“ თბილისის საადგილმამულო ბანკი, აგრეთვე იმ შემოსავლით, რომელიც გროვ-

² სერგეი მესხი — ცნობილი პუბლიცისტი, ჟურნალისტი (1844 – 1883 წწ.).

დებოდა „საზოგადოების“ მიერ გამართულ კონცერტებზე, წარმოდგენებზე და სხვ...

„საზოგადოების“ წესდების თანახმად, სკოლის როგორც სამეურნეო, ისე სასწავლო ნაწილი ჩაბარებული ჰქონდა „ღარიბ მოწაფეთა შემწე ტფილისის გუბერნიის თავად-აზნაურთა საზოგადოებას“, რომლის აღმასრულებელ ორგანოს წარმოადგენდა საზოგადო კრებაზე არჩეული, შვიდი წევრისაგან შემდგარი გამგე კომიტეტი.

1879 წლის 10 მაისს გამგე კომიტეტს „ღარიბ მოწაფეთა შემწე ტფილისის გუბერნიის თავად-აზნაურთა საზოგადოების“ კრებისათვის უკვე მოუხსენებია სკოლის ანგარიში მისი წარსული ოთხი თვის მოქმედების შესახებ.

ამ ანგარიშს გაზეთი „დროება“ ვრცელ წერილს უძღვნის და წერს:

„ამ ანგარიშიდან აღმოჩნდა, რომ გამგე კომიტეტმა „საზოგადოების“ მიზნის უკეთეს მისაწეველად საჭიროდ დაინახა მოსამზადებელი სკოლის გახსნა, სადაც ქართველთა შვილები მიიღებენ პირველდაწყებით სწავლას და მოემზადებიან სხვადასხვა სასწავლებელში შესასვლელათ. სკოლაში უნდა იყოს ოთხი განყოფილება, წლიური კურსით თვითუელში. სასწავლო საგნები არიან: საღმრთო სჯული, ქართული ენა, რუსული ენა, არითმეტიკა, გეოგრაფია, დაკვირვებითი სწავლა, ხატვა, გალობა და გიმნასტიკა.

ცხარე ბაასი ასტეხა ანგარიშის იმ ადგილმა, სადაც მოხსენებული იყო, რომ სწავლა პირველსავე სამ წელიწადს უნდა იყოს ქართულ ენაზე და მეოთხე წელიწადს რუსულს ენაზე. ილია ქავკაძე ამტკიცებდა, რომ სწავლა მეოთხე წელსაც ქართულს ენაზედ უნდა გაგრძელდესო და რუსული ენა მთელი კურსის განმავლობაში იყოს ცალკე საგანი და არა სწავლის საშუალება. ამასთან იმასაც უმატებდა, რომ ოთხი წლის განმავლობაში მასწავლებლები რუსულს ენას კარგად შეასწავლიან ბავშვებსაო, თუ იგინი იქნებიან მხნენი და მარჯვენო.

ამავე აზრს ესარჩლებოდნენ გ. წერეთელი¹ და ივ. მაჩაბელი². ნ. ცხედაძე არ ეთანხმებოდა; ამით; იგი ამტკიცებდა, რომ მართალია, მეტად სასურველი და სანატრელი საქმეა ქართული ენის შეუწყვეტელი ხმარება სკოლაში, მაგრამ ეს მხოლოდ მაშინ შეიძლება დაუბრკოლებლივ ასრულდეს, როდესაც ჩვენ თვითონ გვექნება

¹ გიორგი ექვთიმეს-ძე წერეთელი—ცნობილი მწერალი და საზოგადო მოღვაწე (1842—1900 წწ.).

² ივანე გიორგის-ძე მაჩაბელი—ცნობილი საზოგადო მოღვაწე, ჟურნალისტი, ზეჟსპირის პიესების მთარგმნელი (1854—1898 წწ.).

საკუთარი გიმნაზია. ახლა კი ამ აზრის ასრულება სკოლის მიზანს წინ გადაეღობებაო. ჩვენი სკოლის მოწაფეთ უნდა დაიჭირონ ეგზემენია სხვადასხვა საშუალო სასწავლებელში შესასვლელად და ამ სასწავლებლებში ისეთი ყურადღება მიქცეული რუსულ ენაზედ და ისეთს წმინდა რუსულს ითხოვენო, რომ ჩვენი მოწაფეები გამარჯვებით კონკურენციას ვერ გაუწევენ სხვაგან მომზადებულ ყმაწვილებსა, თუ ერთ წელიწადს მაინც არ ივარჯიშებენ რუსულ ენაზედ სწავლის გადაცემაში და არ შეისწავლიან მტკიცეთ საგნის ენასა, მათი ტერმინოლოგიით.

ორივე მხარე მტკიცედ იდგა თავის ჰაზრზედ და კრებაც ჩიხში მოექცა. ამ დროს ითხოვა ნება სიტყვისა კომიტეტის წევრმა უფ. იაკ. გოგებაშვილმა და სთქვა: „ეს ბაასი იმიტომ ატყდა, რომ ანგარიშში დაწვრილებით არ არის განმარტებული ეს საგანი. ის პირნი, რომელნიც წინააღმდეგი არიან რუსულ ენაზე სწავლებისა მეოთხე განყოფილებაში, უსათუოდ ფიქრობენ: პირველ სამ წელიწადს სამ ნაწილს ყველა საგნებისას ქართულად გაივლიან მოწაფენიო და მეოთხე წელიწადს მეოთხე ნაგლეჯს რუსულადო და მაშასადამე მთელი საგნების სწავლება ქართულს ენაზედ არ დამყარდებაო. ეს ასე არ გახლავთ: ის საგნები (არითმეტიკა, საღმრთო სჯული), რომლებშიაც ეგზემენია უნდა დაიჭირონ ჩვენმა მოწაფეებმა, პირველ სამ წელიწადს უნდა გაათავონ სრულიად, თავითბოლომდის ქართულ ენაზედ და მეოთხე წელიწადს რუსულ ენაზედ. მხოლოდ უნდა გაიმეორონ ყველა ის, რაც უსწავლიათ ქართულად. იმ საგნებს კი (გეოგრაფია, მაგალითად), რომლების ცოდნა არ მოეთხოვება ჩვენ მოწაფეთა ეგზემენიის დროსა, ჩვენი მოწაფენი ისწავლიან ქართულად არა მარტო სამ წელიწადს, არამედ მეოთხესაცა. ამგვარი დაწყობილება იცავს ყველა საგნების ინტერესსა და არც ერთი მხრით დანაკლისი არ არის. ეს დაწესებულება კომიტეტმა თავდაპირველადვე მიიღო და სისრულეში მოიყვანს, როცა შკოლა თავის კალაპოტში ჩავარდება და გაიხსნება თთხივე განყოფილება“ (გაზ. „დროება“, 1879 წ. ივნისი).

კომიტეტის ამგვარი გადაწყვეტილება კრებამ სავსებით მოიწონა.

1880—1881 სასწავლო წელს სკოლაში 81 მოწაფე ირიცხებოდა, აქედან —30 პანსიონერი, დანარჩენი კი გარედან მოსიარულე. 81 მოწაფიდან 68 თავად-აზნაური იყო, დანარჩენი 13—სხვა წოდებისა. გვარტომობით ყველანი ქართველები ყოფილან, გარდა სამი რუსისა, რომელთაც ქართული კარგად სცოდნიათ. 1880 წლის საზოგადო კრებაზე კომიტეტის წევრებად სამი ახალი წევრი აურჩევიათ: თე-

დო ჟორდანი, ვ. ს. მიქელაძე და ნ. ნიკოლაძე, დანარჩენი წევრები იყვნენ: ნ. ცხვედაძე, ნ. ქანანოვი, ვ. თულაშვილი და ვ. თუმანიშვილი. თავჯდომარედ კ. მამაცაშვილი და მოადგილედ ი. გოგებაშვილი ერთხმად უკენჰოდ აურჩევიათ.

სკოლის გამგედ, ინსპექტორად გამგე კომიტეტს ი. გ. მაჩაბელი აურჩევია. ამ არჩევანს ჩვენს ინტელიგენციაში თურმე უკმაყოფილება გამოუწვევია, რადგან ივ. მაჩაბელი უტხოთიდან ახლად დაბრუნებული და სულ სხვა საქმისათვის მომზადებული, როგორც პედაგოგი სრულიად გამოუცდელი ყოფილა. მაშინ როდესაც მისი მეტოქე ალ. ჭიჭინაძე უკვე გამოცდილი და სახელმწიფო პედაგოგი ყოფილა... კიდევაც ივ. მაჩაბელს ამ მისთვის შეუფერებელ საქმისათვის მალე დაუწეებებია თავი. თავისი განცდები და კომიტეტის ზოგიერთი წევრის უხეში და უგნური ჩარევა სკოლის მართვა გამგებაში ივ. მაჩაბელს აღწერილი აქვს. ვ. გ. მაჩაბლისადმი მიწერილ წერილში. (იხ. გაზეთ „სახალხო განათლება“, 1948 წ., № 28).

„საზოგადოების“ 1882 წლის ანგარიშის მიხედვით („დროება“, 1882, № 107), სათავადაზნაურო სკოლაში 140 მოწაფე ირიცხებოდა, აქედან პანსიონერი—63, გარედან მოსიარულე —77. ამ 77 მოწაფიდან სწავლის ფულისაგან განთავისუფლებული იყო 67. რუსული ენის სწავლება მეორე წლიდან იწყებოდა. სკოლის მოწაფეები დაუბრკოლებლად მიუღიათ სხვადასხვა საშუალო სასწავლებლების პირველ კლასში.

უნდა ითქვას, რომ საქართველოში ამ ერთადერთ ეროვნულ სასწავლებელს ილია ჭავჭავაძე დიდ მნიშვნელობას ანიჭებდა და ამიტომაც მის ცხოვრებაში მხურვალე მონაწილეობას იღებდა სიტყვითა და კალმით. ილია ჭავჭავაძე ხშირად მოდიოდა გიმნაზიაში, ესწრებოდა გაკვეთილებს, აკვირდებოდა პანსიონერების ყოფა-ცხოვრებას და სახლშიაც კი პატიჟობდა მათ.


აი როგორი შენიშვნაა დაბეჭდილი 1882 წლის გაზ. „დროების“ მე-2 ნომერში ამ სასწავლებლისადმი ილიას დამოკიდებულების შესახებ:

„შაბათს მაისის 29-ს იყო უკანასკნელი ეგზამენი თბილისის სათავადაზნაურო სკოლაში. სკოლის კომიტეტის წევრთა გარდა, ამ დღეს ეგზამენს დაესწრენ ილია ჭავჭავაძე, ალექსანდრე ორბელიანი, ლ. მაღალაშვილი, ზ. ბარათაშვილი და სხვ. დამსწრენი კმაყოფილებით ისმენდნენ მოსწავლეთა სიტყვა-პასუხს და მათგან თავისი ცოდნის გამოჩენას.

ეგზამენების შემდეგ მათ დახედეს ბავშვებს, როდესაც ესენი სადილსა სჭამდნენ... აქ ერთს გარემოებას მიაქციეს ყურადღება —

ღვინის უქონლობას სუფარზე.— ძალიან კარგი იქნებაო, ბრძანა
 ალექსანდრე ორბელიანმა, რომ ამ ბავშვებს ღვინო ჩვენ უგზავნოთ
 ხოლმე...

— აი, ბატონებო, შევგროვდეთ ერთი! თხუთმეტიოდე კაცი,



ივანე მაჩაბელი


სთქვა ილიამ, და დავაწესოთ, რომ თვითეულმა ჩვენგანმა წელიწად-
 ში ოროლი კოკა ღვინო¹ და თხუთმეტ-თხუთმეტი კოდი² პური შეა-
 წიოს ხოლმე ამ სკოლას.

ამ წინადადებაზე ყველა იქ მყოფთ ერთხმად თანხმობა გამოა-
 ცხადეს... იქ არ მყოფნიც, რომელთაც სწავლისათვის გული ერჩო-

¹ კოკა—ღვინის საწყაოა, კოკაში თორმეტი თუნგია, თუნგში 6 ჩარეჭა (ლიტ-
 რა). კოკა=72 ჩარეჭას (ლიტრა).

² შუა ქართლში კოდი უდრიდა 4 ფუტს, ზემო ქართლში (ხაშურისა და ქა-
 რელის რაიონები)—5 ფუტს, შიგნით კახეთში—3 ფუტს. 4—ფუთიან კოდში 8
 ჩანახია.

დათ კმაყოფილებით იკისრებდნენ პატარა საზოგადოების წევრობას
და მით თავის ერთადერთ სკოლას დიდს შემწეობას აღმოუჩენდნენ.
ექვი არ არის, რომ აქ მოხსენებული საქმედ გადაიქცევა: საკმაოა



ნიკო ლომური


ზემოთ დასახელებული პირები გაეხსენოთ, რომ ყოველივე იშვანე-
ულობა ამ სიტყვების განხორციელებაში გაიფანტოს“.

ეს შენიშვნა, ვფიქრობ, ეკუთვნის ნიკოლოზს, რომე-
ლიც 1882 წელს სათავადაზნაურო სკოლის გამგე იყო.

II. თბილისის ქართული პროგიმნაზიის ორგანიზაცია

1884 — 1885 სასწავლო წლიდან სკოლასთან გაიხსნა პირველი
პროგიმნაზიური კლასი და ამ პროგიმნაზიური კლასების გახსნა დას-
რულდა 1890 წელს. ასე რომ, 1890 წლიდან თბილისის კერძო სა-

თავდაზნაურო სკოლა უკვე პროგიმნაზიის სახით არსებობს. მეხუთე გიმნაზიური კლასი უსახსრობის გამო 1896 წლამდე ვერ გაიხსნა, ამიტომ 1890 წლიდან 1896 წლამდე, სანამ ქართულ გიმნაზიაში მეხუთე კლასი გაიხსნებოდა, პროგიმნაზიის მაშინდელს გამგეს



ალ. კიკინაძე

ალ. კიკინაძეს პროგიმნაზიის კურსდამთავრებული მოსწავლეები ზაფხულში მანგლისში მიჰყავდათ და იქ პროგიმნაზიის მასწავლებლები განსაკუთრებით ამზადებდნენ მათ, რომ აგვისტოში სახელმწიფო გიმნაზიაში წარმატებით ჩაებარებინათ მე-5 კლასში მისაღები გამოცდები.

1887 წელს ილია ჭავჭავაძესთან მიიყვანეს პატარა სესი — ივანე ნიქარაძე, ხოლო ილიამ ნიქარაძე ქართულ პროგიმნაზიაში გამოგზავნა აღსაზრდელად. როცა ნიქარაძემ ჩვენი პროგიმნაზია გაათავა, შემდეგ სწავლა განაგრძო თბილისის ვაჟთა მესამე გიმნა-

ზიამი, ხოლო ბინა, ქამა-სმა, ჩაცმა-დახურვა ისევ ქართულ სასწავლებელში ჰქონდა და ასე იყო გიმნაზიის დამთავრებამდე; შემდეგ ქართულმა გიმნაზიამ სტიპენდია დაუნიშნა და პეტერბურგში, ახლანდელ ლენინგრადში, დაამთავრებინა ისტორიულ-ფილოლოგიური ფაკულტეტი. იგი დოცენტი იყო, ლათინურ და ბერძნულ ენას ასწავლიდა სახელმწიფო უნივერსიტეტში. „საზოგადოების“ ხარჯზე გიმნაზიაში სხვადასხვა დროს იზრდებოდნენ აქარლებიც.

„1886 წელს გაზაფხულზე ჩვენი გიმნაზიის შენობაში „წ. კ. გ. საზოგადოების“ კრებები იმართებოდა. ამ კრებებს ესწრებოდა საზოგადოების გამგეობის თავმჯდომარე ილია ქავჭავაძე. გიმნაზიის გამგეს ალ. კიკინაძეს ვთხოვეთ პანსიონერებმა — ეჩვენებია ჩვენთვის ილია... პატარა ხნის შემდეგ პანსიონში შემოვიდნენ ილია ქავჭავაძე და ალ. კიკინაძე. ილია მოგვესალმა, გვითხრა მოკლე სიტყვა და ბოლოს მისს სახლში სადილად დაგვპატიჟა... დანიშნულ დღეს გამგისა და აღმზრდელის თანხლებით ვეწვიეთ ილიას“ (დამსახურებული ექიმის ნ. ჯანდიერის მოგონებიდან).

ილია ქავჭავაძე დიდ ინტერესს იჩენდა გიმნაზიაში სწავლების დაყენების მიმართაც. ის არაერთხელ დასწრებია გაკვეთილებს და თავისი მოსაზრებები გამოუთქვამს სწავლების მნიშვნელოვან საკითხებზე. ასე, მაგალითად, 1896 წელს ის ივანე მაჩაბელთან ერთად დაესწრო არისტო ქუთათელაძის გაკვეთილს.

პროგიმნაზიის ტიპის გამოკვეთვა

„ლარიბ მოწაფეთა შემწე ტფილისის გუბერნიის თავად-აზნაურთა საზოგადოების“ კრებებზე დღიდან სკოლის დაარსების, თითქმის ყოველწლივ წამოიჭრებოდა ხოლმე საკითხი, თუ რა ტიპის სკოლა უფრო შეეფერებოდა „ლარიბ მოწაფეთა შემწე ტფილისის გუბერნიის თავად-აზნაურთა საზოგადოების“ მოთხოვნილებებს.

1888 წელს გამგე კომიტეტში ნ. ზ. ცხვედაძემ წარადგინა სამეურნეო სასწავლებლის ორი პროექტი. 1893 წელს „საზოგადოებაში“ აღიძრა სათავადაზნაურო პროგიმნაზიის სრულ გიმნაზიად გადაკეთების საკითხი, მაგრამ დადებითად ვერ გადაიჭრა. გამგე კომიტეტის ყოფილი თავმჯდომარე კ. ქ. მამაცაშვილი არაერთხელ აყენებდა საკითხს სასწავლო უწყების წინაშე, რომ ქართულ პროგიმნაზიას მინიჭებოდა სახელმწიფო სასწავლებლის უფლებები, მაგრამ ყოველთვის უარი მიუღია.

1893 წელს „საზოგადოების“ მორიგ კრებაზე აირჩიეს 15 პირი-საგან შემდგარი კომისია, რომელსაც უნდა წარმოედგინა მოხსენება პროგიმნაზიის ტიპის შესახებ. კომისიაში არჩეული იყვნენ: ნ. ი. ნიკოლაძე¹, ი. ს. გოგებაშვილი, დ. ა. გურამიშვილი, ნ. ვ. ორბელიანი, მ. ა. გრუზინსკი, ა. ი. ბაქრაძე, ე. ნ. ჩერქეზიშვილი, პ. ი. ყიფიანი, პ. გ. ნაკაშიძე, ა. ს. ფირალოვი, დ. ი. მუსხელოვი, ი. ა. გამყრელიძე, გ. დ. ქუთული, ი. ზ. ანდრონიკაშვილი და ი. ს. ჯაბადარი.

ამ კომისიის წევრები მაშინდელი ქართული მოწინავე საზოგადოების თვალსაჩინო მოღვაწეები იყვნენ, და ეს გარემოება ადასტურებს, თუ რა მნიშვნელობას ანიჭებდა ქართველობა ამ სასწავლებელს.

კომისიის წევრი პ. გ. ნაკაშიძე არ დაეთანხმა უმრავლესობის აზრს და კომისიაში თავისი კერძო აზრი წარადგინა. ჩვენი ფიქრით, პ. ნაკაშიძის კერძო აზრი იმ დროისათვის საყურადღებოა, ამიტომ მოგვყავს ის.

„სათავად-აზნაურო სკოლის ტიპის გამომმუშავებელ
კომისიის წევრის პეტრე გიორგის-ძის ნაკაშიძის²

გ ა ნ ც ხ ა დ ე ბ ა

კომისიის მიერ გადასაქრელი საკითხი იმის შესახებ, თუ რა ტიპის სკოლა უფრო უპასუხებს ჩვენი თავად-აზნაურობის საჭიროებებს, უკვე საბოლოოთაა გადაწყვეტილი იმ მიმართულებით, რომ ამჟამად არსებული სკოლა მიჩნეულია როგორც ყველაზე უფრო დამაკმაყოფილებელი ჩვენი მოთხოვნილებებისა განათლების დარგში. ამიტომაც ხსენებულ შეკრებილობაში შესვლა წინადადებით, რომ ჩვენთან მოწყობილი იქნეს აგრეთვე სხვა ტიპის სკოლაც, სახელდობრ სასოფლო-სამეურნეო, ჩემი აზრით არ შედის კომისიის მოვალეობათა და უფლებამოსილებათა ფარგლებში.

მაგრამ ამ წმინდა ფორმალური მხარის გარეშე, არსებობს მეორე უფრო არსებითი მიზეზიც, რომ არ აღიძრას ჩვენში ჭერჯეობით სასოფლო-სამეურნეო სკოლის მოწყობის საკითხი, რომელსაც სრულიად არა აქვს გადაუდებელი აუცილებლობის ხასიათი.

ჩვენი ქვეყნის მიმართ ეგრონომიული განათლების საკითხის შესახებ მსჯელობისას ჩვეულებრივ მხედველობის გარეშე რჩება

¹ ნ. ი. ნიკოლაძე—ცნობილი ბუბლიცისტი და საზოგადო მოღვაწე (1842—1928 წწ.).

² პ. გ. ნაკაშიძე (1838—1895 წწ.)—საზოგადო მოღვაწე, რომელსაც ილია ჭავჭავაძემ უძღვნა „ქართულის დედა“ და „დმიტრი თავდადებული“.

ხოლმე საქმის ერთი საყურადღებო მხარე, სახელდობრ: ამ განათლების გამოყენება ჩვენი სოფლის მეურნეობის პირობებში. ჩვენი ეკონომიური ვითარების საველად მდგომარეობა, რომელსაც ჩვეულებრივ იყენებენ ხოლმე, როგორც დამამტკიცებელ საბუთს ჩვენში აგრონომიული ცოდნის გავრცელების აუცილებლობისა, წარმოადგენს კიდევაც მთავარ დაბრკოლებას ამ ცოდნის ცხოვრებაში გამოყენებისათვის. მეცნიერული მიწათმოქმედება ანუ სოფლის მეურნეობის წარმართვა აგრონომიის საფუძველზე, უეჭველად მოითხოვს განსაზღვრულ ხარჯებს, რომლებიც ხელმიუწვდომელია დღეს, როგორც რაიმე კაპიტალის მარაგის უქონლობის გამო, ისე იმდენადვე სხვა მრავალი ჩვენი ცხოვრების არახელსაყრელი ეკონომიური პირობების წყალობით. მეცნიერება ევლინება მაშველად მიწათმოქმედებას მხოლოდ მისი ამოცანების გართულებისას, რომელნიც ჩვეულებრივ წარმოიშობიან მოსახლეობის გარკვეული სიმჭიდროვის, მიწის მცირე ნაკვეთიანობის, ბაზრების მრავალფეროვანების, სოფლის მეურნეობის პროდუქციებზე გაძლიერებული მოთხოვნილების დროს და საზოგადოდ კეთილდღეობის და ცივილიზაციის გარკვეულ საფეხურებზე; ასეთ პირობებში მიწათმოქმედების გაუმჯობესებული წესებით წარმართვა მოგვებით აანაზღაურებს გაწეულ ხარჯებს.

ჩვენში კი მიწათმოქმედება იმყოფება თითქმის პრიმიტიულ მდგომარეობაში, მასზე გაწეული ხარჯები საზარალოა და ზოგჯერ კიდევაც გამანადგურებელი. მთელი ჩვენი უბედურება იქიდან კი არ წარმოდგება, რომ ჩვენ სკოლები არა გვაქვს, არამედ საქმის იმ ვითარებით, რომლის ძალითაც ჩვენი მოხმარების ყოველი საგანი, დაწყებული უბრალო პერანგითა და ლურსმანით და გათავებული ძვირფასი ქსოვილებითა და ისტრუმენტებით, იძულებული ვართ გამოვიწეროთ ზღვებისა და ოკეანეების გადაღმიდან. გარდა ამ საგნების ადგილზე ღირებულებისა ჩვენ მათში ვუხდით ჩვენ ვაჭრებს კიდევ უზარმაზარ მძიმე გადასახადს, საკომისიო და სხვა ზედნადების ხარჯების სახით, რომელთა გადახდაზე ყოველწლიურად მიდის მთელი ჩვენი შრომის ხელფასი, რის წყალობითაც ასე ძლიერად ფერხდება ჩვენს ქვეყანაში კაპიტალების დაგროვება, რაც თავის მხრივ იწვევს ჩვენი ეკონომიური ცხოვრების სრულ დაკნინებას.

კეთილდღეობის განვითარებისაკენ მიმავალი გზა ერთია: იგი ზუსტადაა განსაზღვრული ევროპელი ხალხის ათასწლიური კულტურული ცხოვრებით და წარმოადგენს ამა თუ იმ ქვეყანაში საქარხნო-საფაბრიკო მრეწველობის მუდმივ და ყოველდღიურ განვითარებასა და გავრცელებას.

ზემოთმოყვანილ მოსაზრებათა საფუძველზე, მე არ შემიძლიან

დავეთანხმო კომისიის უმრავლესობის აზრს სასოფლო-სამეურნეო სკოლის მნიშვნელობის და ჩვენთვის აუცილებლობის შესახებ და ვთვლი მის მოწყობას ყოველ შემთხვევაში ნაადრევად.

ამასთან მაქვს პატივი ვაცნობო კომისიას, რომ შერყეული ჯან-პრთელობის გამო საშუალება არა მაქვს დავესწრო მის სხდომებს.

თავ. პ. გ. ნ ა კ ა შ ი ძ ე.

თბილისი, 1895 წ. მაისი“.

1895 წელს იაკობ გოგებაშვილს ამავე კომისიაში შეუტანია კერძო აზრი, სადაც მოითხოვდა, რომ სკოლაში კლასიკური კლასების პარალელურად გახსნილიყო რეალური კლასებიც და, ამრიგად, სკოლას ორნაირი—კლასიკურ-რეალური ხასიათი ჰქონოდა.

ყველა ეს მასალა გამგე კომიტეტს თავის კრებაზე განუხილავს და მორიგ საზოგადო კრებაზე თავისი მოსაზრება წარუდგენია.

„დაგროვილ მასალაში გამოთქმულ აზრების მიხედვით ჩანს, რომ, თუ გვსურს საზოგადოების დახმარებით ქართველებს გაეხსნათ სწავლის გზა, უნდა ვიქონიოთ საკუთარი სასწავლებელი. ეს აზრი ყველასაგან იყო აღიარებული კრებაზე. მაგრამ საგანმა, თუ რა ტიპის სასწავლებელი უფრო საჭიროა ჩვენთვის და რამდენ კლასიანი უნდა იყოს ეს სასწავლებელი, გამოიწვია სხვადასხვა მოსაზრება. ყველა ეს მოსაზრებანი შეიძლება ზუთად გაიყოს.

პ ი რ ვ ე ლ ი მ ო ს ა ზ რ ე ბ ა. კლასიკურ გიმნაზიებს უპირატესობა აქვთ მანიჭებული მთავრობისაგან. აქ კურსს შესრულებულთ უფრო ფართო გზა აქვთ დათმობილი. ამათ შეუძლიანთ შევიდნენ ყოველსავე მაღალ სასწავლებლებში და ესევე არ შეიძლება ითქვას რეალურ სასწავლებლებში კურსს შესრულებულებზე. ეს დიდი გარემოებაა. რამდენადაც სწავლის მეტი გზა ექნებათ ჩვენს მოსწავლე ყმაწვილებს, იმდენი კარგია, რადგანაც ჩვენი სამშობლო საჭიროებს მომქმედ პირთ არა მარტო ერთ ასპარეზზედ, არამედ ცხოვრების ყოველ ასპარეზზედ; რამდენად საჭიროა აგრონომიის და ექიმობის მცოდნე კაცი, იმდენად საჭიროა კარგი და განვითარებული მოხელე. ყველა ამას ისიც უნდა დაუმატოთ, რომ ტფილისში სამი კლასიკური გიმნაზიაა და მინამ ჩვენს სასწავლებელს ექნება მოსამზადებელი ხასიათი, პრაქტიკული მოსაზრება მოითხოვს, რომ კლასიკურს ნიადაგზე იდგეს იგი, რადგანაც ამ შემთხვევაში უფრო ბევრის ყმაწვილების მიცემა შეიძლება სახელმწიფო სასწავლებლებში, რომლებითაც უთუოდ უნდა ვსარგებლობდეთ. ყველა ამის მიხედვით უნდა შევიჩანოთ ჭედაობით ის სასწავლებელი, რომელიც ეხლა

გვაქვს, და, თუ შეძლება გვექნება, ამ სასწავლებელთან გავხსნათ რეალური კლასებიც.

მ ე ო რ ე მ ო ს ა ზ რ ე ბ ა. ჩვენი ქვეყნის სიმდიდრე, ჩვენი დედამიწის ნოყიერება, აგრეთვე ჩვენი ცხოვრების გარემოება. — ყველა ეს მოწმობს, რომ ჩვენთვის უფრო შესაფერია სამეურნეო სასწავლებელი. ჩვენი მიწა-წყლისათვის დაღვარეს სისხლი ჩვენმა წინაპრებმა: ამ მიწა-წყალმა შეგვინახა ჩვენ აქამოდღენ და ამან უნდა დაგვიფაროს მომავალშიაც. მხოლოდ ამჟამად მიწა-წყალს სხვანაირი მოვლა უნდა, სხვანაირი შემუშავება. — ძველი ხვნა და თესვა, ძველებურად ღვინის დაყენება, ერთის სიტყვით მამა-პაპურად მიწის შემუშავება წინ ვერ წაგვწევს. ეხლა სხვა დროა, სხვას მოითხოვს ჩვენი აწინდელი ცხოვრება. თუ ეხლავე არ შევუდგებით ხალხში გონივრულ მეურნეობის გავრცელებას, ჩვენი ხალხი, გლეხი თუ თავადი, კეთილდღეობის სფერაში ფეხს ვერ მოიკიდებს, უფრო და უფრო ჩავარდება სიღარიბეში და ეს დაბოლოვდება იმით, რომ ჩვენ მამა-პაპათა ნაანდერძი მიწა-წყალი ხელიდან გამოგვეცლება. ამისათვის, საჭიროა, რომ ჩვენს საკუთარ სასწავლებელს ჰქონდეს სამეურნეო ხასიათი და ამ ღონისძიებით შეიძლება მოვეფინოთ ხალხში ჭეშმარიტი ცოდნანი შესახებ მეურნეობისა.

მ ე ს ა მ ე მ ო ს ა ზ რ ე ბ ა. აწინდელი სათავად-აზნაურო პროგიმნაზიის ნაკლულევანება იმაში მდგომარეობს, რომ არ არის დამთავრებული, და ამისათვის სხვის ხელში შემაცქრელია. რომ სასწავლებელი რიგიანად წავიდეს, რომ სასწავლებელს ბევრი შეგირდები ჰყავდეს, საკმაო არ არის კიდევ, რომ ბავშვებს კარგად ასწავლიდნენ. კარგის სწავლის გარდა სასწავლებელი უნდა აძლევდეს თავის მოწაფეებს დამთავრებულს სწავლას ანუ კლასიკურს, ანუ რეალურს, ანუ სამეურნეოს. ამისათვის აწინდელი ქართული პროგიმნაზია უნდა გადაკეთდეს რვა კლასიან სასწავლებლად და მიეცეს სრულიად არავისზედ დამოკიდებული ხასიათი.

მ ე ო თ ხ ე მ ო ს ა ზ რ ე ბ ა. სახლის ბურჯი არის ქალი, იმაზეა დამოკიდებული სახლის წესი და ავკარგიანობა. თუ ქალი განათლებულია, მომზადებულია ცხოვრებასთან საბრძოლველად, მაშინ იგი შვილებსაც კარგ გზაზედ აყენებს და უნერგავს მათ გულში სწავლის სიყვარულს. მოზარდ ყმაწვილების ბედი ქალზეა დამოკიდებული. ამბობენ, რომ სახელმწიფო სასწავლებლებში ქართველები ცოტანი არიანო. ეს სრულიად მართალია და მართალია იმისთვის, რომ ქართველთა დედათა შორის ძლიერ ცოტა პირთ შეუძლიანთ მოამზადონ თავიანთი შვილები ისე, რომ მათ შეეძლოთ სახელმწიფო სასწავლებელში შესვლა და რიგიანად იქ სწავლა. აი

ამის მიხედვით უმჯობესი იქნება იმ ფულით, რა ფულსაც ეხლა ვხარჯავთ ქართულ პროგიმნაზიაზე, დავაფუძნოთ დედათა სასწავლებელი, რომლის შემწეობითაც შეგვეძლება ვიყოლიოთ მომავალში მრავალი გონიერი და განათლებული დედა.

მ ე ხ უ თ ე მ ო ს ა ზ რ ე ბ ა. გარემოებანი და საჭიროებანი ჩვენის საზოგადოებისა ცხადად გვიჩვენებენ, რომ უნდა ვიქონიოთ კლასიკური პროგიმნაზია. ამ გვარს სასწავლებელს სხვა ტიპის სასწავლებლის წინაშე დიდი უპირატესობა აქვს: 1) ამის შუამავლობით ყმაწვილების უფრო მომეტებულს ნაწილს ეძლევა გზა სახელმწიფო სასწავლებლებში შესასვლელად, მინამ სხვა ტიპის სასწავლებლის შუამავლობით. 2) თუ სახელმწიფო კლასიკურ გიმნაზიაში ჩვენი სკოლიდან გადასულებმა კურსი გაათავეს, იმათ ადვილად შეუძლიანთ შევიდნენ ყოველგვარ მაღალ სასწავლებელში; ესევე, რასაკვირველია, არ ითქმის რეალურს სასწავლებელში კურსშესრულებულზედ, 3) ყველა ამას გარდა ოთხკლასიანი პროგიმნაზია შეიძლება ადვილად შეიქმნეს სათაურად რომელიმე სპეციალურის სკოლისა. თუმცა ეს ასეა, მაგრამ წინადადეგ უნდა ვიცოდეთ, რომ, რაც უნდა ბევრი ვეცადოთ, რაც უნდა კარგი პირობები შემოვიარტყათ გარშემო ჩვენს სასწავლებელს, მაინც ძნელი მოსახერხებელია, ძნელი მოსალოდნელია, რომ ყველა ჩვენს სასწავლებელში კურსგათავებული შევიდეს სახელმწიფო სასწავლებელში. ყოველთვინ რამდენიმე ყმაწვილი დარჩება სასწავლებლის გარეშე. ამათი რიცხვი ზშირად მეტი იქნება, ვინემ იმ ყმაწვილების რიცხვი, რომელნიც მოახერხებენ, სახელმწიფო სასწავლებელში შესვლას. ამის მოწმეა ჩვენის პროგიმნაზიის ისტორია. მომეტებული ნაწილი ჩვენს პროგიმნაზიაში კურსშესრულებულისა ცამეტის წლის განმავლობაში რჩებოდნენ სახელმწიფო სასწავლებლის გარეშე სხვადასხვა პროგიმნაზიაზე დამოუკიდებელ მიზეზებისა გამო. პრაქტიკული გონიერობა მოითხოვს, რომ ვიფიქროთ რამ ეხლა მაინც ჩვენი პროგიმნაზიის იმ მოსწავლეებზეც, რომელნიც სხვადასხვა მიზეზების გამო ვერ შედიან სახელმწიფო სასწავლებელში. საქმის დატოვება ისე, როგორც აქამდის იყო, დიდი შეცდომა იქნება ჩვენის მხრიით.

ი ა მ სახით ხუთი სხვადასხვა აზრი გამოითქვა იმის შესახებ, თუ რა ტიპის და რამდენ კლასიანი სასწავლებელი უნდა ვიქონიოთ. პირველი აზრით, უნდა დარჩეს ის სასწავლებელი, რომელიც ამჟამად აქვს თავადაზნაურობას, მხოლოდ თუ შეძლება ექმნება თავადაზნაურობას, ამ პროგიმნაზიასთან პარალელ კლასებად უნდა გაიხსნას რეალური კლასებიც. მეორე აზრით, უნდა გადაკეთდეს

აწინდელი სასწავლებელი სამეურნეო სასწავლებლად. მესამე აზრით, უნდა დაარსდეს სრული რომელიმე საშუალო სასწავლებელი — ან გიმნაზია, ანუ რეალური სასწავლებელი, ანუ კიდევ საშუალო სამეურნეო სასწავლებელი. მეოთხე აზრით, ქართული პროგიმნაზიის ბადად უნდა დაარსდეს დედათა სასწავლებელი ქართველი ქალებისათვის და, მეხუთე აზრით, უნდა დაცულ იქმნას აწინდელი ქართული პროგიმნაზია — ოთხი მოსამზადებელი და ოთხი კიდევ პროგიმნაზიული კლასი, მხოლოდ უთუოდ უნდა ვიზრუნოთ იმ ჩვენს პროგიმნაზიაში კურსშესრულებულებზედ, რომელნიც სხვადასხვა მიზეზებისა გამო ვერ ახერხებენ სახელმწიფო სასწავლებლებში შესვლას. მათთვის უნდა დაფუძნდეს სამეურნეო კლასები სამი წლის კურსით, სრულიად ცალკე. მომეტებული ნაწილი დამსწრეთა პირთა პირველის აზრისა იყო, რაც შეეხება იმ საგანს, თუ რამდენად საჭიროა, რომ ქართული პროგიმნაზიისათვის ვიშუამდგომლოთ უფლებანი სახელმწიფო სასწავლებლისა, — ამ საგნის გადაწყვეტა კრებაზე დამსწრე პირთა სცნეს უდროვოდ და დასტოვეს იმ მდგომარეობაში, რომელ მდგომარეობაშიაც აქამდის იყო.

იმ საგნის გამო კიდევ, რომ პროგიმნაზიის წარმატებისათვის საჭიროა გაუჩინოთ პროგიმნაზიის შეუწყვეტილი წყარო — სამუდამო ფონდი, გადაწყვეტილ იქნა ერთხმად შემდეგი: ა) ეთხოვოს ტფილისის გუბერნიის თავად-აზნაურთა წინამძღოლს მისცეს მსვლელობა თავად-აზნაურთა გადაწყვეტილებას ფულის მოგროვების შესახებ ერთმანეთში თავიანთ შვილების აღზრდისათვის; ბ) იქმნეს ღონისძიება მიღებული, რომ ბანკის წლიურის საზოგადო საჭიროებისათვის დანიშნულ ფულიდამ პროგიმნაზიის სასარგებლოდ გადიდოს ხოლმე არა ნაკლებ 80 პროცენტისა და გ) ყიდვიტ მოპოვებულ იქნას არწრუნისეული ქარვასლა, რომელიც დარჩა ბანკს, იმ პირობით, რა პირობებსაც გამოიკვლევს გამგე კომიტეტი და ბანკის შმართველობა.

• გამგე კომიტეტმა ყველა ეს მოსაზრებანი და გადაწყვეტილებანი განიხილა დაწვრილებით და თავის მხრით დაადგინა შემდეგი:

1) აწინდელი ქართული პროგიმნაზია — ოთხი მოსამზადებელი კლასი და ოთხი პროგიმნაზიური — ჯერაობით უნდა დარჩეს ისე, როგორც ეხლა არის. მომავალში, თუ თავად-აზნაურობას ღონისძიება ექმნება, მას უნდა მოემატოს შემდეგი გიმნაზიური კლასები და გადაკეთდეს სრულ საშუალო სასწავლებლად;

2) მინამ ქართული სასწავლებელი წარმოადგენს პროგიმნაზიას.

მას უნდა ჰქონოდეს მოსამზადებელი ხასიათი და იგი უნდა იყოს აუზი-სათაური, საიდგანაც ჩვენის ცხოვრების შესაფერად აღზრდილს ყმაწვილებს შეეძლებათ გადასვლა სახელმწიფო სასწავლებლებში;

3) დიდი მნიშვნელობა აქვს ქართული პროგიმნაზიისათვის პანსიონს; ამისათვის მომავალში, როდესაც პროგიმნაზია იქნება გადატანილი სხვა სადგომში, პანსიონერების რიცხვს ერთიორად უნდა მოემატოს;

4) სასურველია, რომ იმ ყმაწვილებს, რომლებიც ქართულ პროგიმნაზიიდან გადადიან სახელმწიფო სასწავლებლებში და ქალაქში პატრონი არა ჰყავთ, ბინა ჰქონდეთ ხოლმე ისევ ჩვენს პროგიმნაზიის პანსიონში, ანუ კიდევ სხვაფრთვი მზრუნველობა უნდა ჰქონდეს ხოლმე მათზე გამგე კომიტეტს;

5) ცხადია, რომ ქართულ პროგიმნაზიაში კურსშესრულებულები ყველა ვერ შევა სახელმწიფო სასწავლებელში; ბევრი მათგანი დარჩება სასწავლებელს გარეშე სხვადასხვა მიზეზების გამო; აგრეთვე ყველამ ვიცით, რომ სახელმწიფო სასწავლებლებიდანაც ბევრი ქართველი გამოდის სხვადასხვა მიზეზებისა გამო და სწავლას თავს ანებებს. ყველა ესენი იძულებული ხდებიან დაბრუნდნენ სოფლად და, რადგანაც სოფლურ ცხოვრებისაგან არაფერი არ იციან, ამისათვის მეტს ტვირთს ადგენენ ყველასათვის. ამ გარემოების მიხედვით უნდა დაარსებულ იქნას ქალაქის გარეშე სამეთურნეო სასწავლებელი სამი წლის კურსით, სადაც შეეძლოთ შესვლა ყველა იმ მოსწავლე ყმაწვილებს, რომელნიც ათავებენ კურსს ქართულ პროგიმნაზიაში და სხვადასხვა მიზეზების გამო ვერ ახერხებენ სახელმწიფო სასწავლებელში შესვლას“

თქმუდომარე მ ა ლ ა ა შ ვ ი ლ ი

დ. ფ ა ვ ლ ე ნ ი შ ვ ი ლ ი—სათავად-აზნაურო
ბანკის დირექტორი.

წევრები: ვლ. ვ ა ჩ ნ ა ძ ე

ი. მ ა ჩ ა ბ ე ლ ი

ნ. ც ხ ვ ე დ ა ძ ე¹.

საზოგადო კრებაჲ გამგე კომიტეტის ყველა შემოხსენებული მოსაზრება და გადაწყვეტილება მიიღო და, ამნაირად, ქართულ პროგიმნაზიას კვლავ მოსამზადებელი სასწავლებლის ხასიათი შერჩა.

„საზოგადოების“ წევრებად ითვლებოდნენ სათავად-აზნაურო

¹ იხ. „სათავად-აზნაურო სკოლის ტიპის გამომმუშავებელი კომისიის მასალები“, დაბეჭდილი 1895 წ. ცალკე წიგნად.

ბანკის დამფუძნებელი წევრები, რიცხვით 1700 კაცზე მეტი, დი ის პირები, ვინც საწევრო გადასახადს 3 მანეთის რაოდენობით შეიტანდა „საზოგადოების“ სალაროში.

ქართულ პროგიმნაზიასთან, დაარსებიდანვე ვიდრე 1906 წლამდე, არსებობდა პანსიონი (50—145 მოწათისათვის). პანსიონერთაგან ზოგი „საზოგადოების“ სრულ ხარჯზე იყო (მათ შორის ქართველი მაჰმადიანები), ზოგი—„საზოგადოების“ ნახევარ ხარჯზე (შექმონდათ წელიწადში ათ-ათი თუმანი), ან კენჭის ყრით (ვისაც კენჭი ერგებოდა, მას მიიღებდნენ,—ამა თუ იმ ქველმოქმედის სახელზე), ზოგიც კიდევ—სრულ საკუთარ ხარჯზე (შექმონდათ წელიწადში ოც-ოცი თუმანი).

1895 წელს პროგიმნაზიის მოსამზადებელი კლასებისათვის შეუდგენიათ პროგრამა, რომლის შინაარსი ასეთია:

პირველ განყოფილებაში მიიღებიან უგამოცდოდ (7 და 8 წლისანი), მეორე განყოფილებაში შემსვლელთათვის (8 და 9 წლისანი) კი იქნება გამოცდები პროგრამით:

1) საღმრთო სჯული

შემოკლებულნი მოთხრობანი ძველ და ახალ აღთქმიდან (იხილე „დედა-ენაში“ მოთხრობანი საღმრთო ისტორიიდან). ლოცვები: დაწყებითი ლოცვა, სამების ლოცვა, ლოცვები სწავლის წინ და სწავლის შემდეგ, ლოცვები სადილის წინ და სადილის შემდეგ, ზულის წმინდის ლოცვა, საუფლო ლოცვა, ლოცვა მეფისა და მამულისათვის.

2) ქართული ენა

კითხვა და წაკითხულის თავის სიტყვებით გადმოცემა, ზეპირად ცოდნა იმ ლექსებისა და პასუხის მიგება იმ სასაუბროებზედ, რომელნიც მოქცეული არიან „დედა-ენის“ მეასე გვერდამდის.

3) რუსული ენა

ცოდნა იმ სიტყვებისა და ფრაზებისა, რომელნიც მოქცეულნი არიან იაკობ გოგებაშვილის სახელმძღვანელოს („რუსკოე სლოვო“) ლექსიკურ განყოფილებაში.

4) არითმეტიკა

ყოველმხრივი შესწავლარიცხვებისა 1-დან 20-მდის. ყმაწვილებს უნდა შეეძლოთ: შეერთება გამოკლება, გამრავლება და გაყოფა.

უნდა იცოდნენ აგრეთვე ხშირად სახმარებელი ზომები.

III განყოფილებაში შემომსვლელთათვის (9 და 10 წლისა):

1) საღმრთო სჯული

უმთავრესი მოთხოვნანი ძველისა და ახალი აღთქმისა. ლოცვები: სწავლის წინ და სწავლის შემდეგ, ლოცვები სადილის წინ და სადილის შემდეგ, სულის წმიდის ლოცვა, საუფლო ლოცვა, პირველი და მეორე ლოცვა ღვთის მშობლისადმი, ლოცვა მეფისა და მამულისათვის ლოცვები დილისა და საღამოსი (სახელმძღვანელო გ. იოსელიანისა, ლოცვანი მისივე).

2) ქართული ენა

გარკვევით კითხვა და წაკითხულის თავის სიტყვებით გარდმოცემა იმ მოთხოვნებისა, რომელნიც მოთავსებული არიან „დედაენაში“. ეს წიგნი სრულიად შესწავლილი უნდა ჰქონდეს ყველა თავის სავარჯიშოებით.

3) რუსული ენა

გარკვევით კითხვა და წერა. თარგმნა სავარჯიშოებისა, რომელიც მოთავსებულია იაკობ გოგებაშვილის „რუსოვ სლოვო“-ს პირველ ნაწილში. იმავე წიგნის მეორე ნაწილიდან უნდა ჰქონდეს შესწავლილი არა ნაკლებ 40-ის მოთხოვნისა, ისე რომ ყმაწვილს შეეძლოს ქართულად გადათარგმნა ყოველ სიტყვისა და ფრაზისა; ამას გარდა ყმაწვილს უნდა შეეძლოს ხსენებულ სტატიების შინაარსის გადმოცემა რუსულად, როგორც მასწავლებლის კითხვების შემწეობით, ისე მისდა დაუხმარებლად.

4) არითმეტიკა

ყოველმხრივ შესწავლა რიცხვებისა 1-დან 100-მდის და ხშირად სახმარებლის ზომების ცოდნა. ტაბულა გამრავლებისა („სახელმძღვანელო კრებული არითმეტიკული ამოცანებისა“, რ. ჯაჭანიშვილისაგან შედგენილი).

VI განყოფილებაში შემომსვლელთათვის (10 და 11 წლისა):

1) საღმრთო სჯული

მოთხოვნანი ახლისა და ძველის აღთქმიდან, ლოცვები რუსულად და ქართულად: დაწყებითი ლოცვა, ლოცვები სწავლის წინ და სწავლის შემდეგ, ლოცვები სადილის წინ და სადილის შემდეგ.

სულის წმიდის ლოცვა, პირველი და მეორე ლოცვა ღვთის მშობლისადმი, ლოცვა მეფისა და მამულისათვის. ქართულად: დილის ლოცვა, საღამოს ლოცვა, ათი მცნება სიმელო სარწმუნოებისა (სახელმძღვანელო „საღმრთო ისტორია“ გ. იოსელიანისა).

2) ქართული ენა

გარკვევით კითხვა და გადმოცემა წაკითხულის სტატიებისა თავის სიტყვებით. დასახელება სიტყვის ნაწილებისა (სახელმძღვანელო ი. გოგებაშვილის „ბუნების კარი“).

3) რუსული ენა

გარკვევით კითხვა და წაკითხულის ახსნა ქართულად და რუსულად; ერთი სიტყვის ან ფრაზის მაგივრად მეორე მსგავსის სიტყვის და ფრაზის ხმარება. წერა კარნახით (სახელმძღვანელოდ იხმარება „რუსკოე სლოვო“, საიდგანაც უნდა შესწავლილი ჰქონდეს ყველა პატარა მოთხრობანი და რამდენიმე ლექსი ზეპირად წიგნის მესამე გვერდამდის). შესწავლილ სტატიების შინაარსის გადმოცემა რუსულად.


4) ა რ ი თ მ ე ტ ი კ ა

საზეპირო და წერითი ანგარიში რიცხვებად 1—10.000 (ათი ათასამდე). ოთხი უმთავრესი მოქმედება (შეერთება, გამოკლება, გამრავლება ერთ ნიშნოვან რიცხვებზედ), ცოდნა გამრავლების ტაბულისა და ხშირად სახმარებელი ზომებისა. რუსულად ახსნა საზეპირო ამოცანებისა 1—1.000 (ერთიდან ათასამდის).

შ ე ნ ი შ ვ ნ ა: პირველი პროგიმნაზიური კლასიდან დაწყებული ყველა პროგიმნაზიურ კლასებში მიღებულია საერო განათლების სამინისტროს პროგრამები. ქართული ენიდან უნდა იცოდნენ პირველ კლასებში შემომსვლელებმა: 1) გარკვევით კითხვა, წაკითხულის გადმოცემა თავის სიტყვებით; 2) გრამატიკიდან: მარტივ წინადადების ნაწილები და ეტიმოლოგიიდან სიტყვის ნაწილების გამოცნობა.

1896 სასწავლო წლისათვის ქართული პროგიმნაზია შედგებოდა მოსამზადებელი კლასის ოთხი ძირითადი და სამი (2, 3, 4) პარალელური განყოფილებისაგან და ხუთი გიმნაზიური კლასისაგან. ამათგან მეხუთე გიმნაზიური კლასი და მესამე და მეოთხე განყოფილების პარალელური კლასები 1896 წლის სექტემბრიდან გაიხსნა.

პროგიმნაზიის პროგრამა სავსებით ემთხვეოდა სამინისტროს გიმნაზიურ პროგრამას; განსხვავება მხოლოდ ის იყო, რომ, სხვა



ქართული გიმნაზიის გაშენების კომიტეტის შემადგენლობა 1895 წ. სხედან: მარცხნიდან თ. ყაზბეგი, მ. ჯამბაყური-არბელისა (კომიტეტის თავმჯდომარე), ნ. ცხედაძე, ი. წიანმღერიშვილი, დგანან: მარჯვნიდან ექ. თაყაიშვილი და მ. შიფიანი.

საგნებს გარდა, სათავადაზნაურო პროგიმნაზიაში ისწავლებოდა ქართული ენა, საქართველოს ისტორია და საქართველოს გეოგრაფია.

1896 სასწავლო წელს პროგიმნაზიაში ირიცხებოდა 408 მოწაფე, რომელთაგან 112 პანსიონერი იყო და 296 — გარედან მოსიარულე. პანსიონერთა შორის 27 „საზოგადოების“ სრულ ხარჯზეა, 57 — „საზოგადოების“ ნახევარ ხარჯზე (შეაქვთ წელიწადში ათ-ათი თუმანი) და 28 — საკუთარ ხარჯზე (შეაქვთ წელიწადში ოც-ოცი თუმანი). გარედან მოსიარულე თითოეული მოწაფე სწავლის ფულს იხდიდა 12 მანეთს. საანგარიშო წელს სწავლის ფულისაგან განთავისუფლებული იყო 126 მოწაფე, ე. ი. ნახევარზე ცოტა ნაკლები.

წოდებრივად მოწაფეები ასე იყვნენ განაწილებულნი: თავად-აზნაური — 218, გლეხი და მოქალაქე — 168, სასულიერო წოდებისა — 21; ყველა მოწაფე ქართველი იყო, გარდა 2 სომხისა და 1 უცხოელისა.

1896 წელს „საზოგადოებას“ შემდეგი სტიპენდიანტები ჰყავდა სხვადასხვა უნივერსიტეტში:

კონსტანტინე მაყაშვილი — შემდეგში პოეტი და საზოგადო მოღვაწე;

ნიკ. ჯანდიერი — ქართული გიმნაზიის ყოფილი მოწაფე შემდეგ დამსახურებული ექიმი;

კონს. ელიოზიშვილი — ამ გიმნაზიის ყოფილი მოწაფე შემდეგ დამსახურებული ექიმი;

მიხ. ქორიძე — ამ გიმნაზიის ყოფილი მასწავლებელი, შემდეგ ხელოვნების დამსახურებული მოღვაწე;

გიორგი ყაზახიშვილი — ამ გიმნაზიის ყოფილი მოწაფე, შემდეგში თბილისის ქართული გიმნაზიის მასწავლებელი;

გიორგი ნათიშვილი — ამ გიმნაზიის ყოფილი მოწაფე, ექიმი;

ივანე ნიქარაძე — ამ გიმნაზიის ყოფილი მოწაფე, შემდეგ თბილისის სტალინის სახელობის სახელმწიფო უნივერსიტეტის დოცენტი;

შოი ჩიტაძე — შემდეგში თბილისის ქართული გიმნაზიის დირექტორი, ტრაგიკულად მოკლული 1906 წელს და სხვა.

„საზოგადოებამ“ ღროებითი შემწეობა აღმოუჩინა შემდეგ სტუდენტებს და სხვა მოსწავლეებს:

გრიგოლ ქურდიანს — შემდეგში მეცნიერების დამსახურებულ მოღვაწეს;

იოსებ მაყაშვილს — შემდეგში იურისტს, ადვოკატს;

ლუარსაბ ანდრონიკაშვილს — შემდეგში სტალინის სახელობის

სახელმწიფო უნივერსიტეტის პროფესორს, გამოჩენილ იურისტს;
ივანე (ია) კარგარეთელს — ცნობილ კომპოზიტორს;
გრიგოლ გაბაშვილს — გამოჩენილ მხატვარს;
ლევან ფავლენიშვილს — დამსახურებულ ექიმს;
ვლ. ბილანიშვილს.

1897 წლის 1 სექტემბრიდან სასწავლებელში გაიხსნა მეექვსე გიმნაზიური კლასი, გიმნაზიური კლასები და სამი ძირითადი განყოფილება (2, 3 და 4) მოთავსებული იყო ერმოლოვის (ახლა შ. ჩიტაძის) ქუჩაზე, სელიუკოვის სახლში, ხოლო პარალელური განყოფილებანი და მოსამზადებელი კლასის პირველი განყოფილება იმყოფებოდა გუდოვიჩის (ახლა ჭონქაძის) ქუჩაზე, ყორღანოვის სახლში.

1897—1898 სასწავლო წელს სასწავლებელში ირიცხებოდა 490 მოწაფე, მათგან 116 პანსიონერი და 374 გარედან მოსიარულე. პანსიონერთა შორის 26 „საზოგადოების“ სრულ ხარჯზე იყო, 53 — ნახევარ ხარჯზე (შექმონდათ წელიწადში ათ-ათი თუმანი) და 37 — საკუთარ ხარჯზე (წელიწადში იხდიდნენ ოც-ოც თუმანს). გარედან მოსიარულე მოწაფეები წელიწადში იხდიდნენ 12 მანეთს სწავლის ფულს. 1897—1898 წელს სწავლის ფულისაგან განთავისუფლებული იყო 150 მოწაფე.

წოდებრივად მოწაფეები ასე იყვნენ განაწილებული: თავადაზნაური — 263, გლეხი და მოქალაქე — 183, სასულიერო წოდებისა — 29, მოხელეთა შვილები — 14; ეროვნებით — 2 სომეხი და 1 უცხოელი.

1897 წელს „საზოგადოების“ სტიპენდიატებად დარჩენილან წინა წლის სტიპენდიატები, შ. ჩიტაძის გამოკლებით, დროებით შემწეობა კი „საზოგადოებამ“ აღმოუჩინა შემდეგ სტუდენტებს და სხვა მოსწავლეებს:

ლევან ფავლენიშვილს — დამსახურებულ ექიმს;

ივანე ახალშენიშვილს — შემდეგში ცნობილ კბილის ექიმს, მთარგმნელს;

ქაიხოსრო ყიფიანს — შემდეგში ქურანლისტს;

სვიმონ კანდელაკს — ამ გიმნაზიის ყოფილ მოწაფეს, ტროპიკულ დაავადებათა ინსტიტუტის ყოფილ დირექტორს; პროფესორს; დავით ვაშაყიძეს — შემდეგში ექიმს;

გიორგი ნატრაძეს — ნიჭიერ მუსიკოსს, რომელიც ადრე დაიღუპა და სხვათ.

1897 წლის ნოემბერში ქართული გიმნაზიის პედაგოგიურმა საბჭომ და გამგე კომიტეტმა გიმნაზიის შენობაში მოაწყო ილია ჭავჭავაძის 40 წლის სალიტერატურო და საზოგადო მოღვაწეობის იუ-

ბილე. როცა იუბილარი ილია შემოვიდა შენობაში, ზ. ჩხიკვაძის მიერ გაწვრთნილი გიმნაზიის მოძღვრალთა გუნდი მას კახური „მრავალჟამიერიით“ შეხვდა (მაშინ ამ გუნდში მღეროდა გიმნაზიის მოწაფე შემდეგ „საქართველოს ბუღბუღალ“ წოდებული ვ ა ნ ო ს ა რ ა ჯ ი შ ვ ი ლ ი). ამან ილია ისე ააღელვა, რომ კარგა ხანს გარინდებულ იდგა და ბოლოს თქვა: ამ შეხვედრამ ჩემზე ისე იმოქმედა, რომ სიტყვა შემეკრა და მადლობის თქმაც ველან მოვახერხე.

შემდეგ გაიმართა საღამო-კონცერტი, რომელზედაც გიმნაზიის მოწაფეები დიდი გრძნობით კითხულობდნენ ილიას ლექსებსა და პოემის ნაწყვეტებს.

1898 წლის 1 სექტემბერს სასწავლებელში გახსნეს მეშვიდე გიმნაზიური კლასი. 1898—1899 სასწავლო წელს სასწავლებელში ირიცხებოდა 537 მოწაფე, მათგან 121 პანსიონერი და 415 გარედან მოსიარულე. საანგარიშო წელს სწავლის ფულისაგან (12 მან.) განთავისუფლებული იყო 202 გარედან მოსიარულე მოწაფე.


„საზოგადოების“ მორიგ კრებაზე ამ წელს წამოიჭრა სწავლის ფულის გადიდების საკითხი. იყო წინადადება, რომ სწავლის ფულს 12 მანეთიდან 40 მანეთამდე გაედიდებიათ, მაგრამ კრებაზე ამ წინადადების წინააღმდეგ გამოვიდა ილია ჭავჭავაძე, რომელმაც განაცხადა: „სწავლის ფული კი არ უნდა გავადიდოთ, არამედ სულაც უნდა გავაუქმოთ, რადგანაც ჩვენს სკოლაში უფრო ღარიბი მოწაფეები სწავლობენ“. ამ აზრს კრება დაეთანხმა და სწავლის ფული აღარ გაუდიდებიათ.

ამავე 1898 წელს გამგე კომიტეტმა „საზოგადოების“ კრებას მოახსენა, რომ კომიტეტმა სასწავლებლის საკუთარი შენობის აგების მიზნით ს. ბებუთაშვილისა და მისი დის ნატალია ალექსანდრეს ასული ხერხეულიძისაგან შედარებით მცირე ფასში (20.000 მ.) შეიძინა 6 დესეტინა მიწა იმ პირობით, რომ ორი დესეტინა მომავალ დედათა სასწავლებელს დაუთმოს. ეს თანხა (20.000 მან.) კერძო პირთა და დაწესებულებათა შორის შეუფროვებია დიდ ენთუზიასტს, უდრეკი ნებისყოფის პატრონს, გამგე კომიტეტის უცვლელ წევრს, ენერგიით სავსე პედაგოგს ნ. ცხვედაძეს. გამგე კომიტეტმა კრებას იხზოვა, რომ შემომწირველნი, წესდების თანახმად, ჩარიცხული ყოფილიყვნენ საზოგადოების საპატიო წევრებად.

კრებამ კომიტეტის წინადადება მიიღო და საპატიო წევრებად აირჩიეს: დ. ზ. სარაჯიშვილი, ა. გ. მდივანი, გ. ს. განძიელი, კ. ი. ზუბალაშვილი, ი. ბ. საგინოვი, გ. ნ. სხირტლაძე, ს. ბებუთაშვილი, ნ. ა. ხერხეულიძისა და სხვ.

ამავე კრებაზე ილია ჭავჭავაძის წინადადებით ნ. ზ. ცხვედაძეს

კრებამ მადლობა გამოუცხადა ფულის შეკრებაზე გაწეული დიდო შრომის გამო, ხოლო ვ. ს. მიქელაძემ წინადადება წამოაყენა, რომ ნ. ცხედაძე საპატიო წევრად აერჩიათ, მაგრამ ნ. ცხედაძემ კატეგორიული უარი განაცხადა და ითხოვა, რომ ამ საგანზე ლაპარაკი შე-



ნიკო ცხედაძე

წყვეტილიყო. ნ. ცხედაძე იმ დიდი და უანგარო ღვაწლისათვის, რაც მან გიმნაზიის საქმეზე გასწია, მხოლოდ 1911 წელს აირჩიეს საპატიო წევრად.

1898 წელს „საზოგადოებას“ შემდეგი სტიპენდიატები ჰყავდა: კონსტანტინე მაყაშვილი, გიორგი ყაზახიშვილი ივანე ნიჭარაძე გიორგი ნათიშვილი და ალექსანდრე თარხნიშვილი.

1898 წელს შეადგინეს გიმნაზიის მოსამსახურეთა საპენსიო სა-
ლაროს დებულების პროექტი; ამ პროექტით სრული პენსია მოსამ-
სახურეს ენიშნებოდა 25 წლის სამსახურის გამო; გიმნაზიის გამგეს

—1200 მან., თანაშემწეს (ინსპექტორს) —900 მანეთი; შტატის მას-
წავლებელს გიმნაზიურ კლასებში—800 მანეთი; მოსამზადებელ
კლასებში—600 მანეთი; აღმზრდელებს, საქმის მწარმოებლებსა და
ეკონომს—300 მანეთი. საპენსიო ფონდის გადიდების მიზნით მო-
სამსახურეს ყოველთვიურად ჯამაგირიდან 5—6% უკავებდნენ.

ეს პროექტი ძალაში იყო 1914—1915 სასწავლო წლამდე.

1898 წელს 22 თებერვალს გიმნაზიის მოწაფეები წაუყვანიათ
ექვ. თაყაიშვილის ხელმძღვანელობით მცხეთაში, ერეკლე II გარდა-
ცვალებიდან 100 წლისთავის აღსანიშნავ პანაშვილზე. ამასთანავე
ექვ. თაყაიშვილს გაუცვნია მოწაფეებისათვის მცხეთისა და სხვა სი-
ძველეთა ისტორია.

III. თბილისის ქართული გიმნაზია 1899—1904 წწ.

1899—1900 სასწავლო წლიდან თბილისის ქართული გიმნაზია
უკვე დასრულებული რევალსიანი გიმნაზიაა. იგი შედგება მოსამ-
ზადებელი კლასის ოთხი ძირითადი და სამი (2, 3, 4) პარალელური
განყოფილებისაგან და რვა გიმნაზიური კლასისაგან; მერვე კლასი
1899 წლის 1 სექტემბერს გაიხსნა.

გიმნაზიის პროგრამა საცესებით შეთანხმებული იყო სამინისტრო
გიმნაზიურ პროგრამასთან; განსხვავება მხოლოდ ის იყო, რომ ქარ-
თულ გიმნაზიაში ისწავლებოდა სამშობლოს გეოგრაფია, ქართული
ენა და მასთან ერთად — საქართველოს ისტორია.

ამ სასწავლო (1899—1900) წელს გიმნაზიაში ირიცხებოდა 560
მოწაფე, ამათგან 122 პანსიონერი და 438 გარედან მოსიარულე.
მერვე კლასში 8 მოწაფე იყო.

საანგარიშო წელს „საზოგადოებას“ შემდეგი სტიპენდიატები
ჰყავდა სხვადასხვა უნივერსიტეტებში: კონსტანტინე მაყაშვილი,
ივანე ნიჟარაძე და გიორგი ნათიშვილი.

გიმნაზიისათვის ვაკეში ახალი სახლის მშენებლობა დაიწყო
1900 წელს. მშენებლობის კომისიაში კრებამ აირჩია თავმჯდომე-
რედ — ნ. ცხვედაძე და წევრებად — ექვ. თაყაიშვილი, კ. ყავრიშვი-
ლი და ხუროთმოძღვარი ს. კლიაშვილი.

ამ მშენებლობას ქართველ საზოგადოებაშიც კი ბევრი მტერი
ჰყავდა — ფეოდალები, ბოხოლა მოხელეები და სხვები, რომელნიც
ამბობდნენ, ჩვენთვის საკუთარი შენობა საჭირო არ არის, უნდა
დავკმაყოფილდეთ და ვისარგებლოთ რუსული სახელმწიფო სას-
წავლებლითო. იყვნენ ისეთებიც, რომლებიც ამბობდნენ, ეს შენობა
ძალიან დიდია, ძვირი ჯდება, ქართველებს ამოდენა შეძლება არა
გვაქვს, პატარა შენობით უნდა დავკმაყოფილდეთო. ნ. ცხვედაძე
მათ ასეთ პასუხს აძლევდა:

„მოვა დრო და ეს შენობა საქართველოს უნივერსიტეტისათვის დასჭირდება; მე გიმნაზიისთვისაც ვაშენებ სახლს და იმავე დროს — უნივერსიტეტისათვისაცაო“.

აქ საჭიროდ მიგვაჩნია მოვიგონოთ ის დიალოგი, რომელიც მეფის ნაცვალ გოლიცინისა და ნ. ცხვედაძის შორის გაიმართა. ეს დიალოგი მაშინდელ ქართველ მოღვაწეთაგან ბევრს ახსოვს.

ერთხელ გოლიცინმა დაათვალიერა ეს შენობა, როდესაც იგი ჯერ კიდევ დაუმთავრებელი იყო. იქ მას დაუხვდა ნ. ცხვედაძე.

— რა ჯდება ეს შენობა? ჰკითხა მან ნ. ცხვედაძეს.

— ერთ მილიონამდე, თქვენო ბრწყინვალეზე, მოუგო ნიკომ.

— აი, ქართველები ამბობთ, რომ ღარიბი ხართ, მაშ აშოლენა ფული საიდან გაქვთ?

— აქ, თქვენო ბრწყინვალეზე, ყოველმა ქართველმა თავისი აგური მოიტანა.

— რისთვის გინდათ აშოლენა შენობა, გიმნაზიისათვის ხომ ეს ძალიან დიდია?

— ეს შენდება გიმნაზიისათვის, მაგრამ შემდეგ აქ იქნება ქართული უნივერსიტეტი. გოლიცინმა გაიკვირვა, სახეზედ აშკარად გამოესახა უკმაყოფილება და გაშორდა შენობას.

ნიკო ცხვედაძე რომ ქართული გიმნაზიისათვის განკუთვნილ შენობას ქართული უნივერსიტეტისათვისაც აგებდა, ეს ჩანს ქართული გიმნაზიის გამგე-კომიტეტის ყოფილი წევრის ალ. ჯაბადარის „მოგონებებიდანაც“, სადაც ნათქვამია „დიდი ამაგი მიუძღვის ნ. ცხვედაძეს იმ სახლის აგებაში, გასაოცარ ენერგიას იჩენდა საჭირო ფულის შოვნაში და თვით შენობის აგების საქმეში. რასაკვირველია, მე ვამაყობდი, როდესაც კომიტეტში ამირჩიეს და ჩავები ამ საქმეში. ცხვედაძესთან მანამდეც კარგად ვიყავი. როცა ნახა, რომ მე სულითა და გულით თანაუგრძნობდი მის მუშაობას, უფრო დამიახლოვდა. როდესაც შენობის გეგმა და ხარჯთაღრიცხვა გავიცანი დაწვრილებით, ცხვედაძეს ვკითხე: — ბატონო ნიკო! თქვენ მიერ დაწყებული შენობის დამთავრებას დიდი ფული დასჭირდება, შენობის პროექტიდან ნათლად ჩანს, რომ ეს შენობა გიმნაზიისათვის ძალიან დიდია. გარდა ამისა, თქვენი ხარჯთაღრიცხვა მცირეა. ამით სახლს ვერ დაამთავრებთ და, ბოლოს, შეიძლება დიდი უსიამოვნება მოხდეს. მთელ კომიტეტს უსაყვედურებენ უვიცობას, წინდაუხედაობას და სხვ. მე როგორც კომიტეტის წევრი, მოვალე ვარ თქვენც ვითხრათ და კომიტეტის კრებაზე და საზოგადო ყრილობაზედაც აღვნიშნო. შევატყვე, რომ სიტყვებმა დააფიქრა და თითქო კიდევ ეწეინა. ეს ლაპარაკი შენობის ეზოში მქონდა. ნიკომ მკლავში ხე-

ლი წამებლო, შენობის მოშორებით გამიყვანა და დაიწყო: „რაც თქვენ თქვით, ყველა მართალია, ისიც მართალია, რომ გიმნაზიისათვის ეს შენობა დიდია, მაგრამ რაჲ კითხვა ასე დააყენეთ, გვედრებით ჩემი ნათქვამი საიდუმლოდ შეინახოთ და შემდეგში დამეხმაროთ, რომ ეს დიდი საქმე შევასრულო. არ ვიცი მოვესწრები თუ არა, მაგრამ დარწმუნებული ვარ, რომ ამ შენობაში ქართული უნივერსიტეტი იქნება... მე რომ ნამდვილი ხარჯთაღრიცხვა წარმედგინა, ამ შენობას თვალითაც არ ნახავდით. როგორც ვატყობ, თქვენ არ იცით ჩვენი ხალხის ამბავი. მე მწამს, რომ თბილისში ქართული უნივერსიტეტი გაიხსნება და ამოდენა შენობას სწორედ ამისათვის ვაშენებ“¹.

ნიკო ცხვედაძე უამბობდა ყველას, ვისაც აინტერესებდა ქართული გიმნაზიის შენობის ბედი, იმ სიძნელეებზე, რომელნიც მას ელობებოდა მშენებლობის პროცესში. აი რას სწერს ამის შესახებ ტექნიკისა და მეცნიერების დამსახურებული მოღვაწე, პროფესორი ივ. ყიფშიძე თავის წიგნში „უმაღლესი ტექნიკური განათლების ისტორიისათვის საქართველოში“ (გვ. 27): „მახსოვს 1904 წელს მეც დავათვალიერე მშენებლობა და ნიკომ გადმომცა ამ შენობის საძირკვლის ჩაყრის ერთი საინტერესო ამბავი, რომელიც ეხება 1900 წელს. ძველი ჩვეულება იყო, რომ სახლის საძირკველში მის კუთხეში ჩაეყარათ ოქროს ფული (ღარიბებს ვერცხლის ფული), მაგრამ ნიკო ცხვედაძე ვის მისცემდა ნებას, რომ ოქრო კედელში ჩაეყარა, იგი ოქროს ამისათვის არ გაიმეტებდა, მიღებული ადამი კი უნდა შეესრულებინათ. საძირკვლის კურთხევაზე ბლომად ჰყავდათ მოწვეული სტუმრები. ამ დროისთვის ნ. ცხვედაძეს მოუტანია ქართული კულტურულ-საგანმანათლებლო საზოგადოებისა და ორგანიზაციების დაბეჭდილი წესდებები (ასეთი ორგანიზაციათა რიცხვი 15—17-მდე იყო) და შუშის ცარიელი ბოთლები კარგი საცობებით. ყოველ ბოთლში ჩაუდვია რამდენიმე სხვადასხვა წესდება და ეს, ბოთლები ჩაუტანებია საძირკველში. ბოთლებში ქაღალდი დიდხანს ინახება. „დაე-ამბობდა ნ. ცხვედაძე-თუ თბილისის კიდეც უწერია რომელიმე ალა-მაჰმად-ხანის შემოსევა და განადგურება და თუ ამ შენობას მოელის დანგრევა, დაე მტერმა ნახოს მის საძირკველში ჩაყრილ ბოთლებში შენახული წესდებები და ისტორიას გადასცეს, თუ რა კულტურა ჰქონდა საქართველოს XX საუკუნის დასაწყისში, რით სუნთქავდა ქართველი ერი და რას წარმოადგენდა იგი“.

¹ ალ. ჯაბაძარი, მოგონებანი, ჟურნალი „მნათობი“ 1934 წ., № 4, გვ. 203—204.

1901—1902¹ სასწავლო წელს ეს სასწავლებელი შესდგებოდა მოსამზადებელი კლასის ოთხის ძირითადის და სამი (2, 3, 4) პარალელურის განყოფილებიდან და რვა გიმნაზიური კლასისაგან. ამათში მეხუთე გიმნაზიური კლასი გაიხსნა სექტემბერში 1896 წ., მეექვსე გიმნაზიური კლასი გაიხსნა 1897 წ., მეშვიდე გიმნაზიური კლასი 1-ლ სექტემბერს 1898 წ., მერვე—1-ლ სექტემბერს 1899 წელს, გიმნაზია მოთავსებულია სელიკოვის სახლში ერმოლოვის (ახლა ჩიტაძის) ქუჩაზე. პროგრამა ქართული გიმნაზიისა სავსებით ეთანხმება სამინისტრო გიმნაზიების პროგრამას, განსხვავება მხოლოდ იმაშია, რომ გიმნაზიაში ისწავლება სამშობლოს აღწერა, ქართული ენა და ქართულ ენასთან ერთად საქართველოს ისტორია.

1901 წლის 1-ლ იანვრისათვის სასწავლებელში ირიცხებოდა 637 მოწაფე, მათ შორის პანსიონერი იყო 128 და გარედან მოსიარულე 509. მერვე კლასში იყო 5 მოწაფე. თანახმად სასწავლო ოლქის მზრუნველის განკარგულებისა მათ გამოცდები ჩააბარეს თბილისის სახაზინო მეორე გიმნაზიაში. ამათგან სიმწიფის მოწმობა მიიღეს და უნივერსიტეტში შევიდა სამი, ერთმა თავი დაანება სასწავლო წლის ბოლოს და ერთიც გიმნაზიაში შესასვლელად ემზადება.

1898 წლის პირველი იანვრიდან მემკვიდრე ცესარევიჩის გიორგი ალექსანდრეს ძეს თავის სტიპენდიატად დაუნიშნავს მოწაფე გიორგი ყიფიანი.

ამავე წლიდან ერთი ოც თუმნიანი პანსიონერი გ. ბაგრატიონ-დავითაშვილი მის უმაღლესობის ნიკოლოზ მიხეილის ძის ხარჯზეა, ერთი ოც თუმნიანი ვ. ბაგრატიონ-დავითაშვილი მიღებულია გამგე-კომიტეტის თავმჯდომარის კ. ი. ბაგრატიონ-მუხრან-ბატონის სრულ ხარჯზედ და ერთი ოც თუმნიანი პანსიონერის ი. გვახარაის შესანახი ფასის ანგარიშში ნახევრის ე. ი. ათი თუმნის შემოტანა ნაკისრი აქვს მასვე. ერთი ოც თუმნიანი პანსიონერის ახმეტ ამიროვის შესანახი ფასი შემოაქვს ა. ი. ჯამბაკურ-ორბელიანს. ერთ პანსიონერს მ. თუხარელის კენჭი შეხვდა და განსვენებულის ნ. ზუბალაშვილის სახელზე დაარსებულ სტიპენდიისა. ერთი პენსიონერი ა. ჯაჭანაშვილი მიღებულია უკენჭოდ „საზოგადოების“ სრულ ხარჯზე... ამ სასწავლო წელს გიმნაზიის საეკონომიო ხარჯზედ პანსიონში მიღებული იყვნენ მამაქაძეებში: ყოჩალი ხმალაძე (ახალციხის მაზრიდან), მუსტაფა კონცელიძე (ბათუმის ოლქიდან) და ბალაშირინ აშურაშვილი (ზაქათალის ოლქიდან).

საანგარიშო წელს „საზოგადოებას“ შემდეგი სტიპენდიატები ჰყოლია სხვადასხვა უნივერსიტეტში: ივ. ნიჟარაძე, გ. ნათიშვილი, გ. შათირიშვილი, ი. კობიაშვილი, დ. ყიფიანი, ზ. ფალიაშვილი,

ზ. ხიდირბეგიშვილი, ვლ. სალარიძე, დ. ანდრონიკაშვილი, ვლ. გომართელი, ნ. გომელაური.

დროებით შემწეობა აღმოუჩინათ შემდეგ სტუდენტებსა და სხვა სასწავლებლებში მოსწავლეთ: რ. ყანჩელს, გ. მასხარაშვილს, გ. ხუნდაძეს, სტ. გოკიელოვს, ივ. ფავლენიშვილს, მ. ბერძულიშვილს, მ. ნიკურაძეს, ან. დგებუაძეს, ლ. ფავლენიშვილს, ვლ. სალარიძეს, ვლ. გომართელს, ნ. გომელაურს, ზ. ხიდირბეგიშვილს, თ. ცინცაძეს, ნ. ყანჩელს, დ. ვარშაკიძეს.

სწავლის ფულიდან (12 მან. წელიწადში) „საზოგადოებას“ 291 გარედან მოსიარულე მოწაფე გაუნთავისუფლებია, ზოლო ტანისამოსი 26 მოსწავლისათვის შეუკერავს...

1902—1903 სასწავლო წელს გიმნაზიაში ირიცხებოდა 664 მოწაფე, ამთგან 126 პანსიონერი იყო და 538 გარედან მოსიარულე. მერვე კლასში იყო 5 მოწაფე, რომელთაც გამოცდები სიმწიფის მოწმობის მისაღებად მე-3 სახაზინო გიმნაზიაში ჩააბარეს, სამმა მთილო სიმწიფის მოწმობა; ერთი გიმნაზიის მოწმობით საზღვარგარეთ წავიდა, ორი კი მეორე წელიწადს დარჩა მერვე კლასში. მას შემდეგ რაც მერვე კლასი გაიხსნა, სამი წლის განმავლობაში კურსი დაამთავრა 16 მოწაფემ. ამთგან ამჟამად 13 უმაღლეს სასწავლებელშია, ორი გიმნაზიის მერვე კლასში და ერთი ოჯახში დაბრუნდა.

ამავე წელს „საზოგადოებას“ შემდეგი სტიპენდიატები ჰყავდა უნივერსიტეტში: ზაქარია ფალიაშვილი, ივ. ნიჟარაძე, გ. ნათიშვილი, გ. შათირიშვილი, ი. კობიაშვილი, დ. ყიფიანი, ზაქ. ხიდირბეგიშვილი, ვლ. სალარიძე, დიმ. ადრონიკაშვილი, ვლ. გომართელი, ნ. გომელაური, შალვა მესხიშვილი, გ. ჯავახიშვილი.

საშუალო სასწავლებლებში: ბ. ჩხეიძე, ალ. ციმაკურიძე, ირაიდ. სონლულაშვილი, დ. ჯავახიშვილი.

დროებით შემწეობა აღმოეჩინათ უმაღლეს სასწავლებლებში მოსწავლეთ: ტერენტი წერეთელს, იოს. ავალიშვილს, იოს. ბერძულიშვილს, ე. ყოჩიაშვილს, ბარ. დალაქიშვილს, მიხ. ბერძულიშვილს, მიხ. ნიკურაძეს, მიხ. ფავლენიშვილს, გალ. მასხარაშვილს, გ. ქავთარაძეს, ილია ანდრონიკაშვილს, კონდრატ ასათიანს.

დაბალ და საშუალო სასწავლებლებში: ედ. ჯანდიერს, ალ. ჯაფარიძეს, გ. მეღვინეთუხუცესისშვილს. სწავლის ფულიდან „საზოგადოებას“ 273 გარედან მოსიარულე მოწაფე გაუნთავისუფლებია, ზოლო ტანისამოსი 67 მოსწავლისათვის შეუკერავს...


1902 წლის 5 სექტემბერს ამ სტრუქტურების დამწერმა სამსახური

დავიწყე თბილისის ქართულ გიმნაზიაში. ამ დროს „საზოგადოების“ გამგე კომიტეტის წევრები იყვნენ: თავმჯდომარე — კ. ი. ბაგრატიონ-მუხრან-ბატონი, მისი ამხანაგი — მ. ვ. ჯამბაკურ-ორბელიანისა და წევრები — ნ. ზ. ცხვედაძე, ი. დ. უთნელიშვილი, გ. დ. გაბაშვილი. გიმნაზიის გამგედ (დირექტორად) იყო ე. ს. თაყაიშვილი. ხოლო გიმნაზიის მასწავლებლებად: ნ. გ. გოგიტიძე — მათემატიკის მასწავლებელი, ივ. გ. რატიშვილი — რუსული ენისა და გეოგრაფიისა, დ. გ. კარიჭაშვილი — ქართული და ფრანგული ენების, ა. ვ. ქუთათელაძე — ქართული ენისა და სამშობლოს აღწერისა, ი. პ. მგალობლიშვილი — ლათინური და ბერძნული ენების, ლ. გალაგვეი — ისტორიისა და ლათინური ენისა, ვლ. ლორთქიფანიძე — ისტორიისა, თ. ი. ავილოვი — რუსული და გერმანული ენებისა, ვ. მ. კოლენკო — მათემატიკისა, აბ. ი. ხეცურიანი — ფიზიკისა, ა. ბარნოვი — რუსული ენისა, კ. ს. ზაბეგეი — რუსული ენისა, დ. ათაბეგოვი, არითმეტიკისა, გ. აგლაძე — რუსული ენისა, პ. კორხანიდი — რუსული ენისა, ალ. ციმაკურიძე — ქართული ენისა, ალ. ნათაძე — ქართული ენისა, ვ. ურუშაძე — არითმეტიკისა, ი. მონადირიშვილი — სუფთა წერისა, ალ. მრეველიშვილი — ხატვისა, ზ. ჩხიკვაძე — გალობისა, ან. ყარაშვილი — მუსიკისა, ა. შალიცკა — მუსიკისა, ივ. ვილშაუ — მუსიკისა. აღმზრდელები პანსიონში: ალ. ნ. მიქაბერიძე, კ. ზ. მაყაშვილი. ივ. ნიქარაძე, ნ. ლ. თარხნიშვილი, კ. ი. ჯაფარიძე და სხვ. კლასის დამრიგებლის თანამშემწენი: დ. დევდარიანი, ი. კობახიძე, ალ. გაჩეჩილაძე. სამნეო ნაწილის პანსიონში — ელ. ჯაბადარი; ექიმი — დ. გედევანიშვილი; ტანვარჯიშის მასწავლებელი — გ. ჩხეიძე, ცეკვის მასწავლებელი — მ. ზირკოვსკი, საქმის მწარმოებელი — დ. ეპიტაშვილი.

ამავე წლის შემოდგომის ერთს დღეს გიმნაზიის გამგემ, ექ. თაყაიშვილმა სამასწავლებლო ოთახში გამოაცხადა: ილია ჭავჭავაძემ განაახლა თავისი „ეურ-ფიქსე“ ხუთშაბათობით (კვირაში ერთ-ერთი დანიშნული დღე, როცა მსურველებს შეეძლოთ მისვლა და საზოგადო საქმეების შესახებ გამართულ ბაასში მონაწილეობის მიღება) და ვისაც გსურთ, შეგიძლიათ წახვიდეთო.

მე, რაჟი ილია ჯერ ნახული არ მყავდა, მაშინვე მივმართე ი. რატიშვილს და კ. მაყაშვილს: დიდად მინდა ილიას ნახვა და თუ წახვალთ, მეც წამოგყვებით-მეთქი, და უახლოეს ხუთშაბათს მათთან ერთად კიდეცაა წავედი ილიასთან. მასპინძელმა მეტად გულთბილად საუბხრო ღიმბილითა და გაბრწყინებული თვლებით მიგვიღო და მოგვესალმა: ი. რატიშვილმა ილიას გააცნო ჩემი თავი — ჩვენი ახალი მასწავლებელიო.

—აბა, აბა, მოგეპარათა შემდეგ ილიამ,—რას მეტყვით ჩვენი გიმნაზიის შესახებ? წელს რამდენმა მოწაფემ გაათავა გიმნაზია? —იკითხა აგრეთვე ვაკეში ახალი სახლის მშენებლობის მსვლელობაზე და ბოლოს დასძინა — ყმაწვილებო, იცოდეთ, მაგ გიმნაზიას მე-



ექვთიმე თაყაიშვილი

ტად დიდი მნიშვნელობა აქვს ჩვენთვის, ამ გიმნაზიაში ახალგაზრდები უნდა აღიზარდონ იმ მიმართულებით, რომელიც შეეფერება ჩვენი ერის მოთხოვნილებას. ამ სასწავლებელმა უნდა აგვიზარდოს მხნე, შრომისა და მამულის მოყვარე ყმაწვილები...

ილიას „ეურ-ფიქსზე“ მეორეთაც ვიყავი, და მაშინ იგი ბევრ ჩვენს საზოგადოებრივ საკითხს შეეხო, მოიხსენია ჩვენი მტერ-მოყვარენი და მისთვის დამახასიათებელი სიღარბისლითა და იუმორით გააშუქა საქმის ვითარება...

1903 წელს პირველი მაისობა ქართულმა გიმნაზიამ ოქროყანაში

იდღესასწაულა. ამ დღეს მთელი გიმნაზია—მოწაფეებიცა და მასწავლებლებიც დილიდანვე ავედით ოქროყანაში და საღამომდე დავრჩით. სადილი გაიშალა საუცხოო ბაღში, სადაც მთელი დღის განმავლობაში ისმოდა მოწაფეების მშვენიერი სიმღერა, ცეკვა; გაიმართა ქიდაობა და, ბოლოს, ბუთის თამაში...

1903 წლის ზაფხულში ოდესიდან თბილისს ექსკურსიაზე ჩამოვიდა ცნობილი პროფესორი, ქიმიკოსი ვ. მ. პეტრიაშვილი სტუდენტებთან ერთად. ბინა და ხარჯი ვ. პეტრიაშვილს და სტუდენტებს ჩვენს გიმნაზიაში ჰქონდათ. აქედან ვ. პეტრიაშვილი მიპატიჟებული იყო თავის ყოფილ მსმენელ კ. მ. ამირეჯიბთან, საუცხოოდ მოწყობილ მაშულში, ახლანდელ გორის რაიონში სოფელ ავლევეში.

1901—1902 სასწავლო წელს ქართულ გიმნაზიაში მოვიდა კავკასიის მთავარმართებელი გოლიცინი. მის მოსვლას შემდეგი გარემოება უძღოდა წინ: „საზოგადოების“ წევრი ვ. დ. გაბაშვილი, მსხვილი შემამულე და გენერალი, გოლიცინის დიდი მეგობარი იყო. ერთ დღეს, როცა გოლიცინი და გაბაშვილი ნადირობიდან ბრუნდებოდნენ, ქართულ გიმნაზიას ჩამოუარეს ახლოს და მაშინ, თურმე, გოლიცინმა უთხრა გაბაშვილს: — აი, თქვენი რევოლუციურად განწყობილი გიმნაზიაო. გაბაშვილმა უპასუხა: კარგი იქნებოდა, ჯერ გენახათ, გაგეცნოთ გიმნაზია და შემდეგ დაგედოთ თქვენი მსჯავრი.—მართალს ამბობ.—უთხრა გოლიცინმა,—უნდა ვნახო უთუოდ.—მართლაც, რამდენიმე დღის შემდეგ გოლიცინი ეწვია ჩვენს გიმნაზიას. კლასებში გაკვეთილების მოსმენის შემდეგ იგი მიიპატიჟეს დიდ დარბაზში, სადაც ზ. ჩხიკვაძის მიერ გაწვრთნილმა მომღერალთა გუნდმა რამდენიმე სიმღერა შეასრულა. გოლიცინს ძალიან მოეწონა სიმღერები, და როცა გუნდმა „ამოღულდი მარგალიტო, ნაგუბარში ჩადექ წყალო“ იმღერა, გოლიცინი ემხზედ მოვიდა და ცეკვა დაიწყო...

1902—1903 სასწავლო წელს მასწავლებელ ალ. მრევლიშვილის თაოსნობით გიმნაზიაში მსურველთათვის მოეწყო სამხატვრო კლასი, რომელიც ღია იყო კვირაში ორჯერ, 5—7 საათამდე. ხატვაში დიდი ნიჭი გამოიჩინეს ძმებმა პავლე და პეტრე დადვაძეებმა.

1903—1904 სასწავლო წელს გიმნაზიაში მოწაფეთათვის გაიხსნა სამკითხველო დარბაზი, სადაც პლომად იყო შესაფერისი წიგნები და ჟურნალ-გაზეთები. დარბაზი მთელი დღე ღია იყო და მას თე-

¹ შემდეგ უნივერსიტეტის აგრონომიული ფაკულტეტის და საქ. სასოფლო-სამეურნეო ინსტიტუტის პროფესორი.

თონ მოწაფეები განაგებდნენ—ისინი იყვნენ წიგნების გამცემნი და მიმღებნი.

ამავე ხანებში აღმზრდელ ნ. თარხნიშვილის ხელმძღვანელობით გიმნაზიაში იმართებოდა ქართული და რუსული წარმოდგენები. იდგმებოდა აკაკი წერეთლის „ადეოკატის დილა“, ა. გრიბოედოვის „უდი კეუისაგან“ და ვ. გოგოლის „ქორწინება“.

1903 წლის ოქტომბერში გარდაიცვალა გამგე-კომიტეტის თავმჯდომარე კ. ი. მუხრან-ბატონი, რომლის დასაფლავებას მცხეთაში მთელი გიმნაზია დაესწრო.

1903—1904 სასწავლო წელს გიმნაზიაში ირიცხებოდა 684 მოწაფე, რომელთაგან 122 პანსიონერი იყო, 522 კი—გარედან მოსიარულე; სწავლის ფულისგან განთავისუფლებული იყო 273 მოწაფე; ტანისამოსი შეუტერეს 84 მოწაფეს.

მას შემდეგ, რაც მერვე კლასი გაიხსნა, ოთხი წლის განმავლობაში კურსი დაამთავრა და სახაზინო გიმნაზიებში სიმწიფის მოწმობა მიიღო მხოლოდ 28 მოწაფემ.

სასწავლო ოლქის მზრუნველის განკარგულებით ქართული გიმნაზიის მერვე კლასის მოწაფეები თბილისის სახელმწიფო გიმნაზიებში აბარებდნენ გამოცდებს სიმწიფის მოწმობის მისაღებად. ჩვენი გიმნაზიის მერვე კლასის მოწაფეების დოკუმენტები ეგზავნებოდა ოლქის მზრუნველს, რომელიც შემდეგ ამ მოწაფეებს თვითონ ანაწილებდა სახაზინო გიმნაზიებში გამოცდების ჩასაბარებლად. ამ გიმნაზიებში კი ჩვენს მოწაფეებს დიდ დაბრკოლებებს უქმნიდნენ სახელმწიფო გიმნაზიების ადმინისტრაცია და მასწავლებლები მეტად ფორმალურად, პირდაპირ უსულგულოდ ექცეოდნენ ქართული გიმნაზიის მოწაფეებს, უმთავრეს ყურადღებას საგნის ცოდნასა და აზრის სწორად გადმოცემას კი არ აქცევდნენ, არამედ გამოთქმას, აქცენტს. ასეთი მიდგომა იყო მიზეზი, რომ ჩვენი გიმნაზიის მერვე კლასის მოწაფეთა მხოლოდ 30—35% იღებდა სიმწიფის მოწმობას. 1900 წელს, რაც ჩვენი გიმნაზიის მერვე კლასის მოწაფეები სიმწიფის მოწმობის მისაღებად პირველად აბარებდნენ გამოცდებს სახაზინო გიმნაზიებში, გამოცდებს ოლქის მზრუნველი იანოვსკიც დაესწრო: ამ წელს ჩვენი გიმნაზიის 8 მოწაფიდან სიმწიფის მოწმობა მიიღო მხოლოდ სამმა, ხოლო 1903—1904 სასწავლო წელს 14 მოწაფიდან მხოლოდ ერთმა (დ. პარკაძემ).

გამგე კომიტეტი და გიმნაზიის გამგე ე. თაყაიშვილი ამ მდგომარეობის გამოსწორების მიზნით სახელმწიფო გიმნაზიებიდან იწვევდნენ რუსული ენის მასწავლებლებს, რათა ისინი უფრო ღმო-


ბიერად მოქცეოდნენ ქართული გიმნაზიის მოწაფეებს გამოცდების დროს. მაგრამ ამ ხერხითაც არა გამოდიოდა რა. მოწვეული მასწავლებლები უსულგულო მოხელეები იყვნენ, ისინი ფორმალურად ეკიდებოდნენ თავის მოვალეობას, არავითარ ენერგიას არ ხარჯავდნენ, რომ თავისი საგანი ჯეროვნად შეეთვისებინათ მოწაფეებისათვის: მაგალითად, ა. ბარსოვი მერვე კლასში რუსულ ენას ასწავლიდა და ყოველ გაკვეთილს ასე იწყებდა: *в воде лежат мочала, начнем сначала* და სულ ერთ და იმავეს ლეკავდა.

1904—1905 სასწავლო წელს გიმნაზიის მოწაფეებმა გამოსცეს კრებული „დეღვა“, რომლის რედაქტორები იყვნენ: გ. ავალიანი, პ. ზანდუკელი და პ. დადეაძე.

1904 წლის 1 სექტემბრიდან ე. თაყაიშვილმა, თავგაბეზრებულმა გიმნაზიის სასწავლო საქმეებში გამგე კომიტეტის უხეში ჩარევით, სამსახურს თავი დაანება; მის მაგივრად გიმნაზიის გამგედ კომიტეტმა აირჩია ამავე გიმნაზიის მასწავლებელი ი. გ. რატიშვილი. მაგრამ სასწავლო ოლქის მზრუნველმა ი. რატიშვილი არ დაამტკიცა. ამის შემდეგ კომიტეტმა ქართული გიმნაზიის გამგედ აირჩია ამავე სასწავლო წელს ე. თაყაიშვილის მიერ კიევიდან რუსულ ენის მასწავლებლად მოწვეული შ. ა. ჩიტაძე.

1904—1905 სასწავლო წელს გიმნაზიაში ირიცხებოდა 693 მოწაფე, რომელთაგან პანსიონერი იყო — 124, ხოლო გარედან მოსიარულე — 569. მერვე კლასში იყო 16 მოწაფე, მაგრამ არც ერთმა მათგანმა სახაზინო გიმნაზიებში სიმწიფის მოწმობის მისაღებად გამოცდების ჩაბარება არ მოისურვა; ხუთი თუ ექვსი მოწაფე საზღვარგარეთ წავიდა, სხვები კი მეორე წელიწადს დარჩა მერვე კლასში. ამ წელს სწავლის ფულისაგან 261 მოწაფე განთავისუფლდა, ხოლო ტანისამოსი 87 მოწაფეს შეუყერეს.

თანახმად ზემოთ მოტანილი წესდებისა, „ლარიზ მოწაფეთა შემწე ტფილისის გუბერნიის თავად-აზნაურთა საზოგადოების“ მიერ არჩეული გამგე კომიტეტი გიმნაზიის მთელ საქმეებს განაგებდა. კომიტეტს უფლება ჰქონდა განეგო არა მარტო გიმნაზიის სამეურნეო, არამედ სასწავლო ნაწილიც, კომიტეტს სრული უფლება ჰქონდა მოეწვია და დაეთხოვა ესა თუ ის მასწავლებელი ან სხვა მოსამსახურე პირი, არ დათანხმებოდა და გაეუქმებინა პედაგოგიური საბჭოს ყოველი, უმნიშვნელო გადაწყვეტილებაც კი. კომიტეტს სრული უფლება ჰქონდა ჩარეულიყო გიმნაზიის შინაურ საქმეებში და, ამრიგად, პედაგოგიური საბჭოს მნიშვნელობა ფაქტიურად გაქარწყლებინა.



თბილისის ქართული გიმნაზიის პედაგოგიური საბჭოს წევრები 1903 წ.

გიმნაზიის გამგეს კომიტეტის კრებაზე მხოლოდ სათათბირო ხმის უფლება ჰქონდა. მასწავლებელთა უფლებების განსაზღვრა მხოლოდ გაკვეთილების მიცემით და პედაგოგიური საბჭოს თითქმის სათათბირო ორგანოდ დასახვა საქმის წესიერად წარმართვას მეტად უშლიდა ხელს. ამრიგად, კომიტეტსა და პედაგოგიურ საბჭოს შორის, ამ უკანასკნელის უუფლებობის გამო, არათუ საჭირო სოლიდარობა არ არსებობდა, არამედ განხეთქილებაც კი გაჩნდა. გამგე კომიტეტი ექვსისა და უნდობლობის თვალთ შეჰყურებდა მასწავლებელთა კორპორაციას, პედაგოგიური საბჭოს ყოველ გადაწყვეტილებას; მასწავლებლებიც, თავის მხრივ, ასეთსავე უნდობლობას უცხადებდნენ გამგე-კომიტეტს, რაც, რასაკვირველია, საერთო საქმეს აფერხებდა.

გამგე კომიტეტსა და პედაგოგიურ საბჭოს შორის დამოკიდებულების გამწვავებას კიდევ უფრო შეუწყო ხელი შემდეგმა გარემოებამ: პანსიონის ეკონომად ამ ხანებში იყო ელენე გიორგის ასული ჯაბადარი—განათლებული და პატიოსანი პიროვნება, რომელიც, სხვათა შორის, სწავლაში ჩამორჩენილ პანსიონერებს უსასყიდლოდ რეპეტიტორობდა. ე. ჯაბადარმა ავადმყოფობის გამო სამსახურს თავი დაანება. მის მაგივრად კომიტეტმა შეთავსებით ეკონომად დანიშნა ვაკეში ახალი სახლის მშენებლობის მეთვალყურე დ. დუმბაძე, მოუსვენარი, ინტრიგების მოყვარული კაცი, რომელიც ყველგან, სამასწავლებლო ოთახშიაც კი დადიოდა და მასწავლებლების შესახებ ათასნაირ კორებს აერცელებდა, რისთვისაც 1905—1906 სასწავლო წელს შ. ჩიტაძე იძულებული იყო დუმბაძე სამასწავლებლო ოთახიდან გაეგდო და აეკრძალა იქ შემოსვლა.

1905—1906 სასწავლო წელს გამგე კომიტეტის შემადგენლობა ასეთი იყო: თავმჯდომარე—მ. ვ. ჯამბაკურ-ორბელიანისა, თავმჯდომარის ამხანაგი—ი. დ. უთნელიშვილი, წევრები—ნ. ზ. ცხევედაძე, გ. დ. გაბაშვილი, ვ. გ. მაჩაბელი, ექ. გ. მაღალაშვილი და ექ. სპ. ვირსალაძე.

IV. თბილისის ქართული გიმნაზიის ჩემოგბანიზაციის საკითხი

1905—1906 სასწავლო წელს ქართული გიმნაზიის პედაგოგიურმა საბჭომ შ. ჩიტაძის თაოსნობით შეადგინა გიმნაზიის რეორგანიზაციის პროექტი.

პროექტის შედგენაში თითქმის მთელი თავისი შემადგენლობით მონაწილეობდა გიმნაზიის პედსაბჭო, რომელმაც ამ მუშაობას ერთ თვეზე მეტ ბრო მოანდომა. პედსაბჭო კომისიებად იყო დაყოფილი

და თითოეული კომისიის წამუშევარს შემდგომ პლენარულ კრებაზე იხილავდა საბოლოო რედაქციის დადგენის მიზნით. რამდენადაც მახსოვს, ქართული და რუსული ენებისა და ლიტერატურის კომისიაში შედიოდნენ: დ. კარიჭაშვილი, არისტო ქუთათელაძე, ალ. ნათაძე, შიო ჩიტაძე, პ. კორხანიდი და მ. ქორიძე; მათემატიკისა და ფიზიკის კომისიაში—ნ. გოგიტიძე, აბ. ხეცურიანი, ლლონტი და ს. იაშვილი; ბუნებისმეტყველებისა და გეოგრაფიის კომისიაში—ს. იაშვილი, ივ. რატიშვილი, ხ. ლლონტი; უცხო ენების კომისიაში—დ. კარიჭაშვილი, ალ. მიქაბერიძე, ლ. გალაჭავი, ი. მგალობლიშვილი, გ. ავილოვი და ო. შვარცი... გიმნაზიის რეორგანიზაციის დამუშავებული პროექტი პელსაბჭომ წარუდგინა გამგე კომიტეტს, დაბეჭდა გაზ. „ივერიაში“ და შემდეგ ამავე საგანზე სათათბიროდ გიმნაზიის შენობაში მიიწვია ჩვენი მოწინავე ინტელიგენცია. ამ სათათბირს ხალხი ბლომად დაესწრო; არ მოვიდნენ მხოლოდ გამგე კომიტეტის წევრები, რაც დამსწრე საზოგადოებაში დიდ გაოცებას იწვევდა; უკვირდათ, რომ კომიტეტმა საჭიროდ არ დაინახა დასწრებოდა ისეთ კრებას, სადაც გიმნაზიის რეორგანიზაციის პროექტზე უნდა ყოფილიყო მსჯელობა.

გამოირკვა, რომ კომიტეტი დიდად გაჯავრებული და უკმაყოფილო ყოფილა მასწავლებლებზე:—როგორ გაბედეს და ჩვენს დაუკითხავად შეადგინეს პროექტი, გაზეთში დაბეჭდეს და სათათბირსაც იწვევენო.—კომიტეტმა მასწავლებლებს დიდი საყვედურის წერილი მისწერა და უცხადებდა: თქვენი ასეთი საქციელის გამო ვერ დავესწრებით თქვენგან მოწვეულ კრებასო.

სათათბირზე დამსწრეებმა გამგე კომიტეტის ყოფილი წევრი რ. ნ. ყაზბეგი აირჩიეს კრების თავმჯდომარედ. პედაგოგიურმა საბჭომ სათათბირზე მოწვეულ პირებს გააცნო პროექტის უმთავრესი მუხლები: 1) თბილისის ქართულ გიმნაზიას არ უნდა ჰქონდეს მულაშაბადებული ხასიათი; გიმნაზია უნდა აძლევდეს საზოგადო ხასიათის დასარულებულ საშუალო განათლებას; 2) სწავლა უნდა წარმოებდეს ქართულ ენაზე; 3) პედაგოგიური საბჭო გიმნაზიის შინაგან საქმიანებაში დამოუკიდებელი უნდა იყოს გამგე კომიტეტისაგან.

ამასთანავე პედაგოგიურმა საბჭომ კრებას განუცხადა, რომ ამ მოხსენებაში მას აზრადაც არ ჰქონია გიმნაზიის ძირითადი რეფორმა ან სრულიად ახალი სკოლის შექმნა, როგორც ეს ზოგიერთს ჰგონია. ახალი სკოლის გეგმას იგი ცალკე წარმოადგენს, ამ მოხსენების აზრი კი მხოლოდ, ისაა რომ სექტემბრისათვის იმდენად გააუმჯობესოს ქართული გიმნაზიის სასწავლო და საორგანიზაციო ნაწილი, რომ, თუ ვინიცობა მთელ რუსეთში დღევანდელი რეჟიმი არსებითად შეიც-

ვალა, ჩვენს მასწავლებლებს დამოუკიდებლად შეეძლოთ განაგრძონ მოწაფეებთან მეცადინეობა.

ქვემოთ მოგვყავს გიმნაზიის რეორგანიზაციის პროექტი.

თბილისის მართული გიმნაზიის სასურველი რეორგანიზაცია

(პედაგოგიური საბჭოს მოხსენება)

„რუსეთში ახლანდელმა სოციალურმა პირობებმა ისეთის ენერგიულ ფარგლით შემოახა სწავლა-განათლების საქმე, რომ თანამედროვე სასწავლებლები ოდნავადაც ვერ აკმაყოფილებენ მრავალგვარად გართულებულ ცხოვრების აუცილებელ მოთხოვნილებას. ცხოვრება აჩქარებულის ნაბიჯით წინ მიისწრაფვის, ცხოვრების ვითარება რთულდება, სასწავლებლები კი ამავე დროს ერთსა და იმავე წერტილზე შეჩერებულან და, თითქო განგებ, ცდილობენ მოზარდ ახალ თაობის გონების დახშობას, მის სულიერ და ფიზიკურ ძალების ერთიანად განადგურებას. არსებული სასწავლებლები ჭეშმარიტად განვითარებულ მუშაყებს ვერ უშაბდებენ სამშობლოს და კიდევაც ამიტომ, რომ ყოველი ჩვენი საზოგადო საქმე, ჩვენი საზოგადო მოღვაწეობა მცირე ნაყოფის გამოძღვია. რუსეთის სასწავლებლებს მართლა რომ ჭეშმარიტი მოღვაწეები აღეზარდა საქართველოსათვის, ჩვენის მოზარდ ახალ თაობის სწავლა-აღზრდის საქმე მართლაც ნორმალურად ეწარმოებინა, მაშინ საზოგადოებრივი თვითცნობიერებას ჩვენი ქვეყნის ყველა კუთხეში, ხალხის ყველა წოდებაში მძლავრი და საიმედო ფესვები ექნებოდა დღემდე გადგმული. ეხლანდელი სოციალური ცხოვრება ისეთ საფუძველზე არის აგებული, რომ სკოლის სხვაანაირი ნაყოფიერება შეუძლებელიც იყო.

მთელი ახლანდელი საზოგადოებრივი ცხოვრება მჭიდროდ დაკავშირებულია არსებულ ბიუროკრატიულ წესწყობილებასთან და, მაშასადამე, რა გასაკვირველია, რომ სკოლაც ვერ ასცდა ამ წესწყობილების სასტიკს გავლენას. ამ გავლენის აცილება შეუძლებელია, რადგან სკოლა საზოგადოებრივ პოლიტიკურ ცხოვრების გულზე ნადები ღვიძლი შვილია, ამავე ცხოვრების ნამდვილი სურათია, მისი პირდაპირი შედეგი და ნაყოფია. თანამედროვე სკოლა ახლანდელ ცხოვრების უმტვერო სარკეა, რომელზედაც მსხვილის ნაწერით მოხატულია თვით ამ ცხოვრების უტყუარი სურათი.

მჭამად ყველასათვის ცხადია, რომ რუსეთის საშუალო სკოლების უმთავრესი საფუძველი პოლიტიკურ ცხოვრების მიხედვით აღმოცენებულია ბიუროკრატიულ წესწყობილების ვითარებაზე და

კიდევაც ამიტომაც რომ ამ სკოლების მთელი ორგანიზაცია დახვედრულ ბიუროკრატიის წესწყობილების საღებობითაა შებოჭილი. არსებულმა პოლიტიკურმა ცხოვრებამ ძირიან-ფესვიანად შესცვალა საშუალო სკოლის თავი და თავი დანიშნულება, გაამეფა მასში, სალის და ჭეშმარიტის პედაგოგიურ პრინციპების მაგივრად, პოლიტიკანობა და ამნაირად მოუსპო მოზარდ ახალ თაობას ჭეშმარიტის სწავლა-განათლების მიღების საშუალება.

თანამედროვე გართულებულ ცხოვრების მოთხოვნილებასთან შეუფერებლობა და აღვირახსნილის ბიუროკრატიულ წესწყობილების გამეფება — აი რუსეთის საშუალო სკოლის ნიშნობრივი თვისებანი, რომელიც უმთავრეს ნაკლულევენებად უნდა ჩაეთვალოს ახლანდელს საშუალო სკოლას.

ჟამთა ვითარების გამო თბილისის ქართული გიმნაზიაც ვერ ასცდა ამ საერთო ნაკლს. ამ გიმნაზიის სასწავლო გეგმა და ორგანიზაცია თითქმის სავსებით აგებულია რუსეთის საშუალო სკოლების უმთავრეს საფუძველზე და ამიტომაცაა, რომ ჩვენი სკოლის ნაყოფიერებაც ისევე უმნიშვნელოა, როგორც რუსეთის საშუალო სასწავლებლებისა; მეტსაც ვიტყვი: ჩვენი სკოლის მგდომარეობა უარესიცაა, რადგან სწავლა უცხო ენაზე სწარმოებს.

რუსეთის მოწინავე საზოგადოებამ დიდი ხანია აღნიშნა საშუალო სკოლის უნიადაგობა და ბეჭდვითი სიტყვის საშუალებით გადაჭრით მოითხოვა ამ სასწავლებლის ძირითადი რეორგანიზაცია. საზოგადოების უკმაყოფილება დღითიდღე იზრდებოდა და სამიმ მდგომარეობაში აგდებდა მთავრობის პოლიტიკას სწავლა-აღზრდის საქმეში. მთავრობის მხრით ამ უკმაყოფილების უყურადღებოდ დატოვება მოუხერხებელი შეიქნა. საერო განათლების სამინისტრომ, გენერალ-ადიუტანტ ვანოვსკის მინისტრობის დროს განიზრახა საშუალო სკოლების რეორგანიზაცია. ვანოვსკის ხელმძღვანელობით მოწვეულმა სასკოლო კომისიამ ცხადპყრ ახლანდელის საშუალო სკოლის უვარგისობა და, ის იყო, თითქმის ახლოვდებოდა ძველის სწავლების სისტემის ლიკვიდაციის ხანა, მაგრამ იმისი განზრახვა განზრახვადვე დარჩა, საშუალო სკოლა ისევ ძველსა და ვიწრო საზღვარში დარჩა მომწყვდეული, ასე რომ ამ საზღვრის გონივრულად გაფართოვება ვერ შესძლეს ვერც ვანოვსკის შემდეგ ყოფილმა მინისტრმა ზენგერმა და ვერც სამინისტროს ახლანდელმა მმართველმა ბ. გლაზოვმა.

ცხოვრების სინამდვილე კი, მიუხედავად ამისა, დაყინებით თხოულობს ძირითადს რეფორმას და ჩვენ ჭერჭერობით შეუძლებლად მიგვაჩნია გადაჭრით ვიწინასწარმეტყველოთ, რაგვარ რეფორ-

მის გზას დაადგება ამ მოკლე მომავალში რუსეთის მთავრობა საშუალო სკოლის რეორგანიზაციის დროს, თუ მთავრობამ საშუალო სკოლის ძირითადი რეორგანიზაცია სასურველად მოაწესრიგა, ამის მიხედვით ტფილისის ქართული გიმნაზიის ახლანდელი ანორმალური მდგომარეობაც საუკეთესოდ შეიცვლება.

კიდევაც, რომ რუსეთის საშუალო სკოლებმა ახლანდელ ანორმალურ მდგომარეობას თავი ვერ დააღწიოს, ტფილისის ქართული გიმნაზიის ახლანდელ პირობებში დატოვება მოუხერხებელია, თუ გვინდა, რომ სკოლამ უფრო მეტი სარგებლობა მოუტანოს ჩვენს საზოგადოებას.

ტფილისის ქართული გიმნაზია კერძო სკოლაა და, მაშასადამე, საზოგადოებას სრული უფლება აქვს მოახდინოს სკოლაში ზოგიერთი ძირითადი ცვლილებანიც. კი. დღეს, ყველანი დარწმუნებული ვართ, რომ სკოლის ნაყოფი ძლიერ მცირეა, როცა სკოლა თითქმის უმოქმედობის გზას დასდგომია და უმოწყალოდ ამახინჯებს ჩვენს მომავალს თაობას, ვიმეორებთ, დღეს რომ საზოგადოებამ არ ისარგებლოს იმ უფლებით, რომელიც მის ხელთ არის, ეს დიდი დანაშაული იქნებოდა ჩვენის აზრით.

გიმნაზიის პედაგოგიურმა რჩევამ, დიდის განსჯისა და მოთქრების შემდეგ, თავის ზნეობრივ მოვალეობად ჩასთვალა გაეთვალისწინებინა საზოგადო კრებისათვის სკოლაში ზოგიერთ ცვლილებათა მოხდენის საჭიროება, რაიცა სკოლის ნაყოფიერებას უეჭველად ხელს შეუწყობს და ამნაირად ჩვენს ახალთაობას გონებრივსა და ზნეობრივ გაღატაკებას თავიდან ააცდენს. ჩვენი აზრით, უკეთეს რუსეთის საშუალო სასწავლებლებში ძირითადი ცვლილებანი არ მოხდა, ჩვენი გიმნაზიის სასწავლო ნაწილ და შინაგან ყოფა-მდგომარეობის ორგანიზაცია მაინც და მაინც უნდა შეიცვალოს და ეხლანდელ დროის შესაფერად უნდა მოწესრიგდეს.

1. სასწავლო ნაწილი

1. ამჟამად ტფილისის ქართული გიმნაზიის სასწავლო პროგრამა, თუ ქართული ენის სწავლებას არ მივიღებთ მხედველობაში, სრულიად შეფარდებულია საშუალო სასწავლებლის საერთო განათლების სამინისტროს პროგრამასთან. გიმნაზია კვალდაკვალ მისდევს სახელმწიფო სკოლების პროგრამას, დიდ დროსა და ენერგიას ანდომებს ამ პროგრამის სავესებით შესრულებას, რადგან გიმნაზიის დღევანდელი უმთავრესი დანიშნულებაა, რაც შეიძლება უმრავლესმა პროცენტმა მიიღოს სახელმწიფო გიმნაზიების დამთავრების მოწმობა. ამნაირად, ჩვენი გიმნაზია უბრალო პანსიონს წარმო-

ადგენს, საცა ბავშვებს სწვრთნიან და ავარჯიშებენ მხოლოდ იმ აზრით, რომ რაც შეიძლება უფრო მომეტებული პროცენტი გადავიდეს სახელმწიფო სასწავლებელში და ამ სკოლების დამთავრების სათანადო მოწმობაც მიიღონ. ჩვენი გიმნაზიის ნაყოფიერება იზომება მხოლოდ იმის მიხედვით, თუ რამდენმა მოწაფემ დაიჭირა ეგზემენი სახაზინო გიმნაზიაში, ან რამდენმა მიიღო სახელმწიფო სკოლის დამთავრების მოწმობა. გიმნაზიის ასეთი დანაშნულება მეტად ავიწროვებს მასწავლებლებს. სახელმწიფო სკოლების უსულო და უგულო პროგრამა ნებას არ აძლევს მასწავლებლებს უმთავრესი ყურადღება მიაქციონ მოსწავლეების გონებრივ განვითარებას, შეათვისებინონ ისეთი საგნები, რომელიც ცხოვრებაში აუცილებელ საჭიროებას შეადგენს. ამგვარ შევიწროვებისა და შეზღუდვის შედეგად ცხადია: ყმაწვილი სრულიად განუვითარებელი და ცხოვრებისათვის მოუმზადებელი გამოდის სკოლიდან. ამიტომ პედაგოგიური რჩევა აუცილებელ საჭიროებად სთვლის, ტფილისის ქართულ გიმნაზიას მოსამზადებელი ხასიათი არა ჰქონდეს, არამედ იგი წარმოადგენდეს ისეთ სასწავლებელს, საცა მოსწავლე იძენდეს დროის შესაფერ დამთავრებულ საშუალო სწავლა-განათლებას.

2. პედაგოგიის უმთავრეს პრინციპად აღიარებულია, რომ ბავშვის ნორჩი გონების ნორმალურად განვითარება შესაძლოა მხოლოდ სამშობლო ენის საშუალებით. თუ ყმაწვილი სამშობლო ენის საშუალებით არ ითვისებს ამა თუ იმ საგანს, მისი ნორმალურად განვითარება არა თუ შესაძლოა, თითქმის მოუხერხებელიცაა. ამიტომ, თუ რუსეთის საშუალო სასწავლებლის ძირითადი რეორგანიზაცია მოხდება, ჩვენს გიმნაზიაში ყველა საგნები ქართულს ენაზე უნდა ისწავლებოდეს მაგრამ თუ ასეთი ცვლილება არ მოხერხდა, ქართულ გიმნაზიაში ქართული ენა მთავარ საგნად მაინც უნდა იქნეს მიჩნეული.

3. სამშობლო ენაზე გონება-განვითარებული მოსწავლე ადვილად შეითვისებს სხვა, უცხო ენებს და, მათ შორის, რასაკვირველია რუსულ ენასაც. ამ ენის საფუძვლიანად შესწავლა, როგორც სახელმწიფო ენისა, პრაქტიკულად მეტად საჭირო და სადღეისოა. ამიტომ ამ ენის სწავლებამ მართლაც რომ ჭეშმარიტი ნაყოფი გამოიღოს, აუცილებლად საჭიროა, მოვსპოთ ყველა ის დაბრკოლებანი, რომელიც ამჟამად მეტად აუტანელ ბარჯად გამხდარა რუსული ენის შესწავლის დროს. დაბალს სკოლებში, მაგალითად, გრამატიკის გაკვეთილებს წინ უნდა უძღოდეს განმარტებითი კითხვის გაკვეთილები, ძველის ლიტერატურის კურსი შესამჩნევად უნდა შემოკლდეს უფ-

როს კლასებში და სამაგიეროდ უმთავრესი ყურადღება უნდა მიექცეს ახალი დროის მწერლების ნაწარმოებთა შეთვისებას.

4. რუსულსა და ქართულს ენაზე არსებობს საკმაოდ მდიდარი ლიტერატურა, რომლის ვრცლად გაცნობაც მეტად ხელს შეუწყობს მოსწავლეების გონების განვითარებას. ამიტომ პედაგოგიურ რჩევას აუცილებელ საჭიროებად მიაჩნია პირველსავე განყოფილებიდან შეაჩვიოს მოსწავლეები კლასგარეშე წიგნების გონივრულად კითხვას თვით მოსწავლეობის ხელმძღვანელობით.

5. თუმცა ამჟამად საბუნებისმეტყველო საგნებს ასწავლიან გიმნაზიაში, მაგრამ, სამწუხაროდ, ამ საგნებს ფართო და შესაფერისი იდეალი არა აქვს დათმობილი თანახმად საერთო განათლების საშინისტროს პროგრამისა, ბუნებისმეტყველებას ასწავლიან მხოლოდ პირველ სამს გიმნაზიურ კლასში და იმასაც ძლიერ ზერელედ. მეტია ლაპარაკი იმის შესახებ, რომ საბუნებისმეტყველო საგნებს დღითი დღე უფრო მეტი მნიშვნელობა ეძლევა ცხოვრების სარბიელზე და ამიტომ ამ საგნების ასე ვიწრო და შეზღუდულ ფარგალში მომწყვდევა ცხოვრების რეალურ პირობების დაგმობა და უარყოფაა. ამიტომ რჩევას საჭიროდ მიაჩნია საბუნებისმეტყველო საგნების პროგრამა გააფართოვოს და ამ საგნების სწავლება საფუძვლიან ნიადაგზე დაამყაროს გიმნაზიურ ყოველ კლასში. რვა წლის განმავლობაში მოსწავლე შეგნებით შეითვისებს ბუნების უმთავრეს მოვლენას და, ასეთის ცოდნით შეიარაღებული, იგი უფრო ნაყოფიერად და შეგნებულად იზრომებს უნივერსიტეტში.

6. რაციონალურად უნდა მოეწყოს გერმანულისა და ფრანგული ენების სწავლება, რადგან მართო ქართულისა და რუსული ენების საშუალებით შეუძლებელია ამჟამად საფუძვლიანისა და ფართო განათლების მიღება. ამიტომ ამ ენების სწავლება გიმნაზიაში ისე უნდა მოწესრიგდეს, რომ მოსწავლე ჩვენი გიმნაზიის დამთავრების შემდეგ შეგნებით კითხულობდეს ფრანგულსა და გერმანულს წიგნებს, გაუჭირვებლად ლაპარაკობდეს ამ ენებზე და საკმაოდ იცნობდეს ამ ენებზედვე არსებულ ლიტერატურას.

7. ლათინური ენის სწავლება ამჟამად გიმნაზიებში მესამე კლასიდან იწყება. კიდევაც რომ ამ ენის სწავლება საბაზიზო გიმნაზიებში დღევანდელ ვითარებაში დარჩეს, ჩვენს გიმნაზიაში ლათინური ენის სწავლება ექვსი წლის განმავლობაში მეტი დროს დაჟარგვა იქნებოდა. თუ მოსწავლეებელი რაციონალურად მოაწყობს ამ ენის სწავლებას, მთელი გიმნაზიური კურსის საფუძვლიანად შეთვისება ადვილად შესაძლოა ოთხი წლის განმავლობაში. ამნაირად ლათინურ ენის სწავლება, რჩევის აზრით, მეხუთე კლასიდან უნდა იქნეს შე-

მოღებული. ამ ენის სრულიად გაუქმება დღევანდელ ვითარებაში პედაგოგიურ რჩევას სრულიად შეუძლებლად მიაჩნია, რადგან ჩვენი გიმნაზიის კურსდამთავრებულ მოსწავლეებს, რუსეთის უნივერსიტეტები რომ მხედველობაში არ მივიღოთ, საზღვარგარეთის უნივერსიტეტებში არც ერთს მსვლელობა არ ექნება, და განსაკუთრებით კი გერმანიაში.

8. ყველა სავალდებულო საგნების სწავლებაში დასახელებულ ცვლილებათა შემოღება, რასაკვირველია, შესამჩნევ გავლენას იქონიებს სკოლის წარმატებასა და ნაყოფიერებაზე, მაგრამ მოსწავლეების კანონიერ და სრულიად ბუნებრივ მოთხოვნილებას მაინც ვერ დააკმაყოფილებს. ამჟამაა, რომ თანამედროვე გართულებული ცხოვრება ჰბადებს მრავალ ისეთს საკითხებს, რომლის ასე თუ ისე გადაწყვეტასაც მოსწავლის ცნობისმოყვარე გონება დაჟინებით თხოულობს. სკოლის პირდაპირი მოვალეობაა განუმარტოს, გაუთვალისწინოს მოსწავლეებს ეს საჭირბოროტო საკითხები და თვით სკოლის კედლებს შიგნით დააკმაყოფილოს ცნობის მოყვარეობით გატაცებული მოსწავლის გონება. თუ სკოლამ მოსწავლის ასეთის სულიერ მოთხოვნილებების დაკმაყოფილება თავის პირდაპირ მოვალეობად არ ჩასთვალა, ამჟამაა, რომ მოსწავლე ახალგაზრდობა სკოლას ზურგს შეაქცევს და სკოლის გარეშე მოსძებნის ამ საჭირბოროტო საკითხების განსამარტებელ მასალას და, ვინ იცის, რამდენად საიმედო გამოდგება ეს მასალა. ჭეშმარიტი მასწავლებელი მოვალეა სავსებით იცნობდეს თავის მოწაფის სულიერ არსებას, მის ზნეობრივ ფიზიონომიას, მის იდეალებსა და მისწრაფებას. ყველა ამის ცოდნა, სავსებით გათვალისწინება შეუძლებელია, უკეთეს მასწავლებელი არ ზელმძღვანელობს მოსწავლის ყოველმხრივ განვითარების საქმეს. ამიტომ პედაგოგიურ რჩევას აუცილებელ საჭიროებად მიაჩნია. ჩვენს გიმნაზიაში შემოღებულ იქნას ფილოსოფიის, ფსიქოლოგიის, კანონმდებლობის, პოლიტიკური ეკონომიის, სტატისტიკისა და ზოგიერთი სხვა საზოგადო მეცნიერების სწავლება. ამ საგნების სწავლების შემოღება უფროს კლასებში შემოკლებული პროგრამითაც მეტად დიდ სამსახურს გაუწევს გონებრივად განვითარების საქმეს და ერთი ორად გაანაყოფიერებს გიმნაზიის მოღვაწეობას.

9. გარდა ამისა, თითოეულს ხანას, თითოეულ განსაზღვრულ დროს თანა სდევს ესა თუ ის საჭირბოროტო საკითხები, რომლის გარკვევა და გათვალისწინება მეტად აინტერესებს მოსწავლის ცნობისმოყვარე გონებას. ყველა ამ საკითხებს დროებით ხასიათი აქვს და მათი გამორკვევა და გადაწყვეტა სკოლამ უნდა იღოს

თავს. წინააღმდეგ შემთხვევაში მოსწავლე სკოლის გარეშე მოსძებნის ამ საჭირბოროტო საკითხების გადაწყვეტის საშუალებას და ამინაირად მასწავლებელთა და მოსწავლეთა შორის სწყდება ის სულიერი კავშირი, რომელიც ასე საჭიროა ყოველს კეთილად განწყობილსა და მოწესრიგებულ სასწავლებელში. ამიტომ ჩვენ გიმნაზიაში სავალდებულო საგნებთან ერთად შემოღებულ უნდა იქმნას საგნების ფაქულტატური სწავლებაც დროის შესაფერ საჭირბოროტო საკითხების გამოსარკვევად.

10. გამოცდილ პედაგოგების მიერ შემჩნეულია, რომ მასწავლებელი, რომელიც ერთსა და იმავე საგანს დიდი ხნის განმავლობაში ასწავლის, ხშირად ზღბა სრული მონა სახელმძღვანელოსა და მის მიერ შემუშავებულ სწავლების სისტემისა. ამიტომ მასწავლებელმა რომ სკოლაში არ გაამეფოს სწავლების დახვედებული მეთოდი, მასწავლებელი რომ მუდამ ამდიდრებდეს თავის გონებას პედაგოგიკისა და მეთოდის ყოველმხრივ განვითარების ცოდნით, აუცილებლად საჭიროა სკოლის ხელმძღვანელნი დროგამოშვებით სწერდნენ რეფერატებს ამა თუ იმ პედაგოგიურ კითხვების შესახებ და მსჯელობდნენ პედაგოგიური საბჭოს კრებებზე ჭეშმარიტი პედაგოგიური ზომების შესამუშავებლად.

11. პედაგოგიური რჩევის კრებებზე საგულისხმიერო საკითხების შესახებ აზრთა გაზიარება, ამა თუ იმ პედაგოგიური ცდისა და დაკვირვების მოხსენება და განსჯა, ყველა საგნების შესახებ აზრთა გაზიარება, ყველა საგნების სწავლებაში დიდს ჰარმონიას შეიტანს, კერძო საგნების სწავლებაში დაამკვიდრებს მჭიდრო კავშირს, ერთსულობასა და ერთგულობას. ასეთ სოლიდარულ შემოქმედების დროს სრულიად ადგილი არ ექნება ისეთს სამუშაო გარემოებას სკოლაში, როცა ერთი რომელიმე მასწავლებელი ძლიერ ხშირად გულმოდგინედ აშენებს მოსწავლეების გონების განვითარების საღაროს მკვიდრ კედლებს და მეორე კი ასეთსავე გულმოდგინეობით ძირს უთხრის ამავე კედლებს.

12. რეფერატების რჩევაზე თეორეტიულად განსჯის გარდა, საჭიროა, რომ მასწავლებლები დროგამოშვებით ესწრებოდნენ ამხანაგების სამაგალითო გაკვეთილებს და პრაქტიკულად ეცნობოდნენ სწავლების სისტემას და მეთოდებს. სამაგალითო გაკვეთილების საერთო ძალით განსჯა და განხილვა მეტად ხელს შეუწყობს, მასწავლებელმა რომ ჭეშმარიტი აზრი შეადგინოს ამა თუ იმ საგნის სწავლების შესახებ.

2. შინაური მართვა-გამგეობის ორგანიზაცია

1. სკოლის სულს და გული მასწავლებელია. სკოლის წარმატება, ჭეშმარიტი ნაყოფიერება მოსალოდნელია მხოლოდ მაშინ, როცა სკოლას ერთგულად თავს დასტრიალებს შეგნებული, ჭეშმარიტის ცოდნით შეიარაღებული მასწავლებელი. მოზარდ ახალთაობის გონებრივ განვითარების ხელმძღვანელობა, კეთილს გზაზე დაყენება და სწორის მიმართულების მიცემა სამძიმო და პასუხსაგები მოვალეობაა, რომლის ღირსეულად შესრულება დიდს მხნეობას, ცოდნასა და გამჭრიახობას მოითხოვს. ცხოვრება სწრაფის ნაბიჯით წინ მიისწრაფვის, სოციალური ურთიერთობა რთულდება, მეცნიერება თანდათან ვითარდება და ამის მიხედვით აზრთა მსვლელობაც სულ სხვა მიმართულებას იღებს. ჭეშმარიტ მეთაურს, ჭეშმარიტ მასწავლებელს ამ გართულებული ცხოვრების ალღო უნდა ჰქონდეს აღებული, ჭეშმარიტი მასწავლებელი ცხოვრების და მეცნიერების განვითარებას კვალდაკვალ უნდა მისდევდეს. თუ მართლა სურს, რომ ახალთაობას ნამდვილი მეთაურობა გაუწიოს. ამიტომ საჭიროა მასწავლებელს იმდენი თავისუფალი დრო ჰქონდეს, რომ ცხოვრებას უკან არ ჩამორჩეს, თანამედროვე მეცნიერებისა და აზრთა მსვლელობის უმეცარი არ გახდეს და მით უდიდესი ხელმძღვანელობა არ გაუწიოს მომავალ ახალთაობას. მასწავლებელმა რომ ღირსეულად შეასრულოს თავისი მეტად სამძიმო და პასუხსაგები მოვალეობა, რჩევის აზრით, საჭიროა იგი კვირაში აძლევდეს არა უმეტეს 18 გაკვეთილისა.

მასწავლებელი მთელ თავის შრომას, ენერგიასა და მოცალეობას სკოლას უნდა ახმარდეს და, ამიტომ, რასაკვირველია, ცხოვრების საღსარსაც სკოლიდანვე უნდა იღებდეს. ამჟამად ჩვენი გიმნაზიის მასწავლებლების მატერიალური მდგომარეობა საზოგადოდ ვერაა უზრუნველყოფილი. მასწავლებელი შედარებით მცირე ჯამაგირს იღებს, ასე რომ არ შეუძლიან ცხოვრების უსაქიროესი მოთხოვნილებანი დაიკმაყოფილოს და ამიტომ გიმნაზიის გარეშე უნდა იშრომოს. ამჟამად, რომ მასწავლებლის სკოლის გარეშე შრომა და მოღვაწეობა მეტად ხელს შეუშლის გიმნაზიის ნაყოფიერად მოქმედებას, ამიტომ რჩევას საქმის საკეთილოდ მიაჩნია, მასწავლებელმა რომ მთელი თავისი შრომა გიმნაზიას შესწიროს და შედარებით რიგიანადაც იცხოვროს, თვითეულს წლიურ გაკვეთილში ჯამაგირად 150 მანეთი მიეცეს იმ პირობით, რომ ბინის ფასი, ხუთი წლის ნამსახურების ჯილდო, აღმზრდელობის და კლასის დამრიგებლობისათვის ჯამაგირი გაუქმდეს. ამასთანავე მოსამზადებელ და გიმ-

ნაწიურ კლასების მასწავლებლები თანაბრად უნდა იღებდნენ ჯამაგირს, რადგან მოსამზადებელ კლასებში სწავლება არა ნაკლებ შრომასა და პასუხისმგებლობას მოითხოვს. სხვა სასწავლებლების მაგალითი ჩვენი სკოლისათვის მოსატანი არაა, რადგან მოსამზადებელ მასწავლებლების აწინდელი ჯამაგირით დაჯილდოება უსამართლობაზედაა დამყარებული და ჩვენს განახლებულ სკოლაში ასეთს უსამართლობას ადგილი არ უნდა ჰქონდეს.

მასწავლებელმა რომ ენერგიულად იშრომოს სკოლაში, საკმარისი არაა მარტო წლითიწლობით უზრუნველჰყოს იგი ნივთიერად. მასწავლებლობა, როგორც ზემოთ მოვიხსენიეთ, ძლიერ სამძიმო საქმეა და, მაშასადამე, ეს მძიმე ტვირთი რამდენისამე წლის ენერგიულად შრომის შემდეგ აუძლურებს მასწავლებელს და უკარგავს შრომის უნარს. აი ამ შემთხვევისათვის სკოლა მოვალეა თავისი ერთგული მუშაკნი, უკვე შრომის უნარს მოკლებულნი, უზრუნველჰყოს ნივთიერად და სათანადო პენსია დაუნიშნოს. პედაგოგიურ რჩევას შესაძლებლად მიაჩნია დარჩეს ჭერჭერობით აწ არსებული საპენსიო წესდება, მხოლოდ იმ ცვლილებით, რომ ყველ მასწავლებელი თანაბრად იღებდეს პენსიას. სრულის პენსიის მიღებისათვის, რომლის რაოდენობა 1.200 მანეთით განისაზღვრება, საჭიროა 15 წლის სამსახური არსებულ წესდებაში ნაჩვენები 20 წლის მაგივრად. მასწავლებელს 10 წლის სამსახურის შემდეგ ეძლევა უფლება სრული პენსიის ორი მესამედი მიიღოს. პენსიის დამსახურების შემდეგ თვითუღმა მასწავლებელმა უთუოდ სკოლას თავი უნდა დაანებოს. თუ საჭიროება მოითხოვს, მასწავლებლებს ჯამაგირიდან დაეჭიროს 10 პროცენტი საპენსიო თანხის გასაღებლად.

ამჟამად მასწავლებლების მოწვევის დროს უმთავრესს ყურადღებას აქცევენ ამა თუ იმ კანდიდატის დიპლომს, საშუალო ან უმაღლესი სასწავლებლის დამთავრების მოწმობას. მასწავლებლის უნარი და საქმიანობა ამ მოწმობების მიხედვით იზომება, რასაც, როგორც ხანგრძლივმა პრაქტიკამ დაგვარწმუნა, ძლიერ ცუდი და არასასურველი შედეგი მოსდევს. ამიტომ რჩევას საქმის საკეთილად მიაჩნია, მასწავლებლების მოწვევის დროს განსაკუთრებული ყურადღება უნდა მიექცეს კანდიდატის მხოლოდ პედაგოგიურ ნიჭსა და გამოცდილებას და არა უმნიშვნელო მოწმობას, რომელიც ვერაფერი საიმედო ფაქტობია მასწავლებლის პედაგოგიური ნიჭისა და ნაყოფიერად საქმიანობისა.

ქალებმა დიდი ხანია დაამტკიცეს თავიანთი ნიჭი და უნარი პედაგოგიურ ასპარეზზე და ამიტომ საჭიროა, რომ ტფილისის ქარ-

თულ გიმნაზიაში ქალებსაც იგივე უფლება ჰქონდეთ მასწავლებლობისა, როგორც მამაკაცებსა აქვთ.

2. პედაგოგიური კეშმარიტებაა, მოსწავლის სწავლება და მით უფრო აღზრდა ყოვლად შეუძლებელია, თუ მასწავლებელი მოსწავლეს კარგად არ იცნობს. მასწავლებელი ხედავს მოსწავლეს კლასში მხოლოდ რამდენსამე საათით და ისიც ისეთ პირობებში, როცა ყმაწვილის ინდივიდუალური თვისებები, ყმაწვილის სული და გული, ყმაწვილის მთელი არსება შებოჭვილია ერთგვარის საკლასო დისციპლინით. მოსწავლის მთელი სულიერი არსება იფურჩქნება მხოლოდ დასვენებისა და თამაშის დროს, სწორედ მაშინ, როცა იგი შევიწროვებული არაა არავითარი დისციპლინით, როცა იგი თვითონვე თავის თავის პატრონია და ანგარიშს არავის არ აძლევს ამა თუ იმ მოქმედებისათვის. მასწავლებელსა და მოსწავლეს შორის გაკვეთილების შემდეგ თითქმის ყოველივე კავშირი სწყდება, მასწავლებლის თანდაუსწრებლად, მასწავლებლის სრულიად გარეშე მიმდინარეობს ის საინტერესო მომენტი, როცა მოსწავლე სრულიად თავისუფლად სუნთქავს, სრულიად ძალდაუტანებლივ ერთობა და თამაშობს, როცა იგი თავის მთელს სულიერ მოძრაობას მაყურებელთ თვალწინ უშლის. მასწავლებელი მხოლოდ მაშინ გაიცნობს მოსწავლეს, როცა იგი მასწავლებლისა და აღმზრდელის სახით მუდამ ბავშვებს თავს დასტრიალებს, როცა იგი ბავშვების ქირისა და ლხინის გულახდილი მოზიარეა. ამიტომ რჩევას გონივრულ ზომად მიაჩნია, რომ ჩვენს რამდენადმე მაინც განახლებულს გიმნაზიაში მასწავლებლისა და აღმზრდელის თანამდებობას ასრულებდეს ერთი და იგივე პირი, რომ ეს ორი განუყრელი თანამდებობა შეერთებულ იქმნას გიმნაზიის საკეთილდღეოდ.

3. ყოველი სკოლა უძლურია მოზარდ თაობის სწავლა-აღზრდის საქმე ნორმალურად აწარმოოს, თუ კეთილ-განწყობილი ოჯახი მას ხელს არ უწყობს, დახმარებას არ აძლევს, ამიტომ განახლებულ სკოლის მასწავლებლების მოვალეობად უნდა ჩაითვალოს მმართველობის დროგამოშვებით მოსწავლეების მშობლებთან საუბარი სხვადასხვა პედაგოგიურ კითხვების შესახებ და ამნაირად დაამყაროს სკოლასა და ოჯახს შორის ზნეობრივი კავშირი, რომელსაც ასე საჭიროებს თანამედროვე განმარტებული-სკოლა. სკოლასა და ოჯახს შორის ეს კავშირი უფრო რომ გაძლიერდეს, რჩევას საჭიროდ მიაჩნია ჩვენი გიმნაზიის საქველმოქმედო ნაწილის გამგეობა კომიტეტსა და მოსწავლეების მშობლების მიერ არჩეულ წრეს გადაეცეს საწარმოებლად.

4. ამჟამად გიმნაზიის მთელ საქმეებს აწარმოებს „ღარიბ მოწაფეთა შემწე ტფილისის გუბერნიის თავად-აზნაურთა-საზოგადოების“ მიერ არჩეული გამგე კომიტეტი, რომელიც შვიდის წევრისაგან შედგება. თანახმად არსებულ წესდებისა, კომიტეტს უფლება აქვს აწარმოვოს და განაგოს არა მარტო გიმნაზიის სამეურნეო ნაწილი არამედ სასწავლო ნაწილიც კი. კომიტეტმა თუ წესდების მიერ მინიჭებულ უფლებით სავსებით ისარგებლა, პედაგოგიურ რჩევის მნიშვნელობა თითქმის სრულიად უქმდება. კომიტეტს სრული უფლება აქვს მოიწვიოს და დაითხოვოს ესა თუ ის მასწავლებელი, ანუ გიმნაზიის სხვა რომელიმე მომსახურე პირი, არ დაეთანხმოს და გააუქმოს პედაგოგიურ რჩევის თვითიერი უმნიშვნელო გადაწყვეტილებაც კი. კომიტეტს სრული უფლება აქვს გაერიოს გიმნაზიის ყოველგვარ შინაურ საქმეებში და ამნაირად პედაგოგიური რჩევის (მოქმედება) მნიშვნელობა ფაქტიურად მოსპოს. გამგე კომიტეტის ასეთი უფლებების მინიჭებით წესდება და გიმნაზიაში დამყარებული აწინდელი პრაქტიკა კერძოდ მასწავლებლებს და საერთოდ მთელ პედაგოგიურ რჩევას მეტად შევიწროვებულ მდგომარეობაში აყენებს. მასწავლებელს უფლება აქვს მინიჭებული მხოლოდ გაკვეთილები აძლიოს, პედაგოგიურ რჩევას კი — მხოლოდ იტათბიროს ამა თუ იმ პედაგოგიურ საკითხის შესახებ. პედაგოგიური რჩევა ასეთი უფლების განაწილებით ვერც ერთ სერიოზულ პედაგოგიურ (საკითხს) ზომის განხორციელებას ვერ ახერხებს სკოლაში დამოუკიდებლად, რადგან, წესდების ძალით, პედაგოგიურ რჩევის თვითიერი გადაწყვეტილება კომიტეტმა უნდა დაამტკიცოს და დაადასტუროს. მასწავლებლების უფლებათა განსაზღვრა მხოლოდ გაკვეთილების მიცემით და პედაგოგიური რჩევის თითქმის სათათბირო ორგანოდ დასახვა საქმის კეთილად წარმოებას მეტად ხელს უშლის. ნაყოფიერად მოღვაწეობა ორის ორგანოსი, რომელთაგანაც ერთი სრულის უფლებებითაა აღჭურვილი და მეორე კი თითქმის ყოველგვარ უფლებას მოკლებულია, პრაქტიკულად შეუძლებელი და მოუხერხებელია. ყოველთვის ასე ყოფილა და მომავალშიაც ასე იქმნება, რომ უფლება მოსილ და ამავე უფლებას მოკლებულ ორგანოთა შორის აღიმართება ჩინური ზღუდე, დამყარდება მათ შორის სრული უკმაყოფილება, რაიც ძირს გაუთხრის იმ საერთო საქმეს, რომლის სასამსახუროდ და საკეთილდღეოდ მოწოდებულია ორივე ორგანო. დღესდღეობით არავისთვის დაფარული არაა, რომ კომიტეტსა და პედაგოგიურ რჩევას შორის, სწორედ ამ უკანასკნელის უუფლებლობის გამო, არა თუ სასურველი სოლიდარობა არა არსებობს,

პირიქით, განხეთქილებაც კია. გამგე კომიტეტი ეკვისა და უნდობლობის თვალთ შეჰყურებს მასწავლებელთა კორპორაციას, პედაგოგიური საბჭოს თითქმის თვითუღს გადაწყვეტილებას; მასწავლებლები თავის მხრით ასეთსავე უნდობლობას უცხადებენ გამგე კომიტეტს და, ამრიგად, რასაკვირველია, გიმნაზიის კეთილად წარმოების საქმე მეტად ფერხდება. ასეთი *status quos* დატოვება ყოვლად შეუძლებელია. ამიტომ რჩევას აუცილებელ საჭიროებად მიიჩნია, რომ პედაგოგიური საბჭო გიმნაზიის შინაურ მართვა-გამგეობაში დამოუკიდებელ ორგანოდ იქმნას აღიარებული, გამგე კომიტეტს უფლება არა ჰქონდეს გიმნაზიის შინაურ ცხოვრებაში გარევისა. კომიტეტი დარჩება მხოლოდ სარევიზიო და მეთვალყურე ორგანოდ, რომელიც საჭიროების მიხედვით წარუდგენს საზოგადო კრებას თავის მოსაზრებას გიმნაზიის მდგომარეობის შესახებ.

5. რაკი პედაგოგიური საბჭო დამოუკიდებელ ორგანოდ იქნება აღიარებული, რაკი პედაგოგიური საბჭო იქნება უახლოესი გამგე გიმნაზიის მთელის სამოსწავლო ნაწილისა, ამიტომ, რასაკვირველია, მასწავლებელთა მთელი კორპორაცია უნდა იყოს პასუხისმგებელი საზოგადო კრების წინაშე გიმნაზიის კეთილდღეობის ყოველსავე საქმეში.

6. სკოლის წარმოება მეტად ცოცხალი საქმეა. სკოლის კეთილად წარმოება მოითხოვს დიდ სოლიდარობასა და საერთოდ შეთანხმებას მასწავლებლების მხრით. თუ ასეთი განწყობილება არ არსებობს მასწავლებელთა შორის სკოლის ნაყოფიერად წარმოება შეუძლებელია: ამჟამად ჩვენი გიმნაზიის გამგისა და მასწავლებლების მოწვევა კომიტეტის სრული უფლებაა. კომიტეტი, რასაკვირველია, სავსებით სარგებლობს ამ უფლებით და თავის შეხედულებით ნიშნავს როგორც გამგეს, ისე მასწავლებლებსაც. ადვილად შესაძლებელია, რომ კომიტეტმა ძლიერ კარგი გამგე და მასწავლებელიც მოიწვიოს, მაგრამ ისიც ადვილი შესაძლებელია, რომ ეს გამგე და მასწავლებელი ვერ შეთანხმდეს დანარჩენ მასწავლებლებთან, ვერ დაიჭიროს მათთან კეთილ-განწყობილება საერთო სამოღვაწეოდ და ამრიგად სკოლის საზიანოდ დისპარმოინა შეიტანოს მასწავლებელთა კორპორაციაში. მასწავლებელს უნდა ეკითხებოდეს, ვისთან მოუხდება მას მოღვაწეობა, საერთო უღლის წევა, სასურველია ესა თუ ის პირი მისთვის, შესძლებს იგი ამ ახლად მოწვეულ პირთან საერთო შრომა-სა და მოღვაწეობას! დიად, ყველგან, სადაც სოციალური ცხოვრება ნორმალურად მიმდინარეობს, საზოგადო საქმეთა წარმოება მჭიდროდ დაკავშირებულია იმ გონივრულ პრინციპთან, რომელსაც არჩევანთა პრინციპს ეძახიან. ამიტომ რჩევას აუცილებელ საჭიროებად

და სადღეისოდ მიაჩნია, რომ პედაგოგიური საბჭო ირჩევდეს გამგეს, მასწავლებლებს და გიმნაზიის სხვა მოსამსახურე პირთ. პედაგოგიური საბჭო გიმნაზიის გამგეს სამი წლის ვადით ირჩევს. საბჭო უფლება უნდა ჰქონდეს გამგე დასახელებულ ვადამდე გადააყენოს, თუ საჭიროება მოითხოვს, მხოლოდ კანონიერ გასამართლების შემდეგ.

7. რაკი მასწავლებლებს დაეკისრებათ აღმზრდელების მოვალეობა, რაკი მასწავლებელთა მთელი კორპორაცია მოწოდებული იქნება სამოსწავლო ნაწილის ყველა სფეროში იმორეგაციას, ამიტომ პედაგოგიურ რჩევას საფუძვლიანად მიაჩნია გიმნაზიის გამგის თანაშემწეთა თანამდებობის გაუქმება. თანაშემწეების მოვალეობას შეასრულებენ თვით პედაგოგიურ საბჭოს კრებები. ამ თანამდებობის გაუქმება საქმის კეთილად წარმართვა ხელს არ შეუშლის, მატერიალური მხრით კი გიმნაზიას დიდ შეღავათს მისცემს.

8. სწავლების ნაყოფიერებას მეტად აფერხებს, როცა თვითეულ კლასში მოსწავლეების რაოდენობა ნორმას აღემატება. ყოველი კეთილი განწყობილი ცდილობს სკოლის ნაყოფიერების გასაუმჯობესებლად თვითეულ კლასში მოსწავლეების რაოდენობა, შეძლებისდაგვარად, შეამციროს. მართალია, მოსწავლეების რაოდენობის შემცირება მრავალ მოსწავლეს დასტოვებს სკოლის გარეშე, მაგრამ ისევ ისა სჯობია, რომ სკოლამ ქეშმარიტად უწინამძღვროს მოსწავლეთა განსაზღვრულ რაოდენობას, სანამ ერთსა და იმავე კლასში მოითავსოს ნორმაზე გადამეტებული რიცხვი და მით უმეტესობა ააცდინოს სწორსა და ქეშმარიტს გზას. სწავლის საქმე რომ რიგიანად წავიდეს, საჭიროა თვითეულ კლასში მოსწავლეთა რაოდენობა 25-ს არ აღემატებოდეს. კიდევაც რომ არსებულ კლასებთან დაარსდეს პარალელური განყოფილებანიც, მთელ სასწავლებელში საერთო რიცხვი 600 მოსწავლეს არ აღემატება და სასწავლებლის ასეთი მართვა-გამგეობა მაინც და მაინც საძნელო არ იქნება. თუ თვითეულ კლასში ჩვეულებრივ ნორმად მოხსენიებული რაოდენობა დაწესდა, რჩევა ღრმად დარწმუნებულია, რომ სკოლაში სწავლის საქმე ერთი ორად უფრო კარგად წავა.

9. სკოლა და სკოლის მართვა-გამგეობა საზოგადო საქმეა. ჩვენი „საზოგადოება“ მრავალგვარადაა დაინტერესებული ჩვენი გიმნაზიის კეთილდღეობის საქმეში და ამიტომ მას საშუალებაც უნდა ჰქონდეს, ყოველთვის თვალყური ადევნოს გიმნაზიის შინაურ ვითარებას. საზოგადოებამ ნამდვილად უნდა იცოდეს, რა ხდება გიმნაზიაში, როგორ მოღვაწეობას ეწევა ესა თუ ის გიმნაზიის მოსამსახურე პირი. საზოგადოების სამართლიანი კონტროლი, საზოგადოების პირუთ-

ვნელი კრიტიკა საქმის კეთილად წარმოებას ერთი ორად ხელს შეუწყობს. გიმნაზიის ნაყოფიერებას გააორკეცებს. საზოგადოების სამართლიანის კონტროლის შემწეობით, გიმნაზიას ჩამოშორდება ყველა ის დაბრკოლებანი, რომელიც ამჟამად მის წარმატებას ძირს უთხრის და დღითიდღე შეუმჩნევლად ასუსტებს. ამიტომ პედაგოგიურ რჩევის სხდომები, აუცილებლად საჭიროა იმართებოდეს პრესის წარმომადგენლებისა და კომიტეტის წევრების თანდასწრებით, რომელთაც მხოლოდ სათათბირო ხმის უფლება უნდა მიენიჭოთ. პრესის საშუალებით საზოგადოება მუდამ ეამს თვალყურს ადევნებს გიმნაზიის ავკარგიანობას.

10. მოსწავლეების მშობლები, რასაკვირველია, დიდად დაინტერესებულნი არიან გიმნაზიის საქმეებში და, მაშასადამე, მათი მონაწილეობა მეტად სასურველია პედაგოგიურ სხდომებზე. მაგრამ ასეთ მონაწილეობის მიღება მრავალ გვარად შეაფერხებს რჩევის ნაყოფიერად მოქმედებას. ადვილად მოსალოდნელია, რომ პედაგოგიურ რჩევის კრებებზე მრავლად დაესწრონ მშობლები ან მათი წარმომადგენლები. ყოველი მრავალრიცხოვანი კრების უმთავრესი ხასიათი ისაა, რომ სულ უბრალო საკითხი მთელ დაუსრულებელ კამათად გადაიქცევა და ისიც გამოურკვეველი დარჩება. რაიცა შეეხება რთულისა და სპეციალურ კითხვების განსჯა-განხილვას, ეს ხომ სრულიად შეუძლებელი და მოუხერხებელია. ამნაირად საჩქაროდ გადასაწყვეტი კითხვები კრებიდან კრებამდინ გადაიდება და ასეთ საქმის გაჭიანურებას დასასრული არ ექნება. რაკი პედაგოგიურ რჩევის სხდომებზე პრესის წარმომადგენლებს უფლება აქვთ დაესწრონ და, მაშასადამე, მშობლებს შეძლება ეძლევათ პრესის საშუალებით თვალყური ადევნონ გიმნაზიის ავკარგიანობას, რჩევამ საჭიროდ დაინახა მოიწვიოს პედაგოგიურ რჩევის სხდომებზე მხოლოდ ის მშობლები, რომელთა შვილების „ბედილბალი“ უნდა გადაწყდეს ამა თუ იმ კრებაზე და მიანიჭოს მათ გადაწყვეტი ხმის უფლება.

11. ამჟამად გიმნაზიაში სწავლის ფული წლიურად თორმეტა მანეთია დაწესებული. პედაგოგიური რჩევა მოსწავლეების სამ მეოთხედს ანთავისუფლებს სწავლის ფულის შემოტანისაგან. დანარჩენ შეგირდებს თუმცა ევალებათ თავის დროზე შემოიტანონ სწავლის ფული, მაგრამ, უმეტეს შემთხვევაში ესენიც ვერ ახერხებენ შემოტანას. სწავლის ფული ისე ცოტა შემოსდის სკოლას, რომ მის ასაკრებად რაიმე რეპრესიულ ზომების მიღება მეტად უხერხული და შეუსაბამოა. ამიტომ რჩევას საჭიროდ და სადღეისოდ მიაჩნია ქართულ გიმნაზიაში სწავლის ფულის გადახდა სრულიად გაუქმდეს.

12. საშუალო სკოლებთან პანსიონების დაარსება თავის დროზე გამოწვეული იყო მატერიალურის მოსაზრებით. პროვინციაში ხელმოკლე მცხოვრებთათვის შვილის ქალაქ ადგილას კერძო ოჯახებში დაბინავება, მისი ჩაცმა, დახურვა, წიგნებისა და სამოსწავლო ნივთების ყიდვა და სწავლის ფულის გადახდა ძნელი იყო. რამდენადმე რომ შეემსუბუქებინა პროვინციელთათვის შვილის აღზრდის საშუალება, მთავრობამ საშუალო სკოლებთან გამართა პანსიონები და წლიური შესატანი ფასიც შედარებით მცირე დააწესა. ამნაირად, პანსიონების დაარსება, როგორც ზემოდ მოვიხსენიეთ, უმთავრესად მატერიალურ მოსაზრებით იყო გამოწვეული და მართლაც ამ მხრით პანსიონებმა თავისი დანიშნულება კიდევაც შეასრულეს და დღესაც, შედარებით, პირნათლად ასრულებენ. პანსიონების არსებობის საფუძვლიანობას ზოგიერთნი პედაგოგნი პედაგოგიურ მოსაზრებითაც ამართლებდნენ. ამ პედაგოგების აზრით, სკოლის უახლოესი გაშვანი უფრო მეტ გავლენას იქონიებენ პანსიონერებზე, ვაკეთილების მომზადების საქმეს უფრო კარგად მოაწესრიგებენ, მოსწავლენი მთელის დღის განმავლობაში მასწავლებლებისა და აღმზრდელების გავლენის ქვეშ იქნებიან, რაიცა ყმაწვილების გონებრივად და ზნეობრივად განვითარებას ერთი ორად ხელს შეუწყობსო. მაგრამ ცხოვრება თვით გამოცდილ პედაგოგებზე უფრო სასტიკი კრიტიკოსია, ხანგრძლივმა პრაქტიკამ ნათლად დაგვანახა, რომ პანსიონებმა სრულიად ვერ გაამართლეს ზოგიერთ პედაგოგებისაგან ნაწინასწარმეტყველი იმედები. ცხოვრების სინამდვილემ ნათელჰყო, რომ პანსიონებში მოსწავლეები მეტად ცუდი ყოფაქცევისა არიან. მრავალ უზნეო ჩვეულებას ითვისებენ, მეტად ცუდად მოქმედებენ მომსვლელ მოსწავლეებზე, სისტემატიურად ზარმაცობენ, რის გამოც მომსვლელ მოწაფეებთან შედარებით სწავლაში წარმატება სრულიადაც არ ეტყობათ. მიზეზი ასეთის სამწუხარო შედეგებისა მხოლოდ და მხოლოდ პანსიონების ყაზარმულ ცხოვრებაში უნდა ვეძიოთ. ამიტომ რჩევას პანსიონის არსებობა ქართულ გიმნაზიასთან პედაგოგიურის მოსაზრებით მავნებლად მიაჩნია და, ამის გამო, კიდევაც უნდა მოისპოს. მხოლოდ ის მოსწავლეები, რომელნიც ამჟამად თავად-აზნაურობის სრულსა ან ნახევარ ხარჯებზე იზრდებიან, დაბინავებულ უნდა იქმნან საიმედო ოჯახებში, არა უმეტეს სამის შეგირდისა თვითულის ოჯახში.

13. რადგან განახლებულ გიმნაზიაში პანსიონი უნდა გაუქმდეს, ამკარაა, ეკონომის მოვალეობა შესამჩნევად შემცირდება. ამიტომ რჩევას შესაძლებლად მიაჩნია, გიმნაზიის საქმეების მწარმოებლისა და ეკონომის თანამდებობა შეაერთოს, ერთსა და იმავე პირს ჩა-

აბაროს, რომელსაც წლიურად 1800 მან. უნდა დაენიშნოს და ამასთანავე უფასოდ მიეცეს ბინა, შეშა და განათება. პენსიის მიღების უფლება მომავალ საქმის მწარმოებელ ეკონომს მიენიჭოს საპენსიო წესდების მიხედვით.

14. პედაგოგიური რჩევა სრულიად დამოუკიდებლად განაგებს გიმნაზიის შინაურს საქმეებს მხოლოდ იმ საზღვრებში, რომელსაც აღუნიშნავს მას საზოგადო კრება; პედაგოგიური რჩევა განახორციელებს გიმნაზიაში იმ დედაზრს, იმ პროგრამას, რომელსაც მოიწონებს საზოგადო კრება და წლის განმავლობაში მისცემს პედაგოგიურ რჩევას სახელმძღვანელოდ. ყოველ წლის ბოლოს პედაგოგიური რჩევა წარუდგენს საზოგადო კრებას გიმნაზიის სრულს ანგარიშს და მომავალ მოქმედების განზრახვათა პროგრამას განსახილველად და სათანადო დასამტკიცებლად. დამოუკიდებელი პედაგოგიურ რჩევა განაგრძობს გიმნაზიაში თავის მოღვაწეობას მანამდის, სანამ საზოგადო კრება არ გამოუცხადებს მას უნდობლობას. როცა პედაგოგიური რჩევა ვერ შესძლებს დასთანხმდეს საზოგადო კრების გადაწყვეტილებას, რჩევის წევრი, თუ ამას საჭიროდ დაინახავს, გიმნაზიაში სამსახურს თავს ანებებენ და საზოგადო კრება ირჩევს ახალ მასწავლებლებს თავის სასკოლო პროგრამის განსახორციელებლად.

15. პედაგოგიური რჩევა უმორჩილესად სთხოვს საზოგადო კრებას, დასახელებულ გიმნაზიის მომავალ ცვლილებათა პირადად დასაცველად და დასასაბუთებლად კეთილ ინებოს და მისცეს მასწავლებელთა კორპორაციის წევრთ უფლება საზოგადო კრებაში სათანადო ხმით მონაწილეობის მიღებისა“.

პედაგოგიური საბჭოს მიერ წარდგენილმა გიმნაზიის რეორგანიზაციის პროექტმა „საზოგადოების“ მორიგ კრებაზე (1905 წ., 19 ივნისს) დიდი შეხლა-შემოხლა გამოიწვია. კრებას დიდძალი ხალხი მოაწყდა, ერთმანეთის წინააღმდეგ დაირაზმენ გამგე კომიტეტი და პედაგოგიური საბჭო. კომიტეტს მიემხრნენ დიდი ფეოდალები, გენერლები, ბობოლა მოხელეები, პედაგოგიურ საბჭოს კი — საზოგადოების პროგრესიული ნაწილი. იაკობ. გოგებაშვილმა რეორგანიზაციის პროექტის შესახებ კერძო აზრი წარმოადგინა. ი. გოგებაშვილს მიემხრო ცნობილი პედაგოგი ი. დულაძე. „საზოგადოების“ წევრთა შორის აღმოჩნდნენ ოპოზიციონერები: ექიმი მ. გედევანიშვილი, ექიმი ვ. მუსხელიშვილი, ინჟინერი დ. ჯორჯაძე, აგრონომი ვ. რეხილაძე, პუბლიცისტი გ. რეხილაძე, პედაგოგი გ. ყაზახიშვილი და სხვ.

სანამ რეორგანიზაციის პროექტის განხილვას შეუდგებოდნენ,

საზოგადოების წევრმა დ. მ. დუმბაძემ მოულოდნელად შემდეგა განაცხადა: იგი შეუძლებლად სთელის მასწავლებლის პ. მ. კორხანიდის ქართული გიმნაზიის სკოლის მოსამზადებელი კლასებისათვის მასწავლებლობას, რადგანაც კორხანიდმა ქართული ენა არ იცის და საზოგადოების სურვილით და პედაგოგიის შოთხონილებით კი პირველ დაწყებითი სწავლა უთუოდ უნდა ბავშვების სამშობლო ენაზე სწარმოებდესო. ვერ ხედავს შესაძლებლად კორხანიდის გიმნაზიის მასწავლებლად დატოვებას იმიტომაც, რომ ამ უკანასკნელს შეუდგენიაო სახელმძღვანელო, რომელიც ხელს უწყობს დეკანოზ ვოსტორგოვის¹ და მისი თანამოაზრეთა მისწრაფებას—ჩვენს სკოლებში ეგრეთწოდებული მუხჯურ მეთოდის გაბატონებასო. ყოველად შეუძლებლად ხედავს (დუმბაძე) მასწავლებლის პ. კორხანიდის სკოლაში დატოვებას კიდევ იმიტომ, რომ ეს მასწავლებელია არის ჭაშუში სასწავლო მთავრობისაო.

ე. თაყაიშვილი (გიმნაზიის ყოფილი გამგე) არ ეთანხმება დუმბაძეს და ამბობს, რომ კორხანიდი მოწვეულია რუსული ენის მასწავლებლად მეოთხე განყოფილებისა და პირველი გიმნაზიური კლასისათვის, ამ კლასებში კი საჭირო არ არის, რომ მასწავლებელმა აუცილებლად იცოდეს ქართული ენა. კორხანიდი, თაყაიშვილის სიტყვით, რუსული ენის სამაგალითო მასწავლებელია და ასეთი კაცის მოშორება გიმნაზიისათვის დიდი დანაკლისი იქნებაო.

მასწავლებელი კორხანიდი მოწვეული იყო, განაგრძო თაყაიშვილმა, იმის შემდეგ, როცა სანიმუშო გაკვეთილები მისცა კომიტეტის წევრის ნ. ზ. ცხვედაძის, ყოფილი მასწავლებლის გ. ნ. იოსელიანის და მისი, ე. ი. თაყაიშვილის, თანდასწრებით. ეს სანიმუშო გაკვეთილები ყველა დამსწრემ მოიწონა და პ. კორხანიდი დარჩა გიმნაზიის მუდმივ მასწავლებლად. ამ მასწავლებელმა შეადგინა ორი სახელმძღვანელო: ერთი ქრესტომათია, რომელიც მოწონებული და მიღებულია არათუ კავკასიის სასწავლო ოლქში, არამედ მთელ რუსეთშიც. რაც შეეხება მეორე სახელმძღვანელოს, ეგრეთწოდებულ „Живое слово“-ს, ეს წიგნი მე თვითონ არ მომწონდა, მაგრამ ვერ ავუტყრიალავდი დაბეჭდვას, რადგან ეს კორხანიდის კერძო საქმე იყო, თუმცა, ჩემი აზრი მაშინვე გამოეთქვი, რომ წიგნი არ უნდა დაბეჭდილიყო.

გიმნაზიის მასწავლებელმა ივანე რატიშვილმა განაცხადა: „როდესაც კაცი ბედავს მეორე კაცს შეურაცხყოფა მიაყენოს საჯაროდ,

¹ ვოსტორგოვი იყო დეკანოზი—რეაქციონერი და პატარა ერების მოძულე.

მაშინ უთუოდ საფუძვლიანი ფაქტები უნდა ჰქონდეს, ამიტომ კორხანიდის ზნეობის შესახებ ლაპარაკის დროს სიფრთხილე გვმართებს, რომ ჩვენ მიერ მისი შეურაცხყოფა უსაფუძვლო არ გამოდგეს. როცა კორხანიდმა სამაგალითო გაკვეთილი მისცა გიმნაზიაში, ამ გაკვეთილს დაესწრო გიმნაზიის გამგე, მასწავლებელი გიორგი იოსელიანი და კომიტეტის წევრი ნ. ცხვედაძე. გაკვეთილის შემდეგ სამასწავლებლო ოთახში იოსელიანმა თქვა კორხანიდის შესახებ:

„Это находка для гимназии“. შემდეგ მეც დაერწმუნდი, რომ კორხანიდი ძალიან მოხერხებული მასწავლებელია. რაც შეეხება სახელმძღვანელოს რუსული ენის შესასწავლად, როცა ამის შესახებ არასასიამოვნო ლაპარაკი იტყდა საზოგადოებაში, მაშინ სამასწავლებლო ოთახში გამოუცხადე კორხანიდის, რომ მას თავი გაემართლებინა. იმავე საღამოზე შეიკრიბნენ ქართული გიმნაზიის მასწავლებლები, აგრეთვე სხვა ქართველი მასწავლებლებიც. უმეტესობა წინააღმდეგი იყო მისი გამოცემისა, მაგრამ ზოგიერთმა იგადაინახა არა ნაკლებ სასარგებლოდ, ვიდრე იაკობ გოგებაშვილის წიგნი“.

ნ. ზ. ცხვედაძე დაეთანხმა ე. თაყაიშვილის აზრს, რომ კორხანიდი კარგი მასწავლებელია, მაგრამ ვერ ურიგდება კორხანიდის მიმართულებას, რადგანაც მან დაბეჭდა წიგნი, რომელიც სრულიად სხვა გზას აჩვენებს რუსული ენის შესწავლაში, ვიდრე ეს მიღებულია პედაგოგიაში. „მე ვფიქრობდი მის მოშორებას,— თქვა ნ. ცხვედაძემ, — მაგრამ ვერ განვახორციელე ეს სურვილი, რადგან თვით მასწავლებელთა შორის ვხედავდი თანაგრძნობას კორხანიდისადმი“. ნ. ცხვედაძის უკანასკნელი სიტყვები, თითქმის მას კორხანიდის თავიდან მოშორება უნდოდა, მაგრამ რაკი გიმნაზიის მასწავლებლებში მისდამი თანაგრძნობას ხედავდა, ამიტომ თავისი განზრახვა სისრულეში ვერ მოიყვანა,— სიმართლეს არ შეეფერებოდა, რაც კიდევაც აღნიშნეს გიმნაზიის მასწავლებლებმა, როცა ნ. ცხვედაძეს მიჰმახეს: — დასახელებთ, ვინ უთანაგრძნობდა კორხანიდისაო?... ამ შეკითხვებზე ნ. ცხვედაძემ პასუხი ვერ გასცა.

თვითონ კორხანიდი ამ კრებას არ დასწრებია, მას ყველაფერი აგარაკზე შეატყობინეს; ისიც ჩამოვიდა და საზოგადოების მორიგ კრებაზე (28 ივნისს) ითხოვა: რადგანაც 21 ივნისის მორიგ კრებაზე საზოგადოების ერთ წევრს—დ. მ. დუმბაძეს, ჩემთვის შეურაცხყოფა მოუყენებია და მე ჯაშუშად გამოუცხადებია, ხოლო ჩემ მიერ სახელმძღვანელოს შედგენა—ეროვნულ დანაშაულად, ამიტომ ვთხოვ კრებას აირჩიოს კომისია, რომელსაც მიენდობა როგორც

ჩემი სახელმძღვანელოს გარჩევა იმ მხრივ, თუ რამდენად მავნეა ის და რამდენად ეწინააღმდეგება ქართველი ხალხის სურვილსა და მისწრაფებას პირველდაწყებით სასწავლებლებში რუსული ენის შესწავლისადმი, ისე მთელი ჩემი მოქმედების შესწავლა ქართულ გიმნაზიაში, აგრეთვე იმ დამოკიდებულების გამოჩენვა, რომელიც ჩემსა და დეკანოზ ეოსტორგოვს შორის არსებობს.

კრებამ დააკმაყოფილა შ. კორხანიდის თხოვნა და კომისიაში აირჩია შემდეგი პირები: გ. ყაზახიშვილი, ივ. მაჭავარიანი, ალ. მირიანაშვილი, ფასილ რეხილაძე, გრ. გაბაშვილი და ე. ხრამელაშვილი¹.

ამ კომისიის დასკვნა მასწავლებელ პ. კორხანიდის შესახებ წაკითხული იქნა 11 ივლისის საზოგადო კრებაზე. კომისიამ სრულიად უდანაშაულოდ იცნო კორხანიდი იმ ბრალდებაში, რომელიც დ. დუმბაძემ წაუყენა მას საზოგადოების ერთ-ერთ სხდომაზე. კომისიამ არ იცნო აგრეთვე ანტიპედაგოგიურ წიგნად კორხანიდის სახელმძღვანელო შედარებით ი. გოგებაშვილის სახელმძღვანელოსთან.

ამის შემდეგ საზოგადოების წევრის დ. გურამიშვილის თხოვნით კრებამ ერთხმად დაადგინა: „საზოგადო კრების სახელით გამოცხადდეს ტფილისის ყველა გაზეთებში კომისიის ზემოთ მოხსენებული განაჩენი, რათა ამით მაინც აღვადგინოთ კორხანიდის უსამართლოდ შელაბული პიროვნება და ამით ზნეობრივად დავაკმაყოფილოდ იგი“.

„საზოგადოების“ 1 ივლისის კრებაზე, როცა მორიგ საქმეთა განხილვა დამთავრდა, დაიწყო განხილვა პედაგოგიური საბჭოს მიერ წარმოდგენილი პროექტისა გიმნაზიის რეორგანიზაციის შესახებ. გამგე კომიტეტმა ურჩია კრებას, საკითხის სირთულის გამო, აერჩია კომისია, რომელიც დალაგებით შეისწავლიდა ამ საქმეს და მოახსენებდა საგანგებო კრებას.

შ. ჩიტაძემ პედაგოგიური საბჭოს სახელით განაცხადა, რომ იგი წინააღმდეგი არ არის პროექტის კომისიაში გადაცემისა, მაგრამ აუცილებელ საჭიროებად თვლის, რომ კრებამ ახლაც განიხილოს და თავისი აზრი გამოთქვას პროექტის ორი უმთავრესი მუხლის შესახებ, რათა კომისიამ იხელმძღვანელოს იმ პრინციპებით, რა-მელსაც კრება დაადგენს. ჩიტაძე უმთავრეს მუხლებად ასახელებს: 1) მომავალშიც ჰქონდეს თუ არა ქართულ გიმნაზიას მოსამზადებელი ხასიათი, თუ იგი იყოს თავისუფალი დამოუკიდებელი სასწავლებელი და 2) გიმნაზიის ყველა სასწავლო საქმის მართვა-გამგეო-

¹ გ. ყაზახიშვილი—პედაგოგი; ივ. მაჭავარიანი—ცნობილი მთარგმნელი; ალ. მირიანაშვილი—პედაგოგი; ფ. რეხილაძე—აგრონომი, პედაგოგი; გრ. გაბაშვილი—ექიმი; ე. ხრამელაშვილი—პედაგოგი.

ბაში პედაგოგიურ საბჭოს სრული დამოუკიდებლობა უნდა ექნეს. შემდეგ შ. ჩიტაძემ განაცხადა: მასწავლებლები გიმნაზიიდან გასულად თვლიან თავის თავს და კრებას სრული თავისუფლება ეძლევა ამ კითხვის გადაწყვეტაში. სამსახურს დაუბრუნდებიან ისინი, ვისაც მოიწვევენ. ხოლო თუ პროექტი მიღებული არ იქნა, მაშინ 15 მასწავლებელი და აღმზრდელი სრულიად ანებებს თავს სასწავლებელს და უკან აღარ დაბრუნდება. თან შ. ჩიტაძემ თავჯდომარეს გადასცა მასწავლებელთა მინდობილობით ხელმოწერილი განცხადება, ამასთან კრებას განუმარტა, რომ პედაგოგიური საბჭოს წევრები საკითხის ასე თუ ისე გადაწყვეტის გამო სამსახურში რჩებიან მანამდე, სანამ კომიტეტი მათ მოადგილეებს მოიწვევდეს; რათა გიმნაზია უმასწავლებლოდ არ დარჩეს.

კრებამ შ. ჩიტაძის განცხადება მხედველობაში მიიღო, მოისმინა ი. გოგებაშვილის წერილის შინაარსი რეორგანიზაციის პროექტის შესახებ და შემდეგ შეუდგა ზემოთ დასახელებული უმთავრესი მუხლების განხილვას.

ი. გოგებაშვილის კერძო აზრი რეორგანიზაციის პროექტის შესახებ

„რადგანაც უქეიფობა ნებას არ მაძლევს დღევანდელს კრებას დავესწრო პირადად, ამის გამო იძულებული ვარ საბაასო საგნის შესახებ ჩემი მოსაზრებანი გავუზიარო კრებას წერილობითა და მოკლედ...

„ძირითადი რეორგანიზაცია ჩვენი გიმნაზიისა უნდა გადაიდოს ერთი წლით, რადგანაც არავინ იცის, რა გვარი რეჟიმი გამეფდება რუსეთის სახელმწიფოს მართვა-გამგეობაში საზოგადოდ და კერძოდ განათლების სფეროში. ამ რეჟიმზე კი მეტნაკლებობით დამოკიდებული იქნება ძალაუფლებურად ბედი ჩვენი გიმნაზიისა.

„ძირითადი რეფორმის პროექტი ჩვენი გიმნაზიისა უნდა შესდგეს ამა მდგომარე წლის გასულამდე. ამ პროექტის შედგენა და საფუძვლიანი შემუშავება უნდა მიენდოს განსაკუთრებულ კომისიას, რომლის წევრებად უნდა იყვნენ: შვიდი წევრი გამგე კომიტეტისა, შვიდი წევრი გიმნაზიის საპედაგოგო რჩევისა და კიდევ შვიდი გარეშე ქართველი, რომელიც ამორჩეული უნდა იქნას ახლანდელის საზოგადოების კრების მერ. ამ კომისიამ პროექტის დამთავრების შემდეგ აღნიშნულ ვადაზე უნდა მოიწვიოს საგანგებო საზოგადო კრება და თავისი პროექტი წარუდგინოს მათ განსახილველად და დასამტკიცებლად.

„რაც შეეხება სასურველსა და სასარგებლო ცვლილებებს, რომ-

მელიც საქიროა და შესაძლებელიც მოვახდინოთ ჩვენს გიმნაზიაში მომავლის სამოსწავლო წლის დასაწყისიდანვე, ამის შესახებ მე ასე ვფიქრობ:

„დამოკიდებულება საპედაგოგო რჩევისა გამგე კომიტეტთან ახლავე უნდა შეიცვალოს, ამრიგად: არც კომიტეტი საზოგადოდ და არც რომელიმე მისი წევრი არ უნდა ერეოდეს სკოლის მართვაში, რადგან აღმასრულებელ ორგანოდ უნდა იყოს მხოლოდ ინსპექტორი და პედაგოგიური საბჭო და სხვა არაფერი. გადაწყვეტილებანი საბჭოსი არა საარსო საგნების შესახებ არ უნდა საქიროებდნენ კომიტეტის დამტკიცებას და აქ პირველი და უკანასკნელი ინსტანცია უნდა იყოს პედაგოგიური საბჭო, საარსო საგნების შესახებ კი პედაგოგიური საბჭო თავის გადაწყვეტილებას უდგენს კომიტეტს, რომელსაც ნება აქვს არ დაამტკიცოს იგი, მაგრამ მოვალეა კი საზოგადო კრებას მიართოს ეს და გაამართლოს თავისი ვერო.

„შემდეგ წელიწადში ყველა საგნების სწავლება ოთხსავე მოსამზადებელ კლასში სასტიკად უნდა სწარმოებდეს ქართულს ენაზე და საგიმნაზიო კლასებში გაძლიერებული იქმნას ქართული ენის სწავლებაც.

„რათა ძირითადი რეორგანიზაციის შემდეგ საგნების სწავლება ქართულ ენაზე გიმნაზიურ კლასებში შესაძლებელი გახდეს. პედაგოგიურ რჩევას უნდა დაევალოს დაუყოვნებლივ შეუდგეს სახელმძღვანელოების შედგენას ანუ გადმოთარგმნას ქართულს ენაზე და მომავლის სამოსწავლო წლის განმავლობაში გამოსცეს იგი გიმნაზიის ხარჯით.

„ინსპექტორსა და პედაგოგიურ საბჭოს ნება უნდა მიეცეთ შესცვალონ ოფიციალური განაწილება საგნებისა გიმნაზიურ კლასებს შორის თუ ამას სასარგებლოდ დაინახავენ.

„რაც შეეხება იმას, რომ გამგე კომიტეტი უნდა გაუქმდეს და სრული ავტონომია მიენიჭოს პედაგოგიურ საბჭოსათ, ამის განხორციელება საძირკველს გამოუთხრის სკოლასა და შეიძლება კიდევ დაღუპოს იგი. ინსპექტორსა და მასწავლებელს ამტკიცებს თანამდებობაზე, დაითხოვოს ოფიციალური მეთაური სამოსწავლო ოლქი, ანუ მზრუნველი. მაშასადამე იგინი დამოკიდებული არიან ბიუროკრატებისაგან და რა გზით შეუძლიანთ ავტონომია შეადგინონ ბიუროკრატისაგან დამოკიდებულმა პირებმა. მაგრამ იგინი ამ დამოკიდებულებაზე კი არ სჩივიან, არამედ შინაურ დამოკიდებულებაზე. გამგე კომიტეტს ხელი არ უნდა ჰქონდეს არც ჩვენს გამწესებაში და არც ჩვენს დათხოვნაში. ძალიან კარგი, მაგრამ თქვენ ამით ვნებავთ გააუქმოთ ერთად ერთი დაეად მდგომარე დაწესებულება,

რომელიც გიცავთ და გიფარავთ ბიუროკრატიის თვითნებობისაგან გამგე კომიტეტს ირჩევს საზოგადოება და მასთან ხელი არა აქვს ბიუროკრატიასა; თქვენ კი დამოკიდებული ხართ ამ ბიუროკრატიაზე, თუ სრულიად არა, ნახევრობით მაინც და თქვენი აზრით, თუ დამოუკიდებელი დაწესებულება გაუქმდა და დამოკიდებული გამეფდა, ავტონომია გამოვაო. ვაი ამისთანა ავტონომიასა! ერთს მშვენიერ დღეს რომ ბიუროკრატია ყველანი დაგიტხოვოთ და თავისი გემოს უფროსი და მასწავლებლები გაამწესოს, ვინ გამოგესარჩლებაო, ვინ დაგიფარავთ? საზოგადო კრება? იგი წელიწადში ერთხელ იკრიბება და ამ მოვალეობის ასრულებისათვის უძლურია. მაგრამ უძლური არ არის მისი ამორჩეული, მისი წარმომადგენელი გამგე კომიტეტი, რომელსაც შეუძლიან გამუდმებით, ყოველ დღე იბრძოლოს გიმნაზიის დამოუკიდებლობისა და ბედნიერებისათვის.

ყველა დაწინაურებულ სახელმწიფოში არსებობს ორი პალატა — ქვემო და ზემო პალატა. ყველგან ქვემო პალატა ხალხის ამორჩეულია და სრულიად დამოუკიდებელი, მაგრამ მაინც ზემო პალატის გაუქმებას არ თხოულობს, რადგანაც სასარგებლოდ მიაჩნია, თუმცა ზემო პალატა ბევრს შემთხვევაში ავიწროვებს ქვემო პალატას. ქართულ გიმნაზიაში კი ქვემო დამოკიდებული პალატა ითხოვს გაუქმებას ზემო დამოუკიდებელის პალატისას და ამას ეძახის სრულს ავტონომიასა.

გაეწირობთ თქვენ ზემო პალატა? ერევა გიმნაზიის მართვაში? შეზღუდეთ მისი აღმასრულებელი უფლებანი, განსაზღვრეთ მისი მოვალეობანი; მაგრამ მის კანონმდებლობის უფლებას კი ნუ გააუქმებთ, თორემ ამას ადვილად შეიძლება მოყვეს თვით გიმნაზიის გაუქმება“.

იაკობ გოგებაშვილი თბილისის ქართული გიმნაზიის ცხოვრებაში მხურვალე მონაწილეობას იღებდა. ამ სასწავლებლის დაარსების დღიდან — 1879 წლიდან ვიდრე 1890 წლამდე იგი გამგე კომიტეტის თავმჯდომარის ამხანაგად უკენჭოდ ერთხმად იყო ზოლმე არჩეული და, მამასადამე, გიმნაზიის როგორც სასწავლო, ისე სამეურნეო საქმეებში მონაწილეობდა. „ღარიბ მოწაფეთა შემწე საზოგადოების“ წესდება მიწი უშუალო მონაწილეობით არის შედგენილი; სასწავლებლის პროგრამები და სხვა პედაგოგიური ხასიათის მიწერ-მოწერა ოლქის მზრუნველთან იაკობის მიერ იყო დამუშავებული და შესრულებული. სასწავლებლის ტიპის გამორკვევისას იაკობს კერძო აზრი აქვს წარმოდგენილი, სადაც იგი რეალური განათლების სისტემას აძლევს უპირატესობას.

ი. გოგებაშვილი ხშირად მიდიოდა გიმნაზიაში, ესწრებოდა უმც-

როსი კლასების მასწავლებლების გაკვეთილებს და შემდეგ გაკვეთილების შეფასებაშიც მონაწილეობდა. როგორც ჩვენი გიმნაზიის ერთმა ნამოწათარმა (1886—1890 წწ.) გადმომცა, იაკობი თურმე აღმზრდელის მოვალეობასაც კი ასრულებდა დისციპლინის დამყარების მიზნით...

ერთხელ ზამთარში იაკობმა ტილოს ხალათ-შარვალში გამოწყობილ მოწაფეს მოკრა თურმე თვალი, მოიხმო და უთხრა: ამ ზამთარში ტილოს ტანსაცმელში ხომ გაცივდი, თბილი არა გაქვს რაო? მოწაფემ უპასუხა: ამ კვირაში ჩამოვა დედა და ჩამომიტანს თბილებსაო... გავიდა ერთი კვირა, გავიდა ორი, ბავშვი მაინც ზაფხულის ტანსაცმლით დადის... იაკობი კიდევ ეკითხება მოწაფეს: როგორაა საქმე, დედა კიდევ არ ჩამოსულა? ამ სიტყვებზე ბავშვმა ტირილი დაიწყო, ტირილითვე უპასუხა: არ ჩამოსულა, იქნებ რა მოუვიდა. ი. გოგებაშვილმა მეორე დღესვე თავისი ხარჯით შეაკერინა ამ ბავშვისათვის ზამთრის ტანსაცმლი...

ი. გოგებაშვილის კერძო აზრის მოსმენის შემდეგ კრება შეუდგა პედსაბჭოს მიერ წარმოდგენილი რეორგანიზაციის პროექტის უმთავრესი მუხლების განხილვას. პირველ მუხლს—ჰქონდეს თუ არა ქართულ გიმნაზიას მოსამზადებელი ხასიათი, თუ იგი თავისუფალი დამოუკიდებელი სასწავლებელი იყოს—კამათი არ გამოუწვევია. აზრთა გაცვლა-გამოცვლის შემდეგ კრებამ ერთხმად გადაწყვიტა: გიმნაზიას აღარ ჰქონდეს მოსამზადებელი ხასიათი, მაგრამ ეს განხორციელდეს მაშინ, როდესაც კომისია, რომელიც ამ საკითხზე უნდა შეიქმნას, შეიმუშავებს გიმნაზიის დაწვრილებით პროგრამას და საზოგადო კრებას წარმოუდგენს დასამტკიცებლად.

პროექტის მეორე მუხლმა, რომელიც შეეხებოდა პედაგოგიური საბჭოს სრულ დამოუკიდებლობას სასწავლო ნაწილში, დიდი დაცხარე კამათი გამოიწვია. თავმჯდომარე ე. მაჩაბელი ფორმალურად მიუდგა საკითხს: წესდების მე-14 მუხლის ძალით გიმნაზიის როგორც სამეურნეო, ისე სასწავლო ნაწილს განაგებს გამგე კომიტეტი, და რაკი რეორგანიზაციის პროექტი არსებითად ცვლის ამ წესს, შეუძლებელია პედაგოგიურ საბჭოს სასწავლო ნაწილში დამოუკიდებლობა მიენიჭოს, ვიდრე წესდება სათანადოდ არ იქნება შეცვლილი. თავმჯდომარეს მიემხრნენ პ. ი. სავანელი, ნ. ცხვედაძე, გ. ბაშვილი და სხვ.

გრ. რცხილაძე არ დაეთანხმა წინა ორატორების მოსაზრებას და შესაძლებლად დაინახა ხსენებული პროექტის განხილვა და მიღება წესდების შეუცვლელად იმ საბუთით, რომ რუსეთის კანონები ხშირად ინსტრუქციებით, განმარტებებითა და შევსებებით არსე-

ბოთად იცვლება ხოლმე და ეს გარემოება სრულებით არ ეწინააღმდეგება კანონსაო. წესდების შეუცვლელად რომ შეგვიძლია გამგე-კომიტეტის რომელიმე უფლება გადავცეთ პედაგოგიურ საბჭოს, ეს იქიდან ჩანს, რომ მოწაფეებს მასწავლებლები ასწავლიან, წესდების მე-14 პარაგრაფის ნამდვილი აზრი კი ის არის, რომ გაკვეთილებსაც კომიტეტის წევრები უნდა აძლევდნენო.

ამის შემდეგ კრებამ თითქმის ერთხმად შესაძლებლად სცნო წესდების შეუცვლელად პროექტის ამ მუხლის განხილვა და მიღება კომიტეტის წევრები: ნ. ცხვედაძე, ვ. მაჩაბელი, ს. ვირსალაძე და სხვები საესებით უარყოფდნენ პროექტს; ისინი სასწავლო ნაწილში მასწავლებლების დამოუკიდებლობასაც კი არ ეთანხმებოდნენ. ხოლო „საზოგადოების“ დანარჩენი წევრები: ვ. ყიფიანი, ვ. რცხილაძე, მ. მაჩაბელი, ი. გოგებაშვილი, ი. ლულაძე და სხვანი სასწავლო ნაწილში მასწავლებლების დამოუკიდებლობას სასურველად ცნობდნენ, მაგრამ პედაგოგიური საბჭოს მიერ მასწავლებლებისა და გამგის არჩევას და მოწვევას კატეგორიულად უარყოფდნენ.

ი. ლულაძე ამბობს: „პედაგოგიურს საბჭოს სრული თავისუფლება უნდა ჰქონდეს საზოგადოების მიერ შემუშავებული პროგრამის ფარგალში და ამ სფეროში ჩარევის უფლება არ უნდა ჰქონდეს გამგე კომიტეტს. მხოლოდ განსაკუთრებულს შემთხვევაში veto-ც უნდა ჰქონდეს კომიტეტს. ი. ლულაძე წინააღმდეგია იმის, რომ ყოველივე დადგენილება საბჭოსი მოხსენდეს კომიტეტს დასამტკიცებლად, რადგანაც ეს საბჭოს უფლებას შეზღუდავსო, გამგე კომიტეტი მუდამ არ იკრიბება და არის ხშირად ისეთი შემთხვევა, როდესაც დაცდა არ შეიძლება. კომიტეტის კასაციის უფლებას ლულაძე სცელის veto-დ გამგე კომიტეტს უნდა წარედგინოს მხოლოდ ის საპედაგოგიო კითხვები, რომელშიაც ვერ შეთანხმდნენ საბჭოს წევრნი და უმცირესობა არ დაეთანხმა უმრავლესობას. აი ამისთანა კითხვები უნდა გაარჩიოს კომიტეტმა და თუ უმჯობესია, შეცდომა გამოასწოროსო. ი. ლულაძე ვერ ხედავს შესაწყნარებლად პროექტში მოყვანილ საბუთებს გიმნაზიის გამგის არჩევის შესახებ, რადგანაც სოლიდარია საკმარისი არ არის საქმის კარგად მსვლელობისათვისო, იაკ. ლულაძის აზრით, გიმნაზიის გამგეს არჩევა უთუოდ კომიტეტს უნდა მიენდოს“.

სკოლის მასწავლებლები: შ. ჩიტაძე, დ. კარიჭაშვილი, ხ. ლონტი ა. მიქაბერიძე და სხვანი ენერგიულად იცავდნენ თავიანთ პროექტს.

შ. ჩიტაძე უპასუხებს ლულაძეს: „გიმნაზიის პედაგოგიურს საბჭოს უფლებანი არა აქვს და ეს გარემოება მათ პასუხისმგებლობას

„შორებს თავიდან. უფლება უნდა ჰქონდეს მას, ვინც პასუხისმგებელია. რადგანაც გიმნაზიის საქმეებში პასუხისმგებელი პედაგოგიური საბჭოა, ამიტომ უფლებანი იმას უნდა ჰქონდეს. რაც უნდა საიდილო გამგე-კომიტეტი აირჩიოს კრებამ, იგი მაინც გიმნაზიას კარგ პატრონობას ვერ გაუწევს, რადგანაც საქმესთან ახლოს არ დგანან მისი წევრნი და ამას გარდა უსასყიდლოდაც ემსახურებიან გიმნაზიას. ამიტომ კომიტეტის წევრებს არ შეუძლიანო მთელი დრო მოახმარონ გიმნაზიის საქმეებს. აი, ესაა მიზეზი, რომ კომიტეტს მჭიდრო კავშირი არა აქვს გიმნაზიასთან. ცოტათი რომ შეზღუდოთ საბჭოს უფლება, იგი ვერ გახდება პასუხისმგებელი, ამიტომ წინააღმდეგი ვართ კომიტეტის ხელთ იყოს veto-ს დადება და კასაციის უფლება. თუ ეს უფლებები ექნება კომიტეტს, შესაძლებელია მუდამ არ დაამტკიცოს პედაგოგიური საბჭოს დადგენილება და ეს კი არასასიამოვნო განხეთქილებას ჩამოაგდებს საბჭოსა და კომიტეტს შორის.

„რად გგონიათ, რომ ის ორგანო, რომელიც შორს დგას საქმეზე, უფრო კომპეტენტურია, ვიდრე საბჭო. ვერ აირჩიეს შესაფერ მასწავლებლებს და გამგეს ის, ვინც საქმეზე შორს დგას. აქ ერთი მოსაზრება აქვთ იმათ, ვინც წინააღმდეგია გიმნაზიის გამგის არჩევისა პედაგოგიურ საბჭოსაგან. ეს მოსაზრებაა ის, რომ კომიტეტის მიერ დანიშნულის გამგესი მეტი შიში და მორიდება ექნებათ მასწავლებლებს. ეს სწორედ ბიუროკრატიული შეზღუდულობაა და ამბობენ ისინი ვინც ამ რეჟიმით არიან აღზრდილნი, მაგრამ ავიწყლებათ, რომ წავიდა ის დრო, როცა უფროსს შიშის თვალთ უყურებდნენ. მე ვარწმუნებ საზოგადოებას, რომ სწორედ ამ წესმა ჩამოაქვეითა ჩვენი გიმნაზია. გიმნაზიის გამგე თანაბარი წევრია გიმნაზიის კორპორაციისა, მხოლოდ ის არის მათში პირველი და მათი შუამავალი. მთელი აზრი პროექტისა ის არის, რომ შექმნას კორპორაცია. პროექტით ფართო უფლება ეძლევა „საზოგადოებას“ კონტროლი გაუწიოს ან თვითონ, ან თავის არჩეულის ორგანოებით. „საზოგადოებას“ ეძლევა უფლება ათვალეროს საბჭოს ყოველივე მოქმედება, რადგანაც სხდომებს შეუძლიანთ დაესწრონ „საზოგადოების“ წევრნი, მოწაფეთა მშობლები, მოწაფენი, პრესის წარმომადგენელნი.

„პედაგოგიურს საბჭოს ექნება იგივე განწყობილება „საზოგადოებასთან“, როგორც ეხლა აქვს გამგე კომიტეტს. მაშ გადაციოთ ეს უფლება კომიტეტს და კომიტეტის უფლება საბჭოს.

„ინტრიგებს ალაგი აღარ ექნება, რადგანაც აქ იქნება კომიტე-

ტი, პრესა და საზოგადოება. კიდევ ვიტყვი, თუ ეს კორპორაცია არ მოგწონთ, დაითხოვეთ და ჩააბარეთ საქმე იმათ, ვისაც უფრო ენდობით“. აქ ღულაძემ ჩიტაძეს რეპლიკა მისცა; ჩიტაძემ უპასუხა და ისინი ერთმანეთს შეეკამათნენ. (შემდეგ ეს კამათი პრესაში გადავიდა. ი. ღულაძე წერდა „ივერიაში“. შ. ჩიტაძე — „ცნობას ფურცელში“).

ამის შემდეგ თავჯდომარე ვ. გ. მაჩაბელმა საკითხი გამოკვეთულად სცნო და კენჭი უყარა პროექტის შემდეგ დებულებას: — მიეცეს თუ არა პედაგოგიურ საბჭოს სრული დამოუკიდებლობა გიმნაზიის სასწავლო და სამეურნეო ნაწილებში. კრებამ ეს დებულება ერთხმად მიიღო. ამის შემდეგ თავჯდომარემ მეორე საკითხი დააყენა: — მიეცეს თუ არა პედაგოგიურ საბჭოს ნება — გიმნაზიის გამგე და მასწავლებლები თვითონ აირჩიოს. კენჭის ყრის დროს ფეხზე წამოდგა უმრავლესობა, მაგრამ თავჯდომარემ მოულოდნელად განაცხადა: ამგვარი რთული საკითხის ამნაირად გადაწყვეტა შეუძლებელია და წესდებასაც ეწინააღმდეგებაო, და კრება დახურულად გამოაცხადა.

მორიგ კრებაზე, რომელიც 10 ივლისს გაიმართა, თავმჯდომარე ვ. მაჩაბელი აღარ გამოცხადდა და კრებას თავმჯდომარეობდა კომიტეტის მორიგი წევრი სპ. ვირსალაძე. მან კრების საყურადღებოდ გამოაცხადა: „თანახმად გამგე კომიტეტის შუამდგომლობისა, ხელმწიფის მოადგილემ კავკასიაში ნება დართო ტფილისის სათავადაზნაურო გიმნაზიას ეწოდოს „ტფილისის ქართული კერძო გიმნაზია“, იმ პირობით, რომ ქართული ენა ისწავლებოდეს გიმნაზიის ყველა კლასებში და მოსამზადებელ კლასებში სწავლა სწარმოებდეს 1881 წლის სასწავლო გეგმით“.

ამავე სხდომაზე კრების ზოგმა წევრმა მოითხოვა, რომ ეხლანდელი გამგე კომიტეტის ყველა წევრს სამსახურისათვის თავი დაენებებინა, რადგან მასწავლებლებთან მათი არაკეთილი განწყობილება გიმნაზიას ავნებსო. შემდეგ მორიგ კრებაზე (13 ივლისს) კომიტეტი გადადგა და კრებამ ახალი კომიტეტი აირჩია. ამავე კრებაზე არჩეულ იქნა კომისია, რომელსაც საბოლოოდ უნდა განეხილა პედაგოგიური საბჭოს მიერ წარდგენილი რეორგანიზაციის პროექტი. კომისიაში აირჩიეს: ი. გოგებაშვილი ი. ღულაძე, ი. გამყრელიძე, პ. გოთუა, ვ. რცხილაძე, ა. მდივანი, გ. გუბტმანი და სხვ. ამ კომისიაში უნდა შესულიყვნენ წარმომადგენლებად გამგე კომიტეტისა და პედაგოგიურ საბჭოს ორ-ორი წევრი ზოლო მოწაფეებისაგან — სამი კაცი.

როგორც მოვიხსენიეთ, ივნისის საზოგადო კრებამ პედაგოგიურ

საბჭოს სრული დამოუკიდებლობა მიანიჭა სწავლა-აღზრდისა და სასწავლებლის სამეურნეო საქმეებში. გარდა ამისა, მომავალში პედაგოგიურ საბჭოს ეძლეოდა გამგისა და ახალი მასწავლებლების მოწვევის ნება, ხოლო ეხლანდელი მასწავლებლები ყველანი უნდა გადამდგარიყვნენ და მათი ხელმოწერად მოწვევა განახლებული გამგე კომიტეტის მოვალეობა იყო. მართლაც, მასწავლებლებმა სამსახურს თავი დაანებეს.

მაგრამ გამგე კომიტეტის ახლად არჩეულმა წევრებმა ზაფხულის განმავლობაში უარი განაცხადეს კომიტეტის წევრობაზე და გიმნაზიის მართვა-გამგეობას კომიტეტის ისევ ძველი წევრები შეუდგნენ; ამათ კი არ მოისურვეს საზოგადო კრების დადგენილების სისრულეში მოყვანა იმ მიზეზით, რომ კრებას გიმნაზიის რეორგანიზაციის საქმე საეცხებით არ განუხილავსო. კომიტეტის ყოფილმა წევრებმა საქმის საბოლოოდ გამოსარკვევად დანიშნეს საგანგებო კრება 18 სექტემბრისათვის, მანამდე კი გიმნაზიის საქმეები ძველებურად უნდა წარმოებულყო.

სწავლა რომ არ შეფერხებულიყო, მასწავლებლები ისევ დაუბრუნდნენ სასწავლებელს და შეუდგნენ თავისი მოვალეობის შესრულებას. მაგრამ საქმის ნორმალურად წარმართვას აბრკოლებდა ის გარემოება, რომ სასწავლებელს მასწავლებლები საკმაო რაოდენობით არ მოეპოვებოდა და მოწვევაც უხერხული ხდებოდა, რადგან, გამოურკვეველი მდგომარეობის გამო, პედაგოგიური საბჭოც და გამგე კომიტეტიც უარს ამბობდნენ მასწავლებლების მოწვევაზე.

სექტემბრის საზოგადო კრების დადგენილებამ შესაძლებელი გახადა რამდენიმედ მაინც განახლებულიყო გიმნაზიაში სწავლა, მაგრამ ესეც მოუხერხებელი გახდა, რადგან საერთო გაფიცვის გამო 14 ოქტომბრიდან სწავლა ჩვენს გიმნაზიაშიც შეწყდა.

1905—1906 სასწავლო წელს თბილისის ქართულ გიმნაზიაში ითვლებოდა 707 მოწაფე, მათგან პანსიონერი იყო 114 და გარედან მოსიარულე — 593. პანსიონერთა შორის 26 საზოგადოების სრულ ხარჯზე იმყოფებოდა, 18—საზოგადოების ნახევარ ხარჯზე (შემოჰქონდათ წელიწადში ათ-ათი თუმანი), 3—სკოლის საეკონომიო ხარჯზე და 69—სრულ საკუთარ ხარჯზე (შემოჰქონდათ წელიწადში ოც-ოცი თუმანი).

როგორც მოხსენიებული გვექონდა, ჩვენმა სასწავლებელმა 1905 წლის ივლისში კერძო გიმნაზიის უფლებები მიიღო და 1905—1906 სასწავლო წელს მერვე კლასის მოწაფეებმა (31 მოწაფემ) ამავე გიმნაზიაში ჩააბარეს სიმწიფის მოწმობის მისაღები გამოცდები კომისიის საოლქო მზრუნველის თანაშემწის ა. ი. სლოვინსკის თავმ-

ჯდომარეობით და ყოველ საგანში კიდევ—სახელმწიფო გიმნაზიებიდან დანიშნულ სპეციალისტ-მასწავლებელთა თანდასწრებით, გამოცდების დროს ჩვენი მოწაფეები რუსული ენის კარგ ცოდნა ამტკიცებდნენ; თუმცა ზოგს აქცენტი არ უვარგოდა. აქცენტის გამო სლავინსკიმ თქვა: „Я бы желал, чтобы ученики грузинской гимназии также хорошо, без акцента, говорили по русски, как говорит Шно Алексеевич“ (შინ მშვენივრად ლაპარაკობდა რუსულად და ენაც საუცხოოდ იცოდა; შინ თურმე სლავინსკის საუკეთესო მოწაფე იყო მე-2 გიმნაზიაში). შინმ უპასუხა: „Важно, чтоб грузины ученики правильно выражали свою мысль на русском языке“. სლავინსკი, ალბათ, ასეთ, პასუხს არ მოელოდა, შეწუხდა და ხმა აღარ ამოუღია.

ოფიციალური გამოცდების დაწყებამდე გიმნაზიის მასწავლებლები მერვე კლასის მოწაფეებს სალამოობითაც ვამზადებთ ორათვის განმავლობაში ყოველ ჩასაბარებელ საგანში და ამიტომ, ეს პირველი გამოშვება კარგად ჩატარდა: სიმწიფის მოწმობა ყველამ—31 ახალგაზრდამ მიიღო.

უკანასკნელი გამოცდების დროს გიმნაზიაში მოვიდა ოლქის ეზრუნველი ი. ზავადსკი, რომელსაც მიუღოცა გამგე კომიტეტის წარმომადგენელსა და პედსაბჭოს ახალი უფლებების მინიჭება, ხოლო მერვე კლასის მოწაფეებს—სიმწიფის მოწმობის მიღება.

1905 წლის განმათავისუფლებელმა მოძრაობამ, როგორც მოსალოდნელი იყო, სასწავლებლებშიც, მათ შორის თბილისის ქართულ გიმნაზიაშიც იჩინა თავი.

1905 წლის 26 აპრილს შ. ჩიტაძის თაოსნობით თბილისში გაიმართა მასწავლებელთა ყრილობა, რომელზეც თვითონ შინ გამოვიდა პოლიტიკური შინაარსის მოხსენებით. მან დაახასიათა რუსეთის პოლიტიკური ვითარება, ხალხის უუფლებობა და სკოლისა და საზოგადოდ სწავლა-აღზრდის მახინჯი მხარეები.

მასწავლებელთა ყრილობამ ყურადღებით მოისმინა შ. ჩიტაძის მოხსენება და მიიღო მისგანვე შედგენილი რეზოლუცია.

1905 წლის სექტემბერში თბილისის სკოლების მოსწავლეთა მიტინგზე, რომელიც ექიმ ნ. ხუდადოვის თაოსნობით იყო მოწყობილი, პედაგოგთაგან მხოლოდ ჩვენი გიმნაზიის მასწავლებლებს მიეცათ დასწრების უფლება.

განმათავისუფლებელმა მოძრაობამ გამოაშკარავა ის ნაკლოვანებანი, რომლებიც თან ახლდა მაშინდელ საშუალო სასწავლებელს; მოსწავლე ახალგაზრდობამ თითქმის ერთხმად დაგმო საშუალო სასწავლებლის მაშინდელი წყობა და სკოლას ზურგი შეაქცია. სახაზი-

ნო გიმნაზიები გაიფიცნენ, სწავლა შეწყვიტეს, გადაპრით მოითხოვე-
დნენ სკოლის მაშინდელი ბიუროკრატიული მართვა-გამგეობის სრუ-
ლიად გაუქმებას.

გაიფიცა ჩვენი გიმნაზიაც. მასწავლებლები მოწაფეთა საერთო
კრებებზე მათთან ერთად იხილავდნენ საპირბოროტო საკითხებს.
ჩვენი გიმნაზიის მოწაფეებმა უპირველეს ყოვლისა პოლიტიკური
საკითხები წამოაყენეს: მოითხოვეს საქართველოსათვის ავტონომია,
ეკლესიისთვის—ავტოკეფალია, ხოლო ქართული გიმნაზიისათვის—
პედაგოგიური საბჭოს დამოუკიდებლობა გამგე კომიტეტისაგან
სასწავლო და სამეურნეო საკითხებში. ამასთან მოწაფეებმა თავიან-
თი ყოფაცხოვრების მოსაწესრიგებლად მოითხოვეს უფლება—წა-
რედგინათ პედაგოგიური საბჭოსათვის დასაბუთებული შუამდგომ-
ლობა თავიანთ საჭიროებათა შესახებ. პედაგოგიურმა საბჭომ სა-
ჭიროდ დაინახა ქართულ გიმნაზიაში შემოეღო მოწაფეთა სასამარ-
თლო და მოწაფეთა საბჭოები¹.

მოწაფეთა სასამართლოსა და საბჭოების წესდების შედგენის
გამომშუშავებელ კომისიაში მასწავლებლებისაგან შედიოდნენ: შ. ჩი-
ტაძე, დ. კარიკაშვილი, ალ. მიქაბერიძე და ს. იაშვილი, ხოლო მო-
წაფეებისაგან—ვ. აბდუშელიშვილი, დ. ჩიქოვანი, ი. ჯორჯაძე და კი-
დეკ ვინ იყვნენ—ალარ მახსოვს...

გიმნაზიის მოწაფეთა ზემოხსენებულ განწყობილებას არ ეთან-
ხებოდა მოწაფეთა მცირე ჯგუფი (შეშვიდე კლასის 7 თუ 9 მოწა-
ფე). ამ ჯგუფის მოწაფეები, მგონი, ცდილობდნენ, რომ დანარჩენ
მოწაფეებს მონაწილეობა მიეღოთ რომელიმე დემონსტრაციაში,
მაგრამ, რაკი ისინი ამაზე ვერ დაითანხმეს, გაჯავრდნენ და აღელ-
ვებულებმა დაახლოებით შემდეგი სიტყვებით მიმართეს გამგეს—
შ. ჩიტაძეს: ეს სასწავლებელი ჩვენ ალარ გვაკმაყოფილებს, ვტო-
ვებთ სასწავლებელს და ამიტომ გთხოვთ დოკუმენტები მოგვცეთო.
შ. ჩიტაძე ჯერ ამშვიდებდა, არიგებდა და დოკუმენტებს არ აძლევ-
და, მაგრამ მოწაფეები თავისას არ იშლიდნენ, ყოველდღე დოკუ-
მენტების დაბრუნებას მოითხოვდნენ. თავგაბეზრებულმა გამგემ

¹ ამ ამბავის შესახებ ცნობილი ქმწერალი ლესია ჟურაინკა თბილისიდან კი-
ვეში დედას წერდა: „აქ მოხდა ამბობება ყველა საშუალო სკოლაში... ქართულ
სათავად-ახნაურო სასწავლებელში, სადაც ჩიტაძეა, შემოუწვეს წესდება, რომელიც
უფლებას ანიჭებს მოწაფეებს. მასწავლებელთა თანდასწრებით მოიწვიონ თათბი-
რები და შექმნან მოწაფეთა საბჭო... ეს მიღწეულ იქნა დანჯარის მინების ჩაუღლე-
რად, და წერილების დაუწველად დირექტორის—შიო ჩიტაძის ტაქტიკის წყა-
ლობით“ (იხ. შ. სიხარულიძე, შიო ჩიტაძე, ჟურნალი „მნათობი“, 1954 წ., № 1
პ. 149).

ზოლოს გასცა განკარგულება — მიეცით დოკუმენტებიო და თან დაუმატა — მალე ვნახავ, დოკუმენტებს ისევ უკანვე მოარბენინებდნენო. მართლაც არ გასულა დიდი ხანი, რომ მოწაფეები ისევ უკან დაბრუნდნენ და ითხოვეს გიმნაზიაში კვლავ მიღება. პედაგოგიურმა საბჭომ ისინი უკანვე მიიღო. ამ მოწაფეებში ერივნენ, როგორც მახსოვს, ტროპიკული ინსტიტუტის ყოფილი დირექტორი პროფ. სიმონ კანდელაკი, გეოლოგიის პროფესორი ნ. ყიფიანი, გ. ბარნაბიშვილი (ახლა ქიმიკოსი), ვ. რცხილაძე და სხვა.

1906 წლის ზაფხულში კვლავ განახლდა „ღარიბ მოწაფეთა შემოწმების“ კრებები. 8 ივნისის კრებას მოახსენა განსაკუთრებული კომისიის მიერ შემუშავებული გიმნაზიის რეორგანიზაციის პროექტი. კომისიის მოხსენების თანახმად, კრებამ ერთხმად დაადგინა, რომ საგნების სწავლება გიმნაზიაში 1 სექტემბრიდანვე ქართულ ენაზე ყოფილიყო შემოღებული მოსამზადებელ განყოფილებებსა და პირველ და მეორე გიმნაზიურ კლასებში, ხოლო შემდგომ კლასებში ეს რეფორმა თანდათანობით გატარებულიყო. ამავე კრებაზე ხმის უმეტესობით გადაწყდა: გიმნაზიის მოსამზადებელი კლასის კურსი ორწლიანი იყოს და ბავშვები მომზადებული უნდა მიეღოთ; ეს დადგენილება მომავალი სექტემბრიდან დაწყებული, თანდათანობით განხორციელდესო. კამათი გამოიწვია კომისიის მოხსენების იმ მუხლმა, თუ რომელი კლასიდან ისწავლებოდეს ჩვენს გიმნაზიაში რუსული ენა. კომისია საჭიროდ აღიარებდა რუსულის სწავლებას მესამე წლიდან, ე. ი. პირველი კლასიდან. ხოლო კომისიის წევრი შ. ჩიტაძე კერძო მოხსენებით ამტკიცებდა, რომ რუსული ენა უნდა ისწავლებოდეს მეხუთე წლიდან, ე. ი. მესამე კლასიდან, რადგან ამას მოითხოვს ბავშვების მშობლიურ ნიადაგზე გონებრივი განვითარება და განმტკიცება, რაც ოთხ წელიწადზე ადრე შეუძლებელია დასრულდესო. ხმის უმეტესობით კრებამ გადაწყვიტა რუსული ენის სწავლება შემოღებულიყო მესამე წლიდან, ე. ი. პირველი კლასიდან.

ამის შემდეგ კრებამ უკამათოდ მიიღო კომისიის მიერ შემუშავებული ქვემოთ მოყვანილი მუხლები.

1. „საზოგადოების“ საქმეთა უმაღლეს გამგედ და საქმის მწარმოებლად ითვლება საზოგადო კრება. გამგე კომიტეტი ეწევა გიმნაზიის საქმეების ფაქტიურს კონტროლს. ის წლის განმავლობაში როგორც თავისი წევრების, ისე საგანგებოდ მოწვეული პირების საშუალებით რევიზიას უწევს გიმნაზიის საქმეებს და, თუ რამე ნაკლს შენიშნავს, წინადადებას აძლევს პედაგოგიურ საბჭოს, რომ შენიშნული ნაკლი ააციდინოს გიმნაზიას. მთელი სასწავლო და

საღმწრდელი ნაწილის გაძლოა, თანახმად საზოგადოების მიერ მიღებული პროგრამისა და გეგმისა, შეადგენს მასწავლებელთა კორპორაციის სრულ უფლებასა და მოვალეობას.

2. მასწავლებელს მოიწვევს პედაგოგიური საბჭო და მისი მოწვევა კომიტეტის დასტურს არ საჭიროებს. მაგრამ კომიტეტს უფლება აქვს მასწავლებელი დაითხოვოს ყოველ დროს, რადგან გიმნაზიის გამგე თავისი ადმინისტრაციულ მოქმედებით განახორციელებს არა მარტო პედაგოგიური საბჭოს წარმომადგენლობას, არამედ ხშირად მთელი საზოგადოების წარმომადგენლობასაც. ამიტომ გამგეს ირჩევს პედაგოგიური საბჭო, ხოლო ამტკიცებს გამგე კომიტეტი.

3. პანსიონი გაუქმდეს, როგორც ახლანდელ პირობებში არასასარგებლო დაწესებულება.

4. მასწავლებელი იმავე დროს უნდა იყოს აღმწრდელი, რომლის ცალკე თანამდებობა გაუქმდეს. ასეთ მასწავლებელ-აღმწრდელს უნდა ექნეს კვირაში არა უმეტეს თვრამეტი გაკვეთილისა და ჯამაგირად წელიწადში ორას ორმოცი თუმანი, რომელსაც ათი წლის შემდეგ უნდა მოემატოს ოცდაათი თუმანი.

5. სამსახურის ვადად მასწავლებლისათვის ითვლებოდეს ოცი წელიწადი.

6. გიმნაზიის შემოსავალ-გასავალის საეარაუდო აღრიცხვის შედგენა მიენდოს პედაგოგიურ საბჭოს, რომელმაც შემდეგ ის უნდა წარუდგინოს გამგე კომიტეტს, ამ უკანასკნელმა კი თავისი შენიშვნით მოახსენოს საზოგადო კრებას.

7. რაკი პედაგოგიური საბჭო გადამდგარად ითვლება, გამგე კომიტეტს მიენდოს საზოგადოების შეიდი წერვის თანდასწრებით აირჩიოს გადამდგარი მასწავლებლისაგან ძირითადი ჯგუფი, რომელშიც ხუთზე ნაკლები მასწავლებელი არ უნდა შედიოდეს, ხოლო ამ ჯგუფს ნება ჰქონდეს პედაგოგის შესადგენად შეარჩიოს მასწავლებლები იმათ შორისაც, რომლებიც დათხოვნილად ითვლებიან.

იმავე 1906 წლის იანვრის კრებაზე გამგე კომიტეტის თავმჯდომარედ აირჩიეს პ. ი. თუმანიშვილი (თბილისის მაზრის წინამძღოლი), თავმჯდომარის ამხანაგად — ი. ლულაძე, წევრებად — ა. ჯაბადარი, ვ. რცხილაძე, ნ. ცხედაძე და ა. მდივანი.

ამასთან საზოგადოდ კრებამ პედაგოგიური საბჭოს ძირითადი ჯგუფის შესადგენად გამგე კომიტეტთან ერთად მოიწვია „საზოგადოების“ შემდეგი წევრები: ი. გოგებაშვილი, ი. სიღამონ-ერისთავი,

ა. მირიანაშვილი, პ. გოთუა, გ. რცხილაძე, ე. ხრამელაშვილი და მ. ლასხიშვილი.

გამგე კომიტეტისა და ზემოთ დასახელებული არჩეული პირების შეერთებულ კრებაზე ძირითად ჯგუფში ქართული გიმნაზიის გამამდგარი მასწავლებლებისგან არჩეულ იქნა: შ. ჩიტაძე, ნ. გოგიტიძე, დ. კარიბაშვილი და ს. იაშვილი, ხოლო გარეშე მასწავლებლებისაგან — მ. ი. თაქთაქიშვილი (ბაქოს კომერციული სასწავლებლის ინსპექტორი) და წ. კ. გ. ს. კავკაზის სკოლის მასწავლებელი ლ. ბოცვაძე. ამ ძირითად ჯგუფს დაევალა გიმნაზიის პედაგოგიური საბჭოს შედგენა. ცხადია „ძირითად ჯგუფს“ მეტად მძიმე და ძნელი დავალება ჰქონდა დაკისრებული. ჯგუფის კრებები „ნაკადულის“ რედაქციაში მიმდინარეობდა, სადაც ჯგუფის წევრებს მუქარით საე-სე უსახელო წერილები მოგვდიოდა. საჭირო იყო ყოველი მასწავ-ლებლის სრული დახასიათება, მისი ავკარგიანობის აწონდაწონვა, და ამ დახასიათებისა და ავკარგიანობის გამაშუქებელი უმთავრესად შ. ჩიტაძე იყო. გამოირკვა, რომ შიო თითქმის ყველა მასწავლებლე-ბის გაკვეთილებს დასწრებოდა; ამასთანავე „ჯგუფის“ მიერ გამო-ყენებული იყო მოწაფეების აზრი ამა თუ იმ მასწავლებლის შესა-ხებ, იმ მოსაზრებით, რომ მოწაფეები უმეტეს შემთხვევაში საუკე-თესო დამფასებლები არიან მასწავლებლისა; ჩვენი გიმნაზიის პე-დაგოგიური საბჭოს რამდენიმე წევრი სხვა დარგში კარგი მოღვაწე-მკვლევარი, როგორც მასწავლებელი მისაღები არ აღმოჩნდა. ამ მას-წავლებლის გაკვეთილები მოწაფეების დახასიათებითაც, მიუხედავად საგნის დიდი ცოდნისა, ისეთი მშრალი, მოსაწყენი, გადაცემის ყო-ველ უნარს მოკლებული იყვნენ, რომ „ჯგუფი“ იძულებული იყო ეს მასწავლებლები ახალ პედაგოგიურ საბჭოს წევრებად არ აერჩია.

ძირითადმა ჯგუფმა 26 ივნისის სხდომაზე ფარული კენჭისყრით ხმის უმეტესობით მასწავლებელ-აღმზრდელად აირჩია ა. მიქაბე-რიძე, მ. ქორიძე, ნ. ახმეტელი და სხვ. ხოლო მოწვეულ მასწავლებ-ლებად — მღვ. კ. ცინცაძე, მღვ. ა. თოთიბაძე, ზაქ. ფალიაშვილი, ალ. მრეელიშვილი, ან. ყარაშვილი და ი. მონადირიშვილი. შემდეგ ჯგუფმა შტატის შესავსებად გაზეთებში გამოაცხადა თავისუფალი ადგილების შესახებ და არჩევნები დანიშნა 20 ივლისისათვის.

ამავე დროს განმათავისუფლებელი მოძრაობა თანდათან ფარ-თოვდებოდა. გახშირდა გაფიცვები, რასაც მოჰყვა რევოლუციური ჯგუფების ჩამოყალიბება და აქა-იქ — ტერორისტული აქტებიც. ქართული გიმნაზია, ერმოლოვის (ეხლა შ. ჩიტაძის) ქუჩაზე მოთავ-სებული, სულ ჭარის, პოლიციისა და ქანდარმერიის ბინებით იყო გარშემორტყმული: გიმნაზიის პირდაპირ მოთავსებული იყო კავკა-

სიის მეფისნაცვლის თანაშემწის (საპოლიციო ნაწილში) შირნიკინის კანცელარია, სადაც ერთ-ერთ ფანჯარაში ფოტოგრაფიული აპარატი იდგა და გიმნაზიაში თითქმის ყოველ შემსვლელსა და გამომსვლელს სურათს უღებდა; ცოტა ქვემოთ, იმავე ქუჩაზე მოთავსებული იყო მეფისნაცვლის მცველი რაზმი; პეტრე დიდის (ახლა ძერჟინსკის) ქუჩაზე ცხოვრობდა თბილისის პოლიცემისტერი მარტინოვი, განმათავისუფლებელი მოძრაობის დროს ჩვენი გიმნაზია მთავრობას პირდაპირ თვალში ჰყავდა ამოღებული. ჩვენი გიმნაზიის მოწაფეებს სახაზინო თეატრის ადმინისტრაცია არც პარტერში და არც ამფითეატრში არ უშვებდა, მათ მხოლოდ ქანდაკაზე უთმობდა ადგილებს. ცარიზმი ადგილობრივ ეროვნებათა შორის პროვოკაციულად თესდა შუღლსა და მტრობას, რათა ეს ერები ერთმანეთს გადაჰკიდებოდნენ. ამიტომაც მაშინ თბილისში გაბატონებული პლუტოკრატია ჩვენამდე მტრულად იყო განწყობილი... ამას ადასტურებს უბრალო, მაგრამ დამახასიათებელი ამბავი. ერთხელ, 1903 წელს, ერთ მოწაფეს კლასის ფანჯარა გაეღო და იქიდან იცქირებოდა, როცა სომეხი მღვდელი ქუჩაზე საშინელი სისწრაფით თავქვე მიდიოდა. მოწაფემ დაინახა მღვდელი და მიაძახა: „მოუსვი ტერტერ, მოუსვი, ტერტერ“. მღვდელმა იწყინა ასეთი მიმართვა, დაბრუნდა და აღშფოთებულმა გამგეს (ე. თაყაიშვილს) შესჩივლა მოწაფის ქცევის გამო. გამგემ ბოდიში მოიხადა მღვდლის წინაშე და დაპირდა მოწაფის სამაგალითოდ დასჯას. მაგრამ მღვდელი მაინც არ დაკმაყოფილდა ამით და ეს საქმე ოლქის შტრუწველთან გაასაჩივრა. გაიმართა მიწერ-მოწერა... საყვედური გამგე კომიტეტს, გიმნაზიის გამგეს და სხვ.

1905 წლის 22 ოქტომბერს, როგორც ცნობილია, ახლანდელ რუსთაველის პროსპექტზე მოხდა შავრაზმელების პროვოკაციული გამოსვლა, რასაც მოჰყვა ხალხის საშინელი ზოცვა-ვლელა. პირველ სახაზინო გიმნაზიის ეზოში შექრილმა კახაყებმა მოკლეს, გიმნაზიის მეორე კლასის მოწაფე ცირიულნიკოვი... იმავე დღეს ჩვენი გიმნაზიის პანსიონში დარჩენილი 14 პანსიონერი იქვე დაატუსაღეს და ორი დღე ჰყავდათ დაპატიმრებული.

1905 წლის განმანათავისუფლებელ-რევოლუციურ მოძრაობაში ჩვენი გიმნაზიის ბევრი მოწაფე მონაწილეობდა. აქ უნდა მოვიხსენიო მეექვსე კლასის მეტად ნიჭიერი მოწაფის პეტრე დადვაძის მონაწილეობა რევოლუციურ-განმანათავისუფლებელ ჯგუფში და მისი თავგადასავალი... მეექვსე კლასის დამრიგებელი ვიყავი, და როცა დადვაძე, მშვენიერა კლასისა, რამდენიმე დღე კლასში ვეღარ ენახე, მის ამხანაგებს შევეკითხე, თუ რა მოუვიდა დადვაძეს, რა-

ტომ კლასში არ დადის. მიპასუხეს—სიღარიბის გამო. იძულებულია იყო სწავლისათვის თავი დაენებებიაო. შეეწუხდი, დამენანა ასეთი ნიჭიერი მოწათის სწავლისგან მოწყვეტა... გავიდა დრო. თუ მეხსიერება არ მალატობს, 1908 წელს დადვამეს ქუჩაში შეეხვდი და ვკითხე — სად დაიქარგე, რა მოგივიდა-მეთქი. ამის პასუხად პ. დადვამე შემდეგი მიაპბო: — იმ ხანებში (1905 წ.) მარჩენალი მამა ქლეჩით გარდამეცვალა. დარჩა ოჯახი უსახსროდ, დედა — დაავადებული, ძმა — პავლე (ჩვენი გიმნაზიის მე-8 კლასის მოწაფე) და ორი მცირეწლოვანი და, მიუხედავად ამისა გადავწყვიტე რევოლუციურ ჯგუფში შეესულიყავი. მივიღე მონაწილეობა ჯგუფის რამდენიმე აქტში. ბოლოს, ჯგუფიდან გამოვედი და ოჯახს მოვეპატრონე. ძმამ, პავლემ (შემდეგში ცნობილი ჟურნალისტი) გიმნაზია დაამთავრა, მე კიდე ჩემით მოვემზადე და ექსტერნად ჩავაბარე სიმწიფის მოწმობის მისაღები გამოცდებით.

საექსტერნო გამოცდების ჩაბარება პეტრე დადვამეს საშინელ პირობებში მოუხდა. ოლქის მზრუნველმა რუდოლფმა საექსტერნო გამოცდები თავის კანცელარიაში მოაწყო. 70 ექსტერნიდან მხოლოდ 7 მიიღო სიმწიფის მოწმობა, მათ შორის პეტრე დადვამემაც. შემდეგ დადვამე სტიპენდიების გამანაწილებელ სათავადაზნაურო კომიტეტში შეიტანა თხოვნა სტიპენდიის მიღების მიზნით, მაგრამ უარი უთხრეს. დადვამე მაინც შევიდა ოდესის უნივერსიტეტში და კერძო გაკვეთილებით აპირებდა იოლად წასვლას, მაგრამ აქედან არაფერი გამოუვიდა და იძულებული გახდა ოდესის სამხედრო სასწავლებელში შესულიყო. სამხედრო სასწავლებელში პ. დადვამე პირველ მოწაფედ ითვლებოდა. მის მიერ რუსული ლიტერატურიდან შესრულებულ თხზულებებს მასწავლებელი საგანგებო კრებებზე კითხულობდა, როგორც საუკეთესოს. დადვამე სამხედრო სასწავლებელი უწარჩინესებურად გაათავა (იგი ოქროს დაფაზე იყო გამოწერილი). სასწავლებლიდან იგი ოფიცრად გამოუშვეს და პირველი ვაკანსია პეტროგრადში (ახლანდელ ლენინგრადში) და მოსკოვში მიაწოდეს, მაგრამ იგი დიდ ჯამაგირს დახარბდა და სამსახურისათვის ციმბირი აირჩია. ეს არჩევანი კი მისთვის საბედისწერო აღმოჩნდა: პ. დადვამე ციმბირში ტიფით გარდაიცვალა.

1905 წლის მოძრაობაში ჩვენი გიმნაზიის ბევრი მოწაფე იღებდა მონაწილეობას: შ. მესხიშვილი, გ. ახვლედიანი, ნ. შიროტაძე, ი. სხირტლაძე, ლ. კანდელაკი, ს. მესხი, ა. წინამძღვრიშვილი, ი. ხომასტურიძე, ნ. სალარაძე, ბ. ბერუაშვილი, ვ. რცხილაძე, ვ. ყიფი-

ანი, გ. ბარნაბიშვილი, პ. კურცხალია, ს. კანდელაკი, ი. გელეიშვილი და სხვები.

ამ ხანებში, ერთ საღამოს, შ. ჩიტაძის ბინიდან (გიმნაზიის შენობაში ცხოვრობდა) გამოვიდა შიოს ამხანაგი და მეგობარი იუ-რისტი ე. თუმანიშვილი და ერმოლოვის ქუჩას დაუყუდა. ამ დროს



შიო ჩიტაძე

თუმანიშვილს უცნობმა გადაუჭრა გზა და უთხრა: მალე გაშორდით აქაურობას, ყუმბარას ისერიანო. თუმანიშვილმა ამ სიტყვებს ყურადღება არ მიაქცია და გზა განაგრძო. ამ დროს ყუმბარა გავარდა (მეფის ნაცელის დაცვის—„კონვოი-ს—სადგომში გადაადგდეს). ყუმბარის ნატეხი თუმანიშვილს ფეხში მოხვდა და წააქცია. ყოველივე ეს დაენახა ჩვენი გიმნაზიის მეკარეს ალექსი ანტონოვს (პოლონელი, მეტად პატიოსანი და ერთგული კაცი). იგი მაშინვე მიეშველა დაჭრილს, აიყვანა გიმნაზიის შენობაში და იქ დამალა.

შემდეგ ალექსიმ სველი ტილო მოიტანა და დაღვრილი სისხლი ყველგან მოწმინდა. პატარა ხანს უკან გაჩნდა პოლიცია და ჟანდარმერია და, რასაკვირველია, მაშინვე გიმნაზიის შენობას ეცნენ და დაუწყეს ჩხრეკა, მაგრამ დაპყრილი თუმანიშვილი ალექსის ისე დამალა, რომ ვერ იპოვნეს. მაგრამ საჭირო იყო თუმანიშვილის შემოწმებულად გიმნაზიის შენობიდან გასვლა, რაც უახლოეს კვირადღეს მოხერხდა როცა პანსიონერები აღმზრდელობის თანხლებით ეკლესიაში წავიდნენ თუმანიშვილიც როგორც აღმზრდელი თან გაიყოლიეს.

V. გიმნაზიის აკლება და შიო ჩიბაძის პერაგულად მოკვლა

1906 წლის ივნისის ბოლო რიცხვებში, როცა მასწავლებელთა ძირითადმა ჯგუფმა ის იყო მუშაობა დაასრულა და დასასვენებლად წასვლა-წამოსვლას აპირებდა, მე შიოსთან ბინაზე ვიყავი და მასწავლებლების არჩევნებზე ვბაასობდით, როცა ჩვენთან გაფითრებული ალექსი ანტონოვი — მეკარე — შემოვარდა და მოგვახალა: ამა და ამ კლასში ფანჯარაზე ყუმბარები ვნახეთ. მაშინვე ჩავედი კლასში და ფანჯარაზე სამი ყუმბარა ვნახეთ. მე და შიომ სასწრაფოდ ქალაქის ქუჩებს მივაშურეთ, რომ ჩვენი გიმნაზიის ახალ კურსდამთავრებულნი, განმათავისუფლებელი მოძრაობის აქტიური მონაწილენი გვეპოვნა და მათი დახმარებით გიმნაზიიდან ყუმბარები გაგვეტანა. მართლაც, ვიპოვნეთ ნამოწაფარები და გიმნაზიიდან ყუმბარებიც გატანილ იქნა.

მეგობრები შიოს ზშირად ვეტყოდით ხოლმე: წადი, დაისვენე ცოლშვილში (ქვიშხეთში ჰყავდა, აგარაკზე), მაგრამ შიო ყოველთვის უარზე იყო და ამბობდა: „ჩვენი გიმნაზია ვულკანზეა, ამისთანა დროს მე ზნეობრივად უფლება არა მაქვს გიმნაზია უპატრონოდ დავტოვო“.

ესერებმა რამდენიმე დღის შემდეგ კვლავ მოისყიდეს გიმნაზიის დარაჯი და შენობაში ყუმბარები შემოიტანეს. 4 ივლისს პეტრე დიდის (ახლა ძეგრენისკის ქუჩაზე) მიმავალ მარტინოვს გიმნაზიის შენობიდან ყუმბარა ესროლეს (მარტინოვი ხელში და ფეხში დაიჭრა), რასაც მოჰყვა ორი ოფიცრის მეთაურობით გიმნაზიაში კახაკთა შემოჭრა და შიოს პერაგულად მოკვლა. სროლაზე და ხმაურობაზე შიო თურმე თავისი ბინიდან გამოსასვლელისაკენ მიეშურებოდა, რომ ამ დროს ოფიცრები უკვე ბინაში შეიჭრნენ. ოფიცრების შეკითხვაზე — ვინა ხარო, შიომ უპასუხა — გიმნაზიის დირექტორი. ვერც კი მოასწრო ამის თქმა რომ შიოს პირდაპირ თავში ესროლეს ოფიცრებმა და ისიც უსულოდ დაეცა. ამ ორი

ოფიცრის ვინაობა შიოს ვერაგულად მოკვლის შემდეგ გამოარკვია მაშინდელი პეტროგრადიდან საგანგებოდ ჩამოსულმა შიოს ცოლისძმამ, გვარდიის პოლკოვნიკმა. სხვათა შორის, ხსენებული ოფიცრები მაშინვე, ამ უბედურების შემდეგ, საღლაც შორს გადაიყვანეს სამსახურში.

იმავე საღამოს გიმნაზიაში კრება ჰქონდათ შტატგარეშე დარჩენილ მასწავლებლებს, რომლებმაც დიდი წიოკობა და ცემატყევა განიცადეს, ხოლო ორი მათგანი (ი. აბულაძე და ხ. ლლონტი) დაჭრეს კიდეც... ამასთან გიმნაზიის სასაწავლო ნივთები და ავეჯი სულ ერთიანად გაანადგურეს და გიმნაზიის შენობაში ჯარი ჩააყენეს.

ბნელი ძალების მიერ შიო ჩიტაძის მხეცურად მოკვლას და ქართული გიმნაზიის ბარბაროსულად აკლებას მთელი საქართველო გამოეხმაურა. გაზეთებმა დაწვრილებით აღწერეს ეს შემზარავი და ტრაგიკული ამბავი... გულწრფელად გლოვობდნენ შიოს—ძვირფას ადამიანს, საუცხოო ამხანაგ-მეგობარს, მებრძოლს, დიდ პედაგოგს...

თბილისელმა ქალებმა შემდეგი შინაარსის დეპეშა გაუგზავნეს სახელმწიფო სათათბიროს თავჯდომარესა და ქართველ დეპუტატებს: „ჩვენ თბილისელი ქალები, ეროვნების განურჩევლად, მწარე ცრემლს ვაფრქვევთ მხეცურად მოკლულ საუკეთესო ადამიანის და საზოგადო მოღვაწის შიო ჩიტაძის გვაშზე. ღრმა ზიზღს ვაცხადებთ ჩვენი უდანაშაულო ადამიანის მოკვლისა და გიმნაზიის მასწავლებლების დაჭრის გამო. მოვითხოვთ სასტიკ გამოძიებას მკვლელთა და ამწიოკებელთა აღმოჩენას და სამართალში მიცემას“ (გაზეთი „სამართლე“, 1906 წ., № 5).

მაშინდელმა ბოლშევიკურმა გაზეთმა „ახალმა ცხოვრებამ“ რომელსაც დიდი სტალინი ხელმძღვანელობდა, ასეთი ნეკროლოგი მოათავსა: „ქართულმა გაზეთებმა უკვე გვაუწყეს ამ პატიოსანი ადამიანის უდროოდ სიკვდილი. თვითმპყრობელობის ავკაცობათა დაუსრულებელ რიგს კიდევ ერთი სიმხეცე მიემატა. ჩიტაძე ერთი საუკეთესო წევრი იყო მოწინავე ქართველი ახალგაზრდობისა. სტუდენტობის დროს, თავისი იდეალისტური მისწრაფებით და გულვიძებული თეორეტიული ინტერესით საყოველთაო პარტიისციმამ ჰქონდა დამსახურებული როგორც ქართველ, ისე რუს სტუდენტობაში, და განსაკუთრებით თავის თანამემამულეებზე ნაყოფიერ გავლენას ახდენდა. იმავე დროს სერიოზულად სწავდა ადამიანის სახელი ჰქონდა დამსახურებული კიევის საზოგადოებაში. უნივერსიტეტის შემდეგ პედაგოგიური სარბიელი აირჩია და ყველგან, სიტეტის შემდეგ პედაგოგიური სარბიელი აირჩია და ყველგან, დიდსა და პატარაში ღრმა და გულწრფელი სიმპატია ჰქონდა დამ-

სახტრებულო. ლიტერატურულ სარბიელზე ახლად იყო გამოსული, მუდმივად თანაშრომლობდა „ცნობის ფურცელში“, „შრომაში“ და „ეოზროფდენიეში“. თავის ლიტერატურულ და პოლიტიკურ თანამოაზრეთა შორის უკანასკნელად არ ითვლებოდა. და თუმცა ის ჩვენი იდეური მოწინააღმდეგე იყო, მაგრამ მისი მოკვლა ჩვენც არა ნაკლებ გვიყვარს გულს შურისძიების გრძნობით. დეე, ეს მსხვერპლიც მუდამ განუშორებელი იყოს ჩვენი ხსოვნიდან და სისხლის ასაღებად მოგვიწოდებდეს“¹.

აქ საჭიროდ მიგვაჩნია ამ ყოველად პატიოსანი, უნაგარო, პირდაპირი, იშვიათი ადამიანისა და დიდი პედაგოგის შიოს მოკლე ბიოგრაფია მოვიყვანოთ.

შ. ჩიტაძე დაიბადა 1873 წელს ქ. გორში, სადაც მისი მამა — ალექსი ხელოსნობას ეწეოდა. ღარიბმა მშობლებმა შიო გორის სასულიერო სასწავლებელში მიიბარეს, რომლის კურსიც ნიჟიერმა ახალგაზრდამ წარმატებით დაამთავრა 1886 წელს. შემდეგ შიო შევიდა თბილისის ვაჟთა მე-2 გიმნაზიაში, რომელიც ოქროს მედლით დაასრულა. მალე ის კიევის უნივერსიტეტის ისტორიულ-ფილოლოგიურ ფაკულტეტზე შედის. უნივერსიტეტში შიო საუკეთესო სტუდენტად ითვლებოდა, ქართველ სტუდენტთა წრის გამგეობის თავჯდომარე იყო. შიომ დაასრულა რუსული სიტყვიერების დარგი. ჯერ კიდევ მეოთხე კურსის სტუდენტმა, მან დაწერა ადამ მიცკევიჩის თხზულებათა გარჩევა, რომელიც, კიევის პროფესორების აზრით, შესანიშნავ განძად უნდა ჩაითვალოს პოლონური ლიტერატურის გამოკვლევათა ისტორიაში.

უნივერსიტეტის დამთავრების შემდეგ შიო კიევის რამდენსამე სასწავლებელში მიიწვიეს რუსული ენის მასწავლებლად და ყველგან როგორც მოწაფეების, ისე ამხანაგების საერთო სიყვარული და პატივისცემა დაიმსახურა, მოწაფეები და მასწავლებლები შიოს „ჩვენს პეირფას: შიოს“ ეძახდნენ.

როგორც პედაგოგმა, შიომ მთელი კიევის ოლქში გაითქვა სახელი. მასწავლებლობის დროს იგი ყოველ თავისუფალ საათს პროფ. ჩელპანოვის ხელმძღვანელობით ფსიქოლოგიისა და ფილოსოფიის საფუძვლიან შესწავლას ანდომებდა. ეს ორი დარგი მეცნიერების ისე საფუძვლიანად შეისწავლა, რომ სხვადასხვა სამეცნიერო საზოგადოებანი და კერძო ინტელიგენტთა წრეები ცნობილ პროფ. ჩელპანოვის რეკომენდაციით იწვევდნენ ახალგაზრდა ლექტორს ლექ-

¹ გაზეთი „ახალი ცხოვრება“, 1906 წ., ივლისი, № 4.

ციების წასაკითხავად. მისი ყოველი ლექცია, დამსწრეთა სიტყვით, დიდ აღტაცებას იწვევდა მსმენელთა შორის.

კიევში შიო იქაური წერა-კითხვის გამავრცელებელი საზოგადოების აქტიურ წევრად ითვლებოდა და საზოგადოების მდივნისა და გამგეობის წევრის თანამდებობას ასრულებდა. წერა-კითხვის საქმეებს შიო ნიჭიერად და ნაყოფიერად განაგებდა ექვსი წლის განმავლობაში უსასყიდლოდ. შიო შემდეგ ამ საზოგადოების საპატიო წევრად იქნა არჩეული.

კიევში შიო ზაფხულობით განაგებდა სახალხო სკოლების მასწავლებელთა კრებას და თავის სამაგალითო გაკვეთილების მიცემით არა ერთსა და ორ სახალხო მასწავლებელს უნერგავდა გულში სკოლისა და ახალთაობის სიყვარულს.

შიო მხურვალე მონაწილეობას იღებდა კიევის პროგრესულ ჟურნალ-გაზეთებში. რუსეთის საზოგადოების განსაკუთრებული ყურადღება მიიქცია შიოს წერილმა მ. გორკის თხულებათა კრიტიკულად განხილვის შესახებ.

1904 წელს თბილისის ქართული გიმნაზიის გამგე კომიტეტმა შიო რუსული ენის მასწავლებლად მოიწვია. კიევის საზოგადოებამ შიოს აქ წამოსვლისას დიდი პატივი სცა. სასწავლებლებისა და სხვადასხვა დაწესებულებებისაგან შიომ მიიღო მრავალი ძვირფასი საჩუქარი რომელზედაც ასეთი წარწერები იყო: „ჩვენს ძვირფას შიოს“, „პატიოსანსა და გულწრფელ მუშაკს“, „ჩვენს სიამაყეს“, „დაუვიწყარ შიოს“ და სხვ.

თბილისში ჩამოსვლისთანავე შიო ქართული გიმნაზიის გამგედ დანიშნეს და ამ ორი წლის განმავლობაში მან ღირსეულად დაიმსახურა მასწავლებლებისა და მოწაფეების დიდი პატივისცემა და სიყვარული.

შიო თბილისში მხურვალე მონაწილეობას იღებდა ქართულსა და რუსულ ჟურნალ-გაზეთებში; იგი მუდმივი თანამშრომელი იყო „ცნობის ფურცელისა“ და „შრომის“, რომელთა მრავალი მოწინავე წერილი მის კალამს ეკუთვნის. მხურვალე მონაწილეობას იღებდა შიო აგრეთვე რუსულ გაზეთებში — „ვოზროკდენიეში“, „ვესტნიკ ვოზროკდენიაში“ და სხვადასხვა პროგრესულ გაზეთებში, სადაც იგი მეტწილად მეთაურობს წერდა... აი ასეთ ადამიანს, ჯანითა და ღონით სავსე, ნიჭიერ, პატიოსან და გულწრფელ მუშაკს მოუხპეს სიცოცხლე ბნელმა ძალებმა.

შიო ჩიტაძეს, თბილისის ქართულ გიმნაზიაში მოსვლისას, რომის შესანიშნავ მხედართმთავარ ცეზარივით შეეძლო ეთქვა: „veni, vidi, vici“ — მოვედი, დაგინახე, გავეიმარჯვე. იგი პირ-

ველი გაცნობისთანავე იზიდავდა ადამიანს და, რომ გავიცანი და დავეუახლოვდი, შიო აღმოჩნდა ყოველმხრივ შემქმნილი პიროვნება — ნიჭიერი, პატიოსანი, გულმართალი, პირდაპირი, მებრძოლი. თვითონ გულთბილი მოსიყვარულე ადამიანი, სიყალბეს სრულიად ვერ იტანდა და საშინელი სიმკაცრით ექცეოდა ყველას, ვისაც კი სიყალბეს შეამჩნევდა...

შიო, როგორც მასწავლებელი, პირდაპირ ოსტატი იყო... ვყოფილვარ შიოს რუსული ენის გაკვეთილებზე. გაკვეთილი იყო მძივებით ჩამოსხმული, შეკრული, ვერც მიუმატებდი და ვერც გამოკლებდი რამეს, ისე იყო ყოველმხრივ გამართული. ამასთან შიო გაკვეთილს ატარებდა თავისუფლად, დინჯად, აუღელვებლად; ამ გაკვეთილებში ჩანდა საგნის ღრმა ცოდნა და თან მტკიცე დისციპლინა სულგანებული უსმენდნენ მოწაფეები, სიხარულით თვალეზარდებოდნენ ადევნებდნენ თვალყურს შიოს ყოველ მიხერა-მოხერას.

ხოლო მასწავლებლის საგნის გადაცემის უნარს, კლასში თავის დაქერას და მის ქცევას დიდი მნიშვნელობა აქვს; ყოველივე ეს ამჟღავნებს მასწავლებლისა და მოწაფეების ურთიერთ დამოკიდებულებას, ამჟღავნებს, თუ რამდენად უყვარს მასწავლებელს თავისი მოწაფეები და, პირიქით, მოწაფეებზე — მასწავლებელი... შიოს გაკვეთილი იყო ცოცხალი, მიმზიდველი, რაღაც, თუ შეიძლება ასე ითქვას, თბილი... სწავლების წარმატებისათვის ცოდნის გარდა საჭიროა კიდევ „რაღაც“, რასაც ასე ეძებს ყოველი მოწაფე მასწავლებელში და რომლისთვისაც მოწაფე მასწავლებელს „ჩემს მასწავლებელს“ ეძახის. ჩვენი აზრით, ეს „რაღაც“ ის თვისებაა, რომელსაც ადამიანობას ეძახიან. ადამიანობა კიდევ — სხვა პიროვნებისადმი გულისხმიერი მოპყრობაა... მოკლედ, მხოლოდ კარგ ადამიანს შეუძლია იყოს კარგი მასწავლებელი. შიო კარგი ადამიანი და ამიტომ კარგი მასწავლებელიც იყო...

შიო ჭიუტი იყო. მისმა ჭიუტობამ ჩვენ — მე და შიო — კინაღამ საბედისწერო ხიფათში ჩაგვაგდო. 1905 წლის განმათავისუფლებელი მოძრაობის დროს, ერთხელ, მე და შიომ გაკვეთილების შემდეგ „ცნობის ფურცლის“ რედაქციაში გადავწყვიტეთ წასვლა. ლექმბრის თოვლიანი დღე იყო. ჩავედით ახლანდელ რუსთაველის პროსპექტზე და, სადაც ახლა სასტუმრო „ინტურისტია“, იქ წიგნის მაღაზიის ვიტრინებში ახალი წიგნების თვალიერებას შევუდგექით. ამ დროს ყოფილ მუხრანის ბაზრიდან (ახლა კოლმეურნის მოედანი) ბომბის ხმა მოისმა. გავიდა პატარა ხანი და კიდევ გავარდა ბომბი, შემდეგ კი თოფის სროლა ატყდა. ამ ამბით დამფრთხალი ხალხი ქუჩებში გარბოდა და გამორბოდა. სწრაფად დაიკეტა მაღაზიებიც, ასე

რომ პროსპექტზე ხალხის ჰაჰანება აღარ იყო. ჩვენ — მე და შიო — ვდგევართ მაღაზიის წინ და ველოდებით ამ ამბის ასე თუ ისე დაბოლოებას... ვნახოთ, პროსპექტზე ოპერის თეატრის მხრიდან გამოჩნდა პლასტუნების (ქვეითი კაზაკები) დიდი რაზმი. თოფმო-
ლერებულნი, ჩოხა შეეცილნი გამორბიან პროსპექტზე... შიო შეუბ-
ნება: წავიდეთ რედაქციაში! (რედაქცია მოთავსებული იყო მაშინ-
დელ ვანქის, ახლა პრესის ქუჩაზე). როგორ! იქ წავიდეთ, სადაც ბომ-
ბებსა და თოფებს ისვრიან? — ვუპასუხებ... ამ დროს პლასტუნები
მოგვიახლოვდნენ... მათ, სადაც ახლა კავშირგაბმულობის სახლია,
იქ შეამჩნიეს, ჩვენი მხრისკენ მომავალი ვიღაც კაცი, ესროლეს და
დაჭრეს. (როგორც შემდეგ გამოიჩვენა, ის იყო გაზეთ „Возрожде-
ние“-ს თანამშრომელ ი. გორდელაძე). დაერჩით მე და შიო მარტოდ
მარტო... პლასტუნები ის იყო უკვე მოგვადგნენ მოღერილი თოფე-
ბით, რომ ამ დროს ოპერის თეატრის მხრისაკენ მიმავალმა ერთმა
ოფიცერმა გამოიარა — აბა, შიო გავყევით ამ ოფიცერს უკან, — ვეუბ-
ნები, — შიო გამიფიქტა, რედაქციისაკენ იწვედა, — რა დროს რედა-
ქცია! — ვუთხარი, ვტაცე ხელი და ძალით გავიყოლიე ოფიცრის
უკან... მაგრამ პლასტუნები არ მოერიდნენ ოფიცერს და ძახილით:
„Вот они, вот они“, ის იყო უნდა ესროლათ, რომ ოფიცერმა
ხმამალლა შესძახა: „Не стреляйте — они со мной идут“, და
შეაყვნა პლასტუნები... ამნაირად გადავრჩით.

შიოს დასაფლავების შემდეგ ერთ კვირას არც კი გაუვლია, რომ
მისმა მეუღლემ — უსტინა კირილეს ასულმა შჩერბანმა — თავი მოიკ-
ლა... დარჩა სამი შვილი, ორი ვაჟი და ერთი ქალი; ქალი იმავე
წელს გარდაიცვალა; ვაჟებს „საზოგადოებამ“ ორმოცდაათ — ორ-
მოცდათი მანეთი დაუნიშნა, ვიდრე სასკოლო ასაკამდე მოიზრდე-
ბოდნენ. შემდეგ ობლები — უფროსი ვასილი და უმცროსი სიკო —
„საზოგადოების“ ხარჯითვე გაიზარდნენ ქართულ გიმნაზიაში.

შიო ჩიტაძის მოკვლის შემდეგ ძირითადად ჯგუფმა გიმნაზიის
გამგედ აირჩია ჯგუფის წევრი მ. ი. თაქთაქიშვილი, რომელმაც ერთი
თვე იმუშავა, მაგრამ შემდეგ უარი განაცხადა და ისევ ბაქოში წა-
ვიდა. ამის შემდეგ ჯგუფმა გამგედ თბილისის ჟომერციული სასწავ-
ლებლის მასწავლებელი ალექსანდრე ბესარიონის-ძე მდივანი
აირჩია.

გიმნაზიის ბინისა და სასწავლო ნივთების და ავეჯის განადგუ-
რებამ, აგრეთვე შენობაში ჯარის ჩადგომამ მეტად ცუდ პირობებში
ჩააყენა მთელი სასწავლებელი და პედაგოგიური საბჭო. მიუხედა-
ვად ასეთი მდგომარეობისა, საბჭომ გადაწყვიტა სწავლის დაწყება

და შეეცადა შესაფერისი ბინა მოეძებნა. საბჭო შეუდგა ქალაქში კერძო ბინის დაქირავებას, შეჩერდა კიდეცა ერთხ ბინაზე და წინადადებით მიმართა გამგე კომიტეტს, რომ ეს ბინა გიმნაზიისათვის დაექირავებინა, მაგრამ კომიტეტმა ამ წინადადებაზე უარი განაცხადა.

ასეთ პირობებში გიმნაზიას მოელოდა, თუ მთელი წლით არა, ნახევარი წლით მაინც სწავლის შეჩერება.

ამიტომ პელსაბტომ გადაწყვიტა გიმნაზიაში სწავლა საღამომობით მოეწყო, იმ იმედით, რომ იქნებ რომელიმე სასწავლებლის უფროსს სასწავლებლის შენობა საღამომობით დაეთმო. სახელმწიფო სასწავლებლების უფროსებმა ასეთ შეამდგომლობაზე უარი გვითხრეს. პედაგოგიური საბჭოს თხოვნას დიდი თანაგრძნობით მიეგება სა-მოქალაქო სასწავლებლის გამგე ანა ჩაჩიბაია და შენობის პატრონი, ცნობილი მოღვაწის ვანო მაჩაბლის მეუღლე ანასტასია მაჩაბელისა, რომლებმაც ჩვენს გიმნაზიას საღამომობით დაუთმეს ბინა. ამ ბინაზე მოთავსდა მხოლოდ სამი უფროსი კლასი (მეექვსე, მეშვიდე და მერვე) და 15 სექტემბრიდან სწავლაც დაიწყო. იმავე წლის 26 ნოემბერს პედაგოგიურმა საბჭომ შეცადინეობა დაიწყო ვაკეში აგებული ახალ სახლში (ახლანდელი ი. ბ. სტალინის სახელობის უნივერსიტეტის შენობა), უკვე ყველა კლასში. მაგრამ ეს შენობა დაუმთავრებელი და მოუწყობელი იყო (კლასებში იატაკი ყველგან არ იყო დაგებული. მინები ბევრგან ჩაუსმელი იყო, არ იყო გათბობა) რაც, რასაკვირველია, აბრკოლებდა სწავლის წესიერად წარმართვას.

თანახმად „საზოგადოების“ კრების გადაწყვეტილებისა, ამ წელს საბჭომ აირჩია შემდეგი მასწავლებლები: გ. ს. ვოლსკი — ქართული ენის მასწავლებელი, გ. ყაზახაშვილი — ქართული ენის მასწავლებელი, ა. ს. შირსკი — გერმანული ენის მასწავლებელი, ს. თ. გულისაშვილი — ბუნების მასწავლებელი, ლ. გ. ბოცვაძე — მოსამზადებელი კლასების მასწავლებელი, ა. ნ. მაჩაბლიშვილი — კანონმდებლობის მასწავლებელი, გ. ი. ნათაძე — ისტორიისა და ლათინური ენის მასწავლებელი, ვ. ბ. ლორთქიფანიძე — ისტორიის მასწავლებელი, ქ. გ. ღვინიაშვილი — ფრანგული ენის მასწავლებელი, ნ. მ. ლორთქიფანიძე — გერმანული ენის მასწავლებელი, რ. ი. ლომინაძე — ლათინური ენის მასწავლებელი, ა. ა. ფაღავასი — რუსული ენის მასწავლებელი, პ. გ. მამრაძე — მათემატიკის მასწავლებელი, გ. სიდოროვი — რუსული ენის მასწავლებელი, ევ. ალ. ჭოლოშვილი — მათემატიკის მასწავლებელი, ა. თ. ჭვარიშვილი — ლათინური ენის მასწავლებელი, ა. ი. ბალარჯიშვილი — ექიმ-მასწავლებელი (ასწავლიდა ჰიგიენას). ამნაირად შევსებულმა პედ-

საბჭომ 1907 წლის 26 ნოემბერს მეცადინეობა დაიწყო ყველა კლასებში ახალ შენობაში ვაკეზე. მაგრამ სწავლის წესიერად წარმოებას აბრკოლებდა შენობის დაუმთავრებლობა გათბობის უქონლობა, ფიზიკური, ბუნებისა და გეოგრაფიის კაბინეტების მოუწყობლობა და სათანადო ბიბლიოთეკების უქონლობა და სხვ.

1905 წლის განმათავისუფლებელმა მოძრაობამ თავისი გავლენა იქონია ყველა სასწავლებლებზე და, რასაკვირველია, ჩვენს გიმნაზიაზეც. მოწაფეები ჩამორჩნენ სხვადასხვა საგანში, ასე რომ, შემოღებული პროგრამების საფუძვლიანად გავლა მოუხერხებელი შეიქნა. მოწაფეების ასეთი ჩამორჩენის თავიდან ასაშორებლად პედაგოგებმა საგნობრივ კომისიებს დაავალა პროგრამების გადასინჯვა, შესაძლებლობის ფარგლებში მათი შემოკლება და სწავლების მეთოდის გაუმჯობესებაზე ზრუნვა. ამას გარდა მასწავლებლებმა იკისრეს კვირა-უქმებშიც მოწაფეებთან მეცადინეობა და ამნაირად ცდილობდნენ კურსის შევსებას წლის განმავლობაში.

მაგრამ ამავე ხანებში გამძვინვარებული რეაქცია ჩვენს გიმნაზიაშიც შემოიჭრა. გამგე კომიტეტმა იწყო ჩამორთმევა ყველა იმ უფლებისა, რომლებიც პედაგოგებმა „საზოგადოების“ კრებაზე 1905 — 1906 სასწავლო წელს ბრძოლით მოიპოვეს.

1907 წელს ჩვენი გიმნაზიის მასწავლებლების ე. თაყაიშვილის, დ. კარიჭაშვილის, ი. რატიშვილის და ს. გორგაძის თაოსნობით თბილისში დაარსდა „საქართველოს საისტორიო და საეთნოგრაფიო საზოგადოება“.

1907 წელს დეკემბერში მე გიმნაზიამ დელეგატად გამგზავნა პეტერბურგში (ახლა ლენინგრადი), შესანიშნავი ქიმიკოსისა და საზოგადო მოღვაწის დ. მენდელეევის სახელობის საბუნებისმეტყველო საზოგადოების პირველ ყრილობაზე, რომელიც ორ კვირას გაგრძელდა. ამ ყრილობის მოკლე ანგარიში მოვახსენე პედაგოგიურ საბჭოს.

1906—1907 სასწავლო წელს გიმნაზიაში ირიცხებოდა 725 მოწაფე, ყველა გარედან მოსიარულე, რადგან პანსიონი გიმნაზიაში 1906 წლის ივლისიდან გაუქმდა, როგორც უკვე გვქონდა მოხსენებული ამ სასწავლებელში გახსნისთანავე მოეწყო პანსიონი, რომელიც თანდათან იზრდებოდა და ბოლოს მოწაფეთა რიცხვი პანსიონში 120-მდე აღწევდა. პანსიონს განსაკუთრებული უმაღლესი სწავლა დასრულებული აღმზრდელები ჰყავდა მიჩენილი. პანსიონერებს კარგი მოვლა-პატრონობა და კარგი კვება ჰქონდა, რაც შ. ჩიტაძის დროს კიდევ უფრო გაუმჯობესდა საუზმეზე ზედმეტად კეკაოს შემოღებით.

1906 — 1907 წელს მერვე კლასში იყო 32 მოწაფე, რომელთაც გამოცდები სიმწიფის მოწმობის მისაღებად იმავე გიმნაზიაში ჩააბარეს თბილისის სახალხო სასწავლებლის დირექტორის პ. ა. ფედოროვსკის თავმჯდომარეობითა და სახაზინო გიმნაზიების მასწავლებლების თანდასწრებით. ამ 32 მოწაფიდან სიმწიფის მოწმობა მიიღო 28 მოწაფემ. 4 მოწაფე მეორე წელიწადს დარჩა მერვე კლასში.

„საზოგადოების“ 1908 წლის საქმიანობის ანგარიშის განხილვის დროს საზოგადოების ერთმა წევრმა განაცხადა: ზოგიერთ მასწავლებელს უკმეღღებშიც უსწავლებია უსასყიდლოდ მოწაფეებისათვის და მათი ასეთი უანგარო მოქმედება რითიმე უნდა აღინიშნოსო. კრებამ ამ წინადადების თანახმად დაადგინა, ასეთ მასწავლებელს მადლობა გამოეცხადოსო. ეს მასწავლებლები იყვნენ: ალ. მდივანი, კლ. მიქაბერიძე, პ. მამრადი, გ. ნათაძე, ალ. ფალავა და სხვ.

„საზოგადოების“ 1907 წლის კრების დადგენილების თანახმად, 1908, 1909 წლების საქმიანობის განსახილველად საზოგადო კრებამ აირჩია კომისია შემდეგი შემადგენლობით: ვ. ვაჩნაძე, დ. ჯორჯაძე, გ. ქურდიანი, მ. გედევანიშვილი, ი. რატიშვილი და მ. ზაალიშვილი.

1908 წელს სექტემბერში თბილისში, ქართულ ფილარმონიულ საზოგადოებასთან, რომელიც 1905 წელს ჩვენი გიმნაზიის მასწავლებლების ზ. ჩხიკვაძის, ან. ყარაშვილის, ზ. ფალიაშვილის და მ. მირიანაშვილის თაოსნობითა და მეცადინეობით დაარსდა, გაიხსნა გამუსიკო სკოლა. ამ სკოლის გამგედ დაინიშნა ზ. ფალიაშვილი.

1907—1908 სასწავლო წელს „საზოგადოების“ ეკონომიურ მოდგომარეობა მძიმე იყო; მარტო გიმნაზიის შენობის საჭიროებისათვის ნაგარაუდები ხარჯთაღრიცხვა 100.000 მანეთს უდრიდა... ასეთმა უმწეო ეკონომიურმა მდგომარეობამ აიძულა „საზოგადოება“ ამ წლიდან გაედიდებინა სწავლის ფული; 6 და 12 მანეთის ნაცვლად კრებამ სწავლის წლიურ ფასად მოსამზადებელი კლასებისათვის დააწესა სამი თუმანი, გიმნაზიის კლასებისათვის — ოთხი თუმანი და მსურველებისათვის გახსნილი მეორე კლასისათვის — ექვსი თუმანი.

1907—1908 სასწავლო წელს გიმნაზიაში ირიცხებოდა 777 მოწაფე. მერვე კლასში იყო 40 მოწაფე, რომლებმაც გამოცდები ჩააბარეს ჩვენსავე გიმნაზიაში. ქ. შუშის რეალური სასწავლებლის დირექტორის ი. ი. ლეონტიევის თავმჯდომარეობით და სახელმწიფო გიმნაზიების მასწავლებელთა თანდასწრებით. ლეონტიევმა ისე მკაცრად ჩაატარა გამოცდები, რომ ამ 40 მოწაფიდან მხოლოდ 22-მა მიიღო სიმწიფის მოწმობა, 18 მოწაფე კი მეორე წელს დარჩა.

ამავე სასწავლო წელს მასწავლებელმა ელ. ლორთქიფანიძემ

გადათარგმნა ცნობილი ავტორის დ. ლინბერგის გეოგრაფიის სახელმძღვანელო „ევროპა“, ხოლო მასწავლებელმა ს. იაშვილმა — ევროპის გარეშე ქვეყნებისა — „აზია, აფრიკა, ამერიკა და ავსტრალია“. ეს სახელმძღვანელოები გამოცემულიც იყო.

1908—1909 სასწავლო წელს გიმნაზიის გამგე კომიტეტის შემადგენლობა ასეთი იყო: თავმჯდომარე — პ. ი. თუმანიშვილი, თავმჯდომარის ამხანაგი — გ. ნ. ყაზბეგი, წევრები — დ. გ. ჯორჯაძე, ს. ი. ბაქრაძე, პ. ი. გვერდწითელი, მ. ქ. ყიფიანი და ი. გ. რატიშვილი.

ამავე სასწავლო წელს, „საზოგადოების“ კრების დადგენილების თანახმად, პედაგოგიურმა საბჭომ აირჩია გიმნაზიის გამგის ორი თანაშემწე — დ. გ. კარიჭაშვილი და ა. ნ. მიქაბერიძე.

1908—1909 სასწავლო წელს გიმნაზიაში 827 მოწაფე ირიცხებოდა, მერვე კლასში იყო 46 მოწაფე, რომლებმაც გამოცდები ჩვენსავე გიმნაზიაში ჩააბარეს თბილისის გუბერნიის სახალხო სასწავლებელთა დირექტორის პ. ა. ფედოროვსკის თავმჯდომარეობით. ამ 46 მოწაფეიდან სიმწიფის მოწმობა მიიღო 30 მოწაფემ. 4 მოწაფემ ჩვენი გიმნაზიის მოწმობა მიიღო და წავიდა საზღვარგარეთ, ხოლო 12 მოწაფე მეორე წელს დარჩა.

1909 წლის ოქტომბრის კრებაზე „საზოგადოებამ“ დაადგინა აღძრა შუამდგომლობა კავკასიის მეფისნაცვლის წინაშე, რათა ქართული გიმნაზიისათვის ნება მიეცათ თანდათანობით შემოეღო მოსამზადებელი კლასებით დაწყებული, ქალ-ვაჟთა საერთო სწავლება, ყველა კლასში საღმრთო სჯულის ქართულად სწავლება და ქართულადვე სწავლებით გაემართათ საბავშვო ბაღი, ხოლო თუ საჭიროება მოითხოვდა, განათლების მინისტრის წინაშე შუამდგომლობის დასაცავად პეტერბურგს გაეგზავნათ პ. ი. თუმანიშვილი (გამგე კომიტეტის თავმჯდომარე) და გიმნაზიის გამგე ა. ბ. მდივანი. ეს პირები კიდევაც იყვნენ პეტერბურგში, იშუამდგომლეს სადაც ჯერ არს, მაგრამ ვერას გახდნენ.

ამ სასწავლო წლიდან გიმნაზიამ მოაწყო ფიზიკური აღზრდის მშვენიერი დარბაზი, შეიძინა ფიზიკური აღზრდისა და ვარჯიშობისათვის საჭირო იარაღები და ამ საგნის მასწავლებლად მოიწვია გ. ს. ეგნატაშვილი.

1910—1911 წლის მორიგ საზოგადო კრებაზე „საზოგადოების“ წევრებმა პროტესტი განაცხადეს იმის გამო, რომ გამგე კომიტეტის კრებებზე გიმნაზიის გამგე გადამწყვეტი ხმით სარგებლობს. ამ საკითხის შესახებ კრებამ დაადგინა: მიენდოს კომიტეტს — მომავალ წლიურ კრებას წარმოუდგინოს ინსტრუქცია იმის შესახებ, თუ

როგორი ურთიერთობა უნდა ექნეთ ერთმანეთთან გამგე კომიტეტს, გიმნაზიის გამგეს და მშობელთა წრის წარმომადგენელთ. ამ აზრით გამგე—კომიტეტმა წინადადება მისცა პედაგოგიურ საბჭოს გამოეთქვა თავისი შეხედულება, თუ რამდენად შესაძლებელია პედაგოგიური მოსაზრებით ესეთი საერთო სწავლების განხორციელება ჩვენს გიმნაზიაში. პედაგოგიურმა საბჭომ გამგე—კომიტეტის ეს წინადადება განიხილა თავის კრებაზე და თითქმის ერთხმად ის აზრი გამოთქვა, რომ ქალებისა და ვაჟების ერთად სწავლა ჩვენს სასწავლებელში მეტად სასურველია, ასეთი საერთო სწავლა დიდ ზნეობრივ გავლენას იქონიებს ვაჟებზედ, ეს უკანასკნელები უფრო მართებულად და წესიერად მოიქცევიან კლასებში ქალების ზეგავლენით და ამიტომ სასწავლებელში დისციპლინის დამყარება უფრო სასურველ ნიადაგზე მოეწყობა. შიში, იმისა, რომ ვაჟები ცუდად იმოქმედებენ ქალებზე, რომ ვაჟები არა მართებულად დაიჭერენ თავს მოსწავლე ქალების წინაშე, უსაფუძვლოა. სადაც კი ასეთი შეერთებული სწავლა წარმოებს, მასწავლებლები ერთხმად აღიარებენ, რომ შეუდარებელი დისციპლინა სუფევს ასეთს სასწავლებელში და მოსწავლე ქალებისა და ვაჟებს შორის სრულიად ნორმალური, სასურველი დამოკიდებულება არსებობს. ყველა ამ მოსაზრების მიხედვით პედაგოგიურმა საბჭომ წინააღმდეგ ერთის წევრისა სასურველად მიიჩნია ჩვენს სასწავლებელში ქალებისა და ვაჟების საერთო სწავლების მოწყობა.

ამის შემდეგ განათლების მინისტრის წინაშე შუამდგომლობის დასაცავად გამგე-კომიტეტმა პეტერბურგს გაგზავნა გამგე კომიტეტის თავმჯდომარე პ. თუმანიშვილი და გიმნაზიის გამგე ალ. მდივანი. ეს პირები კიდევაც იყვნენ პეტერბურგში, იშუამდგომლეს განათლების მინისტრის წინაშე, მაგრამ ვერას გახდნენ.

1908—1909 სასწავლო წელს გიმნაზიამ პირველად შეიძინა საექიმო კაბინეტისათვის სხვადასხვა საექიმო იარაღი მოწაფეთა ფიზიკურ განმრთელობის დაწვრილებით შესასწავლად მედიკო-სანიტარული მხრივ. მხოლოდ ეს რთული და გიმნაზიისათვის ახალი საქმე მოწაფეთა განმრთელობის შესასწავლად სამოსწავლო წლის პირველ ნახევარში ვერ მოეწყო ორი მიზეზის გამო: ჯერ ამას ხელი შეუშალა გამოწერილი იარაღების დაგვიანებამ, რომელიც მხოლოდ ნოემბრის დამლევს მიიღო გიმნაზიამ, რუსეთიდან იარაღების მიღების შემდეგ კი საქმის დაწყება შეუძლებელი გახდა ნამეტანმა სიცივემ. სითბო ექიმის კაბინეტში მთელი ზამთრის განმავლობაში არ აღემატებოდა 7—8 გრადუსს. ამის მიზეზი ცენტრალური გათბობის საქმის მოუწყობლობა იყო. როდესაც საკმარისად დათბა, დაახლოებით თებერ-

ვლის პირველ რიცხვებიდან დაიწყო სისტემატური კვლევა მოწაფეთა ჯანმრთელობისა. წლის დამლევამდე გამოკვლეულ იქმნენ მხოლოდ მოსამზადებელი და პირველი ოთხი გიმნაზიური კლასის მოწაფენი...

საანგარიშო წლის განმავლობაში ამბულატორიულად მიღებულ იქნა და საჭირო დარიგება მიეცა 610 ავადმყოფ მოწაფეს. სტაციონალურად სწამლობდა ექიმი სახლში სულ 40 ავადმყოფ მოწაფეს. ყველა სტაციონალური ავადმყოფი ინახულა ექიმმა სულ 156-ჯერ.

წინა სასწავლო წელს მოსწავლეთა შორის არავითარი ეპიდემიური ავადმყოფობანი არ გავრცელებულა. იყო სულ რამოდენიმე შემთხვევა ქუნთრუშისა და ზუნაგისა, რომელთაც მშვიდობიანად გადაიარეს.

ამ წელს ი. კ. მუხრან-ბატონის სტიპენდიტი არის ჩვენი გიმნაზიის მოწაფე ჯორჯაძე, ქ. ი. მუხრან-ბატონის — გ. კორინთელი, გაბრიელ ეპისკოპოსის სახელობის — ა. ზალდასტანიშვილი და ა. ი. ჯამბაკურიან-ორბელიანის — დ. ჟურული. საზოგადო კრების მიერ დამტკიცებულ პროგრამის მიხედვით (იხ. თბილისის ქართული გიმნაზიის სასურველი რეორგანიზაცია) მოსამზადებელი ოთხი განყოფილების მაგიერ ქართულ გიმნაზიაში მოეწყო ორი განყოფილება — უმცროსი და უფროსი. რუსული ენის სწავლება საანგარიშო წლის დამდეგამდე იწყებოდა პირველი გიმნაზიური კლასიდან. მაგრამ სამი წლის გამოცდილებამ პედაგოგთა დაარწმუნა, რომ მოწაფეები საკმარისად ვერ ითვისებენ ამ ენას მით უფრო, რომ პირველი კლასიდან ამჟამად ყველა საგნების სწავლება რუსულ ენაზე სწარმოებს. ამიტომ პედაგოგთა ხმის უმეტესობით რუსული ენის სწავლება შემოიღო უფროს განყოფილებაში და სახელმძღვანელოდ ამ განყოფილებაში აირჩია ი. გოგებაშვილის „Русское слово“-ს მეორე ნაწილი. მაგრამ, რაკი ამ საშუალებამაც ვერ წასწია წინ რუსული ენის სწავლების საქმე, ამიტომ პედაგოგთა საანგარიშო წელს დაადგინა 1910 სასწავლო წლიდან რუსული ენის სწავლება შემოიღოს სასწავლო წლის მეორე ნახევრიდან უმცროს განყოფილებაში, ხოლო 1910 სასწავლო წლიდან სასწავლებელში მესამე მოსამზადებელი განყოფილებაც გაიხსნა.

1909—1910 სასწავლო წლიდან ქართული გიმნაზიის უფროსი კლასების მოწაფეებმა დაიწყეს ნაბეჭდი ჟურნალების გამოცემა; ამ ჟურნალების სახელწოდება იყო: „პირველი ნაბიჯი“, „მოწაფის ნაბიჯი“ და „ჩანგი“. ჟურნალებში თანამშრომლობდნენ მოწაფეები: პ. ეგნატაშვილი, ვლ. ცაგურია, ქ. რაჭველიშვილი, ქუთაისის ქარ-

თული გიმნაზიის მოწაფე კ. გამსახურდია „აბაშისპირელის“ ფსევდონიმით, „ცვარნამი“ და სხვები. ქურნალებში იბეჭდებოდა ლექსები, მოთხრობები, წერილები და სხვა...

1910 წ. ივნისის 10 „საზოგადოების“ საზოგადო კრებამ მოისმინა სარევიზიო კომისიის მოხსენება საზოგადოების 1908 წ. მოქმედებისა და საერთო გიმნაზიის სწავლა-აღზრდის საქმის მდგომარეობისა 1909 წელშიაც, ამასთან განმარტება გამგე-კომიტეტისა და გიმნაზიის დირექტორის ა. ბ. მდივნისა და დაადგინა:

1. სწავლების პროგრამის შედგენა სავალდებულოა ყოველი საგნისათვის, მხოლოდ თვითეული მესამედის დასასრულს მასწავლებელმა განმარტება უნდა წარმოუდგინოს პედსაბჭოს, თუ რამდენად შეასრულა პროგრამა და დარჩა გასავლელი და რა იყო ამის მიზეზი.

2. მასწავლებელნი რევიზიის დროს არ უნდა დასჯერდნენ გავლილის გამოკითხვას და ახალი მასალაც უნდა აუხსნან მოწაფეებს.

3. მასწავლებელმა მეტი ყურადღება უნდა მიაქციონ მომავალში მკაფიო და გარკვეულ კითხვას.

4. მხედველობაში იქმნა მიღებული, რომ ისტორიის, გეოგრაფიის, ბუნების, მათემატიკის და გერმანული ენის კარგად სწავლებას მასწავლებელნი ყურადღებას აქცევენ.

5. გიმნაზიაში წერითი მუშაობის ცუდი მდგომარეობის გამო კრებამ მიიღო სარევიზიო კომისიის მოხსენება და სურვილი გამოთქვა, რომ მომავალში მოწაფეთა წერით მუშაობაში დიდი ყურადღება მიექცეს რვეულის სუფთად შენახვას და სუფთად წერას, ხოლო თვითონ ნაწერი ყოველთვის ბეჯითად იქმნეს გასწორებული მასწავლებლის მიერ.

შემდეგ კრებამ მოისმინა სარევიზიო კომისიის მოხსენება, რომელიც უსამართლოდ ჰპოებდა გიმნაზიის გამგის-დირექტორისა და გიმნაზიის შენობის ამგებელის - ყოფნას გამგე-კომიტეტში გადამწყვეტი ხმით. სარევიზიო კომისიის ამ მოხსენებას კრების წევრებმაც მხარი დაუჭირეს და ამიტომ კრებამ დაადგინა: მიენდოს კომიტეტს შეადგინოს და წარმოადგინოს მომავალ წლიურ საზოგადო კრებას ინსტრუქცია მისი, თუ როგორი ურთიერთობა უნდა ექნენ ერთმანეთ შორის გამგე კომიტეტს, გიმნაზიის გამგეს, გიმნაზიის შენობის ამგებელს და მშობელთა წრის წარმომადგენლებს. ამის შემდეგ კრებამ განიხილა საკითხი გიმნაზიის შენობის დავალიანებისა და თანახმად სარევიზიო კომისიის მოხსენებისა დაადგინა, სახლი, რომელიც ეკუთვნის „საზოგადოებას“ და მდებარეობს ახლანდელ

ილია ჭავჭავაძის (ყოფილ ველიამინოვის ქ.) და აკაკი წერეთლის (ყოფილი განოვის ქ.) ქუჩებზე გადაეცეს საკუთრებად თბ. გუბერნიის თავად-აზნაურობას, ხოლო უკანასკნელმა იკისროს ყოველივე გადასახადი, რაც აქვს გიმნაზიის შენობას.

რაკი სარევიზიო კომისია თავის მოხსენებაში ქალთა სკოლასაც შეეხო, ამიტომ ჩვენ აქ საჭიროდ მიგვაჩნია ამ სასწავლებლის მოკლე ისტორია მოვიყვანოთ:

1906—1907 სასწავლო წელს ქალთა სამზრუნველო საბჭოს (თავმჯდომარე მ. ვ. ჭამბაქურ-ორბელიანისა, წევრები — ე. მ. ერისთავისა, ნ. ე. ქობულაშვილისა, დ. რ. ჭავჭავაძისა და პ. ა. დაფქვიასვილისა) თავისნობითა და მეცადინეობით ქართულ ვაჟთა გიმნაზიასთან დაარსდა თბილისის ქართული ქალთა სკოლა. ეს სკოლა შედგებოდა საანბნო, პირველი და მეორე განყოფილებიდან. 1910 სასწავლო წელს ამ სასწავლებელში გაიხსნა მესამე განყოფილება, ხოლო 1911 სასწავლო წელს გაიხსნა პირველი კლასი, 1912 სასწავლო წელს — მეორე კლასი და ასე ყოველ წელიწადს ემატებოდა თითო კლასი... 1913 წელს ქალთა სამზრუნველო საბჭომ გამგე კომიტეტს წარმოუდგინა ქალთა სასწავლებლის ტიპის პროექტი, რომელსაც აქვე ვათავსებთ.

1. ქართველები უმთავრესად მიწათმფლობელი და მიწათმოქმედი ხალხია. მას ქალაქში ცხოვრება არ უყვარს, გული სოფლისკენა აქვს, თავის მიწას ეტანება. ამეამად, როდესაც ცხოვრებას ბევრი ახალი მოთხოვნილება აქვს, ხალხი არა კმაყოფილდება სოფლის უბრალო მოუწყობელ ცხოვრებით, რითაც წინაღ კმაყოფილდებოდა. მას მეტი მყუდრო და ლაზათიანად მოწყობა სჭირდება. სხვა ერის ხალხი ამგვარ ცხოვრებისათვის სარჩოს საშოვრად ზოგი ვაჭრობას ჰკიდებს ხელს, ზოგი ხელოსნობას იწყებს და ა. შ. ქართველი ხალხი კი მართოდენ მიწას ეტანება, მითი ირჩენს თავს. მაგრამ ეს მისთვის ძნელია რაციონალურ მიწათმოქმედებისათვის სუსტი მომზადებისა გამო. ამ შემთხვევაში დედაკაცს მშვენიერად შეუძლიან ხელი მოჰკიდოს შინაურ მეურნეობას, მას თამამად ძალუძს მებოსტნეობის, ხილის მოყვანის, აბრეშუმის და ფუტკრის გაჩენის, ფრინველის მოვლისა და სხვა სასოფლო სამეურნეო დარგების გაძლოლა. რა რიგ სარგებლობას მოუტანდა ის ამით თავის ოჯახს, რამდენად გაამრავლებდა საზრდოს, გააუმჯობესებდა თავის ცხოვრებას, წესწყობილებას!

2. მთელი ჩვენი ახალგაზრდობა გონებრივად, ხორციელად და ზნეობრივად იტანჯება-უმეტეს შემთხვევაში იმის გამო, რომ ჩვენში შინაური აღზრდა არ არის შინ ბავშვის წესიერ განვითარებაზე ფიქრი-

სათვის არავის სცალიან. დედას ამ საგნის საჭიროება ან სრულიად არ ესმის, ან თუ ესმის კიდევ, მომზადება აკლია თავის მოვალეობის კეთილსინდისიერად ასასრულებად. და ამ დროს, ჩვენი ხალხის დღევანდელ მდგომარეობაში, რა დიდად საჭირონი არიან მომზადებული დედები, ვის კეთილ გავლენის ქვეშ აღიზრდებოდა ჩვენი ახალთაობა! რანაირად გვეჭირიან ისეთი დედები, რომელსაც შეეძლებოდათ თავის შვილების აღზრდა და გრძნობათა კეთილად წარმართვა. ამიტომ დედაკაცი უნდა იყოს აღმზრდელი ამ სიტყვის ფართო მნიშვნელობით.

3. სხვა განათლებულ ქვეყნებში დედაკაცმა უკვე იჩინა თავი საზოგადო ასპარეზზე, მწერლობაში, მასწავლებლობაში. იდეების ქადაგებაში და მისი გავლენა ამ ასპარეზზე მართლა დიდი არის. ჩვენ უფლება არა გვაქვს ავადცინოთ ამ გავლენას ჩვენი საზოგადოება, მოუსპოთ ჩვენებურ ქალებს ამ ასპარეზზე მოქმედების საშუალება. დედაკაცს უნდა ესმოდეს საზოგადო საკითხები, საზოგადოებრივ ცხოვრების შეგნებულად ანგარიშის გაწევა უნდა შეეძლოს. სხვა არა იყოს რა საზოგადო საკითხების უცოდინარ დედაკაცს „არ შეუძლიან გონიერი დედა და ქმრის ნამდვილი მეგობარი იყოს“.

4. ქალი, როგორც დედა და როგორც ცოლი, მოვალეა თაოსანი და გონიერი დიასახლისობა გასწიოს. მასზე დამოკიდებული მთელი ოჯახის კვება, მერე ვინ არ იცის რა გავლენა აქვს სიმაჰამას ბავშვის ფიზიკურ განვითარებაზე, მოზრდილთა ჯანმრთელობაზე. ამიტომ მან მეცნიერულად უნდა იცოდეს მზარეულობა, ე. ი. უნდა იცოდეს, რა და რა საჭმელი რა და რა გავლენას ახდენს სხეულზე, რომელი შემადგენელი ნაწილი საჭმლისა უფრო სასარგებლოა. (ამიტომ მან უნდა შეისწავლოს საჭმლის გავლენა სტომაქზე, ე. ი. კვების ფიზიოლოგია). დედაკაცს უნდა ესმოდეს წმინდა ჰაერისა და საზოგადო სისუფთავის სხეულზე გავლენა. თავისი ოჯახი სრულ სისუფთავეში უნდა ჰქონდეს. ამისათვის საჭიროა ფიზიკური მუშაობა. ამიტომ უნდა ვეცადნეთ ჩვენი ქალები ფიზიკურ მუშაობას შევაჩვიოთ. გარდა ამისა ქალმა კრა-კერვაც უნდა იცოდეს.

5. დედაკაცმა ხელოვნებაც უნდა იცოდეს, მაგალითად: სიმღერა, მუსიკა და სხვა, რადგან ეს საგნები აფაქიზებენ, აკეთილშობილებენ ადამიანის ხასიათს.

ყველა ამ მოსაზრების გამო იმ აზრს დავადექით, რომ ჩვენთვის საჭიროა ისეთი ქალთა სასწავლებელი, რომელსაც შეეძლოს ჩვენთვის ზემოაღნიშნულ ქალთა აღზრდა. განზრახულ სასწავლებლის პროგრამა არსებულ გეგმებით (პროგრამებით) შეზღუდული არ უნდა იყოს, მას თავისებური ხასიათი უნდა ჰქონდეს იმ მოთხოვნ-

ლების და მიხედვით, რასაც ვუდგენთ სასწავლებელს. მთელი გეგმა ზუთ განყოფილებად უნდა განიყოფებოდეს:

1) საზოგადო განმანათლებელი საგნები, 2) აღმზრდელი ქალის მომზადებელი საგნები, 3) სასოფლო სამეურნეო საგნები, 4) სამეურნეო საგნები, 5) ხელოვნება.

ზოგადგანმანათლებელი საგნები: ანგარიში, ფიზიკა, გეოგრაფია. მსოფლიო ისტორია, მსოფლიო მწერლობა, ბუნებისმეტყველება, საღმრთო სჯული, ფრანგული ენა.

აღმზრდელი ქალის მომზადებელი საგნები: ფიზიოლოგია, ჰიგიენა, პედაგოგიკა.

სასოფლო სამეურნეო საგნები: მერძეობა, მეფუტკრეობა, მებარეშუმეობა, მეხილეობა, ფრინველთა მოშენება, მებოსტნეობა და სხვ.

სამეურნეო საგნები: მზარეულობა, ჭრა-კერვა.

ხელოვნება: სიმღერა, მუსიკა, ხატვა და სხვა.

ყველა ამას საფუძვლად უნდა ედოს: სამშობლო ენა, სამშობლო მწერლობა და ისტორია.

ეს სასწავლებელი შესდგება სამი განყოფილებისაგან და ექვსი კლასისაგან.

ქალთა სასწავლებლის სამზრუნველოს თავმჯდომარე მ. ვ. ჯამბა-კურ-ორბელიანისა.

თბილისი, 7 მაისი 1913 წ.

გამგე კომიტეტმა განიხილა ზემოთმოხსენებული პროექტი და დაადგინა წარუდგინოს საზოგადო კრებას როგორც თვით პროექტი, აგრეთვე თავისი ორი ფორმულა.

1. თბილისის ქართულ გიმნაზიასთან არსებულს ქალთა სკოლას აზრად აქვს მისცეს მოსწავლეთ საზოგადო განათლება ექვსი კლასის კურსით, მასთან უნდა მოეწყოს მეცადინეობა ხელსაქმეში.

2. ყველა საგნებისათვის პროგრამების შედგენა მიენდოს ან განსაკუთრებულ კომისიას ან გიმნაზიის და ქალთა სკოლის პედაგოგიურს საბჭოებს. საზოგადო კრებამ გამგე კომიტეტის დადგენილება მიიღო და ეს ქალთა სასწავლებელი შესდგებოდა სამი განყოფილებისაგან და ექვსი კლასისაგან. ამ სასწავლებლის გამგეებად სხვადასხვა დროს იყვნენ: ალ. ქავთარაძისა, ა. ბ. მდივანის, ე. ე. ერისთავა-ყარანგოზაშვილისა და თ. ი. ჯავახიშვილისა. ხოლო მასწავლებლებად: მღვდ. ფ. კარბელაშვილი. ზ. პ. ფალიაშვილი, ნ. დ. მუსხელიშვილი ა. ი. ქუთათელაძე, ა. რ. მრეცლიშვილი, ს. ლ. ჩიჯავაძე, ბ. ლ. ჩერქეზიშვილი; ე. ლ. ქარუმიძე, ე. ი. ჯანდიერი გ. ს. ეგნატაშვილი, ე. ა. წულუკიძე, ქ. პრევო, ა. გ. ამირეჯიბი, თ. ვ. კარბელაშვი-

ლი, ა. ნ. ცომაია, მ. ა. ჩუბინაშვილი, ა. ივანიშვილი, ს. თ. გულისაშვილი... ამავ კრებაზე პედაგოგმა ეგ. ხრამელაშვილმა მოხსენება წარმოადგინა იმის შესახებ, რომ ქართულ გიმნაზიასთან კერძო მასწავლებელთა ინსტიტუტი დაარსდეს. კრებამ თანაგრძნობით მოისმინა ეს მოხსენება და გამოთქვა სურვილი, რომ გამგე კომიტეტმა განსახილველად წარმოადგინოს თავისი აზრი, როცა გარემოება ხელს შეუწყობს (იხ. „საზოგადოების“ ანგარიში, 1910 წ.).

ამავ სასწავლო წლის მორიგ კრებაზე „საზოგადოებამ“, გამგე კომიტეტის მოხსენების თანახმად, შესაძლებლად სცნო ქართულ გიმნაზიასთან მშობელთა წრის დაარსება, მაგრამ ისე კი, რომ გამგე კომიტეტის უფლებები ხელშეუხებელი დარჩეს და კომიტეტს შეეძლოს მშობელთა წრის მიერ განსახილველი საკითხების სიიდან ამოშალოს ესა თუ ის საკითხი და რომ მშობელთა წრის წარმომადგენლებს პედაგოგიურ საბჭოში მხოლოდ სათათბირო ხმა ჰქონდეთ და არა გამწყვეტი.

მალე გიმნაზიასთან კიდევაც შეიქმნა მშობელთა წრე, რომლის საბჭოს თავმჯდომარედ აირჩიეს ვ. ა. ბარნოვი (ცნობილი მწერალი და საზოგადო მოღვაწე). წევრებად—ი. ბ. ლორთქიფანიძე, სპ. ბაქრაძე, კ. ჭაფარიძე, ი. ძიძიშვილი, ბ. კილაძე და ი. ბერიტაშვილი. ხოლო საბჭოს მდივნად — ნინო ნაკაშიძე (მწერალი, საზოგადო მოღვაწე). მშობელთა წრის საბჭომ დიდი მუშაობა ჩაატარა ყველა კლასში საკლასო ბიბლიოთეკის მოწყობის, უფასო სასადილოში კვების გაუმჯობესების და ღარიბ მოსწავლეთათვის სწავლის ფულის გადახდის საქმეში.

1909—1910 სასწავლო წელს გიმნაზიაში ირიცხებოდა სულ 784 მოწაფე, მერვე კლასში იყო 41 მოწაფე, რომლებმაც გამოცდები ჩვენსავე გიმნაზიაში ჩააბარეს თბილისის გუბერნიის სახალხო სასწავლებლების დირექტორის პ. ი. ფედოროვსკის თავმჯდომარეობითა და სახელმწიფო გიმნაზიების მასწავლებელთა თან დასწრებით. ამ 41 მოწაფიდან სიმწიფის მოწმობა მიიღო 33, მეორე წელს კი დარჩა 8 მოწაფე.

1910 — 1911 სასწავლო წელს გიმნაზია შედგებოდა მოსამზადებელი კლასის სამი განყოფილებისაგან და 8 გიმნაზიური კლასისაგან; განყოფილებებსა და გიმნაზიურ კლასებს თითო პარალელური განყოფილება ჰქონდათ, გარდა მერვე კლასისა.

ქვემოთ ვათავსებთ გამგე კომიტეტის მიერ შედგენილ ინსტრუქციას იმის შესახებ, თუ როგორი ურთიერთობა უნდა ექნეთ ერთმანეთში გამგე კომიტეტს, გიმნაზიის გამგესა და მშობელთა წრის წარმომადგენელთ.

VI. თბილისის ქართული გიმნაზიის მართვა— გამგებლობა

I

„თბილისის ქართული გიმნაზიის სასწავლო და
ადმინისტრაციული მართვის (წესდების მ-14 §)

ინსტრუქცია

თ ა ვ ი I

§ 1. თბილისის ვაჟთა ქართულ გიმნაზიას აზრად აქვს მოსწავლე ახალგაზრდობას მისცეს საზოგადო ზნეობრივი და მეცნიერული განათლება და ამასთან მოამზადოს იმპერიის უმაღლეს სასწავლებლებში შესასვლელად.

§ 2. ვაჟთა გიმნაზია შესდგება 8 კლასისაგან და 3 მოსამზადებელს განყოფილებისაგან.

§ 3. ქართული გიმნაზიის სასწავლო-ადმინისტრაციული პერსონალი არიან:

1. დირექტორი.
2. დირექტორის ორი თანაშემწე.
3. ექიმი.
4. საქმის მწარმოებელი (იგივე ბუხალტერი).
5. შენობის ზედამხედველი.
6. მასწავლებლები.
7. კლასის დამრიგებელნი და მათი თანაშემწენი.

შ ე ნ ი შ ე ნ ა 1. ამას თან დაერთვის მოსამსახურე პირთა შტატები.

შ ე ნ ი შ ე ნ ა 2. შენობის ზედამხედველად შეიძლება გიმნაზიაში მოსამსახურე პირიც იყოს, მხოლოდ არა მასწავლებელ-აღმზრდელთაგანი.

შ ე ნ ი შ ე ნ ა 3. მე-3 §-ში მოხსენებული თანამდებობანი, დირექტორისა და შენობის ზედამხედველის თანამდებობის გარდა, შეიძლება ორივე სქესის პირთ მიენდოს.

§ 4. მე-3 წ-ში დასახელებულნი პირნი, გარდა საქმის მწარმოებლისა და შენობის ზედამხედველისა, შეადგენენ გიმნაზიის საპედაგოგო საბჭოს.

თ ა ვ ი II

სწავლების მოცულობა

§ 5. სასწავლო კურსის საგნების სწავლების მოცულობას, აგრეთვე მის კლასებზედ დანაწილებას საზღვრავს საპედაგოგო საბჭო სახალხო განათლების სამინისტროს სასწავლო გეგმათა მიხედვით. ქართული ენის სწავლება კი, რომელიც ამ გეგმაში არ არის მოხსენებული, სწარმოებს განსაკუთრებულის პროგრამით.

ყველა საგნების პროგრამებს და აგრეთვე გაკვეთილების კვირეულის განაწილებას ადგენს საპედაგოგო საბჭო და წარუდგენს გასაცნობად კომიტეტს ყოველი წლის დასაწყისში.

§ 6. სწავლა სწარმოებს მთელი წლის განმავლობაში, გარდა კვირა-უქმე დღეებისა და საზაფხულო და საზამთრო კანიკულებისა; პირველს კანიკულისათვის დანიშნულია ორი თვე, ხოლო უკანასკნელისათვის—ორი კვირა. კანიკულების დრო განისაზღვრება გამგე კომიტეტის მიერ თანახმად კავკასიის სახაზინო გიმნაზიებში შემოღებულის წესებისა.

§ 7. კლასიდან კლასში გადასასვლელი ეგზამენები შეიძლება შეიცვალოს რეპეტიციულის შემოწმებით, საპედაგოგო საბჭოს მიერ დანიშნულს ვადებზედ. ამ საგნების ამორჩევა, რომელზედაც უნდა ეგზამენები მოხდეს, პედაგოგიურს საბჭოს მიენდობა.

შ ე ნ ი შ ვ ნ ა 1. გასათავებელი ეგზამენები მე-8 კლასში მოხდება ოლქის წარმომადგენლის თანდასწრებით.

შ ე ნ ი შ ვ ნ ა 2. განმეორებითი ეგზამენები კანიკულის შემდეგ ინიშნება მხოლოდ ორ საგანში.

შ ე ნ ი შ ვ ნ ა 3. ორზედ მეტს საგანში განმეორებითი ეგზამენი შეიძლება გამგე კომიტეტის ნებართვით საპედაგოგო საბჭოს განსაკუთრებულის შუამდგომლობის თანახმად.

§ 8. მოწაფეთა რიცხვი კლასში 40-ზე მეტი არ უნდა იყოს. ამ ნორმაზე მეტი მიიღება მხოლოდ გამგე კომიტეტის განკარგულებით საპედაგოგო საბჭოს მოხსენებებისამებრ.

§ 9. გიმნაზიას უნდა ჰქონდეს: 1) ორი ბიბლიოთეკა: ა) მასწავლებელთათვის და ბ) მოსწავლეთათვის; 2) საფიზიკო და საბუნებისმეტყველო-საგეოგრაფიო კაბინეტები; 3) საკმაო რიცხვი ნახაზებისა, სურათებისა და მოდელებისა ზატვისათვის; 4) საგიმნასტიკო

იარაღნი და 5) სამუსიკო ნოტები და საკრავები, რომელნიც შეძლების მიხედვით უნდა შეიძინებოდეს.

შ ე ნ ი შ ე ნ ა 1. ბიბლიოთეკები მიენდობიან ბიბლიოთეკების გამგეთ, რომელთაც საპედაგოგო საბჭო ირჩევს თავის წევრთა შორის. სხვა სასწავლო ნივთები კი ებარებათ პედაგოგიური საბჭოს ამორჩევით საგნების მასწავლებელთ იმის მიხედვით, თუ სასწავლო ნივთი რომელს საგანს ეკუთვნის.

შ ე ნ ი შ ე ნ ა 2. წიგნების შენახვა-გაცემაში უნდა ხელმძღვანელობდნენ საპედაგოგო საბჭოს მიერ შედგენილის და გამგე კომიტეტის მიერ დამტკიცებულის წესებით.

თ ა ვ ი III

მოსწავლეთა შესახებ

§ 10. გიმნაზიაში მიიღებიან ლარიზ მოწაფეთა შემწეობისათვის ტფილისის გუბერნიის თავად-აზნაურთა საზოგადოების წევრთა შვილები, რომელნიც დაწესებულს ეგზამენს დაიჭერენ.

შ ე ნ ი შ ე ნ ა: თავისუფალს ადგილებზედ სხვა პირთა შვილებიც მიიღებიან.

§ 11. პირველს მოსამზადებელს განყოფილებაში მიიღებიან ბავშვები, რომელთა წლოვანება არ იქნება გადაცილებული 9 წელსა: პირველს კლასში — ისინი, რომელთა წლოვანება არ იქნება გადაცილებული 12 წელსა. დანარჩენს კლასებში მიიღებიან ისინი, რომელთაც ექნებათ შესაფერისი ცოდნა და წლოვანება.

§ 12. გიმნაზიაში მისაღებად თხოვნა მიერთმევა დირექტორს წლოვანების მოწმობასთან ერთად მოწმობა კი მასზედ, რომ გიმნაზიაში შემოსასვლელს არა აქვს რაიმე ფიზიკური ნაკლი და ავადმყოფობა, რაიცა ხელს შეუშლის საზოგადო დაწესებულებაში შესვლას, მიეცემა გიმნაზიის ექიმისაგან.

§ 13. ყველა ახლად შემოსასვლელმა უნდა დაიჭიროს შესაფერი ეგზამენი; ამ წესს ექვემდებარებიან ისინიც, ვინც გიმნაზიიდან გასულა თავის ნებით ან დათხოვნილი ყოფილა ფულის შემოუტანლობისა გამო, თუ გიმნაზიის დატოვების დღიდან ორს თვეზედ მეტი გასულა.

§ 14. მოწაფეთა მიღება სწარმოებს სასწავლო წლის დასაწყისს და ბოლოს ე. ი. მაისში და აგვისტოში. თავისუფალს ეკანსიებზედ მიღება შეიძლება წლის განმავლობაშიც, თუ შემოსასვლელნი თავისი ცოდნით შეიძლებენ ეურსის გაყოლას.

§ 15. გიმნაზიის მოწაფეთათვის არსებობს ფორმა, რომლის ტარება-სავალდებულოა.

✕ § 16. სწავლის ფულის რაოდენობას აწესებს გამგე კომიტეტი საზოგადო კრების მოწონებით; ყოველი ცვლილება ცხადდება სასწავლო წლის დაწყებამდის.

§ 17. სწავლის ფული წინდაწინ უნდა იქნეს შეტანილი: სასწავლო წლის I ნახევრისა — 1 ნოემბრამდის, მეორისა — 1 მარტამდის.

✕ § 18. სწავლის ფულის გადახდისაგან თავისუფლებიან საპედაგოგიო საბჭოს დადგენილებით გიმნაზიის ის ულარიბესი მოწაფენი, რომელნიც ამ შედგავის დაიმსახურებენ თავის ყოფაქცევითა და ბეჯითობით.

შენიშვნა: გადასახადისაგან განთავისუფლებულთა საერთო რიცხვი არ უნდა აღემატებოდეს ყველა მოსწავლეთა 25%-ს. ამ ოცდახუთი პროცენტის გარდა განთავისუფლებიან: 1) მე-3 §-ში მოხსენებულ მასწავლებელთა და გიმნაზიაში მოსამსახურე პირთა შვილები. 2) გიმნაზიიდან გასულ მასწავლებელთა შვილები, თუ მათ უმსახურიათ გიმნაზიაში არა ნაკლებ ათის წლისა და 3) გიმნაზიის იმ დაბალ მსახურთა შვილები, რომელნიც გიმნაზიაში ათს წელიწადზე ნაკლებს ხანს არ მსახურობენ.

§ 19. ერთდროული დახმარება და სტიპენდიები დანიშნული განსაკუთრებული თანხებიდან ეძლევათ გამგე კომიტეტის მიერ დამტკიცებულის საპედაგოგიო საბჭოს დადგენილებით იმ შემთხვევაში, თუ შემოიწირველი პირდაპირ ჩვენებას არ იძლევა, თუ ვის უნიშნავს დახმარებას, ან სტიპენდიას.

✕ § 20. მოწაფეთა ყველა ეგზამენები მოხდება გამოსაცდელს კომისიებში, რომელიც შესდგებიან საგნის მასწავლებლის და პედაგოგიური საბჭოს მიერ ამორჩეულის ორის ასისტენტისაგან. კომისიას თავმჯდომარეობს დირექტორი ანუ მისი თანაშემწე, ან დირექტორის მიერ დანიშნული ერთი ასისტენტი.

შენიშვნა: გასათავებელი ეგზამენები გიმნაზიაში ხდება დირექტორის თანდასწრებით.

§ 21. ის მოწაფენი, რომელნიც კლასში ორ წელიწადს დაპყოფენ და საკმარის წარმატებას ვერ გამოიჩენენ, გიმნაზიიდან დაითხოვებიან.

§ 22. მოწაფენი დანაშაულისათვის ისჯებიან თანახმად წესებისა, რომელსაც საპედაგოგიო საბჭო შეიმუშავებს სახაზინო გიმნაზიებში არსებული წესების მიხედვით და გამგე კომიტეტი დაამტკიცებს.

✕ § 23. მოწაფეთ, რომელნიც ოლქის სასწავლო მთავრობის წარ-

მომადგენლის თანდასწრებით გასათავებელს ეგზამენებს დაიჭერენ, მიეცემათ მისგან ჭეროვანი მოწიფულობის მოწმობები: გიმნაზიიდან გასული მოწაფეები კი მიიღებენ დირექტორისაგან მოწმობებს, სადა აღნიშნული იქნება სწავლაში წარმატება, ყოფაქცევა და კლასი, რომელშიაც იგინი სწავლობდნენ.

თ ა ვ ი V

თანამდებობის პირნი

§ 24. ა) გიმნაზიის დირექტორს ირჩევს გამგე-კომიტეტი იმ პირთა შორის, რომელთაც უმაღლესი სწავლა მიუღიათ და პედაგოგიური გამოცდილება აქვთ. მისგან თანამდებობის ასრულებისათვის თანხმობა ეთხოვება სასწავლო ოლქის მზრუნველს.

შ ე ნ ი შ ე ნ ა: თუ დირექტორს მცირე ხნით არ შეუძლია თანამდებობის ასრულება, თავის მოვალეობას აკისრებს თანამშემწეს და ამის შესახებ გამგე კომიტეტის თავმჯდომარეს აცნობებს.

§ 25. დ ი რ ე ქ ტ ო რ ი გიმნაზიის უფროსია. იგი პასუხისმგებელია გიმნაზიის კეთილმდგომარეობის ყოველ დარგში და ამის გამო მას ექვემდებარებიან გიმნაზიის ყველა მოსამსახურენი.

§ 26. უმაღლესი მოვალეობა დირექტორისა იმაში მდგომარეობს, რომ თვალყური ადევნოს როგორც სწავლა-აღზრდის სვლას, აგრეთვე გარეგან წესიერებას და ნიეთიერ კეთილმდგომარეობას მისდამი რწმუნებულს დაწესებულებაში, საზოგადოდ ყველა იმ დადგენილებათა რიგიანად ასრულებას, რაც გიმნაზიას შეეჩება.

§ 27. დირექტორს არ უნდა ჰქონდეს ექვს გაკვეთილზედ მეტი, რის სასყიდელიც მის ჯამაგირში შედის.

შ ე ნ ი შ ე ნ ა: ამ წესის გადახვევა შესაძლებელია გამგე კომიტეტის დადგენილებით.

§ 28. დირექტორის მოვალეობას შეადგენს: 1) თავმჯდომარეობდეს საპედაგოგიო საბჭოს სხდომებზედ; 2) იწვევდეს გამგე კომიტეტის თანხმობით სამსახურში საზოგადოდ მე-3 წ-ში მოხსენიებულთ ყველა თანამდებობის პირთ; 3) მასწავლებლების ამორჩევის ღროს მათ კანდიდატურაზე მსჯელობას მართავდეს პედაგოგიურ საბჭოს სხდომებზედ და მოწონებულს საბჭოს მიერ კანდიდატს გამგე კომიტეტს წარმოუდგენდეს დასამტკიცებლად; 4) წარმოუდგენდეს გამგე კომიტეტის მოსამსახურე პირთ დასათხოვნად; 5) განსაკუთრებით პატივსაღების მიზეზებისა გამო მომსახურეთ ითხოვდეს ვადით, არა უმეტესს შვიდი დღისა; 6) შენობათა ზედამხედველის წარდგენით ნიშნავდეს და ითხოვდეს დაქირავებულს მსახურებს; 7) ავან-

სის თანხიდან ახდენდეს თავის ნებით მიმდინარე ხარჯებს; 8) იმ შემთხვევაში, როდესაც ის საპედაგოგო საბჭოს უმეტესობის აზრს არ ეთანხმება, მოახსენებდეს ამას გამგე კომიტეტს გადასაწყვეტად; 9) მოახსენებდეს გამგე კომიტეტს გიმნაზიის ნივთიერ საჭიროებათა შესახებ; 10) აძლევდეს თავის თანაშემწეებს სპეციალურ დავალებებს.

§ 29. ბ) დირექტორის თანაშემწენი მახლობელნი თანამშრომელნი არიან დირექტორისა გიმნაზიის მართვა-გამგეობაში; დირექტორის სხვაგან ყოფნის ან ავადმყოფობის დროს მის თანამდებობას ასრულებენ და ღებულობენ ყველა მის უფლებასა და მოვალეობას.

შენიშვნა 1. დირექტორის თანაშემწეთ არ უნდა ჰქონდეთ კვირაში 12 გაკვეთილზე მეტი, რომელთა სასყიდელი ჯამაგირში შედის.

შენიშვნა 2. ამ წესის გადასვლა შეიძლება გამგე კომიტეტის დადგენილებით.

გ. მასწავლებელნი და კლასის დამრიგებელნი

§ 30. გიმნაზიურს კლასებში და მოსამზადებელ განყოფილებებში გაკვეთილები განაწილებიან შტატის მასწავლებელთა შორის (დირექტორსა და მის თანაშემწეთა მათ შორის ჩათვლით) და იმ პირთა შორის, რომელნიც დაქირავებით ასწავლიან.

§ 31. ყველა მოსამსახურენი სწავლა-აღზრდის დარგში ინიშნებიან გამგე კომიტეტის მიერ დირექტორის წარდგენით. შემდეგ პირთაგან: საღმრთო სჯულის მასწავლებელნი — სასულიერო აკადემიაში კურსდამთავრებულთაგან, საგნების და ენების მასწავლებელნი გიმნაზიურ კლასებში — იმ პირთაგან, რომელთაც იმპერიის უმაღლესი სასწავლებლების გათავეების ატესტატები აქვთ; მოსამზადებელ კლასებში კი — იმ პირთაგან, რომელთაც საქალაქო სასწავლებლის მასწავლებელთა წოდება აქვთ; აღმზრდელნი — აგრეთვე იმ პირთაგან, რომელთაც საქალაქო მასწავლებელთა წოდება აქვთ.

შენიშვნა: 1) განსაკუთრებულს შემთხვევებში შესაძლოა კლასამდის შეიძლება მეცნიერებათა და ენების სწავლება მიენდოს იმ პირთ, ვისაც სწავლა დაუსრულებია სამოსწავლო ინსტიტუტში, ან მის თანაბარ სასწავლებლებში (რომელიც საქალაქო სასწავლებლის მასწავლებლის წოდებას იძლევიან), თუ იგინი ცნობილი არიან თავის გამოცდილებით და იმ საგნის ცოდნით, რასაც ასწავლიან;

2) ახალ ენების მასწავლებლად შეიძლება ინიშნებოდნენ ისეთნი პირნიც, რომელთაც უნივერსიტეტი არ გაუთავებიათ,

მაგრამ განსაკუთრებით ეგზამენი დაუქერიათ ამ ენების მასწავლებლის წოდების მისაღებად;

3) ხელოვნებათა მასწავლებლებად ინიშნებიან ისეთი პირნი, რომელთაც აქვთ ატესტატები ამ საგნის სწავლების უფლებისა.

§ 32. დ) ყველა კლასს, როგორც ძირითადს, ისე პარალელს, ყავს თითო კლასის დამრიგებელი, გამაგირით შტატის მიხედვით. კლასის დამრიგებელნი ინიშნებიან § 28 მე-2 მუხ. თანახმად, დირექტორის მიერ, გამგე კომიტეტის დამტკიცებით.

შენიშვნა: დირექტორი და მისი თანაშემწენი კლასის დამრიგებლობაში განსაკუთრებულს სასყიდელს არ იღებენ.

§ 33. კლასის დამრიგებელნი ყურს უგდებენ მოწაფეთა ცხოვრებას როგორც გიმნაზიის შენობაში, ისე მის გარეთ; თვალყურს ადევნებენ რწმუნებულის კლასების მოწაფეთა სწავლას და ზნეობას და ღებულობენ ყოველს ზომას მათ წარმატებისთვის და ცდილობენ ამოირონ მათ ყველაფერი, რაც სწავლაში უშლის მათ და ასუსტებს თვითვითარების მისწრაფებას. იგინი ურთიერთობას ჰპართავენ მოწაფეთა მშობლებთან და ნათესაებთან, ვისთანაც ისინი ცხოვრობენ; ეცნობიან შინაურს მდგომარეობას; თვალს ადევნებენ, რომ გაკვეთილები და საწერი სამუშაოები თანაბრად იყვნენ კვირეულად განაწილებულნი და რომ საზოგადოდ ერთის საგნის სწავლება მეორის სწავლებას ხელს არ უშლიდეს.

§ 34. დ) კლასის დამრიგებელთა თანაშემწენი (აღმზრდელნი) თვალყურს ადევნებენ მოწაფეთ და ყველაფერს აკეთებენ დირექტორის, მისი თანაშემწეების და კლასის დამრიგებლების დავალებისამებრ.

§ 35. ავადმყოფთა საექიმოდ და დაწესებულების სანიტარულ-ჰიგიენურ მდგომარეობაზე თვალყურის დასაქერად ინიშნება ექიმი, რომელსაც დირექტორი საჭირო ინსტრუქციას აძლევს.

§ 36. გიმნაზიასთან არსებობს კანცელარია, რომელსაც საქმის მწარმოებელი განაგებს (იგივე ბუხმალტერი).

შენიშვნა: კანცელარიაში საქმის წარმოების წესი, ფულისა და ნივთიერების მხრის ანგარიშის წარმოების რიგი, აგრეთვე ბიბლიოთეკებისა და სასწავლო კაბინეტების ორგანიზაციები განისაზღვრება დირექტორის განსაკუთრებულის ინსტრუქციით.

საპედაგოგო საბჭო

§ 38. საპედაგოგო საბჭოს (§ 4) დირექტორის თავდღომარეობით შეადგენენ გიმნაზიის ყველა თანამდებობის პირნი, გარდა საქმის მწარმოებლისა და შენობის ზედამხედველისა.

§ 39. საპედაგოგო საბჭოს მდიენის თანამდებობას ასრულებს საბჭოსაგან ამორჩეული 1 წლის ვადით ერთ-ერთი მასწავლებელი.

§ 40. გამგე კომიტეტის წევრებს ეცნობება საპედაგოგო საბჭოს სხდომების შესახებ და სურვილისამებრ შეუძლიათ დაესწრონ სხდომებს გადამწყვეტის ხმის უქონლად.

§ 41. საპედაგოგო საბჭო იკრიბება იმ საქმეების განსახილველად, რომელნიც მთელს გიმნაზიას შეეხება. ის საქმეები კი, რომელნიც ცალკე კლასებს ან რომელიმე საგნის სწავლებას შეეხება, განიჩევიან საპედაგოგო საბჭოს კომისიებში. კომისიების დადგენილებანი წარედგინება დასამტკიცებლად საპედაგოგო საბჭოს.

§ 42. საპედაგოგო საბჭოში საქმე წყდება ხმის უმეტესობით, ამასთან საჭიროა თავმჯდომარის გარდა ათი წევრი მაინც დაესწროს. ხმების თანაბრობის დროს სძლევს თავმჯდომარის ხმა.

შ ე ნ ი შ ვ ნ ა: თუ საპედაგოგო საბჭოს 3 წევრი მაინც ისურვებს, კითხვები ფარულის კენჭით გადაწყდება.

§ 43. პედაგოგიური საბჭოს საბოლოო გადაწყვეტილებას ექვემდებარებიან: 1) მოწაფეთა მიღება და დათხოვნა და კლასიდან კლასში გადაყვანა. 2) სწავლის ფულის გადახდისაგან ღარიბ მოწაფეთა განთავისუფლება — გიმნაზიის მოწაფეთა რიცხვის 25% არა მეტისა; 3) ერთდროულის დახმარებისა და სტიპენდიების დანიშვნა საუკეთესო მოწაფეთათვის ზარჯთაღრიცხვით გადიდებული თანხებიდან; 4) კურსის გათავებამდის გიმნაზიიდან გასული მოწაფეთათვის მოწმობების მიცემა (§ 24); 5) საჯარო აქტისათვის წასაკითხი სიტყვების მოწონება; 6) მდიენისა და ბიბლიოთეკების გამგეთა ამორჩევა; 7) ამორჩევა ნივთებისა კაბინეტების შესავსებად და წიგნების ბიბლიოთეკებისათვის; 8) სასწავლო საგნების განაწილება ღლეებზე და საათებზე თანახმად კვირეული გაკვეთილების განაწილებისა; 9) მასწავლებელთა შორის გაკვეთილების განაწილება და საგნების დაწვრილებითი, პროგრამების განხილვა; 10) სწავლა-აღზრდის წლიური ანგარიშების განხილვა; 11) შინაგანი წესიერების გარიგება გიმნაზიაში და საზოგადოთ ყველა იმ ზომათა გამოძებნა

და აწონ-დაწონა; რაიცა გიმნაზიის სწავლალზრდის გაუკეთესებას ხელს შეუწყობს.

§ 44. პედაგოგიური საბჭოს დადგენილებანი ზემოთ §-ში მოხსენებულ საკითხებზე სისრულეში მოჰყავს დირექტორს, მაგრამ მას შეუძლიან შეაჩეროს ასრულება, თუ უმრავლესობის დადგენილების განსაზღვრება მოისურვა. ამ შემთხვევაში დირექტორი მოვალეა თავისი აზრი წარუდგინოს სამი დღის განმავლობაში გამგე კომიტეტს საბოლოო გადასაწყვეტად.

§ 45. დირექტორი საპედაგოგო საბჭოს სხდომების ოქმებს გამგე კომიტეტს მოახსენებს მახლობელს კრებებზე“.

2

1911 — 1912 სასწავლო წელს გიმნაზიაში ირიცხებოდა 819 მოწაფე. მერვე კლასში იყო 40 მოწაფე, რომელთაც გამოცდები ჩააბარეს ჩვენსავე გიმნაზიაში თბილისის მეექვსე ეკლესია გიმნაზიის დირექტორის რ. გერცის თავმჯდომარეობითა და სახელმწიფო გიმნაზიის მასწავლებელთა თანდასწრებით. მერვე კლასის 40 მოწაფიდან სიმწიფის მოწმობა მიეცა 30, 10 მოწაფე კი მეორე წელს დარჩა. ამ წელს რუსულ ენაში თხზულება მთელ ოლქში ყველაზე უკეთესად ჩვენი გიმნაზიის მოწაფემ ბიძინა დავითაშვილმა დაწერა (იხ. ოლქის ოფიციალური ანგარიში).

ამ სასწავლო წელს მასწავლებლების ხელმძღვანელობით იმართებოდა სალიტერატურო და სამუსიკო დილები (საქართველოს გამოჩენილი მწერლების ხსოვნის აღსანიშნავად). აგრეთვე ექსკურსიები მუზეუმებისა და თბილისის ღირსშესანიშნავი ადგილების გასაცნობად.

ამავე სასწავლო წელს მოეწყო ექსკურსია მოსკოვში, ბათუმსა და ქუთაისში (მოწამეთა, გელათი) ა. მიქაბერიძისა და ს. იაშვილის ხელმძღვანელობით.

ქუთაისში მეტად გულთბილად მიგვიღო ქართულმა გიმნაზიამ, რომლის გამგე იმ ხანებში იყო ცნობილი პედაგოგი და საზოგადო მოღვაწე იოსებ ოცხელი.

1913 წლის 16 ივნისს თბილისში მოეწყო ბუნებისმეტყველთა და ექიმთა მე-13 ყრილობა, რომლის საზეიმო პირობებში გახსნა მოხდა მაშინდელ სახაზინო (ახლა ზ. ფალიაშვილის სახელობის ოპერისა და ბალეტის) თეატრში. ყრილობას მიესალმნენ ორგანიზაციების წარმომადგენლები. ყრილობის სექციები მუშაობდნენ თბილისის მაშინდელ სახაზინო სასწავლებლებში და ქართულ გიმნაზი-

ამიც. ჩვენი გიმნაზიის შენობაში მოთავსებული იყო კავკასიის სასწავლო ოლქის პედაგოგიური გამოფენა, სადაც ოლქის 106 სასწავლებლის პედაგოგიური კაბინეტი იყო წარმოდგენილი. 22 ივნისს, საღამოს 7 საათზე ჩვენს გიმნაზიაში გაიმართა აგრეთვე გეოგრაფიის ქვესექციისა და პედაგოგიური სექციის გაერთიანებული სხდომა. ყრილობის წევრებს ძალიან მოეწონათ ჩვენი გიმნაზიის შესანიშნავი შენობა — მისი დიდი და ნათელი სავსასო ოთახები, ღერეფები და დარბაზები....

1913—1914 სასწავლო წელს „საზოგადოების“ ნივთიერი მდგომარეობა მძიმე იყო, რაც ჩანს იმ სიტყვიდან, რომლითაც საზოგადო კრებას კომიტეტის თავმჯდომარე გ. ნ. ყაზბეგი მიმართავს: „დღევანდელს კითხვებში უმთავრეს ყურადღებას ვაქცევ კითხვას ჩვენი გიმნაზიის და „საზოგადოების“ ცხოვრების გადარჩენაზე იმ საფრთხისაგან, რომელიც მას მოელის. საქმე იმაშია, რომ „საზოგადოებას“ აქვს დიდი ვალი, რაიცა არა თუ სუნთქვას გვიშლის, არამედ თვით არსებობასაც ემუქრება...“ შემდეგ თავმჯდომარემ კრებას წარუდგინა ის ზომები, რომლებიც, გამგე კომიტეტის აზრით, საზოგადოების კრებამ აუცილებლად უნდა მიიღოს საქმის გაუმჯობესებისათვის.

გამგე კომიტეტის მოხსენება შეიცავს შემდეგ მუხლებს:

- 1) ინვერსია საზოგადოების დაგირავებული ქაღალდებისა;
 - 2) ქალთა კომიტეტის ფონდის გაუქმება;
 - 3) ველიამინოვის ქუჩაზე მდებარე სახლის გაყიდვა;
 - 4) გიმნაზიის შენობის გადაგირავება;
 - 5) სწავლის ფულის მომატება საზოგადოების ყველა სასწავლებელში — ნაცვლად 30—40 მანეთისა 75 მანეთი; განთავისუფლებულთა პროცენტი — 15;
 - 6) საპენსიო ფონდის სასარგებლოდ 20% გადასახადის დაკლება;
 - 7) 5%-ის გამოკლება სპეციალური ფონდების მოგებიდან საზოგადოებას;
 - 8) გუბერნიის მარშლის არჩევა გამგე კომიტეტის თავმჯდომარედ;
 - 9) თავად-აზნაურობისათვის მეორე გირავნობის მიცემა.
- აზრთა გაცვლა-გამოცვლის შემდეგ ყველა ეს მუხლი გამგე კომიტეტისა მიღებულ იქნა.

1913 წლის იანვარში გამგე კომიტეტმა კომიტეტის წევრის ს. ბაქრაძის წინადადების საფუძველზე დაადგინა — სახელოვანი მოღვაწის დ. ი. ყიფიანის ხსოვნის აღსანიშნავად 25%-ის გარეშე განთავისუფლდეს სწავლის ფულისაგან დ. ი. ყიფიანის შვილიშვილის შვილი, მე-3 კლასის მოწაფე დიმიტრი სულხანიშვილი.

გამგე კომიტეტმა იანვრის კრებაზე იქონია მსჯელობა რომანო-
ვების გვარეულობის 300 წლის დღესასწაულის შესახებ და დაად-
გინა ამ სამეფო ტახტის დღესასწაულის აღსანიშნავად აპატიოს ყო-
ფილ და ახლანდელ მოწაფეებს დარჩენილი ვალის (სწავლის ფული,
ყოფილ პენსიონერებზე დარჩენილი გადასახადი და სხვა) ეს გადა-
სახადი უდრის 15.245 მანეთს. „საზოგადოების“ კრებამ კომიტეტის
ეს დადგენილება დამტკიცა.

ამავე სასწავლო წელს შედგა მოწაფეთა რამდენიმე ექსკურსია
მასწავლებლების ს. გულისაშვილისა და დ. პარკაძის ხელმძღვანე-
ლობით. მოწაფეებმა თბილისში დაათვალიერეს პედაგოგიური, სა-
ეკლესიო, წერა-კითხვის გამავრცელებელი საზოგადოებისა და ეთნო-
გრაფიული მუზეუმები, ბოტანიკური ბაღი და კრწანისი.

შემდეგ კრებას მოხსენდა, რომ ჩვენი თვალსაჩინო კომერსან-
ტისა და მეცენატის დ. ბ. სარაჯიშვილის (1848—1911 წწ.) ფირმის
მოსამსახურეებს, ხელოსნებსა და მუშებს დაუდგენიათ თბილისის
ქართულ გიმნაზიაში მოაწყო ფიზიკის კაბინეტი, რისთვისაც გადა-
უდგიათ 5.000 მანეთი. ეს დადგენილება ეცნობა გამგე კომიტეტს
1913 წ. 10 აპრილის წერილით.

მოისმინა რა ზემოაღნიშნული, გამგე კომიტეტმა თავის სხდომაზე
1913 წ. 20 აპრილს დაადგინა: მიიღოს უხვი საჩუქარი; გამოუცხა-
დოს მოსამსახურეებს, ხელოსნებსა და მუშებს გამგე კომიტეტის
გულითადი მადლობა; კაბინეტს დაერქვას დ. ს. სარაჯიშვილის სა-
ხელი და იქვე დაიკიდოს მისი სურათი. ყველა ეს მოხსენდეს სა-
ზოგადო კრებას (იხ. „საზოგადოების“ 1914 წ. ანგარიში).

1913—1914 სასწავლო წელს გიმნაზიაში ირიცხებოდა სულ 843
მოწაფე; მერვე კლასში იყო 30 მოწაფე, რომლებმაც გამოცდები
ჩვენსავე გიმნაზიაში ჩააბარეს სასწავლო ოლქის მზრუნველი თანა-
შემწის ე. ლარიონოვის თავმჯდომარეობით. ლარიონოვმა დიდი სიმ-
კაცრით ჩაატარა გამოცდები. 30 მოწაფიდან სიმწიფის მოწმობა
მიეცა 13, ხოლო 17 მოწაფე მეორე წელს დარჩა მე-8 კლასში.

უფრო ადრეც და განსაკუთრებით ამ სასწავლო წელს ჩვენი
გიმნაზიის პირველ მოსამზადებელ კლასში შემოსვლის მსურველი
მეტად ბევრი აღმოჩნდა, ასე რომ პედსაბჭო იძულებული იყო
მკაცრი კონკურსით მიეღო მოწაფეები. კონკურსში გაიმარჯვა და
პირველ მოსამზადებელ კლასში მიღებულ იქნა ი. ბ. სტალინის
ვაჟი იაკობ ჯულაშვილი. 1917—1918 სასწავლო წელს იგი გავიდა
ჩვენი გიმნაზიიდან...

1914 წლის 4 მაისს ნავთულში. დანიშნული იყო პოლიტექნი-
კური ინსტიტუტის შენობის ასაგები: ადგილის კურთხევა, რომელ-

ზეც მიწვეული იყვნენ თბილისის სახელმწიფო გიმნაზიები, მათ შორის ჩვენი გიმნაზიაც. გავედით სადგურზე, საიდანაც ნავთლულში უნდა წავსულიყავით. ჩავსხედით ვაგონში, მაგრამ რამდენიმე ხნის შემდეგ ვაგონი დაგვაცლევინეს, — ეს ვაგონი პირველი სახელმწიფო გიმნაზიის არისო. ახლა მეორე ვაგონში ჩავსხედით, მაგრამ ისიც დაგვაცლევინეს. — ეს ვაგონი მეორე გიმნაზიისათვის არის განკუთვნილიო. ახლა მესამეში, და აქაც იგივე ამბავი მოხდა. ვილამაც ირჩუნჯა: ასე, სადაც არის, კიდევაც ჩავალთ ნავთლულშიო. ბოლოს, როგორც იქნა სადღაც მიგვიჩინეს ადგილი და ჩავედით ნავთლულში. აქ დიდი ზეიმით ჩატარდა ადგილის კურთხევა...

„საზოგადოების“ 1914 წლის მაისის კრებაზე, დოცენტი ივ. ალ. ჯავახიშვილი უზიარებს კრებას თავის აზრს ჩვენს სტუდენტებზე, რაც ანკეტის შედეგად მიუღია და უმთავრეს ყურადღებას იმ სამწუხარო გარემოებას მიაქცევს, რომ ჩვენმა მომავალმა ახალგაზრდობამ ქართული არ იცის, არ შეუძლია ქართულად აზროვნება, გონებრივად გადაგვარებულიაო. მისი აზრით, ამ გარემოებას დიდი ყურადღება უნდა მიაქციონ როგორც თბილისის, ისე ქუთაისის ქართულმა გიმნაზიებმა; ყოველი ღონე უნდა იხმარონ, რომ ჩვენი მომავალი ახალგაზრდობა ეროვნულ ელფერს არ კარგავდეს და მომავალ ეროვნული მუშაობისათვის მზად იყოს. აქ ლაპარაკობდნენ, — ამბობდა ი. ჯავახიშვილი, — რუსულს მიეცქეს ყურადღებაო, ის კი მივიწყებულია, რომ არც ქართული ისწავლება ისე კარგად, როგორც სასურველია.

ივ. ჯავახიშვილის სიტყვის შემდეგ კრებამ მიიღო შემდეგი რეზოლუცია: „საზოგადო კრება, მოისმინა რა ვრცელი მოხსენება ი. ჯავახიშვილისა, დამყარებული იმ დიდ მასალებზედ, რაც მას მოუგროვებია უმაღლეს სასწავლებლებში მოსწავლე ქართველ ახალგაზრდობის მოუმზადებლობის შესახებ სამშობლო ენაში და მეცნიერებისადმი არა საკმარის ცნობის მოყვარეობის შესახებ, და სავსებით ეთანხმება რა პატივცემულ დოცენტის სურვილს — ჩვენს გიმნაზიაში ქართული ენის უკეთესად დაჯენების აუცილებლობას, — ერთხმად გამოსთქვამს სურვილს, იმედსა და დარწმუნებულებასა, რომ გამგე კომიტეტი და პედსაბჭო მიიღებენ სათანადო ზომებს, რათა ი. ჯავახიშვილის სურვილი შესრულდეს, და სთხოვს გამგე კომიტეტს წლიურ მორიგ საზოგადო კრებას მოახსენოს იმ ზომათა შესახებ, რომელნიც მიღებული იქნება ქართული ენის, საქართველოს ისტორიის და გეოგრაფიის უკეთესად დასაყენებლად“. (იხ. „საზოგადოების“ 1915 წლის ანგარიში).

1914 წლის 8 მაისს „საზოგადოების“ კრებამ გამგე კომიტეტის

წევრებად აირჩია: ექ. გ. მაღალაშვილი, პ. ი. გვერდწითელი, ი. ბ. ლორთქიფანიძე, კ. ზ. მაყაშვილი, გ. ი. მაჩაბელი, დ. გ. ჯორჯაძე და სხვ.

ამავე წლის ივნისში ახალმა გამგე კომიტეტმა გიმნაზიის გამგე ა. ბ. მდივანი გაათავისუფლა და გიმნაზიის გამგედ მოიწვია ამავე გიმნაზიის ყოფილი გამგე, 1885—1894 წლებში, ცნობილი პედაგოგი და საზოგადო მოღვაწე ა. ბ. კიჭინაძე. ახალმა გამგემ, ა. ბ. კიჭინაძემ, ქართული გიმნაზიის მოსწავლეებს შემდეგი სიტყვით მიმართა 1914 წლის 9 სექტემბერს:

„ყმაწვილებო! მე ვსთხოვე ჩემს თანაშემწეს, რომ შეეყრიბა აქ ყველა უფროსი კლასების მოსწავლეები. ჩემი განზრახვაა ყველას ერთად გაგეცნოთ და გაგაცნოთ ჩემი შეხედულება იმ საქმეზე, რომელსაც ვემსახურებოდი აქ ერთს დროს და რომლის სამსახური ხელ-ახლა ვიტვირთე.

თქვენ სწავლობთ გიმნაზიაში, სადაც გარდა ქართული ენისა, რომელიც აქ ერთი უმთავრეს საგანთაგანია, ყველა საგნები რუსულს ენაზე ისწავლება და ჩვენც, თქვენი ხელმძღვანელნი და აღმზრდელნი, ხშირად უნდა გელაპარაკოთ რუსულს ენაზე, რომ იგიც ერთად ჩვენს ღვიძლს ენასთან საფუძვლიანად შევისწავლოთ და შევიძლოთ შემდგომ სწავლის განგრძობა წარმატებით რუსეთის მაღალ სასწავლებლებში. მაგრამ მიუხედავად ამისა, რადგანაც ეს ქართული გიმნაზიაა და ამას გარდა მინდა გადმოგცეთ ჩემი აზრი ჩვენს საერთო დიდმნიშვნელოვანს საგანზე, არ შემიძლია ამ შემთხვევაში სამშობლო ენაზე არ გამოგელაპარაკოთ. ეს აუცილებელი სულიერი მოთხოვნილება არის ჩემი, როგორც ქართველი კაცისა, მით უმეტეს, რომ პირველი ნახვია თქვენი. სამშობლო ენა არის წმინდა, მეტად ნაზი ძაფები სულისა, რომელიც მასზე მოლაპარაკეთ ბუნებრივად აკავშირებს ერთმანეთთან, უხილავად აერთებს. სამშობლო ენაზე ნათქვამი ღრმად სწვდება მოსაუბრეთა გულს და იწვევს თანაგრძნობას და აზრთა თანხმობას. მეც დარწმუნებული ვარ ეიპოვი თქვენს გულში კუნჭულს, რომელიც ბანს მეტყვის და დამეხმარება უმთავრესი საკითხის გარკვევაში.

რა საკითხია ეს საკითხი, რა საგანია, რომელსაც დიდს მნიშვნელობას ვაძლევთ და რომლისათვისაც ჩვენ ერთი გრძნობითა და ერთი აზრით უნდა ვიმოქმედოთ?

ეს არის სწავლა-აღზრდა ქართველ ყრმათა, რომელიც სწარმოებს ამ ჩინებულს შენობაში. მე, რომელსაც ბევრი სასწავლებელი მინახავს და უფრო დიდი ძვირფასი შენობანიც, კრძალებით შემოვლდი ფეხი აქ. და, რასაკვირველია, კრძალობა ესე გამოიწვია არა

შენობის სიდიდემ, არამედ იმ დანიშნულებამ, რა დანიშნულებაც აქვს ამ შენობას. ეს არის ტაძარი, სადაც მოზრდილი თაობა ემზადება მეცნიერებისათვის, სადაც იგი იარაღს იხმარს ცხოვრების განკარგებისათვის. ეს არის ერთადერთი დიდი სასწავლებელი აღმოსავლეთ საქართველოში, სადაც უნდა იზრდებოდნენ ქართველნი იმ გრძნობითა და მიმართულებით, რომელიც ეთანხმება ქართველი ერის საჭიროებათა. გიმნაზიები სხვებიც არის საქართველოს მიწა-წყალზე, მაგრამ მათ სულ სხვა წყობილება აქვთ სწავლა-აღზრდისა, რადგან იქ იზრდებიან სხვადასხვა ეროვნებათა შვილნი. იქ ყოველივე საერთო კალაპოტზეა მორგებული; ეროვნულ ინტერესებთან თან შეწონილობას მოსწავლეთა შემადგენელ ნაწილთათვის იმდენი ალბი არა აქვს: ქართველი, რუსი, სომეხი, თათარი და სხვანი ყველანი ერთს პროგრამას ემორჩილებიან, ყველანი ერთსა და იმავე პედაგოგიურ ზომებს განიცდიან. ამგვარი მდგომარეობა უფრო ხელსაყრელია იმ ნაწილისათვის, რომელიც პატარაობიდანვე თავის სამშობლო ენაზე სწავლობს, სხვებისათვის, კი ძნელია, რადგან ბუნებრივს განვითარებას, სულიერს ზრდას მათსა დაბრკოლება ელობება წინ და ეკარგება ის სიმახვილე, რომელიც შესაძლებელია, უფრო მაშინ როდესაც მოსწავლე ეროვნულს ინდივიდუალობას მოკლებული არ არის სწავლების დროს. აი ეს იყო მიზეზი, რომ ქართველობამ ორი თავისი საკუთარი გიმნაზია გაიჩინა — ერთი აღმოსავლეთ საქართველოში და მეორე დასავლეთ საქართველოში... აი აქ იწყება თვითმოქმედება ქართველებისა განათლების საქმეში. ამ სასწავლებლებმა უნდა აღგვიზარდონ შთამომავლობა ჯანით საღი, გამობრძმედილი შრომაში, გონებით განვითარებული, საუკეთესო კაცობრიული გრძნობით აღძრულნი, სულითა და გულით ნამდვილი შვილნი ქართველის ერისა, სამშობლოს ერთგულნი თავგანწირულებამდის და სასარგებლო საერთო მამულისათვის, რომლის შემადგენელ ერთა შორის ჩვენში შესაფერი საპატიო ადგილი უნდა გვექიროს.

ამ ღირსებით უნდა აღჭურვოს ჩვენმა სკოლამ ქართველი, რომ მან ცხოვრების ასპარეზზე ბრძოლა არ წააგოს და გზა ცხოვრებისა სხვას არ დაუთმოს, არ დაკარგოს თავისი კეკლუცი სამშობლო, რომლის დაცვისათვის ორი ათას წელზე მეტია მუდამ სისხლის ღვრაში და წამებული იყო ქართველი ერი. დიად, უნდა აღჭურვოს (სკოლამ) ამ ღირსებით და ამისთვის აუცილებლად საჭიროა სწორი აღზრდა, ნამდვილი განათლება, ჭეშმარიტი გამდიდრება გონებისა მეცნიერულის ცოდნით და გაწვრთნა საქმიანობაში, შრომაში; ოფლით მოპოვება საჭირო ყოველის ცოდნისა და ამასთანავე შეძენილი ცოდნის გამოყენებისა. ერთად ერთი გზა ადამიანის სწორი გან-

ეთარებისათვის, სთქვა ცნობილმა ევროპელმა პედაგოგმა ფრებელმა, არის მოქმედება, საქმიანობა, რომლის ნიჭი ბუნებამ თან ჩააქსოვა ადამიანის გაჩენის დროსაო; საქმიანობა კანონია ადამიანის ბუნების განვითარებისაო. ეს ბუნებრივი ნიჭი ჩვენ უნდა ვავარჯიშოთ, ვამუშაოთ, განვავითაროთ. განვითარება ადამიანისა, გვასწავლის მეორე გამოჩენილი ევროპელი პედაგოგი დისტერვეგი, თვინიერ მისი თვითმოქმედებისა შეუძლებელიაო; რაც უნდა შრომა გასწიოთ მოწაფისათვის, როგორც უნდა აუხსნა და განუმარტო რომელიმე საკითხი, თუ მას თითონ შინაგანი ინტერესი არა აქვს, თუ თვითონაც მონდომებული არ არის და თავის ნდობას არ ახორციელებს საკუთარის თვითმოქმედებით, პირადის შრომით, მისი განვითარება, მისი წინსვლა ყოველად შეუძლებელიაო.

ნათქვამიდან ცხადია, ყმაწვილებო, რა არის საჭირო, რომ განვითარდეთ, აღიჭურვოთ კულტურული ძალებით და იქნეთ გამოსადეგნი სამშობლოსათვის: პირველია გულითადი ნდობა, ძლიერი წადილი განვითარებისა, ცოდნის შეძენისა და მეორე, ურომლისოდ პირველი უნაყოფოა, თვითმოქმედება არის განხორციელება გულითადის სურვილისა, რისთვისაც საჭიროა დაუზარებელი ყოველდღიური ენერგიული შრომა, შრომა და კიდევ შრომა. სხვით ნურაფრით ნუ ვინუგეშებთ თავს; ამას შეეხვეწები ეს დამიწერს რასმე, იმისა ვთხოვ, რომ დამეხმაროს და სხვა ამგვარი საშუალება ამოვა, ფუჭია. მაშ სხვისი იმედით ნუ ვიქნებით. საკადრისი არ არის ამ გზით რომელიმე უფლების ხელში ჩაგდება. ეს არ შეეფერება კარგის ზნეობის ადამიანს; ეს მათხოვრობაა. დამცირებაა თავის ღირსებისა. ღმერთს ნიჭი მოუცია ჩვენთვის, ჯანი გვაქვს და სხვა არ უნდა ვეხვეწებოდეთ მიშველეო. რად ვარგა სამშობლოსათვის ის, ვინც თან არ შეიზარდა, არ შეიხორცა შრომა და ოფლით არ მოიპოვა ცოდნა? ის ხომ ცხოვრებაშიაც ვერ გამოიჩენს თვითმოქმედებასა და ენერგიას? რას არგებს ქვეყანას მარტო ქალაქი, რომელსაც ატესტატსა და დიპლომს ეძახიან? ნუ თუ ისურვებს ვინმე ამისთანა ყალბი იარაღით ემსახუროს სამშობლოს? იმედი მაქვს ყველა თქვენგანი დაჰგმობს ამგვარ იარაღს, როგორც ადამიანის ღირსების დამამცირებელს და საბოლოოდ დამღუპველს.

ვიქონიოთ, ყმაწვილებო, ფაქიზი თავმოყვარეობა! ნუ გვინდა, ნუ ვიგუებთ ნურაფერს, რაც სახელს გაუტეხს ქართული გიმნაზიის მოსწავლეს, რაც ცუდს რამეს ათქმევინებს ვისმე ქართველობაზე! თვალნი ყოველთანი თქვენდამი არიან მოპყრობილნი და ნუ შევრცხვებით! დაე, საღმრთო ვალად ითვლებოდეს ჩვენი გიმნაზიის ყოველი მოწაფისათვის, რომ მისმა უსაქმიანობამ, მისმა რომელიმე

შეუფერებელმა საქციელმა გიმნაზიაში თუ გიმნაზიის გარეშე არ შეარცხვინოს მისი დედა სასწავლებელი, ეს გიმნაზია. „ავი შვილი დედ-მამის მაგინებელიაო“, თქმულა ქართულად. სრული საფუძველი მაქვს ეს თქმულება გავავრცელო ჩვენს გიმნაზიაზეც და ვსთქვა: „ავი მოსწავლე ქართველი დედ-მამის მაგინებელიც იქნება და სამშობლოს ორგულოც“.

ეცადეთ ძვირფასო, იხელმძღვანელოთ ჩვენის მამობრივის დარიგებით, ჩვენის რჩევით და გულის ფიცარზე წაუშლელად იქონიეთ, რაც გითხარით. იმედი მაქვს არ შეურაცხყოფთ თქვენს ქართველურს თავმოყვარეობას და სხვა სასწავლებელთა მოწაფეთ არ ჩამორჩებით უკან. მაშინ აღიზრდებით მშრომელთა სანუგეშოდ, სანუგეშოდ ძვირფასის ჩვენის სამშობლოსა და სასარგებლო მოქალაქეებად მამულისათვის“.

ა. ბ. ჭიჭინაძე, თუმცა უკვე ხანშიშესული (66 წ.) იყო, მაინც ენერგიულად შეუდგა თავისი მოვალეობის შესრულებას, მან აამუშავა პედაგოგიური საბჭოც. ა. ჭიჭინაძის თაოსნობით გიმნაზიის მოსამზადებელ განყოფილებებში შემოღებულ იქნა სწავლების კლასობრივი სისტემა, შემუშავდა კლასის დამრიგებელთა სახელმძღვანელო ინსტრუქცია დისციპლინის გაუმჯობესების მიზნით, გადასინჯულ იქნა სასწავლო გეგმები და პროგრამები, მოეწყო სწავლაში ჩამორჩენილ მოწაფეთათვის დამატებითი გაკვეთილები და ა. შ.

1914—1915 სასწავლო წელს გიმნაზიაში 868 მოწაფე ირიცხებოდა. მერვე კლასში იყო 58 მოწაფე, რომლებმაც გამოცდები სიმწიფის მოწმობის მისაღებად ჩვენსავე გიმნაზიაში ჩააბარეს თბილისის რეალური სასწავლებლის დირექტორის კ. ვ. ტირიუტინის თავმჯდომარეობითა და სახაზინო გიმნაზიების მასწავლებლების თანდასწრებით. ამ 58 მოწაფიდან სიმწიფის მოწმობა მიიღო 46 მოწაფემ; 12 მოწაფე მეორე წელს დარჩა მერვე კლასში.

აქ საჭიროდ მიმაჩნია რამდენიმე სიტყვით მოვიხსენიო დისციპლინის მდგომარეობა ამ გიმნაზიაში.

ჩვენს გიმნაზიაში არ იყო, რასაკვირველია, ყაზარმული დისციპლინა. აქ თავისუფალი ეროვნული სული ტრიალებდა; აქ მამამეილური დამოკიდებულება იყო მასწავლებელთა და მოსწავლეთა შორის. გიმნაზიის იდეური აღმზრდელ-მასწავლებლების უმრავლესობა მოსწავლეებს უნერგავდა სამშობლოსადმი სამსახურის, მშრომელი ხალხის ინტერესების დაცვის, მშობლიური კულტურის შესწავლის, მხაგვრელი პოლიტიკური რეჟიმის წინააღმდეგ ბრძოლის მისწრაფებას და პროგრესიულ იდეებს. გიმნაზიაში დისციპლი-

ნის დამყარების საქმეში თვითონ მოსწავლეები იღებდნენ შეგნებულ მონაწილეობას.

ცარიზმის ადმინისტრაცია და თვით სასწავლო ოლქი ქართულ გიმნაზიას პირდაპირ სდევნიდა. ქალაქში ვიგინდარებისაგან — ქუჩის ბიჭებისაგან ჩადენილ უმსგავსო საქციელს ჩვენი გიმნაზიის მოწაფეებს აწერდნენ, რაკი მათ განსაკუთრებული ფორმა არ ჰქონდათ. ბევრჯერ ყოფილა შემთხვევა, რომ ოლქის მზრუნველს ქუჩის ბიჭები ჩვენი გიმნაზიის მოსწავლეებად მიუღია, დაუჭერინებია და ჩვენს გიმნაზიაში გამოუგზავნია განსაკუთრებული მოწერილობით — საყვედურით და მათი სამაგალითოდ დასჯის მოთხოვნით. რასაკვირველია, ჩვენი გიმნაზიის მოწაფეებიც არღვევდნენ ზოგჯერ ქალაქში დისციპლინას, მაგრამ ამ დარღვევას არასოდეს ხულიგნური ხასიათი არ ჰქონია. მტრებისაგან გარსშემორტყმულ ქართული გიმნაზიის მოწაფეებს მუდამ ახსოვდათ ხალხური ლექსი:

„ვაფაცნა უნდა უყვარდეს
მამული, თავის ერია,
არ შედრკეს, თუნდა ბუზივით
ეხვიოს თავზე მტერია.

არ გადიწყვიტოს იმედი
არ შეიცვალოს ფერია
თორემ დაჰგმობს და დასწყევლის
მომე და მთელი ერია.

ჩვენს გიმნაზიაში, განსაკუთრებით 900 წლებიდან ერთმანეთისაგან მკვეთრად განსხვავდებოდა მოწაფეთა ორი ჯგუფი: ერთი ჯგუფი შესდგებოდა მშრომელი ინტელიგენციის, გლეხობის, მუშების და ხელოსნების შვილებისაგან, მეორე კი — უმთავრესად თავდაზნაურების შვილთაგან. პირველი ჯგუფის უმრავლესობა (ამ დროისათვის დიდი ნაწილი) კარგად მუშაობდა, სწავლობდნენ, აწყობდნენ საღამო-დილებს და სხვა. მეორე ჯგუფიდან კი სკოლას იშვიათად ამთავრებდნენ, მრავალი მეზუთე-მეექვსე კლასიდან ანებებდნენ სწავლას თავს.

ამ სასწავლო წლის განმავლობაში პედაგოგიურ საბჭოს მრავალჯერ ჰქონდა თათბირი იმის შესახებ, თუ როგორ განეხორციელებინა გიმნაზიაში 1914 წლის 1 ივლისის კანონი, რომელიც უფლებას ანიჭებდა კერძო სასწავლებლებს საგნების სწავლება ეწარმოებინათ დედაენის საშუალებით. ამ საკითხზე საბჭომ დაადგინა, რომ 1915 სასწავლო წლიდან მოსამზადებელ და პირველ კლასებში განეხორციელებინა ქართულ ენაზე საგნების სწავლება და შემდეგ ეს ღონისძიება თანდათან გატარებულიყო მაღალ კლასებში. ეს დადგენილება მოიწონა და დაამტკიცა გამგე კომიტეტმა და საზოგადო კრებამ. ამის შემდეგ პედსაბჭო უკვე შეუდგა საქმეს 1915 წლის 1 სექტემ-

ბრიდან. ამავე დროს ჩვენი გიმნაზიის პედსაბჭო ქუთაისის ქართული გიმნაზიის პედსაბჭოსთან შეთანხმებით შეუდგა ქართულ ენაზე შედგენილი სახელმძღვანელოების დამზადებას.

1915 წლის 17 აპრილს პედსაბჭომ მონაწილეობა მიიღო ჩვენი გიმნაზიის ყოფილი გამგის ნიკო ლომოურის დაკრძალვაში, რისთვისაც წარმომადგენლები (პ. გ. შირიანაშვილი და ს. ლ. იაშვილი) გაგზავნა ქ. გორში.

ამავე წელს მეფისნაცვლის მოადგილემ გიმნაზიის გამგე კომიტეტს წინადადებით მიმართა, რომ გიმნაზიის მე-4 და მე-6 კლასებში გამოცდები ჩატარებულიყო ოლქის შტრუვენელის წარმომადგენლის თანდასწრებით. ჩვენი გიმნაზიის პედსაბჭომ და კომიტეტმა, სხვადასხვა პედაგოგიური მოსაზრებით, საჭიროდ არ ცნეს დაევალებინათ ამ კლასებისათვის ხსენებული გამოცდები.

1915—1916 სასწავლო წელს გიმნაზიაში 950 მოწაფე ირიცხებოდა. მერვე კლასებში იყო 60 მოწაფე, რომლებმაც გამოცდები ჩვენსავე გიმნაზიაში ჩააბარეს თბილისის მეოთხე ეჯთა გიმნაზიის დირექტორს კ. პ. კრამარენკოს თავმჯდომარეობით. 60 მოწაფედან სიმწიფის მოწმობა მიიღო 50 კაცმა, 10 მოწაფე კი მეორე წელს დარჩა მე-8 კლასში.

1914 წ. ქართული გიმნაზიის მეხუთეკლასელებმა ამავე კლასის მოწაფე ნ. კეცხოველის რედაქტორობით დაიწყეს გამოცემა ზელნაწერი ჟურნალისა „პირველი სხივის“ სახელწოდებით. გამოვიდა 15 ნომერი, თითო ნომერი იწერებოდა 4 ცალად. გადამწერი თვითონ ნ. კეცხოველი იყო.

ჟურნალში მონაწილეობდნენ უფროსი კლასების მოწაფეებიც, მათ შორის მ. ხერხეულიძე, გრ. მეგრელიშვილი (მთის ნიაგი), არჩილ შექენარაშვილი, ვიქტორ მირზაშვილი, კ. ბაქრაძე, გ. ბაქრაძე, კ. ლომიძე და სხვ. მეექვსე კლასში კი დ. დუმბაძემ გამოსცა „ჩვენი ხმის“ 2 ნომერი.

ნ. კეცხოველმავე VI კლასში (1915 წ.) გამოსცა ჟურნალი „მზე“; მონაწილენი იგივენი იყვნენ.

1916 წელს კი მოწაფეებმა გამოსცეს ნაბეჭდი ჟურნალი „ცრემლის ლუზა“. ჟურნალში დაიბეჭდა ნ. კეცხოველის, დ. აგლაძის, გ. მერკვილაძის, კ. რატიშვილის, დემნა შენგელაიას, გ. მეგრელიშვილისა და სხვათა მოთხრობები და წერილები.

პირველ ორ ჟურნალს იუმორისტული განყოფილებაც ჰქონდა. 1916 წელს კი მოწაფეებმა გამოსცეს ზელნაწერი იუმორისტული ჟურნალი „სეით ლუარსაბოვიჩის მოგზაურობა საიქიოში“, რომელშიც გიმნაზიის მოღვაწენი იყვნენ გაკილულნი.

ქუთაისის ქართული გიმნაზიის მოწაფეები გზავნიდნენ ხელნაწერ ქურნალს, ჩვენები — თავისას უგზავნიდნენ.

3

1915 წლიდან ქართული გიმნაზიის მსახურთათვის შემუშავებულ და მიღებულ იქნა საპენსიო სალაროს ახალი წესდება, რომელსაც ქვემოთ ვათავსებთ:

წესდება

თბილისის ქართულ კერძო გიმნაზიის მომსახურე პირთა საპენსიო კანისა.

კ ა ს ი ს მ ი ზ ა ნ ი

§ 1.

თბილისის ქართულ კერძო გიმნაზიასთან არსდება საპენსიო კასა მის მონაწილეთა და მათი ოჯახების პენსიებით და ერთდროული დახმარებით უზრუნველსაყოფად.

§ 2.

კასის მონაწილეებად აუცილებლად ითვლებიან: ა) გიმნაზიის დირექტორი და მისი თანამემწეები, ბ) გიმნაზიის შტატის მასწავლებლები და კლასის დამრიგებლების თანამემწეები, გ) კომიტეტის საქმის მწარმოებელი, იგივე მოლარე, დ) გიმნაზიის საქმის მწარმოებელი, იგივე ბუხალტერი და ე) გიმნაზიის ექიმი. ამთ გარდა კასის მონაწილეებად ჩაითვლებიან ის შტატგარეშე მასწავლებლები, რომელნიც კვირაში აძლევენ არა ნაკლებ თვრამეტ გაკვეთილსა და მოისურვებენ კასაში მონაწილეობის მიღებას.

კ ა ს ი ს ს ა შ უ ა ლ ე ბ ა ნ ი

§ 3.

კასის საშუალებას შეადგენენ: ა) ღარიბ მოწაფეთა შემწე თბილისის გუბერნიის თავად-აზნაურთა საზოგადოებისაგან ყოველწლიური დახმარება 5.000 მ.; ბ) ყოველთვიური გადასახადი კასის მონაწილეთა, რომლის რაოდენობა განისაზღვრება ჯამაგირის 6%; გ) % კასის თანხებისა; დ) დაჭერილი ერთი თვის ჯამაგირი, რომელიც გამოერიცხებათ მოსამსახურე პირთ სამი თვის განმავლობაში კასის მონაწილეთ ჩარიცხვის დღიდან; სამი თვის განმავლობაში დაჭერილი განსხვავება ახალსა და წინანდელ ჯამაგირს შორის შტატის მასწავლებლად ჩარიცხვის გამო; შტატის ჯამაგირის გადიდების

დროს სამი თვის განმავლობაში დაპერილი განსხვავება ახალსა და წინანდელ ჯამაგირს შორის; ე) შემოწირულობა და სხვა შემთხვევითი კასის სასარგებლოდ შემოსული ფული.

§ 4

კასის თანხები გადაქცეულ უნდა იქნეს პროცენტიან ქაღალდებად, ან შეტანილი უნდა იქნეს ქ. თბილისის ერთერთ საკრედიტო დაწესებულებაში ლარობ მოწაფეთა შემწე თბილისის გუბერნიის თავად-აზნაურთა საზოგადოების სახელობაზედ. წესი პროცენტიან ქაღალდების და კასის ნაღდი ფულის შენახვისა განმარტებული უნდა იქნეს გამგე კომიტეტის მიერ დამტკიცებულ ინსტრუქციით; უფლება პენსიის და ერთდროული დახმარების მიღებისა, რაოდენობა პენსიისა და ერთდროულ დახმარებისა და ვადები მათი დაშსახულებისა.

§ 5.

პენსიის 1/3 იმსახურებს კასის მონაწილე გიმნაზიაში 15 წლის სამსახურით; პენსიის 2/3 — 20 წლის სამსახურით; სრულ პენსიას — 25 წლის სამსახურით.

შენიშვნა: 1) თანამდებობის გამოცვლის დროს მოსამსახურე პირი იღებს იმ პენსიას, რომელიც ეკუთვნის ამ უკანასკნელ თანამდებობას, თუ ამ თანამდებობას ასრულებდა არა ნაკლებ სამი წლისა; თუ ნაკლებ დროს მსახურობდა ახალ თანამდებობაში, მაშინ იღებს წინანდელ თანამდებობის შესაფერ პენსიას; 2) ვინც თავს ანებებს სამსახურს ისეთი ავადმყოფობის გამო, რომელიც ნებას, არ აძლევს განაგრძოს პედაგოგიური მოღვაწეობა, ან ვინც დაკარგა შრომის უნარი, იღებს პენსიის 2/3—15 წლის სამსახურისათვის და სრულ პენსიას — 20 წლის სამსახურისათვის; 3) ვისაც სურს ისარგებლოს მეხუთე წ-ის შენიშვნის მეორე მუხლში განმარტებულ უფლებით, უნდა იქნეს შემოწმებული ექიმთა კომისიის მიერ, რომელსაც ნიშნავს გამგე კომიტეტი.

§ 6.

სრული პენსია ენიშნება: 1) გიმნაზიის დირექტორს 2000 მანეთი; მის თანაშემწეს — 1800 მან., გიმნაზიურ კლასებში მეცნიერებათა და ენათა მასწავლებლებს, რომელთაც უმაღლესი სასწავლებელი დაუმთავრებიათ და ექიმს — 1800 მან., ხოლო იმ მასწავლებელთ, რომელთაც საშუალო სწავლა მიუღიათ — 1100 მან., მოსამზადებელ კლასის მასწავლებელთ — 900 მან. ხატვისა, გალო-

ბისა, მუსიკის და გიმნასტიკის მასწავლებლებს, კლასის დამრიგებელთა თანაშემწეებსა და გიმნაზიის და გამგე კომიტეტის საქმის მწარმოებლებს — 600 მან. წელიწადში.

§ 7.

არც ერთ კასის მონაწილეს, სანამ იგი სამსახურში ითვლება, პენსია არ ეძლევა.

§ 8.

იმ პირთ, რომელთაც წინათ უმსახურნიათ თბილისის სათავადაზნაურო ქართულ კერძო გიმნაზიაში, და კვლავ ისევ დაპბრუნებიან სამსახურს გიმნაზიაში, პენსიის დაშსახურების ვადის გამოანგარიშების დროს ჩაეთვლებათ გიმნაზიაში წინათ სამსახურის დროც.

შ ე ნ ი შ ვ ნ ა: თუ მოსამსახურე პირმა, გიმნაზიაში სამსახურის თავის დანებების დროს, მიიღო კასაში მის მიერ შეტანილი ფული ან დახმარება, გიმნაზიაში ნამსახური წინანდელი დრო ჩაეთვლება მას სამსახურში იმ პირობით, თუ იგი საპენსიო კასას დაუბრუნებს ერთი წლის განმავლობაში გატანილ ფულს ან დახმარებას, მიღებულს თანახმად წესდების მეცხრე §-ისა.

§ 9.

ვინც იმსახურა არა ნაკლებ ათი წლისა და სამსახურიდან წასვლის დროს პენსია ვერ დაიმსახურა და აგრეთვე მათ, ვინც სამსახურს თავი დაანებეს იმ თანამდებობის გაუქმების გამო, რომელიც მათ ეჭირათ, ეძლევათ დახმარების სახით სამსახურის დროს კასაში დაქვრილი ფული. ამასთან უკანასკნელად ეძლევა შეტანილი ფულის სარგებელიც მიუხედავად იმისა, თუ რამდენს წელს მსახურობდნენ იგინი. ესეთივე უფლება ეძლევა ქვრივებს და შვილებს კასის მონაწილეთა.

შ ე ნ ი შ ვ ნ ა: კასის გამგეობას ნება აქვს არაჩვეულებრივ შემთხვევაში კასის მონაწილეს წასვლის დროს, მიუხედავად იმისა, თუ რამდენი წელი იმსახურა, მისცეს დახმარება, კასის ღონისძიებათა მიხედვით, არა უმეტეს იმ თანხისა, რომელიც მონაწილეს აქვს შეტანილი კასაში.

§ 10.

პენსია ენიშნება პენსიონერთა უფლებების შემკვიდრეებს შემდეგი: ქვრივს — ქმრის პენსიის ნახევარი; შვილებს, თუ იმათი რიცხვი ორს არ აღემატება — $1/5$ მამის პენსიისა თვითელს და თუ შვილების რიცხვი ორს აღემატება — ყველას $2/5$ პენსიისა ამ ნაწილის თანასწორად გაყოფით შვილთა შორის.

შ ე ნ ი შ ე ნ ა: პენსიის მიღების უფლება არ გადადის იმ პირთა ოჯახებზე, რომელნიც პენსიის დამსახურების შემდეგ დაქორწინდებიან.

§ 11.

თუ ქვრივი, რომელიც პენსიას იღებდა, გარდაიცვალა ან გათხოვდა, სანამ ვაეიშვილები 21 წლის გახდებოდნენ, ხოლო ქალები 25 წლისა შესრულდებოდნენ, ან გათხოვდებოდნენ, მაშინ კასის მონაწილეობები, თუ იმათი რიცხვი ორს არ აღემატება, მამის პენსიის $1/3$ იღებს თვითელი; თუ იმათი რიცხვი სამია ან მეტი, მაშინ ყველანი მამის პენსიის $3/4$ იღებენ და ეს პენსია მათ შორის თანასწორ ნაწილებად უნდა იყოს გაყოფილი.

შ ე ნ ი შ ე ნ ა: თუ შვილები სწავლობენ, იგინი იღებენ პენსიას სწავლის დამთავრებამდე, ყოველ შემთხვევაში პენსიის ძლევა უნდა შეწყდეს არა უგვიანეს იმ დროისა, როცა შვილები 25 წლისა შესრულდებიან.

§ 12.

იმ შემთხვევაში, როცა კვდება პენსია დამსახურებული კასის მონაწილე ქალი, მის ქმარს უფლება არა აქვს ცოლის პენსიის მიღებისა, მხოლოდ შვილებს ეძლევა პენსია, როგორც სრულ ობლებს.

§ 13.

პენსიის მიღების უფლება ესპობათ:

1. როცა კვდება ის პირი, რომელიც პენსიას იღებდა.
2. როცა კასის მონაწილე ბერად ან მონაზონად შედგება.
3. როცა კასის გარდაცვალებულ მონაწილის ქვრივი ან ქალიშვილი გათხოვდება.
4. როცა კასის გარდაცვალებულ მონაწილეს ვაეიშვილები 21 წლის შესრულდებიან, თუ ეს უკანასკნელი არა სწავლობენ; როცა

ქალიშვილები 25 წლის შესრულებიან, თუ ეს უკანასკნელი ამ დრომდე არ გათხოვილან.

5. როცა კასის მონაწილეს სასამართლოს დადგენილებით ყოველივე უფლებები აეყრება.

შენიშვნა: ცოლსა და შვილებს კასის მონაწილეთა, რომელნიც ჩამოთვლილი არიან ამ პარაგრაფის მეორე და მეხუთე მუხლებში, რჩება უფლება პენსიის და ერთდროულ დახმარების მიღებისა, როგორც ნაჩვენებია წესდების მე-10 და მე-11 წმ-ში.

გ ა მ გ ე ო ბ ა

§ 14.

კასის გამგეობა შესდგება ხუთი წევრისაგან, რომლებსაც ირჩევენ ოთხი წლის ვადით თავიანთ შორის კასის მონაწილენი და გამგე კომიტეტის ერთ წევრისაგან.

შენიშვნა: გამგეობის დადგენილების სისრულეში მოყვანა შეიძლება მხოლოდ გამგე კომიტეტის წევრის თანხმობით; თუ უკანასკნელი თანახმა არ გახდა, მაშინ კითხვის საბოლოოდ გადაწყვეტა გადაეცემა გამგე კომიტეტს.

შენიშვნა: საქმისა და ანგარიშის წარმოებას ასრულებს უსასყიდლოდ გამგეობის ერთ-ერთი წევრი, რომელსაც ირჩევს თვით გამგეობა. საქმის და ანგარიშის წარმოებას რევიზიას უკეთებს გამგე კომიტეტი თავის ერთ-ერთ წევრის საშუალებით.

§ 15.

გამგე კომიტეტის მოვალეობას შეადგენს საზოგადო ხელმძღვანელობა კასის საქმეებისა და წარდგენა ღარიბ მოწაფეთა შემწე თბილისის გუბერნიის თავად-აზნაურთა საზოგადოების საზოგადო კრების წინაშე საპენსიო კასის ყოველწლიური ანგარიშებისა და თავის მოსაზრებისა კასის საშუალებათა გაძლიერებაზე და შემწეობის შემოკლებაზედ ან მოსპობაზედ. თუ კასის თანხები საკმარისი აღმოჩნდება ყველა პენსიონერების დასაკმაყოფილებლად.

§ 16.

საპენსიო კასის ლიკვიდაცია მოხდება ღარიბ მოწაფეთა შემწე თბილისის გუბერნიის თავად-აზნაურთა საზოგადოების ლიკვიდა-

ციისთანავე. უკანასკნელ შემთხვევაში გამგე კომიტეტი გამოსძებნის საშუალებას საპენსიო კასის თანხების შესანახად და იქიდან ამ წესდების მიხედვით პენსიის მისაცემად.

§ 17.

საპენსიო კასის დანარჩენი თანხა კასის მონაწილეთა და მათი უფლებების მემკვიდრეთა ყოველი პრეტენზიის დაკმაყოფილების შემდეგ გადაეცემა თბილისის გუბერნიის თავად-აზნაურობას სწავლა-განათლების საჭიროებისათვის.

§ 18.

ამ წესების პარაგრაფი შეიძლება შეცვლილ იქნეს საზოგადო კრების დადგენილებით, თანახმად გამგე კომიტეტის მოხსენებისა, რომელიც მიღებული უნდა იქნეს საზოგადო კრების 2/3 ხმის უმეტესობით“.

4

1917 წლის იანვარში გიმნაზიის გამგე ა. ბ. კიკინაძე გარდაიცვალა. 1917—1918 სასწავლო წელს გიმნაზიას განაგებდა სამი პირისაგან (ა. მიქაბერიძე, დ. კარიჭაშვილი, ს. იაშვილი) შემდგარი კოლეგია. ამავე წელს გამგე კომიტეტის დავალებით პედაგოგიური საბჭოს მიერ არჩეულმა კომისიამ (ა. ნ. მიქაბერიძე, ს. იაშვილი, დეკ. კ. ცინცაძე და დ. პარკაძე) ჩაატარა გიმნაზიის მასწავლებელთა შემადგენლობის გადარჩევა, რის შედეგად რამდენიმე მასწავლებელი მოხსნილ იქნა სამუშაოდან.

1916 — 1917 და 1917 — 1918 სასწავლო წლებში, ქართული გიმნაზიის მერვე კლასის მოწაფეებს პედაგოგიურმა საბჭომ სიმწიფის მოწმობები წლიური ნიშნების მიხედვით მისცა. მერვე კლასების 140 მოწაფიდან სიმწიფის მოწმობა 130 მოწაფემ მიიღო. 10 მეორე წელს დარჩა.

1918 წელს ქართული გიმნაზიის შენობა გადაეცა ახალდაარსებულ თბილისის უნივერსიტეტს და ამ წლიდან ვიდრე 1921 წლამდე ქართული გიმნაზია არსებობდა მე-7 ვაეთა გიმნაზიის სახელწოდებით (ინსპექტორი ს. იაშვილი). ბინად გიმნაზიას მიეცა ყოფილი კადეტთა კორპუსის შენობა (რუსთაველის პროსპექტი, № 34) მთელი თავისი უამრავი ნაირნაირი ქონებით, მაგრამ, როგორც ნათქვამია — თხის პატრონს თხის კუდიც აღარ ერგოვო, — ისე დაემართა ჩვენი გიმნაზიასაც. კადეტთა კორპუსის ქონება მეწმევეიკების მთავრობის დროს ისე განივდა, რომ გიმნაზიას არა რეგებია რა...

1920 წელს ქართულ გიმნაზიას მენშევიკების მთავრობამ შეუერთა თბილისის სასულიერო სემინარიის უფროსი კლასები და გიმნაზია შოათავესა ყოფილ ქალთა ინსტიტუტის შენობაში (ერმოლოვის, ახლა შ. ჩიტაძის ქუჩა). აქ ჩვენი გიმნაზია მთავრობის მე-6 ვაჟთა გიმნაზიით იწოდებოდა. ყოფილი ქალთა ინსტიტუტის დიდი ქონებაც სახელით გიმნაზიის იყო, ხოლო სახრავად სხვების აღმოჩნდა...

1921 წელს საქართველოში საბჭოთა ხელისუფლების დამყარების შემდეგ, ქართულ გიმნაზიას ჩამოაშორეს მოსამზადებელი და პროგიმნაზიული კლასები. ამ ჩამოშორებულ ნაწილს მე-14 შრომის სკოლა დაერქვა... შრომის სკოლის გამგედ იყო ნ. მამინიაშვილი.

1921 წლიდან ქართული გიმნაზიის უფროსი კლასები — მეხუთედან მერვემდე — იწოდება მესამე ტექნიკუმად (გამგე ს. იაშვილი მოადგილე პ. კვირკველია). ტექნიკუმი მოთავსებული იყო ყოფილ სახელოსნო სასწავლებელში (ბებუთოვის, ახლა ენგელსის ქ. № 50). 1923 წლის 1 სექტემბერს ეს ტექნიკუმი დაიხურა.

5

ქართული გიმნაზიის ადგილსამყოფელი თბილისში

ახალგაზსნილი (1879 წლის 6 თებერვალს) სათავადაზნაურო სკოლა მოთავსებული იყო კუკიაში (ახლა მოლოტოვის რაიონი), თუმანიშვილის ქუჩაზე, თაქთაქიშვილის სახლში. მეორე სასწავლო წელს სკოლა გადაიტანეს ახლანდელ მახარაძის ქუჩაზე. აქედან სკოლა გადატანილ იქნა ახლანდელ კალინინის ქუჩაზე, ჩითახოვის სახლში 1892 წლიდან, ახლა უკვე ქართული პროგიმნაზია, მოთავსებული იყო ახლანდელ შ. ჩიტაძის ქუჩაზე, სელიკოვის სახლში, ხოლო 1906 წლის ნოემბრიდან ქართული გიმნაზია გადავიდა ვაკეში თავის საკუთარ შენობაში, სადაც ამჟამად ი. ბ. სტალინის სახელობის თბილისის სახელმწიფო უნივერსიტეტია მოთავსებული.

თბილისის ქართულ გიმნაზიის შენობაში (ვაკეში), მოთავსებული იყო კიდევ თბილისის ქალთა ქართული გიმნაზია, რომელიც დაარსდა 1906 წელს, აგრეთვე საქართველოს საეთნოგრაფიო და საისტორიო საზოგადოება, ქ. შ. წ. კ. გამავრცელებელი საზოგადოების მუზეუმი, ხოლო 1915 წლიდან ვიდრე 1918 წლამდე — სამხედრო ლაზარეთი.

6

მოწაფეთა წოდებრივი შემადგენლობა თბილისის ქართულ გიმნაზიაში

წესდების თანახმად, გიმნაზიის მოწაფეთა შემადგენლობა თავად-აზნაურთა შვილებით განისაზღვრებოდა, ხოლო თავისუფალი

ვაკანსიების დაჭერა სხვა წოდების შვილებსაც შეეძლოთ. პირველ ხანებში თავად-აზნაურთა შვილები 80 — 85%-ს შეადგენდნენ, ხოლო შემდეგ წლებში სხვა წოდებათა შვილების პროცენტმა იმატა. სწავლის ფულის მომატებასთან დაკავშირებით გიმნაზია თანდათან ჰკარგავს წოდებრივ ხასიათს. მოწაფეთა წოდებრივი შემადგენლობა ქართულ გიმნაზიაში ასეთი ყოფილა:

1898 წელს: თავად-აზნაური — 278, გლეხი და მოქალაქე — 184, სასულიერო წოდება — 29;

1906 წელს: თავად-აზნაური — 218, გლეხი — 276, მოქალაქე — 48, სასულიერო წოდება — 38, მოხელის შვილი — 29;

1915 წელს: თავად-აზნაური — 224, გლეხი — 344. მოქალაქე — 165, მოხელის შვილი — 53, სასულიერო წოდება — 65;

1918 წელს: თავად-აზნაური — 201, გლეხი — 392, მოქალაქე — 175, მოხელის შვილი — 93, სასულიერო წოდება — 56.

7

რევიზიები გიმნაზიაში

რევიზია თბილისის ქართულ გიმნაზიაში სწავლა-აღზრდის მდგომარეობის გამორკვევის მიზნით ხშირად წარმოებდა. რევიზიას ახდენდა თვით „საზოგადოება“ გამგე კომიტეტის წევრების მეშვეობით და სასწავლო უწყება ოლქის მზრუნველისა და სახალხო სკოლების დირექტორ-ინსპექტორების სახით. სასწავლებლის რევიზია სხვადასხვა დროს მოუხდენიათ გამგე კომიტეტის თავმჯდომარეს კ. მამაცაშვილს, თავმჯდომარის ამხანაგს ი. გოგებაშვილს, კომიტეტის წევრს ნ. ცხვედაძეს, თავად-აზნაურთა წინამძღოლებს და სხვებს.

ცარიზმის სასწავლო უწყების წარმომადგენლებს — მზრუნველს და სხვებს — რევიზიის დროს ჩვეულებად ჰქონდათ სასწავლებლის უფროსის დაუკითხავად შეპარვა კლასებში. მზრუნველი კ. პ. იანოვსკი 1887 წელს შეუმჩნევლად შეპარულა ქართული პროგიმნაზიის მეოთხე კლასში საქართველოს ისტორიის გაკვეთილზე; ერთი მოწაფისათვის ხელიდან გამოუგლეჯია მოსე ჯანაშვილის ისტორიის სახელმძღვანელო და უკითხავს, რა წიგნიაო. მოწაფეს უპასუხია, ამ დროს კლასში შესულან მასწავლებელი ნ. მთვარელიშვილი და გამგე ა. ბ. ჭიჭინაძე. იანოვსკიმ უთხრა, თურმე, გამგეს:—რა საჭიროა საქართველოს ისტორიის ქართულად სწავლება, თარგმნეთ რუსულად და რუსულად ასწავლეთ. მაგალითად, აფთიაქში ერთ წამალს შეურევენ მეორეში და გამოვა ის წამალი, რომელიც ავადმყოფისათვის

არის საჭიროო. აღელვებულმა ალ. ჭიჭინაძემ უპასუხა: — თქვენო აღმატებულებავ, ჩვენ ამ კლასში მშობლიურ ენის შესწავლას მხოლოდ ორ საათს ვანდომებთ კვირაში და ისიც რომ თარგმანს მოვანდომოთ, სამშობლო ენა როდის-ღა ვისწავლოთ? (გადმოცემული ამ გიმნაზიის ყოფილი მოწაფის ვლ. რატიშვილის მიერ).

1904 წელს, რუსეთ-იაპონიის ომის დროს, ჩვენი სასწავლებელი სასწავლო უწყების წინაშე ვილატას დაებეზღებინა: ქართული გიმნაზია იაპონიას უკერს მხარს; მასწავლებლებსაც და მოსწავლეებსაც იაპონელების გამარჯვება ახარებდნენ... ერთ დღეს უეცრად ბუნების-მეტყველების გაკვეთილზე შეიპარა სახალხო განათლების დირექტორი ვ. ნ. შულგინი. ჯერ პატარა ხანს გაკვეთილის მიმდინარეობა მოისმინა; შემდეგ მოწაფეებს უბრძანა — ადექითო. მოწაფეებიც აღგნენ, და რევიზორმა მათ დაახლოვებით შემდეგი სიტყვებით მიმართა: თქვენ, რასაკვირველია, იცით, რა ხდება შორეულ აღმოსავლეთში — ვიცით — იქ ომია ჩვენსა და იაპონიას შორისო. — ეს ომი, — განაგრძო რევიზორმა, — ჩვენ არ გამოგვიწვევია, იგი თავს მოგვახეია იაპონიამ — თქვენ ისიც იცით, რომ ჯერ გამარჯვება ჩვენს მხარეზე არ არის, მაგრამ ღმერთი მოწყალეა, მალე გამარჯვება ჩვენს მხარეზე იქნებაო. — რასაკვირველიათ, — წამოიძახა ერთმა მოწაფემ, პ. ჟორდანიამ. — „бог правду видит да нескоро скажет“ — ასეთი პასუხი რევიზორს მოეწონა, იკითხა მოწაფის გვარი, შეაქო, შემდეგ მასწავლებელს მადლობა გადაუხადა როგორც მოწაფეების მიერ საგნის მასალის შეთვისების, ისე მათი პატრიოტიზმის გამო... ხოლო, როცა რევიზორი წავიდა, მოწაფეებმა მიმართეს მასწავლებელს და უთხრეს: — ძალიან არ გავაცურეთ რევიზორი...

თბილისის ქართული გიმნაზიის მოწაფეთათვის განსაკუთრებული ფორმა არ ყოფილა შემოღებული; მათი ფორმა იყო ხალათ-შარვალი და მრგვალი თუშური ნაბდის ქუდი. 1907 წლიდან ქართული ქუდი შეიცვალა კლასიკური გიმნაზიის ფორმით, მაგრამ 1910 წლის ერთ მშვენიერ დღეს მოწაფეებს იპერდნენ გოროდოვოები, ხდიდნენ ქუდებს, შავი საღებავით საგსე ვედროში აწყობდნენ ფუნჯებს და ქუდის თეთრ კანტებს ღებავდნენ. „ქართული გიმნაზიის მოწაფენი არ უნდა ჰგავდნენ სახაზინო სკოლების მოწაფეებსო“, — გაცა განკარგულება ოლქის მზრუნველ რუდოლფს. 1911 წელს სასწავლო ოლქის მზრუნველის მკაცრი მოთხოვნის შემდეგ, გიმნაზიის ადმინისტრაცია იძულებული იყო მოწაფეთათვის შემოეღო მეტად უშნო ფორმა — შავი მათდის კურტაკი („ტუჟურკა“), შარვალი, და

ქუდი წითელი კანტებით აჭრელებული. ეს ფორმა მოწაფეებს სძულდათ და კიდევაც მალე მოიშორეს.

თბილისის ქართული გიმნაზია, ქართული კულტურის სხვა დარგებთან ერთად, ქართული მუსიკალური კულტურის კერაც იყო. ზ. ჩხიკვაძის, ზ. ფალიაშვილისა და ან. ყარაშვილის შრომით და მეცადინეობით გიმნაზიაში მოწყობილი იყო მომღერალთა კარგი გუნდი და დიდი სიმებიანი ორკესტრი. 1903—1904 სასწავლო წელს გიმნაზიაში მოწაფეთა კვარტეტიც კი ჩამოყალიბდა (პირველი ვიოლინი ვლ. ორჯონიკიძე, მეორე — ირ. მიქელაძე, ალტი — ყ. სულხანიშვილი და გ. ციციშვილი) ერთმანეთს ეცვლებოდნენ (და ვიოლონჩელი — ი. აბაშიძე). ყოველი სასწავლო წლის ბოლოს გიმნაზიაში იმართებოდა მუსიკალურ-ლიტერატურული დღეები, რომლებსაც დიდძალი ხალხი ესწრებოდა. თვით ჩვენი დიდებული ოპერა „აბესალომ და ეთერი“ ამ გიმნაზიაში იქმნებოდა... 1909—1910 სასწავლო წლიდან ამ ოპერის ლიბრეტოს ავტორი პ. მირიანაშვილი ყოველდღე ზაქარია ფალიაშვილს მოსვენებას არ აძლევდა, ჩასჩირინებდა — დაიწყე, დაიწყე ოპერის წერაო, — და კიდევაც შემდეგ წლებში გიმნაზიის გუნდი და ორკესტრი მუსიკალურ-ლიტერატურულ დღეებზე უკვე ასრულებდნენ „აბესალომ და ეთერის“ ნაწყვეტებს.

ქართულ გიმნაზიაში დიდი ყურადღება ექცეოდა აგრეთვე ფიზიკურ ვარჯიშობას, რომლის დახელოვნებული მასწავლებელი იყო გ. ს. ეგნატაშვილი, ამჟამად სპორტის დამსახურებული ოსტატი, ორდენოსანი. გიმნაზიის ეზოში თითქმის ყოველწლივ იმართებოდა ფიზკულტურული დღესასწაული, რომელშიც გიმნაზიის მრავალი მოსწავლე იღებდა მონაწილეობას. განსაკუთრებით დიდ შთაბეჭდილებას ახდენდა მოსწავლეთა მასობრივი ფიზკულტურული ვარჯიშობა. ამ დღესასწაულებს აუარებელი ხალხი ესწრებოდა...

თბილისის ქართულ გიმნაზიას ჰქონდა კაბინეტები: ფიზიკის, ბუნებისა და გეოგრაფიის: ა) ფიზიკის კაბინეტში 1917 წლის 1 იანვრისათვის ითვლებოდა 362 ცალი ხელსაწყო-იარაღი. 1918 და 1920 წლებში ამ კაბინეტს შეუერთდა კადეტთა კორპუსისა და ქალთა ინსტიტუტის ფიზიკური კაბინეტები; ბ) ბუნებისა და გეოგრაფიის კაბინეტში 1917 წლის 1 იანვრისათვის იყო სხვადასხვა კოლექციები, თვალსაჩინო სახელმძღვანელოები, რუკები და სხვ. ლირებული 3027 მანეთად (იხ. „საზოგადოების“ 1916 წ. ანგარიში); 1918 და 1920 წლებში ამ კაბინეტს შეემატა კადეტთა კორპუსისა და ქალთა ინსტიტუტის ბუნებისა და გეოგრაფიის კაბინეტები.

თბილისის ქართულ გიმნაზიას ჰქონდა ორი ბიბლიოთეკა: ერთი — ფუნდამენტალური, სამასწავლებლო, ხოლო მეორე — მოსწავლე-ებისათვის. სამასწავლებლო ბიბლიოთეკა შედგებოდა ორი განყოფი-ლებისაგან: პირველი განყოფილება შეიცავდა რუსულსა და უცხო ენებზე დაბეჭდილ წიგნებს, რომლებიც გიმნაზიისათვის შემოუწი-რავთ პლ. იოსელიანს და ი. გ. შანშიევს. პლ. იოსელიანის მიერ შემო-წირული ბიბლიოთეკა 1918 წელს გადაეცა ახალდაარსებულ თბი-ლისის უნივერსიტეტს. მეორე განყოფილება მხოლოდ ქართულ წიგნებს შეიცავდა. პირველ განყოფილებაში 1917 წლის 1 იანვრისა-თვის ითვლებოდა რუსულ და უცხო ენებზე დაბეჭდილი 6.620 ცალი წიგნი, ხოლო მეორე განყოფილებაში — 1.298 წიგნი.

მოსწავლეთა ბიბლიოთეკა შედგებოდა სამი განყოფილებისაგან. პირველი განყოფილება შეიცავდა რუსულ წიგნებს უმცროსი მოწა-ფეებისათვის. მეორე — რუსულსავე წიგნებს უფროსი მოწაფე-ებისათვის და მესამე განყოფილება — ქართულ წიგნებს. 1917 წლის 1 იანვრისათვის პირველ განყოფილებაში ითვლებოდა 1.081 წიგნი, მეორეში — 2.662 და მესამეში — 2.261 წიგნი (იხ. 1916 წლის „ანგარიში“). 1918 და 1920 წლებში ამ ბიბლიოთეკებს მიე-მატა კადეტთა კორპუსისა და ქალთა ინსტიტუტის ბიბლიოთეკები.

8

თბილისის ქართული გიმნაზიის მასწავლებელთა ნივთიერი მდგომარეობა. სხვა თანაბარი ტიპის სკოლებთან შედარებით, თბი-ლისის ქართულ გიმნაზიაში მასწავლებელთა ნივთიერი მდგომარე-ობა დამაკმაყოფილებელი ვერ იყო. მაგალითად, 1895 სასწავლო წელს ქართული პროგიმნაზიის მასწავლებელთა უზრუნველყოფა ასეთი ყოფილა.

პროგიმნაზიული კლასის მასწავლებელი ჩვენს გიმნაზიაში იღებდა:

1. 12 გაკვეთილში (გაკვეთილი — 75 მ.) 900 მანეთს, ხოლო 12 გაკვეთილის ზემოთ თითო გაკვეთილში — 60 მანეთს წელიწადში;

2. ხუთი წლის სამსახურის შემდეგ პირველ ორ ხუთწლეულში — 150 მ. თითოეულში;

3. კლასის დამრიგებლობაში — 60 მან. წელიწადში;

ხოლო ასეთივე მასწავლებელი სახაზინო სასწავლებელში იღებდა:

1. გაკვეთილებში — იმდენსავე, რასაც ჩვენს სასწავლებლებში;

2. ხუთწლეულში 150 მანეთის მაგივრად — 180 მანეთს;

3. კლასის დამრიგებლობაში 60 მანეთის მაგივრად — 160 მა-ნეთს;

4. რვეულების გასწორებისათვის — 100 მან. წელიწადში;

5. ბინის ფულს — 240 მან. წელიწადში.

ზემოთ ნათქვამიდან ირკვევა, რომ თბილისის ქართული გიმნაზიის პროგიმნაზიული კლასების მასწავლებელი ხუთი წლის ნამსახურობის შემდეგ იღებდა სულ 1, 110 მანეთს; ასეთივე მასწავლებელი სახაზინო პროგიმნაზიაში კი იმავე შრომაში იღებდა 1.580 მანეთს.

ჩვენი გიმნაზიის მასწავლებლების მატერიალური უზრუნველყოფა სახაზინო გიმნაზიის მასწავლებლებთან შედარებით, შემდგომშიც მუდამ ჩამორჩებოდა, სრული გათანასწორება არასოდეს არ მომხდარა. (ან კი როგორ შეიძლებოდა გათანასწორება, როცა ჩვენი გიმნაზიის მასწავლებლები საპენსიო სალაროს გაძლიერების მიზნით თვეში ჯამაგირის 5—6% იხდიდნენ). პირიქით, ხშირად ჩვენი გიმნაზიის მასწავლებლები ჯამაგირს თავის დროზე ვერც იღებდნენ. ამის მიზეზი, სხვათა შორის, ისიც იყო, რომ გამგე კომიტეტი გიმნაზიისათვის განკუთვნილ თანხას შენობის საკიროებისათვის ხარჯავდა. ამ გარემოებას საზოგადო კრება ყურადღებას აქცევდა და აღგენდა — აეკრძალოს კომიტეტს გიმნაზიის თანხის შენობაზე დახარჯვაო, მაგრამ ზოგჯერ ასეთ დადგენილებას კომიტეტი გვერდს უვლიდა....

„საზოგადოების“ შემოსავალს შეადგენდა: თბილისის სათავადაზნაურო ბანკის წმინდა მოგებიდან ყოველწლიურად გადმოცემული თანხა (30—85 ათასამდე); ყოველ წელიწადს 6 იანვარს გამართული სათავადაზნაურო ბალიდან შემოსული ფული: მომგებიანი ბილეთების შემოსავალი; პანსიონერებისაგან შემოსული ფული და სწავლის ქირა; უძრავი ქონებიდან: სახლი ყოფილ განოვის ქუჩაზე (ახლა აკაკი წერეთლისა და ილია ჭავჭავაძის ქუჩების კუთხეში), „სკრის“ მამულის შემოსავალი და შემოწირულებანი (მარტო სკოლის შენობისათვის სხვადასხვა პირებს შემოუწირავთ 151.293 მან. 88 კაპ.).

9.

„საზოგადოების“ გამგე კომიტეტის თავმჯდომარეებად სხვადასხვა დროს იყვნენ: გ. რ. ერისთავი — 1879—1880 წლამდე; გენერალი კ. მაშაცაშვილი — 1880—1888 წლამდე; ექიმი გ. გ. მაღალაშვილი — 1888—1894 წლამდე; კ. ი. ბაგრატიონ-მუხრან-ბატონი — 1894—1903 წლამდე; მ. ვ. ჯამბაყური ბებელიანი — 1903—1907 წლამდე; პ. ი. თუმანიშვილი — 1907—1913 წლამდე; გენერალი გ. ნ. ყაზბეგი — 1913—

1914 წლამდე; ექიმი გ. გ. მაღალაშვილი — 1915—1918 წლამდე და სხვ.

ზემოთ დასახელებულ პირთაგან ჩვენ მოკლედ შევეხებით მარიამ ვახტანგის ასულ ჯამბაკურ-ორბელიანის (1850—1941) ნაყოფიერ მოღვაწეობას თბილისის ქართულ გიმნაზიაში.

მ. ვ. ჯამბაკურ-ორბელიანისა (მეფე ერეკლეს შვილის შვილის შვილი) 1882 წელს საზოგადო კრებაზე გამგე კომიტეტის თავ-



მ. ვ. ჯამბაკურ-ორბელიანი

მჯდომარის ამხანაგად აირჩიეს და მას შემდეგ, ვიდრე 1917 წლამდე, კომიტეტის თავმჯდომარედ ან თავმჯდომარის ამხანაგად იყო. მისი თაოსნობით გაიხსნა ქართულ გიმნაზიაში უფასო სასაბუღალტრო-ლიც 1889-დან 1917 წლამდე არსებობდა, აგრეთვე თბილისის ქალთა ქართული გიმნაზია 1906 წელს.

1913 წელს სოფ. ატენში მ. ვ. ორბელიანმა გახსნა სკოლა-რომლის ხარჯს ნახევარს თვითონ იხდიდა, ნახევარს კი — ქ. შ. წ. კ. გამაგრცელებელი საზოგადოება.

მ. ვ. ორბელიანი სამწერლო ასპარეზზეც მუშაობდა — მას უთარგმნია შექსპირიდან — „ვინძორის ცელქი ქალიშვილები“, ვ. ჰიუგოდან — „ანჯელო“, „მარიამ ტიუდორი“ და სხვ... შექსპირის „ვინძორის ცელქი ქალიშვილები“ მ. ვ. ჯამბაკურ-ორბელიანის თარგმანით პირველად წარმოდგენილ იქნა რუსთაველის სახელობის თეატრში 1924 წ. 20 ნოემბერს კ. მარჯანიშვილის რეჟისორობით.

1906 წელს თბილისის ქართული გიმნაზიის აკლებისა და შ. ჩიტაძის ვერაგულად მოკვლის შესახებ მ. ვ. ორბელიანმა ქ. ქენევაში გაგზავნა კორესპოდენცია, რომელიც კიდევაც დაიბეჭდა. მან პარიზის გაზეთებშიც მოათავსა რამდენიმე წერილი ჩვენი ცხოვრების სხვადასხვა საკითხზე...

10

გამგე კომიტეტის თავმჯდომარის ამხანაგად ხშირად იყო აგრეთვე ვასილ როსტომის-ძე ყიფიანი (1855—1936), რომლის მოკლე ბიოგრაფიას აქვე ვათავსებთ.

ვასილ ყიფიანი — ცნობილი პედაგოგი და საზოგადო მოღვაწე, დაიბადა ზემო ქართლში, სოფ. ყიფიანთაქარში, სურამის მაზლობლად, 1855 წლის 15 მარტს.

1863 წელს ვასილი მშობლებმა მიიბარეს ქუთაისის სახაზინო გიმნაზიაში, რომელიც მან 1873 წელს დაამთავრა. იმავე წელს ვასილი შევიდა ოდესის უნივერსიტეტში ფიზიკა-მათემატიკის ფაკულტეტზე. 1877 წელს ვასილმა უნივერსიტეტი ისევ წარჩინებულად დაამთავრა, რომ უნივერსიტეტის გამგეობამ მას წინადადება მისცა დარჩენილიყო უნივერსიტეტში სამეცნიერო ხარისხის მოსაპოვებლად, მაგრამ სამშობლოს სიყვარულით გატაცებულმა ვასილმა ისევ თავის ქვეყანას მიაშურა.

1877 წელს ვ. ყიფიანი დანიშნეს თემირხანშურის (ბუიანქისის) რეალურ სასწავლებელში მათემატიკის მასწავლებლად, საიდანაც იგი მალე გადაიყვანეს კავკასის (ქ. ორჯონიკიძე) პროგიმნაზიაში.

1882 წელს ვ. რ. ყიფიანი „საზოგადოების“ გამგე კომიტეტმა სათავედაზნაურო სკოლის ინსპექტორად — გამგედ მოიწვია. 1884 წელს ვასილი დაინიშნა ქუთაისის სათავედაზნაურო სკოლის ინსპექტორად, სადაც დაჰყო 1894 წლამდე. 1894 წელს ვასილმა ავადმყოფობის გამო ქუთაისის ქართულ გიმნაზიაში სამსახურს თავი დაანება და იგი არჩეულ იქნა თბილისის სასოფლო-სამეურნეო ბანკის დირექტორად.

თბილისისა და ქუთაისის ქართულ გიმნაზიების ყოფილი მოწაფეები დიდი სიყვარულითა და პატივისცემით იგონებდნენ და იგონებენ ვასილ როსტომის-ძე ყიფიანს, როგორც სამაგალითო პედაგოგსა და ადმინისტრატორს.

1893 წელს ვასილ ყიფიანმა შეადგინა და თავისი ხარჯით გა-



ვასილ ყიფიანი

მოსცა 676-გვერდიანი სახელმძღვანელო — „დაწყებითი ალგებრა“. ამ სახელმძღვანელოს შედგენის ამბავი ასე გადმოცა თვით ავტორმა. ერთხელ ქუთაისის ქართულ გიმნაზიაში რევიზორი მოვიდა, დაესწრო გაკვეთილებს და შემდეგ ჩემთან საუბარში თქვა: აი, თქვენ, ქართველები, ქართულ ენაზე საგნების სწავლების ნებართვას თხოულობთ, არ ვიცი კი, რა საბუთით, როცა თქვენ არც ერთი საგნის სახელმძღვანელო არ მოგეპოვებათო. — მე გავცეცხლდი და ვუპასუხე: — არა გვაქვს, მაგრამ მაღე, ძალიან მაღე გვექნება-

მეთქი. რევიზორის სიტყვებმა დამაფიქრა და იმავე დღეს გადავწყვიტე შემედგინა ალგებრის სახელმძღვანელო. მეორე დღეს კიდევაც დავიწყე მუშაობა.

ჩემი თხოვნით, ცნობილმა პედაგოგმა და დამსახურებულმა მასწავლებელმა ვ. გ. აბდუშელიშვილმა გაარჩია ვ. ყიფიანის „დაწყებითი ალგებრის“ სახელმძღვანელო და თავისი რეცენზია წერილობით მაცნობა. მომყავს შემოკლებით ვ. აბდუშელიშვილის რეცენზია სახელმძღვანელოს შესახებ:

„წიგნი შეიცავს 676 გვერდს. დამუშავებულია თეორიული მასალა და მოცემულია სათანადო სავარჯიშოები. ამრიგად, წიგნი წარმოადგენს ელემენტარული ალგებრის სახელმძღვანელოსაცა და კრებულსაც.

უნდა ითქვას განსვენებული ავტორის სასახელოდ, რომ ნაკირი საქმე მას მშვენივრად შეუსრულებია.

თეორიული ნაწილი წარმოადგენს ელემენტარული ალგებრის სისტემატურ კურსს. ყოველი საკითხი მოფიქრებულად და ამომწურავადაა დამუშავებული. დაწყებითი თავები გაშუქებულია კონკრეტულ მაგალითებზე და შემდეგ მოცემულია სათანადო წესები და დასკვნები, რაც პედაგოგიურად საეცებით გამართლებულია. შემდეგ თავებში ლოგიკური მსჯელობა თანდათან ძლიერდება და სათანადო წესები და ფორმულები დამტკიცებულია ჯეროვანი სიმკაცრით. არც ერთი საჭირო დეტალი და კერძო შემთხვევა ავტორს უყურადღებოდ არ დაუტოვებია.

სავარჯიშო მასალაში უხვადაა აღებული როგორც რიცხვითი ჯგულისები, აგრეთვე პირობიანი ამოცანები. ეს ნაწილი რომ ცალკე გამოიცეს, როგორც მიღებულია, იგი არ ჩამოუვარდება არც ერთ კრებულს არც მასალის რაოდენობით, არც მეთოდური დალაგებით და არც თავისი მათემატიკური შინაარსით.

ენის მხრივ წიგნი სავსებით გამართულია და მოსწავლისათვის მისაწვდომი.

საყურადღებოა აგრეთვე, რომ ავტორს წიგნი თავის ხარჯზე გამოუცია კარგ ქაღალდზე და კარგი შრიფტით. ამრიგად, ავტორი არ მორიდებია არც დიდი ენერგიის უანგაროდ დახარჯვას არც საგრძნობი ხარჯის გაწევას და სასახელოდ გაუკაფავს ის ეკლანი გზა შემდგომი თაობისათვის, რის გამო, ჩვენი ღრმა რწმენით მას საპატიო ადგილი ეკუთვნის ქართული სახელმძღვანელოების ავტორთა შორის“.

ვასილ ყიფიანი მხურვალე მონაწილეობას იღებდა ყველა ჩვენს საზოგადოებრივ საქმეში. 1897 წელს იგი არჩეული იყო ქალაქ

თბილისის საბჭოს ხმოსნად. მაგრამ მმართველი ბურჟუაზიული პირების მიერ, საბჭოთა ისეთი აუტანელი ატმოსფერო იყო შექმნილი, რომ ვასილი იძულებული გახდა ილია ჭავჭავაძესა, ნ. ნიკოლაძესა და სხვებთან ერთად თავი დაენებებინა ხმოსნობისათვის.

1894 წელს თბილისში დაარსდა „ტფილისის სასოფლო-სამეურნეო ბანკი“. როდესაც ბანკის წევრები შეუდგნენ გამგეობის წევრების გამონახვას, მათ გამგეობის თავმჯდომარედ ერთხმად დაასახელეს ვასილ ყიფიანი, როგორც ყოველად პატიოსანი და დიდი ენერგიითა და ცოდნით აღჭურვილი პიროვნება. მაგრამ ვასილმა უარი განაცხადა იმ მოსაზრებით, რომ თავმჯდომარე უთუოდ ბანკის წრეებში ცნობილი და კრედიტის მქონე უნდა იყოსო და მხოლოდ დირექტორობაზე დათანხმდა. ვასილი ამ თანამდებობაზე იჩენდა წინდახედულებას, ჩვენი მეურნეობის ცოდნას და სესხის გაცემაში სიფრთხილეს, რათა ახალგაზრდა ბანკს თავშივე საძირკველი არ გამოცლოდა. კიდევაც ამიტომ იგი უცვლელ დირექტორად დარჩა 1917 წლამდე, როცა ავადმყოფობის გამო იძულებული შეიქნა სამსახურისათვის თავი დაენებებინა. ბანკის წევრების საზოგადო კრებაზე ერთხმად დაადგინეს, რომ ვასილისათვის პენსიად 300 მანეთი დაენიშნათ, რაზედაც ვასილმა კატეგორიულად უარი განაცხადა:— ბანკს მაგოდენა ფულის გადახდა გაუჭირდება, მე კი ას მანეთს ვიკმარებო... დიდი თხოვნით შემდეგ ვასილი 150 მანეთს დათანხმდა...

ვასილ ყიფიანი დრამატურგიც იყო. მას ეკუთვნის ისტორიული დრამა სამეგრელოს ცხოვრებიდან—„სამეგრელოს მთავარი ლევან“, დაბეჭდილი და მრავალჯერ წარმოდგენილი როგორც თბილისში ისე რაიონებში, ვ. ყიფიანს ხელნაწერის სახით დარჩა პიესა „ზილოტი“—დრამა ოთხ მოქმედებად და „სისხლის ძიება“—დრამა 5 მოქმედებად მთიულების ცხოვრებიდან.

საბჭოთა ხელისუფლებამ ღირსეულად დააფასა ვასილ ყიფიანის ნაყოფიერი მოღვაწეობა პედაგოგიურ და სამწერლო ასპარეზზე და დაუნიშნა მას პერსონალური პენსია.

აქ მოკლედ უნდა მოვიხსენიო ჩვენს გიმნაზიაში მასწავლებლის არისტო ქუთათელაძის ხანგრძლივი და ნაყოფიერი სამსახური.

სამწუხაროდ, არისტო ქუთათელაძის ბიოგრაფიისათვის უფრო ვრცელი მასალა ვერსად შევკრებ და ამიტომ იძულებული ვარ დავმკაოფილდე ქვემოთ მოყვანილი ძალიან მცირე ცნობებით. არისტო ქუთათელაძე დაიბადა დაბა ზონში 1850 წელს. ქუთაისის გიმნაზიის დამთავრების შემდეგ იგი შევიდა პეტერბურგის (ახლანდელი ლენინგრადი) უნივერსიტეტის აღმოსავლური ენების ფაკულტეტზე, რომელიც 1878 წელს დაამთავრა. 1879 წელს იგი უკვე ზონის საისტატო

სემინარიის ქართული ენის მასწავლებელია, ხოლო 1884 წელს არისტო ქუთათელაძე ოლქის მზრუნველის განკარგულებით, როგორც „ქართული ხალხის თვით-არსებობისა და დამოუკიდებლობის მკადაგებელი“, დათხოვნილ იქნა სამსახური-დან. 1885 წლიდან ვიდრე 1906 წლამდე არისტო თბილისის ქართულ კერძო გიმნაზიაში მსახურობდა, სადაც მასწავლიდა ქართულ ენას და სამშობლოს გეოგრაფიას. 1898—1899 და 1900—1901 სასწავლო წლებში იგი გიმნაზიის გამგის



არისტო ქუთათელაძე

თანამემწე იყო. 1906 წელს ავადმყოფობის გამო მან სამსახურს თავი დაანება, ხოლო 1912 წლის ნოემბერში გარდაიცვალა.

არისტო ქუთათელაძე უკვე ხანში შესული სახელმწიფო მასწავლებელი იყო, როცა მე 1902 წელს მასწავლებლობა დავიწყე თბილისის ქართულ გიმნაზიაში, აქ გავხდი მოწმე მისი იშვიათი პოპულარობისა მოწაფეებში. არისტოს ყოველ თავისუფალ ღროს გარს ეხვეოდნენ მოწაფეები და ისიც ყოველთვის ნახულობდა თემას საქართველოს წარსული ან თანამედროვე ცხოვრებიდან და ცოცხალი იუმორით სავსე სიტყვებით ელაპარაკებოდა ხოლმე მოწაფეებს. დაესწრებივარ არისტოს გაკვეთილებს, და უნდა ვთქვა, რომ იგი ნამდვილი ხელოვანი მასწავლებელი იყო. მისი გაკვეთილები მეთოდურად გამართული და შინაარსით

მდიდარი, გარეგნულად შეტად ცოცხალი და მიმზიდველი იყო. მოწაფეები არისტოს თვალეზაბარწყინებულა იტაცებით უსმენდნენ. არისტოს ყოველმხრივ გამართული გაკეთილები იზიდავდა გარედან მოსულ მასწავლებლებსაც და ამიტომ ისინიც ხშირად ესწრებოდნენ მის გაკვეთილებს.

არისტო ქუთათელაძის ხონის საისტატო სემინარიაში სამსახურის შესახებ ტრ. ხუნდაძე სწერს: „ხონის საისტატო სემინარიის შევნიშვნაში 80-იანი წლების პირველ ნახევარში ნათელ სხვის წარმოადგენდა მასწავლებელი არისტო ქუთათელაძე, რომელიც თავისი ყოველდღიური მუშაობით სთესდა ნორჩი ახალგაზრდობის გულში კეთილშობილურ გრძნობებს და უხეში რუსიფიკაციის პირობებში აღვივებდა მოწაფეთა გულში სიყვარულს სამშობლოსადმი, საქართველოს წარსულისადმი და ქართული ლიტერატურისადმი“.

არისტო ქუთათელაძის სამსახურიდან მოხსნის შემდეგ სემინარიის დირექტორის ქართული ენის გაკვეთილები კინშე ლომთაძისათვის გადაუცია, მაგრამ ლომთაძეს დიღას ამ საგანზე დათანხმებულს, საღამოს უარი განუცხადებია. მოწაფეთა მღელვარე განწყობილების გამო, რომელიც გაიძახოდნენ: ქუთათელაძის მსგავსი მასწავლებელი არ გაგვივინია და არც შეიძლება იყოს...

1897 წელს არისტო ქუთათელაძეს შეუდგენია და გამოუცია სახელმძღვანელო „წყარო“, რომელიც სასწავლო ოლქის მიერ მოწონებული იყო. გაზეთ „ივერიაში“ ამ სახელმძღვანელოს შესახებ დაბეჭდილი ყოფილა „მე გახლავარ“-ის რეცენზია, რომელიც სახელმძღვანელოს იწონებს.

არ. ქუთათელაძის „არქეოლოგიური მოგზაურობა ატენში“ დაიბეჭდა ქუთაის „კვალში“ (ნ. 15), ხოლო „ნოვორეზინის ეკლესიის სიძველენი“ დაიბეჭდა „მოამბეში“.

არისტო ქუთათელაძეს შედგენილი და გამოცემული ჰქონდა კიდევ სახელმძღვანელო — „კონსპექტი საქართველოს ისტორიიდან“.

არისტო, როგორც კარგი მცოდნე ჩვენი სიძველეებისა, გამრჩევი ჩუქურთმებისა და კარგი წამითხველი ძველი წარწერებისა, დახმარებას უწევდა ცნობილ მკვლევარს ექ. თაყაიშვილს მის არქეოლოგიურ მოგზაურობებში.

არისტო მშვენიერი მცოდნე იყო ძველი საეკლესიო გალობისა, შეგროვილი და ნოტებზე გადაღებული ჰქონდა მრავალი ძველი საეკლესიო გალობა. რამდენადაც მახსოვს, ყველა ეს მასალა არისტომ ჩვენი გიმნაზიის გალობის მაშინდელ მასწავლებელს ზ. ფალიაშვილს გადასცა.

არისტო ქუთათელაძეს დიდი მესხიერება ჰქონდა, და ეს იყო მიზეზი, რომ მას აღარებელი ამბების მარაგი მოეპოვებოდა. ახლა, როგორი თხრობა იცოდა ამბებისა — ხალისიანი, ენაწყლიანი და იუმორით სავსე! აი, არისტოს მიერ გადმოცემული და ჩემს მესხიერებაში ჩარჩენილი ამბები.

ჩვენს საზოგადოებაში, ამბობდა არისტო, „კანტიკენტად, მაგრამ მაინც ლაპარაკობენ, თითქოს შექსპირის ცნობილი ტრაგედია „მეფე ლირი“ მართლმართო იე. მაჩაბლის თარგმანი იყოს და ილიას ამ თარგმანში მონაწილეობა არ მიეღოს. მე კი მოწმე ვიყავი, რომ 1873 წელს ილია მხტრვალე მონაწილეობას იღებდა მაჩაბელთან ერთად „მეფე ლირის“ თარგმანში. იმ დროს პეტერბურგის უნივერსიტეტის სტუდენტი ვიყავი და ვიცო, როგორ და რა პირობებში თარგმნებოდა „მეფე ლირი“. სასტუმროს ვრთ თოთხში, სადაც ილია და ეანო მუშაობდნენ, ერთი კუთხე თუჩირით იყო გამოყოფილი და თან ჩაბნელებული. თარგმნის დროს,

1 ტრ. ხუნდაძე, ცარიზმის საგანმანათლებლო პოლიტიკა საქართველოში.

როცა ძნელსა და რთულ აღგის შესვლებოდნენ ტექსტში, ილია შეაჩერებდა ხოლმე ვანოს, წავიდოდა ბნელ კუთხეში და კარგა ხნის ღუმლის შემდეგ იქიდან დაუწყებდა ძნელი აღგის კარნახს და ენოც დაიწყებდა წერას ილიას ნაკარნახევის მიხედვით.

* * *

ერთ დროს თბილისის ქართულ გიმნაზიაში მასწავლებლად მსახურობდა ა. ციმაკურიძე — კაცი ცოტა ფიცხი, ამპარტყიანი, ხოლო აღმზრდელად მსახურობდა ნ. თარხნიშვილი — საშინელი ოხუნჯი, ენამახვილი. ერთხელ, — შიამოთბს არისტო, — თარხნიშვილმა ციმაკურიძეს შემდეგი სიტყვებით შიმართა: შენ ამბობ აზნაური ვარო, სწორე გითბრა მევევება. სხვათაშორის, ციმაკურიძის გვარი „ქართლის ცხოვრებაში“ არსად არ შემხვედრიაო. — გაფხუციანდა. გაჯავრდა ციმაკურიძე, მაგრამ არსებითად თარხნიშვილს ეერა უპასუხა რა... მერე დღეს სახეგაბრწყინებელი ციმაკურიძე შედიდურად მიმართავს თარხნიშვილს: შენ გუშინ სულ ტყუილები დაფქვი... მე „ქართლის ცხოვრება“ გულდასმით გადავიკითხე და აი რა აღმოჩნდა: ჩემი გვარი — ციმაკურიძე — მეხუთე საუკუნეში არის მოხსენებული, შენი კი — თარხნიშვილისა — მხოლოდ მეჩვიდმეტე საუკუნეშიო... მაგრამ თარხნიშვილმა მოულოდნელად უცბად მოუტრა — მერე რა ეუყოთ, შე სულელო, მაგდენი არ იცი — ლმერთმა ჩერ ცხოველები გააჩინა და მერე ადამიანიო...

* * *

ციმაკურიძე ერთხელ გიმნაზიაში ახალი ქედით მოვიდა. თარხნიშვილი ეკითხება — რა მიეცი ქედში? — ოთხი მანეთი — უპასუხა ციმაკურიძემ. — საშინლად მეჯავრება, როცა ქედი თავზე უფრო ძვირი ღირს, — მიახალა თარხნიშვილმა, რამაცა ციმაკურიძე ძალიან გააბრაზა.

* * *

ჩვენი დიდი მსახიობის ვასო აბაშიძის შესახებ არისტომ შიამო: ვასო სხირტლაძის რესტორანში კარგა ხნის განმავლობაში ნისიად სადილობდა... ბოლოს სხირტლაძეს მობეზრდა ამდენი ნისია და თავისი ოფიციატები გააფრთხილა: ვასო აბაშიძეს ნისიად ნელარ ასადილებთ, როდემდის უნდა ვწერო მაგისი ნისიო. ერთხელ ვასომ ისადილა და ოფიციატს უთხრა, ჩაწერეთო, ოფიციატმა უპასუხა: სხირტლაძე წინააღმდეგობა ჩაწერისო. ვასომ ამაზე მიუგო: — თუ არ ჩაწერ, ზეპირად დაიმახსოვროსო და გზას გაუდგა.

* * *

ენობილი აღუკატი ი. გუნცაძე მარტოხელა კაცი იყო და ვასო აბაშიძეს შესთავაზა, ჩემთან ისადილე ხოლმეო. ვასომ, რასაკვირველია, სიამოვნებით მიიღო გუნცაძის წინადადება და დაიწყო მასთან სადილობა. ერთი თუ ორი თვის შემდეგ ვასო თავის მეგობარს ზოილს (ზოილი ნიჭიერი პუბლიცისტის დ. კეზელის ფსევდონიმია) შესჩივლებს — ავად ვარ, გუნცაძის სადილებმა კუჭი ამიშალაო... ზოილი იცინის და თან ვასოს ურჩევს: — მოდი, ვასო, უჩივლე გუნცაძეს, განცხადებას შე დაგიწერ... ვასომ თავისებურად ჩაიცინა და თქვა: პო, პო, კარგი იქნებაო. ზოილმაც დაწერა: ამა და ამ ქუჩაზე ი. გუნცაძის მიერ გახსნილ სასადილოში ესადილობდი. ცუდმა სადილებმა კუჭი დამიავადმყოფა. ამიტომ გთხოვთ გუნცაძეს ზარალი აანაზღაურებინოთ... დაახლოებით ასეთი შინაარსის, მაგრამ

მეტად იუმორისტული განცხადება დაუწერა ზოილმა ვასოს და გაატანა უზნის მოსამართლე ალ. ჭავჭავაძესთან. ალ. ჭავჭავაძე სამივეს კარგად იცნობდა; განცხადების წაქიზებისას ბევრი იცინა და, რასაკვირველია, საქმეს მსვლელობა არ მისცა. მაგრამ ეს სასაცილო ამბავი გახმაურდა, შეიტყო გუნცაძემაც და ნაწყენი კარგა ხანს ეუბრებოდა ვასოს.

პოლონეც კოტე ორბელიანს, — მიამბო არისტომ, — ზიძაშვილები ორბელიანები, მოუვიდნენ ახალი წლის მისალოცად. შემოუსხდნენ გაშლულ სუფრას კარგა ხანს იმასლათეს და შემდეგ ერთ-ერთმა ორბელიანმა კოტეს მიმართა: — გაიგე, კოტე, ღარვინი ამტკიცებს ადამიანი მაიმუნისაგან განსაზღვრულად. კოტემ გადაავლო თვალი თავის ზიძაშვილებს, შემდეგ კედელზე ჩამოკიდებულ ორბელიანთა წინაპრების სურათებს შეხედა და თქვა: მე კი ახლა გაჩვენებთ პირიქით — როგორ წარმოიშვა მაიმუნი ადამიანისაგანო, და მიუთითა დამსწრეთ ერთ-ერთ თავის ზიძაშვილზე, ალ. ორბელიანზე — პატარა, ჩია, ულამაზო კაცზე და კედელზე ჩამოკიდებულ ალ. ორბელიანის მამა-პაპის სურათებზე, რასაც ღიძი სიცილ-ხარხარი მოჰყვა...

* * *

დაავადებული არისტო ქუთათელაძე 1912 წ. 12 ნოემბერს გარდაიცვალა; იგი წაასვენეს დ. ხონში და იქ დაასაფლავეს 18 ნოემბერს. თბილისის ქართული გიმნაზიის პედსაბჭომ დასაფლავებაზე თავის წარმომადგენლად გაგზავნა არისტოს ყოფილი მოწაფე და თბილისის ქართული გიმნაზიის მასწავლებელი დ. პარკაძე, რომელმაც არისტოს საფლავზე გრძნობით სავსე სიტყვა წარმოთქვა. ამ სიტყვიდან ჩვენ აქ მარტო ერთს აღვიღებ მოვიყვანთ: „მრავალი ქართველი აღზრდილი სათნოიანო და სიყვარულით სავსე არისტო და, მგონი, უკეთეს ძეგლსაც ვერ იშატრდით, როგორიც შენ დაიდგი მათს გულში. დღეს ეს შენი აღზრდილი, გაუფრთხილნი საქართველოს სხვადასხვა კუთხეებში, იგონებენ შენ სპეტაკ და კეთილ სახეს და ფიცს სდებენ შენს წინაშე, ემსახურონ შედგარდ შენგნით დატოვებულ წმინდა ანდერძს — მამულისა და ერის აღორძინებას“.

1912 წლის 29 ნოემბერს „სახალხო გაზეთში“ დაიბეჭდა თბილისის ქართული გიმნაზიის ყოფილი მოწაფის პავლე დადუაძის წერილი „არისტო ქუთათელაძის გარდაცვალების გამო“. მოგვყავს ამ წერილიდან ორი ადგილი. „გული მომიცლია საყვარელი მასწავლებლის, მამის არ. ქუთათელაძის სიკვდილმა. აღარ ძგერს სიყვარულითა და სიკაცხლით სავსე გული ბავშვების მოყვარულის მასწავლებლისა და პატიოსანი, პირუთენელი ადამიან-მოქალაქისა“...

„ძვირფასი შიო, ვლადიმერ ლორთქიფანიძე, იოსებ მგალობლიშვილი, უცხო ტომის საყვარელი პერიკლე კორხანიდი და ამა, არისტოც გამოასალმა სოფელს უღმბოებლმა სიკვდილმა. ხელიდან გვეცლებიან ხელმძღვანელები, რომელთაც პირველად შეახეს თავისი მადლიანი ხელი ჩვენს ბავშვებს გულს, გადახსნეს იგი და მთელი თავისი უმწიკლო განძი შიგ შთაგვინერგეს. არისტო ამ ხელმძღვანელთა რიცხვს ეკუთნოდა და გულიც იმიტომ მიცვლება, სასომიხილი გულიც იმიტომ მეკუშმება.“

არისტო ქუთათელაძის გარდაცვალების გამო გაზ. „ცნობის ფურცელში“ მაშინდელ პეტროგრადიდან მოსული სამხმრის ღებეშა იყო დაბეჭდილი: „გგლოვობთ გულწრფელ მამულისშვილს, საყვარელ მასწავლებელს არისტოს, რომელმაც მთელი სიცოცხლე ახალგაზრდობის აღზრდას შესწირა და თავისი ტკბილი ქართულით ჩაგვინერგა სიყვარული მამულისადმი.“

თბილისის ქართული გიმნაზიის ყოფილი მოსწავლეები, პეტროგრადის სტუ-
დენტები: ვ. აბდუშელიშვილი, აგლაძე, ავალიშვილი, ალიბეგაშვილი, ბეშკენაძე,
ბერძენი, გაბაშვილი".

მოგვყავს იმავე გაზეთში დაბეჭდილი დეპეშა:

„უკანასკნელი საღამი არ. ქუთათელაძეს.

მუდამ პირმცენარე მეგობრული პირდაპირობით მოგვითხრობდა სამშობლოს
აღწერასა და ბუნებისმეტყველებას.

ჩემო საყვარელო მასწავლებელო, გვიან-ლა არის, მაგრამ მაინც მინდა დავა-
წიო შენს ჭერ კიდეგ თბილ გვამს ჩემი უკანასკნელი გამოშვებები და ბოდიში
მოვიხადო შენს წინაშე, რომ სიტყვებში ვერ გადავიხადე მადლობა შენი კეთილ-
შობილური აღმზანობისათვის.

ა. ლ. ჭ ა ე ა ხ ი შ ვ ი ლ ი"

თბილისის ქართული გიმნაზიის იღუმენი საზოგადო მოღვაწე-პედაგოგები
თითქმის მთელი ასი პროცენტით იყვნენ ჩაბმულნი ჩვენი ქვეყნის სხვადასხვა
კულტურულ და საზოგადოებრივ მუშაობაში: საეკერაო სკოლა, სახალხო სახლი,
სახალხო უნივერსიტეტი, ქ. შ. წ. კ. გ. საზოგადოება, საისტორიო და საეთნო-
გრაფიო საზოგადოება, დრამატული საზოგადოება, ფილარმონია, ყურნალ-გაზე-
თების რედაქტორ-გამომცემლობა, ტერმინოლოგიის დამუშავება სახელმძღვანე-
ლოების შედგენა და სხვ. ტერმინოლოგიის დამუშავებელ კომისიაში გიმნაზიის
მასწავლებლებს გარდა მონაწილეობდნენ კიდეც ი. ალხაიშვილი — ავტორი
პოპულარული წერილებისა ბუნებისმეტყველებიდან, ექიმები დ. ახვლედიანი და
ა. ლ. ბალარქიშვილი; აგრონომები — სხუნდაძე და ვ. რეხილაძე; ამ კომისიის
შიერ დამუშავებული ტერმინოლოგია დაიბეჭდა კიდეც ცალკე ნარკვევად
1914 წელს.

დ ა მ ა ტ ე ბ ა

ზოგიერთი ცნობა თბილისის ქართული გიმნაზიის პედაგოგიური
შემაჯავნელობისა და მოსწავლეობის შესახებ

ა) თბილისის ქართული გიმნაზიის გაშვებამდე — დირექტორებამდე
სხვადასხვა დროს იყვნენ:

1. შიო შიუქაშვილი — 1879 წ. თებერვლიდან 1879 წ. მაისამდე;
2. ი. გ. მაჩაბელი — (1879 — 1880 წწ.) — ცნობილი საზოგადო მოღვაწე;
შექსპირის პიესების მთარგმნელი;
3. ნ. ლომოური (1880 — 1882) — პედაგოგი, მწერალი, საზოგადო მოღვაწე
(1852 — 1915);
4. ვ. რ. ყოფიანი (1882 — 1885) — პედაგოგი, ავტორი ალგებრის სახელ-
მძღვანელოსი, დრამატურგი, საზოგადო მოღვაწე (1855 — 1935);
5. ა. ლ. ბ. ჭიჭინაძე (1885 — 1894) — ცნობილი პედაგოგი და საზოგადო
მოღვაწე;
6. ე. ს. თაყაიშვილი (1894 — 1904) — პედაგოგი, ჩვენი სიძველეთა
მკვლევარი, საზოგადო მოღვაწე;
7. შ. ა. ჩიტაძე (1904 — 1906) — გამოჩენილი პედაგოგი, პუბლიცისტი, სა-
ზოგადო მოღვაწე, ტრაგიკულად დაღუპული 1906 წ. (1873 — 1906);

* ფრჩხილებში ჩასმული თარიღები აღნიშნავენ თბილისის ქართულ გიმნა-
ზიაში დასახელებულ პირთა მოღვაწეობის პერიოდს.

8. ა. ბ. მდივანი (1906—1914)—ცნობილი პედაგოგი, საზოგადო მოღვაწე.
9. ა. ლ. ბ. კიკინაძე (1914—1917);
10. კოლეგია (ა. ნ. მიქაბერიძე, დ. გ. კარიჭაშვილი, ს. ლ. იაშვილი)—(1917—1918 წ.);
11. ს. ლ. იაშვილი (1921—1923).
- ბ) თბილისის ქართულ გიმნაზიაში სხვადასხვა დროს მასწავლებლებად იუვნენ:
 1. რ. ს. ჭაჭანაშვილი (1880—1899)—ავტორი არითმეტიკული ამოცანებისა;
 2. ს. ნ. ყოფიანი (1882—1883)—ცნობილი პედაგოგი, საზოგადო მოღვაწე-მწერალი;
 3. ლ. ი. აღნიაშვილი (1881 — 1885) — საზოგადო მოღვაწე. მან 1885 წელს შეადგინა მომღერალთა პირველი ქართული გუნდი. ლ. აღნიაშვილმა პირველმა იმპოზიურა ფერეიდანში. 1894 წ. დაიბეჭდა მისი წიგნი „სპარსეთი და იქაური ქართველები“ (1860—1904 წწ.);
 4. ა. მირიანაშვილი (1882—1885)—პედაგოგი, საბავშვო, იგავ-არაკების ავტორი;
 5. გ. დ. აგლაძე (1883—1906)—პედაგოგი რუსული ენის მასწავლებელი.
 6. ა. ნ. ბაირამაშვილი (1884—1887)—ქართული ენის მასწავლებელი.
 7. ნ. ვ. მთვარელიშვილი (1884—1902)—ქართული ენის მასწავლებელი.
 8. არ. ე. ქუთათელიძე (1885 — 1906) — ცნობილი პედაგოგი, საზოგადო მოღვაწე, ქართული ენის მასწავლებელი, ავტორი ქართული ენის სახელმძღვანელოს „წყაროსი“ და „საქართველოს ისტორიის კონსპექტისა“.
 9. ლ. მ. გუდუცანიშვილი (1888—1890)—მათემატიკის მასწავლებელი.
 10. ა. ნ. კლიოზარევი (1886—1887) — ფრანგული ენის მასწავლებელი.
 11. ივ. ევ. გამყრელიძე (1884—1887) —მათემატიკის მასწავლებელი. შემდეგ დირექტორი თბილისის 1-ლი სახელმწიფო გიმნაზიისა.
 12. ა. ი. ნათაძე (1884—1906)—ქართული ენის სახელმძღვანელო „ბავშვის მოკეთეს“ ავტორი, საზოგადო მოღვაწე (1864—1916).
 13. ა. ი. სლოვინსკი (1886—1888)—რუსული ენის მასწავლებელი.
 14. გ. იოსელიანი (1886—1900)—ცნობილი პედაგოგი, საზოგადო მოღვაწე.
 15. ა. ა. ნატროშვილი (1886—1888)—რუსული ენის მასწავლებელი.
 16. ბ. მ. ბალანჩივაძე (1887—1888)—სიმღერის მასწავლებელი, შემდეგ ცნობილი კომპოზიტორი.
 17. ზ. ი. ჩხიკვაძე (1890—1906)—გალობის მასწავლებელი, ცნობილი მუსიკისმცოდნე, საზოგადო მოღვაწე (1858—1930).
 18. პ. ხრაპკო (1886—1888)—ბერძნული ენის მასწავლებელი.
 19. დ. ა. გუდუცანიშვილი (1889—1906)—ექიმი.
 20. ნ. გ. გოგიტიძე (1893—1912)—მათემატიკის მასწავლებელი, პედაგოგი და საზოგადო მოღვაწე (1863—1929).
 21. ი. გ. რატიშვილი (1894—1906)—რუსულის, ისტორიისა და გეოგრაფიის მასწავლებელი, საზოგადო მოღვაწე.
 22. დ. გ. კარიჭაშვილი (1895—1915)—ქართული და ფრანგული ენების მასწავლებელი, საისტორიო მონოგრაფიების ავტორი, საზოგადო მოღვაწე.
 23. ი. პ. მგალობლიშვილი (1895—1906)—ლათინური და ბერძნული ენების მასწავლებელი.

24. ი. გ. მონადირიშვილი (1895—1912)—გალობის მასწავლებელი ლოტბარი.
25. ა. ა. პირხდოვი (1895—1900)—ხატვის მასწავლებელი.
26. პ. მ. კორხანიდი (1896—1906)—რუსული ენის მასწავლებელი.
27. ან. ნ. ყარაშვილი (1897—1923)—ცნობილი კომპოზიტორი.
28. ა. თ. ჭვარიშვილი (1897—1900)—ბერძნული ენის მასწავლებელი.
29. ა. ი. ხეცურიანი (1897—1901)—მათემატიკისა და ფიზიკის მასწავლებელი.
30. ა. პ. შამულაიშვილი (ლალიონი) (1897—1900)—ქართული ენის მასწავლებელი, მწერალი.
31. ალ. მ. გარსევანიშვილი (1897—1899)—რუსული ენის მასწავლებელი.
32. ვ. დ. ცვეტნიცკი (1897—1906)—რუსული ენისა და ისტორიის მასწავლებელი, პოლიტიკური ემიგრანტი.
33. ა. მ. ციმაკურიძე (1898—1906)—ქართული ენის მასწავლებელი, ზოგადი პაიენს ლექსებისა; ფსევდონიმი „სა“.
34. ვ. ბ. ლორთქიფანიძე (1898—1901) — (1906—1909) — ისტორიისა და ლათინური ენის მასწავლებელი, ვ. ლორთქიფანიძემ ფრანგულიდან თარგმნა: „საბერძნეთის ძველი ისტორია“ (დაიბეჭდა თბილისში, 1903 წ.), „რომის ისტორია“ და „საფრანგეთის დიდი რევოლუცია“ (დაიბეჭდა თბილისში 1906 წ.); საზოგადო მოღვაწე (1872—1909).
35. თ. დ. ავილოვი (1899—1904)—ფრანგული ენის მასწავლებელი.
36. ვ. ნ. პოკროვსკი (1899—1900)—ლათინური ენის მასწავლებელი.
37. ა. ვ. ბუში (1899—1901)—მუსიკის მასწავლებელი.
38. ა. ნ. ჩხეიძე (1899—1906)—ტანვარჯიშის მასწავლებელი.
39. ლ. ა. გალაჭვი — ვაჩნაძე (1900—1905)—ისტორიისა და ლათინური ენის მასწავლებელი.
40. ალ. ნ. შიქაბერიძე (1900—1918)—ლათინური ენის მასწავლებელი, მწერალი, საზოგადო მოღვაწე (1868—1943 წწ.).
41. ს. ი. ოცხელი (1900—1902)—ფიზიკის მასწავლებელი, მათემატიკის სახელმძღვანელოს ავტორი.
42. ა. ი. პალიცკა (1900—1904 წ.)—მუსიკის მასწავლებელი.
43. ვ. ი. კოლენკო (1900—1904)—არქიტექტურის მასწავლებელი.
44. დ. ე. ათაბაგი (1900—1906)—ქართული ენის მასწავლებელი.
45. ვ. ნ. დობროხოტოვი (1901—1902)—მუსიკის მასწავლებელი.
46. ალ. რ. მრეფელიშვილი (1901—1914)—ხატვის მასწავლებელი, ცნობილი მხატვარი.
47. ს. ლ. იაშვილი (1902—1923)—ბუნებისმეტყველების გეოგრაფიისა და ფიზიკის მასწავლებელი.
48. გ. ო. ურუშაძე (1902—1906)—ქართული ენის მასწავლებელი.
49. ხ. პ. ლლონტი (1903—1906)—ფიზიკის მასწავლებელი.
50. ს. რ. გორგაძე (1903—1906)—ქართული ენის მასწავლებელი, მწერალი, საზოგადო მოღვაწე.
51. ზ. პ. ფალიაშვილი (1903—1918)—გალობის მასწავლებელი, გიმნაზიაში დიდი გუნდისა და ორკესტრის მომწეობი, მონუმენტური ნაციონალური

- ოპერების „აბესალომ და ეთერის“ და „დაისის“ შემოქმედი, საქართველოს სსრ სახალხო არტისტი (1871—1933).
52. მ. ფ. ქორიძე (1904—1910)—რუსული ენის მასწავლებელი, რეჟისორი, ხელოვნების დამსახურებული მოღვაწე.
53. იუსტინე აბულაძე (1904—1906)—ქართული ენის მასწავლებელი, სტალინის სახელობის თბილისის სახელმწიფო უნივერსიტეტის პროფესორი, მეცნიერების დამსახურებული მოღვაწე.
54. ნ. გ. ახმეტელაშვილი (1904—1915)—რუსული ენის მასწავლებელი.
55. ლ. გ. ბოცვაძე (1906—1919)—ქართული ენის მასწავლებელი, ცნობილი პედაგოგი, ეურნალ „განათლების“ რედაქტორი, საზოგადო მოღვაწე.
56. ალ. ა. შახაბლიშვილი (1906—1917)—კანონმდებლობის მასწავლებელი.
57. ს. თ. გულისაშვილი (1907—1923)—ბუნებისმეტყველებისა და გეოგრაფიის მასწავლებელი.
58. ქ. გ. ღვინიაშვილი (1907—1923)—ფრანგული ენის მასწავლებელი.
59. ბ. ი. ლომინაძე (1907—1918)—ლათინური ენის მასწავლებელი.
60. გ. ა. ყაზახიშვილი (1907—1909)—ქართული ენის მასწავლებელი, გარდაიცვალა 1909 წელს (1875—1909 წ.).
61. გ. ა. ლემლეინი (1908—1914)—ფიზიკისა და მათემატიკის მასწავლებელი.
62. პ. გ. შამრაძე (1907—1910)—მათემატიკის მასწავლებელი.
63. ა. ი. ბაღარჯიშვილი (1907—1919)—ექიმი-პედაგოგი.
64. ნ. მ. ლორთქიფანიძე (1907—1912)—გერმანული ენის მასწავლებელი, ცნობილი მწერალი და საზოგადო მოღვაწე (1880—1944 წწ.).
65. გ. გ. ვოლსკი (1907—1909)—ქართული ენის მასწავლებელი, მწერალი „უშვიფარიძის“ ფსევდონიმით, ცნობილი საზოგადო მოღვაწე (1860—1909).
66. ალ. ფაღავე (1907—1912)—რუსული ენის მასწავლებელი.
67. პ. გ. მირიანაშვილი (1909—1923)—ქართული ენის მასწავლებელი, ავტორი ოპერა „აბესალომ და ეთერის“ ლიბრეტოსი, საზოგადო მოღვაწე.
68. მ. სიდოროვი (1908—1912)—რუსული ენის მასწავლებელი.
69. დ. დ. კილოსანიძე (1908—1913)—რუსული ენის მასწავლებელი.
70. ევ. ა. ქოღოშვილი (1908—1910)—მათემატიკის მასწავლებელი, დამსახურებული პედაგოგი.
71. თ. ნ. ლომოური (1910—1923)—რუსული ენისა და ისტორიის მასწავლებელი, უნივერსიტეტის დოცენტი.
72. ნ. ა. ბაქრაძე-ბოცვაძისა (1910—1920)—ქართული ენის მასწავლებელი, დამსახურებული პედაგოგი, ორდენოსანი.
73. გ. ს. ეგნატაშვილი (1910—1923)—ფიზიკულტურის მასწავლებელი, სპორტის დამსახურებული ოსტატი.
74. ნ. პაიკაძე (1910—1913)—რუსული ენის მასწავლებელი.
75. გ. ნათაძე, რუსული ენისა და ისტორიის მასწავლებელი (1909—1918); უნივერსიტეტის პროფესორი, დოქტორი, მეცნიერების დამსახურებული მოღვაწე.
76. პ. იოსელიანი (1910—1912)—ისტორიის მასწავლებელი, უნივერსიტეტის დოცენტი.

77. გ. გვერდწითელი (1910—1912)—მათემატიკის მასწავლებელი.
78. დ. ლ. პარკაძე, მათემატიკის მასწავლებელი, (1911—1923); დამსახურებული პედაგოგი, ორდენოსანი, გარდაიცვალა 1951 წ.
79. ალ. ხუციშვილი (1911—1917)—მათემატიკისა და ფიზიკის მასწავლებელი.
80. მ. დიმიტრიევი (1911—1913)—ლათინური ენის მასწავლებელი.
81. ა. დუბროვსკი (1912—1914)—რუსული ენის მასწავლებელი, უნივერსიტეტის პროფესორი.
82. ვ. გ. აბდუშელიშვილი, მათემატიკის მასწავლებელი (1910—1923); ცნობილი პედაგოგი, ორდენოსანი გარდაიცვალა 1948 წელს.
83. ლ. დეგენი (1912—1914)—რუსული ენის მასწავლებელი.
84. ი. პ. ვართაგავა (1912—1913)—ფსიქოლოგიისა და ლოგიკის მასწავლებელი, მწერალი, საზოგადო მოღვაწე.
85. ა. გ. ამირაჯიბი (1912—1914)—ხატვის მასწავლებელი.
86. ს. ნ. კაკაბაძე (1913—1914)—ისტორიის მასწავლებელი, პროფესორი.
87. ს. დ. ფურცელაძე (1914—1923)—რუსული ენის მასწავლებელი, დოცენტი, რუსული ენის სახელმძღვანელოების ავტორი.
88. ელ. დ. დოღობერიძე (1914—1921)—ისტორიის მასწავლებელი.
89. ვ. დ. ბარათაშვილი (1914—1916)—ხატვის მასწავლებელი.
90. ლ. პ. რუდნიკი (1914—1916)—ლათინური ენის მასწავლებელი.
91. ბ. პ. ყიფიანი (1914—1917)—ფრანგული ენის მასწავლებელი.
92. პლ. ქ. აბულაძე (1915—1923)—ლათინური ენის მასწავლებელი, დამსახურებული პედაგოგი, ლათინური ენის სახელმძღვანელოს ავტორი.
93. მ. ზ. ზაიდაძე, რუსული ენის მასწავლებელი (1915—1917); უნივერსიტეტის პროფესორი, დოქტორი.
94. გ. პ. კრასოვსკი (1915—1918)—ლათინური ენის მასწავლებელი.
95. იაკობ ნიკოლაძე (1915—1917)—ხატვის მასწავლებელი, სამხატვრო აკადემიის პროფესორი, ცნობილი მოქანდაკე.
96. კ. გამსახურდია (1916 — 1918) — გერმანული ენის მასწავლებელი, მწერალი, საქ. სსრ მეცნიერებათა აკადემიის ნამდვილი წევრი.
97. ლ. შენგელაია (ქიაჩელი) (1916 — 1918) — ქართული ენის მასწავლებელი, მწერალი.
98. შ. გ. შარაშიძე (1916 — 1918) — ქართული ენის მასწავლებელი.
99. დ. კასრაძე (1916 — 1918) — საქართველოს ისტორიის მასწავლებელი, მწერალი.
100. ქ. ჯ. ხარაძე (1916—1923)—ქართული ენის მასწავლებელი.
101. დ. ჩიხლაძე (1916 — 1923) — ქართული ენის მასწავლებელი, დამსახურებული პედაგოგი.
102. ს. ი. ქარცივაძე (1916 — 1918) — ქართული ენის მასწავლებელი.
103. აკაკი შანიძე (1917—1918)—ქართული ენის მასწავლებელი, პროფესორი, დოქტორი, საქ. სსრ მეცნიერებათა აკადემიის ნამდვილი წევრი.
104. ა. გ. ნაშორაძე, ისტორიის მასწავლებელი (1918 — 1923); თბილისის უნივერსიტეტის პროფესორი, დოქტორი.
105. გ. ა. მოსეშვილი (1918 — 1923) — ისტორიის მასწავლებელი.

106. დ. ა. დეკანოზიშვილი — მათემატიკის მასწავლებელი (1917—1919); დამსახურებული პედაგოგი.
107. ტ. ი. ხუნდაძე (1919—1920) — ისტორიის მასწავლებელი, პროფესორი, ისტორიის მეცნიერების დოქტორი.
108. თ. სახოკია (1920—1923) — ფრანგული ენის მასწავლებელი, მწერალი, საზოგადო მოღვაწე.
109. ა. პ. სვანაძე (1919—1923) — ფიზიკის მასწავლებელი, დამსახურებული პედაგოგი, ორდენოსანი.
110. ა. გ. სამსონია (1917—1923) — რუსული ენის მასწავლებელი, დოცენტი.
111. ა. ი. ჭანელიძე (1919—1923) — ფიზიკის მასწავლებელი, პროფესორი, დოქტორი, საქ. სსრ მეცნიერებათა აკადემიის ნამდვილი წევრი.
112. კლ. შარაშენიძე (1920—1923) — მათემატიკის მასწავლებელი, დოცენტი.
113. ალ. დევიძე (1921—1923) — მათემატიკის მასწავლებელი.
114. ნ. შამინიაშვილი (1920—1922) — არითმეტიკის მასწავლებელი.
115. თ. ა. ყაზახაშვილი (1920—1923) — მათემატიკის მასწავლებელი, დამსახურებული პედაგოგი, ორდენოსანი.
116. ს. ი. ბერეჟიანი (1919—1923) — ბუნებისმეტყველების მასწავლებელი, დამსახურებული პედაგოგი.
117. პ. დ. შამინიაშვილი (1918—1923) — გერმანული ენის მასწავლებელი.
118. ერ. დ. ტატიშვილი (1921—1923) — გერმანული ენის მასწავლებელი, დოცენტი (1884—1946 წწ.).
119. პ. ი. გადახაბაძე (1920—1923) — ფიზიკის მასწავლებელი.
120. ს. დ. შამალაძე (1916—1919) — რუსული ენის მასწავლებელი, დამსახურებული პედაგოგი შრომის გმირი.
121. ლ. ნ. ჩიშაქაძე (1915—1919) — არითმეტიკის მასწავლებელი, დამსახურებული პედაგოგი.
122. კ. ს. ზაბეჟნეი (1898—1901) — რუსული ენის მასწავლებელი.
123. ზ. ა. ნიკიტკი (1897—1903) — რუსული ენის მასწავლებელი.
124. ა. ბარსოვი (1900—1904) — რუსული ენის მასწავლებელი.
125. გ. სვანაძე (1916—1919) — გალობის მასწავლებელი და სხვ.

გ) აღმზრდელები პანსიონში

1. ი. მ. ზედგინიძე — შემდეგ ცნობილი პედაგოგი; 2. ნ. ლ. თარხნიშვილი; 3. ალ. ნ. შიქაბერიძე; 4. ი. თ. ნიჟარაძე — დამსახურებული მასწავლებელი, დოცენტი; 5. კ. ზ. შაყაშვილი — პოეტი, საზოგადო მოღვაწე; 6. კ. ი. ჭაფარიძე — ადვოკატი; 7. ნ. კ. აღნიაშვილი (საფუარანგეთში ჰქონდა გათავებული აგრონომიული ფაკულტეტი); 8. ს. პ. ფედოროვსკი; 9. ნ. ცხვედაძე (ახლა ექიმი); 10. ნიკო. გიორგის ასული ჭავჭავიშვილი; 11. მარიამ გრიგოლის ასული მედიქიშვილი — პროფესორ პეტრე მელიქიშვილის და; 12. პელოსულებიანის ასული.

დ) კლასის დამრიგებლის თანაშემწენი:

1. ნ. ა. ცერცვაძე; 2. ზ. ი. ჯანდელაძე; 3. ნ. დ. ჭავჭავაძე; 4. თ. ნ. ბერიშვილი; 6. ი. კ. შირიანაშვილი; 6. გ. ვ. შიშინაშვილი; 7. გ. ზ. ბსრაბაშვილი; 8. ს. ა. გრძელიშვილი; 9. ი. გომელაური — შრომის გმირი, დამსახურებული მასწავლებელი, ორდენოსანი; 10. გ. ი. კობახიძე; 11. ა. გ. ვაჩეჩილაძე; 12. არ. ნ. ავალიშვილი; 13. ი. გ. სამადაშვილი; 14. ვ. დ. ჩახნაშვილი; 15. ა. წერეთელი; 16. ნ. პ. ჭავჭავაძე.

ე) საქმის მწარმოებლები:

1. დ. პ. ეპიტაშვილი; 2. პ. გ. შირიანაშვილი; 3. გ. პ. მამუკაშვილი; 4. გ. წ. ბერძენიშვილი; 5. ა. ნ. ავალიშვილი; 6. ც. პ. ახვლედიანი; 7. ს. ნ. მამაყაშვილი; 8. თ. გ. წერეთელი — შექმნა ცნობილი მომღერალი; 9. მ. ნ. ფავლენიშვილი; 10. ზ. გ. ნამოსრაძე; — მათვე გიმნაზიის ყოფილი მოწაფე, შემდეგში დოცენტი, რომელიც ტრაგიკულად დაიღუპა 1937 წ.

ვ) ეკონომები პანსიონში:

1. ელ. ჭაბადარი (1887—1904 წწ.); 2. დ. დუმბაძე (1904—1906 წწ.), შეთავსებით — შენობის გამგე; 3. ა. ი. ცალქალაძე (1906—1907 წწ.); 4. ირ. რამიშვილი (1914—1918 წწ.) — შენობის გამგე.

ზ) თბილისის ქართული გიმნაზიის ეურსდამთავრებულები:

თბილისის ქართულმა გიმნაზიამ, არსებობის 44 წლის მანძილზე თავის წელიწადში შეიტანა ქართველი ერის გონებრივი წარმატების საქმეში. ნაციონალურ-კოლონიური ჩაგვრის პირობებში ეს გიმნაზია საგანმანათლებლო-ეკლტურული ცენტრი იყო საქართველოში.

საგზაო აღენიშნათ, რომ სასწავლებლის დაარსებიდან (1879 წ.) ვიდრე 1923 წლის 1 სექტემბრამდე დაახლოებით 14.770 მოწაფე სწავლობდა გიმნაზიაში. მას შემდეგ, რაც ქართულ გიმნაზიაში მერვე კლასი გაიხსნა 1899 წლიდან, ვიდრე 1923 წლამდე, დაახლოებით 747 მოწაფემ დაასრულა ამ გიმნაზიაში ეურსი.

ჩვენი ქვეყნის სხვადასხვა დაწესებულებებში თბილისის ქართული გიმნაზიის ბევრი ნამოწაფარი მუშაობს.

ჩვენს უნივერსიტეტსა და ინსტიტუტებში ამ გიმნაზიის 100-მდე ნამოწაფარი ეწევა მეცნიერულ მუშაობას. მათ შორის 40-ზე მეტი პროფესორია, ხოლო აღ. ნ. ჭავჭავაძე, გ. ს. ახვლედიანი, ნ. ნ. კეცხოველი, დალ. ა. ყანჩაველი საქართველოს სსრ მეცნიერებათა აკადემიის ნამდვილი წევრები არიან. გ. მუხაძე, გ. გელეანიშვილი და ე. კ. ხარაძე — აკადემიის წევრ-კორესპონდენტები, გ. ნ. ნათაძე — სსრ კავშირის სამედიცინო აკადემიის წევრ-კორესპონდენტია.

პროფესორები და დოცენტები: დ. ნ. ჭავჭავაძე, გ. გელეანიშვილი, დ. ჭავჭავაძე, გ. ი. ნათაძე, ა. გზირიშვილი, გ. ს. ახვლედიანი, ნ. ნ. კეცხოველი, გ. მ. მუხაძე, ლ. ხიზანიშვილი, ა. ფაღვა, არ. ა. გულისაშვილი, მის. ზ. ზანდუკელი, აღ. გ. ნამოსრაძე, ი. გ. გელესიანი, ან. ბეგიაშვილი, ირ. დ. ბათიაშვილი, დ. ქ. იაშვილი, დ. გ. აგლაძე, ლ. მ. ყანჩაველი, ს. ნ. ქარაშიძე, კ. სპ. ბაქრაძე.

ე. კ. ხარაძე, გ. მ. ნათაძე, მ. ნ. შალამბერიძე, ზ. ნ. მაისურაძე, გ. ა. დიდუბელიძე, გ. ბ. კილაძე, დ. ტუსკია, გ. ზ. ჩხიკვაძე, შ. ასლანიშვილი, ა. ბეშქენაძე, ელ. დონაძე, ირ. მ. მენთეშაშვილი, ლ. დ. ცისკარიშვილი, ი. ტატიშვილი, ან. ზაალიშვილი, ვ. მირზაშვილი, დ. ო. ლორთქიფანიძე, გ. ხუნდაძე, ს. ნარიკაშვილი, ნ. ი. ძიძიშვილი, ნ. აღუქსიძე, ლ. ს. იაშვილი, გ. რატიშვილი, გ. გველესიანი, გ. ბაქრაძე, ლ. გველესიანი, დ. ჭახელიძე, ირ. აბაშიძე, მ. გაბრიჩიძე, და სხვები. დამსახურებული მასწავლებლები: ს. ლორთქიფანიძე, გ. კვაჭაძე, დ. ნაჭყეაძე და სხვები. სპორტის დამსახურებული ოსტატები: არ. ბაქრაძე, ირ. ჩხიკვაძე, გ. მერკვილაძე, დ. გელაძე, მ. შაჰავარიანი, ზ. კეცხოველი — გემოკვების მინისტრი. ინჟინრები: ვ. ეპიტაშვილი — თბილისის საბჭოს თავმჯდომარის პირველი მოადგილე, ელ. შარაშენიძე — თბილისის წყალსადენი ტრესტის უფროსი, შ. ახალკაცი — წყალთა მეურნეობის სამინისტროს წამყვანი სპეციალისტი, ირ. ლორთქიფანიძე — ზესტაფონის ფეროშენადნობი ქარხნის უფროსი ინჟინერი, ლ. თოთაძე — რუსთავეის მეტალურგიული ქარხნის სატრანსპორტო განყოფილების უფროსი.

ხელოვნების სხვადასხვა დარგში მომუშავეთაგან არიან შემდეგი ნამოწაფარნი: საქართველოს სსრ სახალხო არტისტები: ვ. გომიაშვილი, გ. სარჩიშვილი, პ. კობახიძე, ნ. გვარაძე; საქართველოს სსრ ხელოვნების დამსახურებული მოღვაწეები კომპოზიტორები: გ. კილაძე, ი. ტუსკია, ლ. პ. ფალიაშვილი, აკ. ანდრიაშვილი; რეჟისორები: შ. აღსაბაძე, არ. ჩხარტიშვილი, შ. წერეთელი, გ. ყიფშიძე ლ. ციკაგი; მუსიკის მცოდნეები და პედაგოგები: დ. სულხანიშვილი, შ. ასლანიშვილი, გ. ჩხიკვაძე, ლ. დონაძე; ქორეოგრაფი: დ. ჭავჭავაძე; დირიჟორები: მ. ბორჩხაძე, ირ. კანდელაკი, ვ. ნეიშანი, მ. ძიძიშვილი; მხატვრები: ირ. თოძე, ს. ვირსალაძე, შ. შაყაშვილი, ი. შაისაშვილი, ი. გაბაშვილი, გ. ჩხიკვაძე, შ. ბერიტაშვილი, ს. ნ. კეცხოველი; დ. გელეგანიშვილი; მომღერლები: ვ. სარაჯიშვილი, ნ. ელიოზიშვილი, გ. სიხარულიძე, ა. ბერიშვილი; მწერლები: ს. შანშიაშვილი, ი. გრიშაშვილი, ი. ტატიშვილი, დ. თურდოსპირელი, მ. მრეველიშვილი, გ. ქუჩიშვილი, დ. დუმბაძე, დ. შენგელაია, ს. მთვარაძე, ალ. ბურთიკაშვილი, ე. ზედგინიძე და სხვ.

რედაქტორი ვ. ქ ა ჯ ა ა ა

ტექნორედაქტორი ხ. ლორთქიფანიძე

კორექტორი ლ. ჯაჯანიძე

შელმოწერილია დასაბეჭდად 16/III-56 წ., ანაწყოების ზომა 6X10, ქაღალდის
ზომა 60X92. სასტამბო ფორმათა რაოდენობა 9,2, სააღრიცხვო-საგამომ-
ცემლო—8,39. სავეტორო—8,18.

ფასი 4 მან.

შეკვ. № 2122.

ტირაჟი 2.000.

უე 02221.

საქართველოს სსრ კულტურის სამინისტროს გამომცემლობისა და
პოლიგრაფიული მრეწველობის შთავარი სამმართველოს სტამბა № 2.
თბილისი, ფურცელაძის ქ. № 5.

Типография № 2 Главного управления издательств и полиграфия-
ческой промышленности Министерства культуры Грузинской ССР.
Тбилиси, ул. Пурцеладзе № 5.

8360 4 835

12/12

С. ЯШВИЛИ

МАТЕРИАЛЫ К ИСТОРИИ ТБИЛИССКОЙ
ГРУЗИНСКОЙ ГИМНАЗИИ (1879—1923 г.г.)

(На грузинском языке)

Издательство научно-исследовательского института
педагогических наук Министерства просвещения
Грузинской ССР

Тбилиси—1956